

**MANUDUCTIO  
AD COELUM.  
AC PRINCIPIA,  
&  
DOCUMENTA...**


---

Giovanni Bona,  
Alessandro Dalla Via, ...









*Ad simplicitatem usum P. Nicolai Sirini  
a Valentino M.O. 1828*

HAC ITER AD SVPEROS.





REGISTERED





MANVDVCTIO  
AD COELVM.

AC

PRINCIPIA,  
& DOCUMENTA

VITAE CHRISTIANAE.

IOANNIS  
BOENAE

*Eminentissimi S. R. E.*

Titulo S. Bernardi ad Thermas  
Cardinalis Presbyteri


---

*Illustriss. & Reuerendiss. D.D.*

ALOYSIO

R V Z I N O.

Ecclesiae Ducalis D. Marci  
PRIMICERIO.



VENETIIS. M. DC. XCVII.

Typis Io: Baptistae Zuccati.

*Superiorum Permissu.*

*Ed. Lib. Francisci Sarni*

MANVAVCTIO

AD COELVM

N. C.

PRINCIPALIA

ET DOCUMENTA

VIRAE CHRISTIANAE

IOANNIS

BOHEMI

ET

ET

ET

ALIOY

ALIOY

ALIOY

ALIOY

ALIOY

ALIOY

ALIOY

ALIOY

ALIOY

ALIOY

ILLVSTRISSIMO,  
ET  
REVERENDISSIMO D.D.

ALOYSIO  
RVZINO.

Ecclesiæ Ducalis D. Marci

PRIMICERIO.

I. B. L. F.



Vm denuò,  
optimum E-  
minentissimi CARDINA-  
LIS BONAE Opusculum,  
tamquam nouum Enchiri-  
dium,



dium ; omnium manibus  
terendum , in lucem pro-  
deat , tanti Cardinalis re-  
florescentis memoriæ iniu-  
rius essem , si alium Patro-  
num adsciscerem quàm te  
Illustrissime ac Reverendiss.  
Præsul , cuius Ecclesiasticæ  
vitæ limina , an lumina ,  
adeò cunctis hominibus mi-  
cant , vt sint veluti lucernæ  
religiosæ charitatis flamma ,  
& sapientiæ lumine arden-  
tes , quarum ductu , tuta  
sit omnibus ad COELVM  
MANVDVCTIO. Quæ au-  
tem Cardinalis aureo in li-  
bello gravioribus sententijs ,  
quàm verbis resecto , præ-  
cepta ad Sanctissimæ vitæ  
institutionem traduntur ,  
Tu opere pro dignitate  
adimplere potuisti , quæq;  
Ipse




Ipse docet , dum dicit , Tu  
naturali probitate facis ,  
adeo ut vel tum , cum Opus-  
culum suum Cardinalis ela-  
boraret, Arcana quadam Di-  
vinatione , in tua exempla-  
ri vita , virtutes tuas, tam-  
quam in Archetypo præsi-  
gnaret . Tu planè Censura ,  
& Norma Religiosæ Pietatis,  
ad quam natus potius , quàm  
factus videris . Quid ergo  
mirum , si non tuus Sacra-  
tus Apex , qui è Capite ful-  
gurat , non violaceus Sacræ  
Vestis color, non Superum, ac  
**SERENISSIMI PRINCIPIS**  
cōsanguinei tui Indulgentia,  
Te Divi Marci Basilicæ An-  
tistitem inauguratum osten-  
tant , sed eximiæ tuæ , ac  
pientissimæ Dotes , quæ me-  
liori pompa , & citra huma-  
num

num fastum , se prodeunt  
admirandæ . Itaque nihil  
sublime , nihil rarum , ni-  
hil pretiosum ad animicul-  
tum exornandum in CAR-  
DINALI BONA invenies ,  
quod prius ab excelsa mentis  
tuæ indole , non hauseris ,  
non expresseris . In alienum  
hortum non ingrederis , dum  
moralis virtutis fructus de-  
cerpis , dum legis , sed in  
tuum . Quamobrem quis  
non fatebitur iure , ac me-  
rito dicandum tibi Cardina-  
lis Opusculum , dum velu-  
ti in Speculo vivam morum  
tuorum imaginem recogno-  
scis ? Quisquis .n. attentè  
hunc libellum perlegit , nescit  
an CARDINALIS BONAE  
ingenium admiretur , an  
absolutissimum tuæ vitæ  
exem-

exemplar . Excipe igitur  
Illustrissime, ac Reverendiss.  
Præsul , qua soles humani-  
tate , hoc addictissimi erga  
te obsequij testimonium , &  
persuadeas tibi velim nemi-  
nem me obsequentiozem ha-  
biturum . Ad Ecclesiasticæ  
Reipublicæ lumen , & co-  
lumen diu vive , & sicuti  
Parem eminentioribus virtu-  
tibus, te omnes cognoscunt,  
ita quoq; Dignitate præstare  
intueantur.







# MANVDVCTIO

AD COELVM.

Medullam continens Sancto-  
rum Patrum, & veterum  
Philosophorum.

---

## PRAEFATIO

*Ad Lectorem.*



Vo sunt, quæ in  
vestibulo huius  
mei libelli me  
tecum præfari  
oportet, Lector  
benevole. Nam  
primitus ve-  
reor, ne me aliqui impudentiæ,  
& temeritatis accusent. Quomo-  
do enim, inquier, ad cœlum ho-  
mines

mines manuducere præsumis, ipse prorsus terræ affixus? Aut quâ fiducia describere virtutem aggrederis, cui præstandæ idoneus non es? Deinde, quid novi hac tua nobis lucubratione profers? Rem antiquam, ab innumeris penè Scriptoribus doctè & eleganter pertractatam, fastidiosa, & rudi repetitione recantas: opesque alienas, tanquam tuas, superbo mendacio ostentas.

Hæ sunt voces, quibus convellere studium meum nonnulli forsitan conabuntur. Sed primum me excusabo prudentis illius dicto; quia

— *fungor vice cotis, acutum.*

*Reddere qua ferrum valet, exors  
ipsa secandi.*

&, ut alterius Sapientis verba usurpem: *Non sum tam improbus, ut curationes æger obeam, sed tanquam in eodem valetudinario iaceam, de communi malo tecum collo.*

*colloquor; remedia communico. Sic  
itaque me audi, tanquam mecum lo-  
quar: in secretum te meum admit-  
to. Discentem discipulum. & me-  
ipsum erudentem, non docen-  
tem magistrum, hinc me profiteor:  
nam mutuò ista fiunt; & dum do-  
cent homines, discunt.*


Quod autē secundo loco obje-  
ctum est, non aliter diluere pos-  
sum, quàm ingenuè fatendo, pau-  
ca hic de meo, pleraque aliena  
esse. Congessi huc plurima, vel  
quæ propria didici experientia,  
vel quæ mihi profutura intellexi,  
dum Sanctorum Patrum, & vete-  
rum Philosophorum scripta per-  
currerem. Sed, apum more, varia  
libamenta in unum saporem con-  
fudi, quædam admiscens propriis  
Auctorum verbis, quædam meo  
stylo: quem facilem esse volui &  
sine fucò; quia facere hic doceo,  
non dicere. Habes hinc igitur om-  
nium moralium institutionum,  
quas ad benè, beateq; vivendum  
San;



Sancti Patres tradiderunt, compendium quoddam, & breviariū: habes Senecæ, Epicteti, Antonini, aliorumq; Sapientum, placita meliora. Placuit autem salutare admonitiones, quas efficaces esse in meis malis expertus sum, omissa locorum citatione è quibus eruuntur, breviter indicare: remedia enim hæc animæ sunt, non ingenii lenocinia: nec delectare hic intendo, sed prodesse. Non quærit æger, quis potionem miscuerit; vel unde pharmaca accepta sint, dummodò sanent. Multa omisi, quæ dicere poteram; multa, quæ subtilius explicare. Magis enim prodest, pauca præcepta sapientiæ tenere, quæ in promptu semper, & usu sint, quàm multa discere, & illa ad manū non habere. Multū didicit, qui scit quātū saluti satis est. Faxit Deus, ut hic meus qualiscunq; labor, omnibus plurimū profit; sed mihi præcipuè, ne dicta mea, factis deficientibus, erubescant.

MANV.





# MANVDVCTIO

A D COELVM.

Medullam continens Sanctorum  
Patrum, & veterum  
Philosophorum.

---

## C A P V T I.

De fine vltimo hominis.

*Quàm malum sit ab eo defletere. Quibus  
medijs, & quo ordine ad ipsum  
perueniatur.*

I.



D Coelum te manu-  
ducere propositum  
mihi est, quicum-  
que hæc legis: ad il-  
lud scilicet bonum,  
quo adeptu, nihil  
possis vltius desi-  
derare. Hic est sco-  
pus, hæc meta, ad quam omnium vo-  
ta naturali propensione suspirant. Om-  
nes beati esse volunt. Sed ob culpam  
A pri-

primi parentis plerique obcoecati, relicto vero, & summo bono, ad falsa, & fucata quærenda se inutiliter applicauerunt. Et hi quidem, summum bonum, existimantes nulla re indigere: diuitijs hoc nomen imponunt. Alij, summum bonum in summa potentia constituentes, vel regnare ipsi volunt, vel regnantibus adhærere. Quidam verò, vsque ad sordida descendentes, felicissimum putant voluptatibus diffluere, qui summi boni possessionem carne, & gula metiuntur. Tanta apud istos beatitudinis vilitas est. Sic laborantes sine fructu, ac veluti errantes in labyrintho, quò velociùs ad bonum properant, eò longiùs abscedunt: ideo infelices, quia suam non agnoscunt infelicitatem.

II. Hæc res est, quæ magnis te malis inuoluit, miserabilis homo, quòd beatè quidem viuere, & beatè mori desideras; sed ad videndum quid sit beatitudo, & quomodo ad eam perueniatur, stultus, & cœcuses, de uio errore per varios anfractus incedens. Quicquid agis, quicquid cupis, quicquid moliris contrate est. Non enim respicis illud bonum immensum, in quo sistere debet voluntas tua: quia ultra summum non est locus: sed vagaris sine proposito instar formicarum per arbuſtarepentium, quæ in summum  
caca-

cacumen, deinde in imum inanes aguntur. Deus omnium conditor è nihilo te creauit, vt ipsum solum ames; ipsi soli seruias tota mente, toto affectu. Sicut necessarium est illum esse, ita & esse vltimum finem. Scriò cogita, quantam tuæ vitæ partem illi tribuas, cui te totum impendere debes. Errant studia & consilia tua, si ad ipsum non diriguntur. Sicut finis vitæ tuæ locus est, quò tendis; quò cum perueneris, quiesces: Sic finis vitæ tuæ Deus est, ad quem referre debes quicquid cogitas, quicquid loqueris, quicquid agis, donec ipso adepto omnia vota compleantur. *Ad æternum ducit interitum, quicquid ab vltimo fine abducit.*

III. Quemadmodum in nauigatione subducto nauigio si aequatum exieris, obiter in littore aut cochleam colliges, aut bulbum; animo autem in nauim semper intento sollicitus eris, ne gubernator vocet: ac tunc relictis omnibus ad nauim properabis: sic tibi in vita agendum est. Mente semper in Deum fixa, ita rebus externis vtere, vt cordi minimè inhæreant, nec te à proposito fine dimoueant. Seruiunt illæ tibi, vt tu seruias Deo. Alioquin à diuina deficiens vnitate ad plura non necessaria dispergeris: totque colis idola quot sunt creatu-



ræ, quas inordinato affectu prosequeris. Hi sunt Dij tui, quibus non bovem, non hircum; sed te ipsum, tuamque salutem turpi sacrilegio immolas. Non patitur lex amoris quidpiam cum Deo amari, nisi in Deo, & propter Deum. *Summa perditio est à summo bono deflectere, & converti ad creaturas.*

IV. Quod Princeps Medicorum de impuris corporibus ait: quò magis alantur, eò ampliùs lædi; id etiam de animis dicendum est. Nam, qui à prava consuetudine ad meliorem statum transire incipiunt, malæ vitæ venenum priùs euomere debent: ac tum, animo expurgato, solida virtutum percipere alimenta. Ipsa autem purgatio sic perficienda est, ut quotquot admisti peccata expientur, tum omnis erga illa affectus exuatur: vitiosi habitus eradicentur: malæ propensiones, & appetitus immoderati sub rationis imperio coerceantur: caro castigetur: quæ corpori sunt necessaria, ad iustum moderamen redigantur: freenum linguæ, ac sensibus imponatur: quæcumque ad arcem virtutis properanti moram iniicere possunt, penitus exterminentur. Quid trepidas, viamque tibi ad beatitudinem difficilem fingis? Tu te ipsum facere beatum potes, eò vires suppeditante, qui

*Ad Cælum:*

qui principium tuum, & finis est. A te autem debes exire, ut ad eum pervenias. Eo vicinior illi fies, quo à te ipso remotior fueris.

V. Proponendum est itaque primò, quid appetas, quò properes: tum, via circumspicienda, quà summum illud bonum adipiscaris, intellecturus in ipso itinere, quantum quotidie proficias. Perlustra sedulò conscientiam tuam, & caligantes oculos aperiens, solerter adverte, qualis debeas esse, dum aliùs fieri potes. Serò fraudem agnosces, cùm vitare nequibis. Disce, quo remedio cupiditatum mansuescat insania, quo fræno timorum sævitia compescatur. Disce terrena despiciere, & ab his sponte discede, quæ diutecum esse non possunt. Omnia relinque, antequam relinquaris: ut cùm venerit mors, nihil in te reperiatur, quòd possit abolere. Curam autem præcipuam animæ impende, ut quæ excellentia prior est, non sit cultu posterior. *Quid prodest homini si universum mundum lucretur animæ verò suæ detrimentum patiatur? Nullum est lucrum, ubi salutis est damnum.*

## C A P V T II,

Cupienti benè viuere, morum instructor eligendus est.

*Qualis hic esse debeat. Officia discipuli.*

**N**ihil magis necessarium incipienti seruire Deo, quàm vt se regi, & institui ab optimo præceptore sinat. Quis enim iter ignotum sine duce aggrediatur? Quis difficillimam artem ediscat sine magistro? Paucos numerabis, qui seipsum protulerint, qui sine ullius adiutorio ad virtutem exierint. Quid vniuersim fieri oporteat, & mandari absentibus potest, & posteris scribi. Quando autem, & quemadmodum quidpiam fieri debeat, ex longinquo nemo suadebit: cum rebus ipsis deliberandum est. Non potest Medicus per epistolam cibi, aut pharmaci tempus præscribere: vena tangenda est. Ita etiam in curandis animi morbis quædam sunt, quæ non nisi à præsentente monstrantur. Paulus futurus Doctor gentium, postquam conuersus à Christo fuit, missus est ad Ananiam, vt ab eo disceret viam vitæ. Durum & laboriosum negotium aggressus es, malignitatem naturæ vincere, cum spiritualibus nequitis coluctari, & ad virtutem te ipsum  
per-



producere, inter tot obstantia, & impedientia. Quare aliquem inuocare oportet, qui manum porrigat adiutricem, qui ostendat pericula, insidias detegat, & in ancipiti pugna iustruat ad victoriam. Sed dicis mihi. Quem inuocabo Virum fidelem, & sapientem, qui velit, & possit tibi prodesse: cuius reuerentis occursum, non reformides: qui non castiget errantem, sed emendet: cuius vita plus oculis, quàm auribus probetur. *Malè imperat, qui precipit, & non facit.*

II. Eum elige adiutorem, qui nemini aduletur, qui se vulgi congressibus non inferat, qui nec diuitum conuiuia, nec Principum ædes frequentet, qui tale aliquid habeat in vita, quale Argentarius in pecunia: qui possit dicere: affer quamuis drachmam, ego eam discernam: affer quamuis affectionem, ego eam diiudicabo: qui, tanquam probatus medicus internas ægritudines dignoscat, qui apta præscribat remedia ad omnes animi morbos depellendos. Talis fit, qui subtili examine omnium spirituum instinctus discernere, inter virtutes, & vitia discrimen ponere, omnium moribus seruire sciat: qui omnes recessus, & secreta mentis tuæ solerti consideratione perscrutetur: qui ab omni vitioso affectu immunis, la-

cro dumtaxat spirituali intentus sit : qui in spiritu lenitatis errantem doceat, & alliciat : qui omnes diaboli versutias, & stratagemata detegere, & eludere didicerit : cui denique non erubescas omnia mala tua pandere, omnia pectoris penetralia referare. Pars magna felicitatis tuæ erit, talem posse reperire.

III. Cum eo libenter sermonem habeas, quicquid prauæ propensionis, quicquid morbosæ qualitatis in te est, quicquid delinquis, quicquid etiam boni facis, quicquid cælitus immis-  
sum tibi existimas, prudenti eius discus-  
sioni committe. Sæpe illum de-  
precare, ut, si quem tibi notauerit  
turbulentum inhærare affectum, in-  
dicare ne grauetur : idque frequenter  
faciat, nec redarguendi verecundia  
impeditus vitia tua dissimulet. Quod  
si negauerit se aliquid in te depre-  
hendere censura dignum, ne te pro-  
tinus credas inculpabilem euasisse.  
Tacet enim, aut timens odium tuum,  
aut desperans emendationem. Tunc  
verò virge, & instâ vehementiùs, &  
factis ostende, quantum proficere cu-  
pias. Incipe vitia apud illum depone-  
re, ad eius præscriptum mores exige-  
re. Gaude fieri ab eo conuictum tuæ  
prauitati, semperque ab ipso, vel sa-  
nior redeas, vel sanabilior,



*Ad Cælum.*


*Inter tot mala aliquid est , velle sanari.*

I V. Hæc sunt docentis , & discen-  
tis mutua officia : vt ille prodesse ve-  
lit , hic proficere . Ne ille profit , vix  
quidpiam impedit , nisi discipuli re-  
fractarium ingenium , doctrinæ im-  
patiens , & curationis incapax . Qui-  
dam enim innixi prudentiæ suæ , al-  
terius sequi ducatum detrectant . Hæc  
omnia , inquiunt , quæ tu doces , iam  
scio . Quid prodest aperta monstrare ?  
Plurimum . Interdum enim scis , &  
non attendis . Non docet admonitio ,  
sed excitat memoriam , nec patitur  
elabi . Sæpe animus etiam aperta dis-  
simulat : ingerenda itaque illi rerum  
notissimarum notitia . Nam virtus  
erigitur cum tacta est , & impulsæ .  
Alios retrahit malus pudor , vitium  
puerile , & viro indignum . Alij ,  
quasi phrenetici , pertinaci silentio  
mala intus premunt , & Medico cu-  
rationi intento indignantur . Sua-  
det nimirum hanc noxiam taci-  
tatem tartareus hostis , sperans per-  
niciem afferre , quamdiu latet . Et  
corporis quidem vlcera , tametsi pu-  
dibunda , omnium oculis expone-  
re , vt curentur , non erubescis ;  
animæ verò carcinomata studiosè te-  
gis , ac si ea celare tollere sit : cum  
vix tamen fieri possit , quin vel te  
repu-



repugnante ipsa se prodant. *Qui vulnus tegit, nunquam sanabitur.*

V. Nunquid Medicus iniuriam tibi facit, si tuum tibi morbum demonstrat, si periclitanti dicit: malè habes, febricitas: hodie tibi abstinendum à cibo est, hodie aqua potanda? Imò pro beneficio laudatur, gratiæ ei aguntur, & referuntur. Si quis autem dixerit; appetitiones tuæ æstuant, opiniones vanæ sunt, affectus immoderati: protinus exclamas: ò facinus ferro, & sanguine vindicandum! ò contumeliam nullo modo ferendam! Infelix! Quid tibi damni, aut mali infert tuæ salutis studiosus monitor, & instructor? Id scilicet, quod speculum deformi. Te talem tibi ostendit, qualis es. Corrige ergò quod ille arguit: compone mores, ablue sordes. Facilè potes, si volueris, omnium te oculis irreprehensibilem exhibere,



## CAP V T III.

## De purgatione à peccatis.

*Exuendus erga illa affectus, & vitia extirpanda. Nullum efficacius vitiorum remedium, quàm mortis, & aternitatis consideratio.*

I. **A**B vltimo fine deuiat homo, cum peccatum committit, quod est omnium malorum causa. Ab hoc semine nascitur quicquid cruciat: hoc veneno totus orbis inficitur. Latet illud, dum fit, sed cum patratum fuerit, tunc intelliges quàm malum sit. Fuere, qui mortuorum corpora viuis iungerent, vt foetore torquerentur. Similis est in peccantes animaduersio: alligatum est eis supplicium: non inueniunt quò euadant. Nisi aliquid patiaris, ne malum facias: plurimum patieris, quia fecisti. Vix concipitur praua actio, & iam puerpera est suæ poenæ. Inde nata mors est, hinc succensa gehenna. Ab omnibus itaque flagitijs expianda conscientia, dolore, confessione, & satisfactione. Nec grauiora dumtaxat euitanda, sed minima quequè, & leuiora: quæ tamen mortem non afferant, vires tamen sensim dissoluunt, & ad mortiferam labem

labem disponunt . Quid autem interest ad naufragium, vtrum navis vno fluctu operiatur : an guttatim subrepens aqua, & per incuriam spreta, ipsam impleat, & submergat ? Tantò maiorem maculam ista inferunt moribus, quantò faciliùs poterant evitari . *Quò hostis debilior est, eò gravior tibi ignominia erit, si ab illo vincaris.*

II. Nunquam virtutes animo inferere poteris, & te in pristinum libertatis statum asserere, nisi exuas omnem affectum erga peccata, quantumvis minima; nec corpore in Deserto, animo sis in Ægypto . Malè tecum agitur, si post dimissam iniuriam, post relictos turpes amores; adhuc malignis colloctionibus præstas auditum, adhuc terrena specie delectaris . Vitia autem, & pravi habitus, qui, deleta culpa, in te remanent, tanquam pessima peccati soboles radicatus extirpari debent . Si solos ramos præcideris, servata radix emerget, & novi ex ea succrescent ramusculi iniquitatis . Dicis, te velle vitia excindere . Falsum est : non enim claudis vitrijs ostium, sed opponis . Dicis, te offendi turpitudine vitæ tuæ . Hoc credo: quis enim non offenditur? Homines mali vitia sua oderunt simul, & amant, atque etiam, dum perpe-  
trant,



stant, detestantur. Quid prodest verbis mala reijcere, factis amplecti? Nemo est tam profligata conscientia, cui aliquando vitia sua nauseam non faciant, sed cito cum illis in gratiam redunt. Quiautem verè conuersus ad Deum est, ponit securim ad radicem, & ipsas minutissimas vitiorum fibras eradicat. Tum memor fragilitatis suæ, omnes peccandi occasiones studiosissimè vitat: & ad quodlibet malæ rei obiectum timore concussus resilit, & exhorrescit.

III. Quid frustra tergiuersaris, & præcipienti Deo vitiorum exterminationem, opponis naturæ infirmitatem? Nemo magis virium tuarum mensuram nouit, quàm, qui ipsas largitus est. Quare ergo non statim obtemperas, cum non commodum quærat iubentis, sed tua utilitas? O cœcam, & sceleratam temeritatem! Seruili nequitia in os Domini reclamare audes, & dicere, durum esse quod ille iubet: ac si mandata tibi imposuerit, quæ ferre non possis: vt videatur præcipiendo non tam salutem tuam quæsiuisse, quàm pœnam. Hæc est nimirum humana peruersitas, & male de Deo mereri, & laborem sibi fingere in præcepto. Sed si volueris vires tuas experiri, videbis multo plura te posse, quàm putabas. Non quia difficilis est lucta,

sta, non audes: sed quia non audes, difficilis illa videtur. Multa prius tortori habita vsus vertit in risum. Incipe, nec te ipsum contemnas. *Non deserit Deus milites suos. Tantum virium habebis, quantum volueris.*

I V. Omnia vitia facile vinctes, si omnem tibi diem supremum diluxisse credideris. Quid est quod te alligat terræ? Quia nunquam cogitas citò ab ea exeundum esse. Transeunt quotidie præter oculos tuos elata cadauera, quæ mortalitatis oblitum respicere cogunt ad mortem. Tu autem in media strage morientium, nihil minus quàm mortem cogitas: & cum nihil frequentius videas, nihil citius obliuisceris. Veniet tamen qui te reuellet dies, & ex contubernio olidi ventris educat. Discutietur ista caligo, & tunc in tenebris te vixisse cognosces, cum lucem aspexeris. Produc, si potes, ex tot elapsis annis vel vnicum diem, integre virtutis testem, qui non fuerit aliqua labe pollutus. Defloruit rudior ætas inter talos, & nuces: inter ineptias, & libidines adolescentia: inter scelera, & flagitia præceps iuuentus. Post omnes annos, qui à cunis ad canos defluerunt, nihil iam superest nisi dolor, & pravi fructus iniquitatis. Heu quales te apprehendent an-

gustia, cum præterita pudori erunt, formidini futura! Quid tunc proderunt diuitiæ, tot partæ sudoribus, tot curis quesitæ? Quid carnis deliciae, & probrosæ voluptates: quid inania dignitatum nomina: quid purpura, quid coronæ? O si daretur reuerti ad crepundia, & telam de nouo exordiri: quàm meliori textu omnia concinnares? sed intempestiua, illo fatali momento, hæc vota erunt. Si vis tempore uti, nunc incipe: & ea desere, quæ tunc velles deseruisse. *Minima res est, momentaneis renunciare, ut æterna consequaris.*

V. Quare, si lubet, ex morituro, de anteaacta vita quid sentiat? vix vnum reperies, qui non longè diuersam proferat de opibus, dignitatibus, mundique vanitatibus sententiam, quam viuens habuerit. Tunc res omnes æquiori lance pensantur, suisque momentis æstimantur. Et illis quidem sera sapientia in exitu est: tibi verò plurimum proderit, si ex alieno errore tuum corrigere didic- ris. Potes nunc tutò nauigare: quid expectas tempestatem? Potes te, rebus integris, subducere calamitati: cur te reseruas extremo periculo? Sera, dum mergeris, cautio est: sera prudentia, cum iam perijsti. Tot maximi, & sanctissimi viri, relictis omnibus impedi-  
men-



mentis, cum sibi, & mundo vale dixissent, hoc vnum in extremam vsque ætatem egerunt, vt viuere, & mori scirent: plures tamen nondum se scire professi, e vita abierunt. Adeo difficile est, hanc artem ediscere. Tu autem in senectutem sana differs consilia, & inde vitam vis inchoare, quò pauci perduxerunt? *Stultitia magna est, tunc viuere incipere, cum desinendum est.*

VI. Quò te proiicis, incautus homo! sic credis, & sic viuis? vmbra transitus est tempus tuum: punctum vita tua, & si quid minus puncto esse potest. Vix natus, desinis esse. Sis te vel vnum diem: horam dumtaxat, ne fluat inhibe, breuem moram tempori pone. Frustra conaris: nam te secum citius abripiet, quàm vt desinat velocissimè fluere, in tuum, rerumque omnium exitium. Et huic momento æternitatem postponis, quæ finem non habet? ò stultitiam, ò cæcitatem! Corpori perituro non cessas, quæ ad ipsum pertinent, comparare, & non est finis acquisitionis tuæ: animæ verò, quæ nunquam moritur, nulla prouides bona in futurum, ac si tua non foret? languet corpus: omne discrimen subire paratus es, vt sanctetur: languet anima: & negligis, & non sentis? Quando  
di-

dictum est tibi, nauiga, ne moriaris, & distulisti? Sume amarissimum pharmacum, & recusasti? Leuia Deus iubet, vt viuas in æternum, & non vis obedire? Si tibi lis foret, omnis cogitatio tua, omnis sermocinatio circa illam occuparetur: nec subsidia parare cessares, vt pro te Iudices sententiam ferrent: extremo autem iudicio imminente, e quo pendet æternitas, rides, nugaris, peccas, in æternum periturus? Ah! desine tandem insanire, & à vitijs emergens, sic forma quotidie animum, tanquam ad extremum ventum sit. Vera philosophia hæc est, quàm maximè fieri potest, hanc animam è corpore educere, & separare.

VIII. Hoc sit negotium tuum, hoc otium: hic labor, hæc quies, subducere te tempori, & immergere æternitati. Fixum semper, & immobile stat, quod in iura transijt æternitatis. Auarus Epulo aquæ stillam post tot secula adhuc perit, & perpetuò mugitu frustrà rogabit. Æternitas est duratio semper præsens, nunquam sine suspirio, & horrore nominanda: est rota, quæ semper voluitur: est iuge, interminatum, semperque inchoans principium. Seria eius cogitatio mundi delicijs miscet absynthia: iethalique moerore attonitos

homines, ac veluti sideratos, deiecit. Hæc animam rebellem domat, & curis inanibus indormiscentem excitat ad virtutem: hæc famem, & sitim condit: hæc omnem laborem facilem, iucundum omnem dolorem, omnem pœnam suauem, & breuem esse persuadet. Impleantur numericis notis ingentia cœli spatia, quacunque in immensum protenduntur. Quis præter Deum poterit hanc propèmodum infinitam numerorum seriem exprimere? Hi tamen numeri innumerabiles, nec initium quidem æternitatis sunt. Tot anni, tot secula labantur, quot sunt in illis vnitates, nondum aliquid de æternitate decessit. Nondum perueniunt ad desperatissimæ æternitatis initium infelicissimi mortales, qui perpetuò inferni incendio cruciantur. Ad hanc considerationem si non horrescis, si vitam seriò non emendas, quouis saxo durior es.

## C A P V T IV.

### De Gula.

*Eius mala, & remedia. Quæ sint indicia deuictæ gula.*

**P**rimum tibi certamen aduersus gulæ vitium incundum est, quæ



quæ pabulum cæteris subministrat .  
 Morti corporis , & animæ nos gula  
 initiauit . Primi enim parentes no-  
 stri pomi interdicti esu omnes homi-  
 nes , antequam gignerent , pereme-  
 runt . Nunc eadem animarum ho-  
 stes vtuntur , vt eneruato omni vigore,  
 nos proterant , & conculcent . Hinc  
 stupor , languor , & tadium : hinc  
 scurrilitas , loquacitas , dissolutio :  
 hinc immunditia , rixæ , contentio-  
 nes : hinc mentis hebetudo , destru-  
 ctio omnium virtutum . Hinc rei fami-  
 liaris profusio : hinc egestas : hinc  
 longa morborum series , & ipsa de-  
 nique mors , grauiori ciborum sarcina  
 accelerata . Pauci sunt infirmi , quos  
 gula ad ægritudinem non adegerit .  
 Nam si noxijs humoribus , ex nimio ci-  
 bo , & potu congestis , careat corpus ,  
 tentari quidem à morbo , sed non  
 subigi posset . *Plures occidit gula , quàm  
 gladius .*

II. Ovilissimam ventris seruitu-  
 tem , ò inexplebilem cupiditatem !  
 Modicum tibi corpus natura præbuit :  
 vincis tamen vastissimorum , & eda-  
 cissimorum animalium auiditatem .  
 Taurus paucorum iugerum pascuis  
 impletur : vna sylua plures nutrit  
 elephantos : tibi angustus est orbis :  
 non sufficit ventri tuo , quicquid volat  
 in aere , quicquid natat in vndis ,

quicquid latet in syluis. Aspice potentum culinas, & concursantes inter tot ignes coquos: vide feruorum, & ancillarum sudantem cohortem: vide stragem animalium, & natantia vino penuaria: observa quanta sollicitudine argentum ordinant pueri: quanta arte disponunt fercula, inferunt patinas, scindunt aues: quanta celeritate discurrent ad ministeria. Vix credes vnā esse domum, cui tot Consulum, & Regnorum vina promuntur: cui mensæ tanto tumultu apparantur. Non præcipio, vt subtrahas ventri alimenta. Contumax est, non potest vinci, quotidiano indiget cibo. Verū latet hic dolus, & subtilissimus concupiscentiæ laqueus, quo sæpè anima irretitur, obtentu necessitatis, negotiū obumbrans voluptatis. Vis scire quā paruo fames extinguatur? Te ipsum numera, metire corpus, stomachum consule. Scies, non esse necessarium, quod mensuram excedit. *Natura pauca sufficiunt, luxuria nihil.*

III. Fames non est ambitiosa: contenta desinere, quo desinat non querit. Elapso momentaneo palatij iudicio, non suauius sapit pretiosum, quā vile. Si esuris, edendum est: si sitis, bibendum. Sed vtrum panis plebeius sit, an siligineus: vtrum aqua ex proximo  
amne



amne excepta , an multa niue refri-  
gerata , nihil pertinet ad naturam .  
Hoc vnum illa iubet , sedari famem ,  
sitim extingui . Pisces è supero , in-  
feroque mari , à fluuijs, & lacubus euo-  
cati , detractæ è cœlo aues , ereptæ è  
syluis feræ , diuersa vini genera , &  
omnia Apicij condimenta infelicitis lu-  
xuriæ tormenta sunt . Epicurus sobrium  
victum voluptatis gratia commendat :  
nihil est enim tam lautum , quod  
nausea non reddat insipidum . Nihil  
tam insuaue , quod delicatum non  
faciat fames . Vis omnem cibi , & po-  
tus superfluam curam abijcere ? exi-  
tum specta . Citò morieris , & corpus  
istud , tanta æpularum varietate nutri-  
tum foedis vermibus pabulum erit .  
Considera , quali conuiuio te escam  
præparas , & sic carnem nutri , ne  
mentem opprimas . Cibo vtere , qui  
parabilis sit , & vbique occurrens , nec  
patrimonio grauis , nec valetudini .  
Magna pars libertatis est , benè mora-  
tus venter , & patiens contumeliæ .  
Multa quàm superflua essent non  
intelleximus , nisi cum deesse cœpe-  
runt . *Eget corpus alimonia , non cupe-  
dijs , aut lautitijs .*

IV . Non est autem quòd te laudes , si  
contempseris superflua . Tunc laudabi-  
lis eris , cum contempseris necessaria :



cum tibi persuaferis, sordidum panem ad victum : modicum vinum , & debile , vel aqua debilitatum , ad potum satis esse : cum didiceris, herbas non tantum pecori , sed homini quoque nasci. Tunc te admirabor , cum solam necessitatem , ac virium reparationem , Deique gloriam, in cibo sumendo spectabis : cum lautiores epulas , & magnatum convivia contempseris : cum inuitus ad mensam accedes , siueque alimenta sumes , quemadmodum pharmacum aegroti : cum voluptatem gustus , quia tolli non potest , compescere , & moderari studueris : cum tibi molestum fuerit , quidpiam delicatius , valetudine exigente , accipere : cum vera denique mentis ; & corporis puritate imbutus fueris . *Non enim in corporis attenuatione probatio abstinentiae sita est , sed in perfectione castitatis .*

## C A P V T V:

### De Luxuria.

*Quàm turpe sit hoc vitium . Quàm facilis in id lapsus, & quomodo euitandus. Voluptas animi sectanda, quae solida est .*

I, **N**ullum vitium isto turpius: nullum, de quo magis erubescamus,

mus . Vel nudum ipsius nomen non carere ignominia edixit Apostolus , præcipiens , vt , quæ huiusmodi sunt , nec nominentur in nobis . Hinc ille pudor , quo solent ingenui , ac probi homines affici , si semel admissum aliquod immunditiæ peccatum alijs innotuisse suspicentur . Hinc lubricos adolescentiæ errores quidam in secretissimo pœnitentiæ tribunali ministro Christi abscondunt , æterna potius tormenta , cum æterno dedecore , subire post mortem eligentes , quàm imaginariam huius vitij infamiam in hac vita . Huic autem limo infixus vix emergit . Conclamata est eius salus , quem hæc lues infecit . Quid enim possunt ad hoc humanæ vires ? *Nemo potest esse continens , nisi Deus det .*

II. Primum itaque huius morbi remedium , feruens ad Deum oratio est , vt ipse te sanet , & præseruet , qui solus potest . Tum impuris cogitationibus resistere in ipso accessu oportet , ea celeritate , qua ignitum carbonem excutis à vestimento . Væ tibi , si te semel dimiseris ad aliquid , quantumvis minimum , in hoc genere deliberandum . Proxima deditioni est arx , cuius gubernator incipit cum hoste miscere colloquia . Omnis item præcédenda prauitatis occasio ab otio , à gula , ab omni specie impura , à malo-



lorum conuictu , & societate : nec quidquam in hac lucta negligendum. Sunt etiam in iustis quædam huius vitij reliquiæ omninò extirpandæ : est latens quidam serpentis sibilus : sunt quædam affectiunculæ , quæ tametsi malæ non sint , sunt tamen principia peccatis præludentia , quibus sensim sine sensu fascinata mens, nisi statim abrumpas , adhærebit . *Nunquam magnus eris , si hac minima spreueris . Magna à prauis intium sumunt .*

III. Ante omnia cauendum, ne te nimia tui fiducia decipiat . Quisquis non timuit , iam lapsus est . Quot, & quales viri post confessiones , & victorias : post signa, & magnalia , incauto foeminæ aspectu , corruerunt ? Non assero hic Samsonis , Davidis , & Salomonis toties decantata exempla . Sunt alia recentiora , & quotidiana . Et vt desint aliena , habes tu ipse in te, vndè erubescas, vnde discas, non altum sapere , sed timere . Nonne extremæ dementiæ est, inter tot omnium ætatum, & gentium documenta adhuc aliquid audere , & non vitare discrimen ? Sed hæc est semper humanæ peruicaciæ incredulitas , vt nunquam credat alios cecidisse , nisi , & se viderit interire . Facta est mulier à Deo adiutrix viri : sed do-  
lo



lo serpentis personam sumpsit hostilem . Nihil in illa, nisi quod feriat, quod vrat, quod interficiat. Nulla est hyæna, nullus basiliscus, quicum illius voce, & oculis conferri possit. Ah! fuge eius aspectum: fuge colloquium, quicumque tuam optas salutem. Suum morem illa retinet, semper hominem expellit è Paradiso.

I V. Familiare hic est, multas prætexere excusationes necessitatis, consuetudinis, puræ intentionis: Sed latitant sub specie boni ingentia mala. Inde enim profiliunt nocituræ libertates, incauta colloquia, gestus leuiorres, modestiæ neglectus, crebra munuscula, & quædam hilaritudines, quibus paulatim deponitur pudor, & tota demum exuitur verecundia. Crescunt hæc per interualla: & qui rubore suffusus, ad sola mulierum vestigia horrescebat, iam vultu constanti lasciuientes oculos, nudatumque pectus intuetur: & blando intus operante veneno, prius damna patitur, quàm periculum senserit. Sic paulatim rationis oculus caligare incipit, postea obcoecatur. Sic anima coelo nata affigitur humi, immemor Dei, immemor sui; donec flamma concupiscentiæ semper duraturo incendio absorbeatur. O miseri, quorum foedæ, & momentaneæ

neæ voluptates tam luctuoso exitu terminantur ! omnes puto Sardonicis herbis saturos esse , moriuntur , & rident .

V. Quid quæris stultus homo , inops proprij consilij , alieni desertor ? Voluptates ? Deus cœlo æternas reposuit . Vis huius seculi fallaces , & excludi æternis ? Vbi ratio , vbi prudentia ? Cœlum intueri , & omnes eius beatissimos ciues . Olim panem cum cinere , potum cum fletu miscebant . Vidisse eos in mundo angustijs vndique oppressos , sordibus obscuratos , semper lacrymis madidos , semper vigilantes in oratione , extra omnem mundi lætitiā positos . Viam sibi ad Cœlum equuleis , gladijs , & crucibus fecerunt . Respice , infernum , & desperatam damnatorum turbam , ignibus , tenebrisque perpetuis , sepultam . Hi falsa mundi gaudia , carnisque delicias , & luxum olim amplexi : nunc serò cognoscunt quantum sibi nocuerint voluptates . Hæc sedulò contemplare , & si credis , exhorresce . *Momentaneum est quod deletat , æternum quod cruciat .*

VI. Quod si etiam in hac vita placeat voluptas , cur non magis solida , vera , impolluta , immutabilis , quæ ex animo benè composito venit , vt de tuo te ipsum oblectes ? Carnis voluptas mollis est , caduca , fucata , semper

per mero, & vnguento madens, & timens publicari. Eius statio fornice, popinæ, & loca censorem metuentia. Si foris nitet, introrsus misera est. Cum incipit, tum extinguitur, & in ipso sui usu perit. Voluptas vero animi tranquilla, excessiva, inuisita, semper secunda, & stabilis, nec satietatem habet, nec poenitentiam. Nullus eam pudor comitatur, nullus sequitur moeror, nec suum vnquam possessorem destituit. Hac si frui desideras, omnes carnis illecebræ vincendæ sunt. *Vera enim voluptas est, omnem contemnere voluptatem.*

## C A P V T VI.

## De Auaritia.

*Malitia eius perstringitur. Collatio pauperis, & diuitis. Opum fallacia, & vanitas.*

I. **H**Æc est Auaritiæ pessima fraus, quam prænoscere debes, ne decipiaris: occultat se, nec vllum reperiens, qui se avarum confiteatur. Ille diuitias congregat, vt sibi, & liberis prospiciat: hic, vt pauperum indigentia consulat: alius, vt redimat, pijs operibus, peccata sua. Sed congestum aurum nemo istorum erogat: imò noua sem-



semper quæruntur, quæ addantur aceruo: & dum quærendo teritur tempus, elabitur vita, cui opes quærebantur. Ut ægrorum sitim aqua non sedat, quam sitibundus placido amne fluentem videt, & agitatur manu: nisi os admoueat, & gelidos hauriat latices: Ita Auarus nulla re satiari potest, quia menti eius, in qua residet Auaritia, thesauri, & pecuniæ non possunt illabi. *Animam Deo capacem solus Deus implere potest.*

II. Congeratur in te, Auare, quicquid omnes locupletes possederunt: ultra Salomonis opulentiam fortuna te prouehat: terram marmoribus, auro parietes, gemmis laquearia abscondas. Non tantum habere tibi liceat, sed calcare diuitias. Accedant statuae, & picturae, & quicquid ars luxui seruiens elaborauit: maiora cupere ab his discas. Naturalia desideria finem habent: ex falsa opinione nascentia infinita sunt. Quid refert quantum tibi in arca, quantum in horreis lateat, si non computas acquisita, sed acquirenda? Toto eget mundo, cuius non explet mundus cupiditatem. Atque utinam considerares, quanta secum mala diuitiae afferant, quanta auferant bona! Inuenires procul dubio quam vera sit Apostoli sententia: *Radix omnium malorum est cupiditas*

Inde

Inde germinant fraudes, inde consurgunt bella: hinc periuria, hinc proditiones oriuntur. Tolle avaritiam, & non est discordia: desinat avaritia, & cessat ambitio. Hæc terram latronibus complet, mare Piratis, vrbes tumultibus, domos infidijs, forum iniustitia. Quædam nimirum societas, penè etiam nominis, est vitijs, & diuitijs.

III. Confer, si placet, inter se pauperem, & diuitem: cerne vultum vtriusque. Hic plenus sollicitudinum, tetrica facie, tristitiam animi prodit: ille serena fronte sincerum mentis gaudium ostendit. Huius, inter ærumnas cor exedentes, bracteata felicitas est: illius mens mœroris vacua internæ pacis iucunditate perfruitur. Hic quærendi cupiditate anxius, amittendi metu miserrimus, ad omnes fortunæ iniurias expositus, quò plus habet, plus cupit. Ille in paupertate ditissimus, optat quod satis est, nihil timens, quia nihil habet quod sibi adhæreat, quod sibi eripi possit. Quàm lætos dies ducit pauper, quàm placidas noctes! Diues autem, æger animi, morbum suum, quocunque pergit, secum trahit, spinis undique circumseptus. *Sed lethalis est sopor, qui non sentit aculeos.*

IV. Audi, miser, cuius inexplabilis avaritia est. Omnibus licèt locis  
testa



testa tua resplendeant : licèt immensos pecuniarum acervos possideas : quamvis ultra mare latifundia tua extendantur : veniet tamen , veniet dies ab æterno statuta , qua hæc omnia simul cum vita amaro , & inuito animo deseres . Abibunt , peribunt hæc omnia , propter quæ pereundum tibi erit . Tunc demum intelliges quàm contemnenda mireris , simillimus pueris , quibus omne ludicrum in pretio est . Illos reperti in littore calculi leues , & aliquid varietatis habentes delectant : tu circa auriglebas , splendidosque lapillos insanis , carius ineptus . Non dico , vt diuitias non habeas , si te Deus diuitem fecit : sed vt habeas nulli detractas , sine cuiusquam iniuria partas , sine sordidis quæstibus , sine sollicitudine , & superflua cura . In domum illas , non in animum recipias , paratus his carere , cùm Deus voluerit . Ille verè locuples est , qui diuitijs non eget . Ne expectes , vt fur , vel casus eripiant tibi , quæ possides : occupa tu eorum vices , & aufer tibi ipsi , animo circa extiora indifferenti , quicquid alij auferre possunt . *Tuus eris , si hæc tua non erunt .*


V. Disce à te remouere pompam , & cultum victumque tuum , non ad exempla compone , sed vt Christiani  
sua-



suadent mores. Potest paupertas se in diuitias conuertere aduocata frugalitate, exiguum natura desiderat, non esurire, non sitire, non algere. Potes habitare sine marmorario fabro, potes vestiri sine commercio Serum. An non sitim extinguit poculum, nisi gemmeum, aut crystallinum sit, quo simul bibas, & timeas? Gladius non scindet panem, nisi ebur, & margaritæ in capulo niteant? Peluis fictilis non excipiet manuum sordes? Nec lumen lucerna ministrabit, nisi sit aurificis opus? Auro seruit, qui se auro ornari putat. Quàm vtilius foret veras amare diuitias, quæ hominem meliorem faciunt, quas nulla fortunæ iniquitas, nec ipsa mors auferre potest? Quid pauperiem times, integrum regnum ferens in corde? Regnum Dei intra te est. Absit, vt aliud bonum quæras. Quære bonum tuum. *Nemo bonus, nisi solus Deus.* Hic tibi possessio, & regnum sit, in quo sunt omnia bona, omnes thesauri. *Cui Deus totum est, huic mundus nihil est.*

VI. Quicquid nitidum, quicquid magnum in mundo apparet inane est, fictitium est, nihil est. Quid miraris cum vides hominem auro, & purpura indutum, & magna seruorum ceterua stipatum? Pompa est. Ostenduntur hæc omnia, non possidentur: & dum

& dum placent, transeunt. Non capio huius rei fidem à Lycæo, vel à Porticu, non à cruce Christi, non ab æterna Dei sapientia: sed ab ipso mundo, ab ipsis vanitatum mancipijs. Audi Amanum, opibus, potentia, honoribus super omnes tunc mortales eximium. Conuocat auditores, & coactò cœtu omnia nihil esse pronunciat. *Nihil, inquit, me habere puto, & causam adiecit: Quamdiù videro Mardochæum sedentem ante fores Regias. O ludibria, à cæcitatem! Sæpè legi, & audiui omnia nihil esse collata cum bonis, quæ virtus parit, quæ nutrit æternitas: sed vehementiùs depressa sunt: coram nihil visa sunt nihil. Nihil igitur facis, si nihil spernis. Spernendum est aliquid quod in te sit, quod aliquid sit. Comprimenda cupiditas, ac veluti sub vinculis habenda: vt assuescas colere paupertatem, & vsu rerum res ipsas metiri. Facile autem contemnes omnia, si semper cogites te moriturum.*



## C A P V T VII.

## De Ira.

*Character irati. Effectus, causa,  
& remedia ira.*

I. **I**Rascor iræ. Sola hæc ira iusta est aduersus monstrum rabidum, & execrabile: aduersus affectum maxime implacidum, & turbulentum: qui si semel inuaserit hominem, vix in eo humanæ naturæ vestigia relinquit. Ira brevis insania est, sui impotens: armorum, sanguinis, & suppliciorum auida: decoris oblita, necessitudinum immemor, in ipsa irruens tela, vt alteri noceat: ruinissimillima, quæ super id quod oppresserunt franguntur. Linquit decor omnis iratos. Flagrant, & micant oculi, tumescunt venæ, horrent capilli, quatiuntur labia, strident dentes, spumant ora, rabida vocis eruptio colla distendit. Non est vllius affectus faciesturbatior. Fœdatur vultus, contrahitur frons, nutat caput, vacillant pedes, agitantur manus, & totum corpus indecora iactatione huc illud circumfertur. Adijce minaces gestus, complosas manus, pulsatam humum, percussum pectus, euulsos crines, scissa vestimenta, &

C

fan.



sanguinem ab imis præcordijs ex-  
stuantem. Qualem putas intra esse  
animum, cuius extra imago tam fœ-  
da? Qualia poetæ inferni monstra  
finxere ignibus ardentia, succincta  
serpentibus, diroque mugitu perstre-  
pentia: talis est irati habitus turpis,  
cruentus, æstuans, crudelis, & in-  
ferinam rabiem degenerans. Cætera vi-  
tia licet abscondere, & in abdito ale-  
re: ira se profert, & in faciem exit,  
ac velut ignis omnia corripit: quan-  
toque studiosius eam tegere conaris,  
eò amplius efferuescit. *Modi nescius  
est, nec frænum patitur, quem ira  
possedit.*

II. Reliqua item vitia certis qui-  
busdam finibus coercentur: iræ nihil  
intactum, nihil est inaccessible: coe-  
lum ipsi petimus iracundia. Hinc  
blasphemix, hinc querimonix aduer-  
sus Deum: hinc de eius providentia  
motæ ab impijs controuersix. Nec his  
dumtaxat irascimur, à quibus nos  
læsos existimamus, sed futuræ etiam  
iniuriæ, cogitatione offendimur: &  
qui facturus esse iniuriam, falsa ple-  
rumque imaginatione, creditur, iam  
fecit: adeo ingeniosi in vitijs sumus.  
Sæpè nescimus quibus irascimur, ira-  
scimur tamen: & si alius desit, in quo  
impetus ille frangatur, contra nos  
ipsos excandescimus, Vt verò scias  
non

non ex sola iniuria nasci hunc affectum, iræ etiam nostræ sentiunt rabiem, qui nec offendere nos possunt, nec contumelia afficere. Sic vestimenta sæpe scindimus, vasa proiicimus, frangimus calamum, laceramus cartam, cum his uti, ex animi sententia non valemus. Sic in furorem sæpe nos agit, aut obuersatus calix, aut mensa negligentius posita, aut parum agilis puer, aut tracti subselli; stridor, & alia multa, quæ iram nostram, nec meruerunt, nec sentiunt. Sic refractarius equus, & contumax, sic canis oblatrans, & perstrepenes auiculæ: sic importunus muscarum volatus, aut culicum morsus bilem concitant, & impatientiæ nostræ pœnas luunt. Vide quàm demens sis. A rebus sensu carentibus, & a brutis animantibus exigis pœnas, quibus par esset tuam potius insaniam castigare.

III. Quòd si libeat iræ damna, & effectus intueri, nulla pestis humano generi pluris stetit. Videbis cades, & urbium clades, & totarum exitia gentium. Videbis pestilentiam manufactam, & magnam occisorum struem, fusique sanguinis riuos flumina insipientes. Aspice nobilissimarum ciuitatum fundamenta vix notabilia, has ira deiecit. Aspice solitudines sine habitatore desertas, has ira exhau-



fit . Aspice incendia domos concremantia , violatos fontes venenis , extinctas familias : hæc scelera ira patrauit . Ferarum conuentum dixeris , non hominum , nisi quod illæ inter se placidæ sunt , hi mutua laceratione se perimunt . Accedit huic vitio hæc pernicies , quòd hominem exuit similitudine Dei , cuius opera tranquilla sunt : mentem obcæcat , ne verum videat , ne aliorum monitis obsequatur : omnes animæ facultates turbat , & peruertit . Cùmque pessimè totum hominem afficiat , vix illi tamen vlla turpitudine inesse creditur , adeò vulgus gloriosum existimat irasci . Sed præstat ad remedia accedere , quibus hæc praua affectio , si non tolli omninò , rationis saltem imperio subijci , & ad salutarem modum cogi possit .

IV. Ante omnia optimum est primum iræ irritamentum protinus spernere , & ipsis repugnare principiis : nam si coeperit ferre transfuersum , difficilis ad salutem recursus est . Faciet quantum volet , non quantum permiseris . Cùm hostis portis se intulit , modum à captiuo non accipit . Facilius enim est non admittere perniciofa , quàm admissa moderari . Pars superior mundi , & ordinatior , ac propinqua sideribus , nec  
in



in nubem cogitur, nec in tempestatem impellitur, sed caret omni tumultu: inferiora sunt quæ fulminant. Ita animus sublimis, quietus semper, & compositus, ac in statione tranquilla collocatus, intra se mala premit, quibus ira contrahitur, & verbis suis minimum libertatis permittit: scit enim, cum iratus fuerit, mala non tolli: sed fieri grauiora. Sicut aues, dum viscum trepidantes excutunt, plumis omnibus illinunt: sic omnis indignatio in tormentum suum proficit. Plus nocet ira, quam iniuria. Qui irascitur, se ab alio contemptum putat: verus autem æstimator sui non vindicat, quia non sentit. Vltio confessio doloris est. *Non est magnus animus, qui repetit mordentem.*

V. Audita voce maledicentis statim animaduertendum, non quid illum audire, sed quid te deceat loqui. Non tantum licere debet alienæ puerilitati, vt serenitatem tuam obducatur. Deus, qui omnia potest, tot improbos homines suffert, tu cæteris deterior, vnum ferre non poteris? Ridiculum est te non corrigere malitiam tuam, quod potes: aliorum velle tollere, quod non potes. Si tot peccatorum reus es, quicquid pateris nihil est comparatio.

ne gehenz , quam mereris . Quis es tu , cuius aures ladi nefas sit ? Se- ipsum offendit , quia peccat , qui facit iniuriam : tibi enim quid accidit ? id quod ab æterno decretum est pro tua salute . Audi quid dicat Deus . *Si dimiseritis , & ego dimittam vobis .* Ad hoc tonitru si non expergisceris , non dormis , sed mortuus es . *Danda est alienis vitijs venia , ut tuis im- petres .*

VI. Tollenda ex animo suspicio ad fallacissimum iræ incitamentum . Ille me parùm humanè salutavit : ille inchoatum sermonem , suo abrupit : illius vultus auersior visus est . Nec deerunt suspicioni argumenta , & coniecturæ , cùm semper ad malum creduli simus . Maior iniuriæ pars constat vitio interpretantis . Quare simplicitas necessaria est , & benigna rerum æstimatio . Age contra te absentis causam , sitque tibi hoc vitium suspectum , quod , quæ inuiti audimus , libenter credimus : & antequam iudicemus , irascimur . Dandum semper est tempus : veritatem dies aperit . De paruula summa iudicatu- ro , res tibi sine teste non probaretur : amicum verò condemnas , antequam audias ? Rebus quæ referuntur statim fidem adhibere , imprudentis hominis est . Multi mentiuntur , ut decipiant : multi  
quia



quia decepti sunt. Qui aliquid clam dicit, penè non dicit. Quid iniquius, quam secretò credere, palam irasci? Denique non expedit omnia videre, omnia audire. *Non accipit iniuriam qui nescit.*

V I I. Cùm scis aliquem malè loquì de te, interroga conscientiam tuam, an ipse priùs de illo loquutus sis. Tum cogita de quam multis loquaris. Faciet te moderatiorem respectus tui, si te ipsum consulueris. Nam cur alienæ luxuriæ non ignoscis, qui nihil tuæ negasti? cur mendacia persequeris, ipse periurus? cur ipse perfidus, fidei acerrimus exactor es? cur tibi licentiam in alios permittis, in te non vis? Succurrat non tantum quid patiaris, sed quid feceris. Quicquid in alio reprehendis, inuenies in sinu tuo. Omnes mali sumus, communi vitio danda est venia. Et si nihil tale fecisti, at potes facere. *Qui stat, videat ne cadat.*

V I I I. Quid noui sit, si inimicus nocet, amicus offendit, filius labitur, seruus peccat? Hæc omnia ita consueta sunt, vt rosa vere, fructus æstate. Sicut properanti per frequentia vrbs loca alicubi labi necesse est, alicubi retineri, alicubi respergi: ita in hoc vitæ actu dissipato, & vago multæ incidunt quærelæ, multa impe-



dimenta. Cur indignaris à viro malo iniuriam passus? Quod suum erat fecit. Tu verò, si bonus es, boni viri munus exerce: cura, vt illum bonum facias: Hoc autem non fit ultione, sed patientia, & beneficijs: & si non bonum, saltem beneuolum reddes: si neutrum, te proculdubio meliorem efficies. Ille detraxit de fama tua, grauiter tibi infensus est. Quid hic tu? Non credo. Si quid dixit, errore deceptus dixit, mente non mala, zelo bono: prodesse voluit, aut certe læsus à me fuit. Non est iniuria pati, quod prior feceris. Verè illam culpam admisi, reus sum: æquum est iustitiæ cedere. At gratis impugnor, & sine culpa. Quid inde? Christum imitabor, & dicam cum Propheta, *Obmutui, & non aperui os meum, quoniam tu fecisti.* Aliena dicta, aut facta tibi mala non erunt, etsi reuera mala sint, nisi malè eis vtaris. *Talia sunt, qualis usus eorum.*

I X. Quæ est causa offensionis? Opinio. Tolle damni opinionem, & nihil nocebit tibi. Nulla res attingit, aut mouet animum, aut ad ipsum intrat: solus ipse se ipsum mouet, & quale tulerit iudicium, talia fiunt ea quæ accidunt. Nihil te lædet, nisi tu te ipsum læseris. At malus est, inquis, qui me persequitur, Expecta: dabit, alie-

alteri pœnas, quas debet tibi, & iam sibi dedit, quia peccauit. At ratione præditus est, quare non emendat se? Et tu qui, ratione præditus es, cur non corrigis impatientiam tuam? cur non vincis in bono malum? Aliena vitia in oculis habes: à tergo tua sunt. Sed age, quisquis es, cui dulce videtur vlcisci: datur tibi optatæ ultionis facultas: cum hac tamen iustissima lege, vt à maiori incipias. Ordo iniuriæ præscribat ultionem. Grauiorem omnium hostem iram tuam habes, hæc plus te offendit: ab ista auspicare vindictam. Non sunt querendi in platea aduersarij, dum infensior domi latet. Plato iratus in seruum, manum, quam percussurus sustulerat, suspendit dicens: Cæderem, nisi irascerer. Prius voluit iracundiam flagellare, quàm seruum: digniorem flagris existimans dominum irascentem, quàm seruum negligentem. *Quò quisque honestior est, eò fortius iram comprimit.*

X. Iudices, & qui præsunt populis, iram interdum ostendere debent, ac etiam exhibere: ita tamen, vt rationem non præueniat, sed quasi ancilla subsequatur. Corrigendus est qui peccat, & castigandus, sed sine ira. Si vir bonus irasci turpiter factis debet, omnis illi per iracundiam vita tran.



transibit : Quod enim momentum erit , quo non videat improbanda ? Deficiet , si toties à se iram , quoties causa poscet , exegerit . Placidus itaque , & æquus errantibus , talem affectum erga , illos habebit , qualem medicus erga phreneticos . Sicut non commoueri ob algores , & feruores , qui à tempestatibus suas vices obeuntibus inducuntur ; ita nee irasci debes propter iniurias , quas improbi homines pro sua natura inferre solent . Ægri intemperantes sunt , in quibus nihil est sani . Satis acerba erga contumeliosum vindicta est , nullam petere ab eo vindictam . Ille lædit , vt doleas : si tu non doles , ipse dolebit videns ereptam sibi contumeliæ voluptatem : adeò fructus iniuriæ in sensu , & indignatione patientis positus est . Coniugia , si irascere , agnita videntur , spreta exolescunt . At turpe est , inquis , contemni , læsumque honorem non reparare . Imò turpe est timere contemni : non enim hoc timet , nisi qui contemni dignus est . Non respicit sapiens quid homines turpe iudicent : nihil illi turpe nisi peccatum . Contemnor , ait , ab aliquo ? Ipse viderit . Ego curabo , ne quid contemptu dignum agam , aut loquar . Odit me aliquis ? Viderit . Ego omnibus ero placidus , & benignus . Sic inuicta patiente



tientia improborum malitiam superat, & fatigat, Deumque imitatur, ui ignoscit, qui patientissimus est, q̄ scelera nostra suis beneficijs vincit. & aioris animi est non agnoscere iniuriam, quàm ignoscere.

C A P V T V I I I.

De Inuidia, & Acedia.

*Vtriusque descriptio, & curatio.*

I. **I**nuidia sui vindex prius in propria sauit vilcera, quàm in proximi bona. Alia vitia vltrix poena à tergo sequitur, huic etiam præire solet: Inuidus enim alienam felicitatem suum facit tormentum, & de vicini pinguedine ipse macrescit. Simul peccat, & plectitur, quem hæc pestis inuasit. Cætera vitia certo alicui bono contraria sunt: hoc omnium bonorum inimicum est, omnium rerum naturam peruertit. Aduersatur diuinæ bonitati, cui proprium est omnia bona sua communicare: aduersatur statui Beatorum, qui aliorum felicitate vt sua potiuntur: aduersatur Christianæ charitati, quæ de bonis etiam inimicorum lætatur: aduersatur denique legi naturæ, quæ non omnia bona nostra

nostra alijs etiam optare iubet. Sicut oculus eo morbo affectus, quem Ophthalmiam Medici vocant, splendidis omnibus offenditur: ita invidus aliorum virtute, & claritate cruciatur. *Invidia dicitur, quia alterius excellentiam nimis videt.*

II. Invidet Satam, sed hominibus, sociorum nemini: tu verò homo cum sis, hominibus invides, quod nec Diabolus quidem facit. Hoc autem animi pusilli est, & proprio iudicio se ad infima abijcientis: neque enim alteri invideres, nisi eum meliorem te, & superiorem arbitrareris. Vis invidia carere? Sperne huius mundi fugacia bona, & dilige æterna, Amor æternitatis mors invidiæ est. Non potest mortalia bona alijs invidere, qui sola sempiterna concupiscit. Quis unquam Princeps sutori invidit, aut sarcinatori artium suarum vilia servitia? Non se demittit ad hæc infima mens sublimioribus occupata. Nonne satis est proprijs malis angī, quæ tam multa sunt, nisi, & aliena bona te torqueant? Nunquam eris felix, si te cruciat felicior. An putas bona, quæ invides, alteri erepta ad te posse transferri? Habet proximus tuus diuitias, floret scientia, supereminet dignitate. Hæc omnia tuæ erunt, si ipsum amaveris. *Plurimi  
abun.*



*abundant bonis, qui amat aliena.*

III. Iungo Inuidiæ Accediam, quia vtraque tristitia est: illa de alieno hono, hæc de proprio. Vtraque ad pusillos spectat; nam *Parvulum occidit Inuidiæ*: & Acedia vitium est languentis animi, bonorumque spirituum tædio laborantis, qui rei magnitudine, ac difficultate deterritus, nihil vnquam homine dignum aggrediatur. *Vult, & non vult piger*: semper varius, & inconstans, sibi grauis, alijs molestus, & continuo sui tædio pœnæ incubans suæ. Similis est trocho, qui in orbem quidem agitatur, sed non progreditur: atque ita per flagri vim mouetur, vt tamen semper insistat. Voluisse eum aliquid deprehendes, sed non fecisse. Omnis eius operatio insipida, & instar repentis aquæ vomitum prouocans, non hominibus tantum, sed, & ipsi Deo. Frustra igitur salutem speras, nisi excusso torpore generosos assumes spiritus, & acrioribus stimulis ad magnam te cogas. Vt avis ad volatum, ita homo nascitur ad laborem. Et vt desint labores pro Deo assumpti, satis cuique pœnarum imponit mundus. Quantum ille laborat, vt diuitias consequatur? Quantum ille patitur, vt ad optatam perueniat dignitatem? Magno vitia coluntur. Quod si fuga-

cia



cia bona tanto sudore mercaris , cur non parem adhibes diligentiam ad felicissimam æternitatem comparandam? Ah pudeat segnem esse in re tanti momenti. Breuissimus labor est, merces æterna. Nihil est tam arduum, & tam difficile, quod mens humana, Deo duce, non vincat. Fortiter aude, & difficultatum spectra disparebunt. Quicquid sibi animus imperauit, obtinuit. *Age quod potes, omnia poteris. Adiuvat facientem Deus.*

## C A P V T IX.

De superbia, Ambitione, & Inani gloria.

*Icon superbi. Dignitatum vanitas,  
& pericula. Tumoris, &  
alexipharmaca.*

I. **S**uperbia, Ambitio, & Inanis gloria cognata sunt vitia, è quibustanquam Oceano omnium malorum flumina oriuntur. Nam cum sibi pro fine propriam excellentiam proposuit homo, huc omnia dirigit, spreto Dei cultu, neglecta hominum reuerentia. Et si illi aditus ad gloriam non patet, nisi per scelera: per scelera ad gloriam ibit, viamque sibi ad prætentum decus aperiet, per dolos, & fraudes, proximique ruinam, & cœdem

dem. Superbus Deo odibilis , humano generi intolerabilis , omnia studia , & opera sua ad captandam hominum laudem inflectit . Se gradu potiori dignum putat , sibi que in illo maximè complacet . Maiora viribus temerè aggredditur , omnibus negotijs se ultro ingerit , se ipsum impudenter extollit , cæteros aspernatur . Callidè simulat humilitatem , ut se remoueat ambitionis suspicionem . Degradu deiectus , omnia quærelis implet , suscitaturque rixas , & odia . Erga inferiores ferum se , & truculentum exhibet : erga superiores assentator est , quouis mancipio timidior , & obsequentior . Bona , si quæ habet , non Deo , ut par est : sed sibi arroganter attribuit . Affectat in omnibus videri , de quæ rebus altissimis , quas ignorat , quasi ex propria experientia subtiliter disserit . Aliorum facta curiosè inquit , temerè iudicat , seuerè damnat : auget vitia , laudem imminuit . In sermone , & incessu fastum quendam præfert , aliorumque contemptum . Odit correctionem ; respuit consilia , monitis non acquiescit . Bona sibi opinatur adesse , quibus caret : & quæ habet multo maiora sibi fingit , quàm sint . Ideò indignatur , & ad pessima quæque flagitia se deiecit , si cæteris tanquam dignior non præferatur , si se,

se, & sua negligi suspicetur. Fluctuat coreius perpetuis motibus; quia cū honor, quem cupit, in aliena sit potestate, necesse est illum turbidis affectibus continuò agitari. *Initium omnis peccati est superbia.*

II. Pone in statera, si sapis, & compara cū minima æternæ felicitatis particula quæcunque tibi optanda in hoc seculo videntur, regna, imperia, orbem denique totum: excutiet illa, suo pondere, mundum vniuersum cū pompis suis, tanquam folium, quod vento rapitur. Erige te ergò ad æterna, & te dignum fac cœlo, cui natus es. Excute superbas tuæ excellentiæ cogitationes, & te veris bonis metire. Si te Cæsar adoptasset in filium; quis ferret supercilium tuum? Nunc autem Dei filius es, Christi sanguine redemptus. Cur non cogitas originem tuam? Cur te abijcis ad terrena, tuo genere prorsus indigna? Ad Cœli, & siderum dominatum te vocat Pater: ad possessionem semper duraturam. Hic ingentes sume animos, hac promissione extollere, ab hoc Patre nobilitatem tuam iacta, ad eius similitudinem mores tuos compone. *Hæc est via, quæ ad veram gloriam perducit.*

III. Quid sint sceptræ, quid coronæ? Fulgidæ compedes, & clara miseria,



seria, quæ si plenè hominibus nota esset, nunquam de folio litigarent. Plura essent regna, quàm reges. Magna seruitus est magna fortuna. Isti, quos vulgus beatoscenset, longè aliter de se sentiunt: nam grauior ipsis incumbit felicitas, quæ graues illos populo reddit. Tunc laudant otium lene, & sui iuris. Tunc odio est illis fulgor, quem priùs admirabantur. Tunc attoniti, & tremantes de terrenorum vanitate philosophantur. Tunc mortem formidant, & tremendum Dei iudicium, ante cuius conspectum nihil proderit tanto studio quæsita dignitas, tot parva sudoribus, & empti sanguine. Sic igitur viue, vt securum te inueniat illud tribunal. *Qui nunc humiliatur, tunc exaltabitur.*

I V. Insanis, si te putas adepta dignitate securum, & quietum fore. Quod olim licuit, iam non licebit: minor licentia in magnis est. Quò altior fueris, eò magis vitia tua apparebunt. Non latet, qui in fastigio est. Si qua tibi olim tranquillitas fuit, iam periit. Nullum tibi secretum liberum erit: nullum poteris diem ex arbitrio tuo disponere. Magni sunt ex alto casus. Frustra requiem ibi quæris, vbi omnes periculum, & laborem, multi miserum vitæ exitum inuenerunt. Non capiunt securas da-

pes regiae meniae. Auro, & gemmis bibuntur toxica. Quot Reges proprio sanguine solium purpurarunt? lubrica in summo statio est: pendula omnia, & praecipitio proxima. Tutius itur per plana. Quam magnus admirantium, & plaudentium numerus, tam magnus invidentium est. Quanti ibi insidiantium acerui, & oppugnantium? Quam intuta omnia, & suspecta. Non seruis fides, non amicis, non filio, non fratri. Athumi iacentem domum non intrant scelera. Securus viuit, qui latet. *Nullum timet, quem nemo timet.*

V. Si equum videres, aut canem inter cetera suae speciei indiuidua principatum assumere, nunquid risum cohibere posses? Tu verò maiori cachinno dignuses, si super reliquos homineste extollis, quod ditior alijs, seu potentior sis. *Quid superbis terra, & cinis?* Nemo efferri potest, nisi ex proprio bono. Quid est autem tuum bonum, si omnia à Deo accepisti? Nihil tuum, nisi peccatum. Quod si omnia accepisti, illi redde gloriam, qui tibi bona sua largitus est. Nunquid equus equo praefertur, quia multum pabuli habet, & multum hordei, quia freno aureum, & gemmata ephippia? Nequaquam, sed qui celerior est, alium antecellit. Ita homo, ni stultus sit, gloriam ex eo non quæret, quod est extra se.



se. Sed melior, iniquis, sum, & nobilior cæteris. Si hoc dicis, omni honore indignus es: quia nemo dignè honoratur, nisi vir bonus, qui honorem spernit, & gloriam. Vera nobilitas nescit extolli; & ubi vitæ splendor est, ibi quoque modestia reperitur. *Maxima sublimium gloria est, quàm maximè se submittere.*

V I. Cognosce conditionis tuæ imbecillitatem, metire corpusculum tuum: multa reperiēs in te, ob quæ deprimi debeas, nihil, quo possis extolli. Noli Geometras, & Philosophos spernere: omnis terra punctus est. Quàm miserè desipis, si regna in puncto statuis, & diuidis dominationes. In paruo nemo magnus. Hæc terra, quam tumido incessu premis, mox te premet: nec amplius ex ea possidebis, quàm frigidis, & putrescentibus membris occupabis. Inunc, & in hoc nihilo magna, & immortalia ædifica. Hic furores tuos, hic elatam exerce insolentiam. Dilata hinc cupiditates tuas, hic acies, hic bella molire. Cùm multum insanieris, serò tandem cognosces, quàm vana dignitatum nomina, quàm fallaces honorum tituli fuerint. Vitreum est quicquid hic lucet; dum splendet, frangitur. *Magna arbores diu crescunt: cuna hora extirpantur.*

V I I. Magnum superbix irritamentum præcidisti, si lateas. Nemo oculis



fuīs lautusest, nec paucorum quidem,  
& familiarium, sed apparatus vitio-  
rum suorum pro modo turbæ spectantis  
expandit. Quis eam, quàm nulli osten-  
deret, induit purpuram? Quis posuit  
secretam in auro dapem? Quis sub  
vmbra rusticæ arboris luxuriæ suæ  
pompani solus explicuit? Ambitio  
scenam desiderat, nec vllibi potentiùs  
vires suas exerit, quàm inter homi-  
num laudes. Apis si melfecit, equus  
si cucurrit, arbor si fructum protulit,  
nihil vltra quærunt: homo plausum  
desiderat, digitoque monstrari, & di-  
ci: Hic est. Sed si attentius considera-  
ueris, qui sunt isti, à quibus optas lau-  
dari, nihil faciliùs quàm vulgi plau-  
sum contemnes. Homines vani, &  
mutabiles sunt, quos sæpè dicis insa-  
nire, qui se omni hora amentia dam-  
nant, & sua sæpè reprobant consilia.  
Brevis vita est, & laudantis, & eius  
qui laudatur: fitque id in angulo ter-  
ræ, quæ punctum est, ac ne ibi qui-  
dem omnes consentiunt, nec quispiam  
sibi ipsi. At magnum est laudari à po-  
steritate, ab his nimirum, quos neque  
vidisti, nec vnquam videbis. Cur non  
doles te non fuisse laudatum ab his,  
qui ætatem tuam antecesserunt? sed  
finge immortales eos fore, qui tui re-  
cordantur, tuique futuram immorta-  
lem memoriam: quid hoc tibi mor-  
tuo

tuo proderit? quid prodest viuo? Sæpè laudaris vbi non es, & cruciaris vbi es. Pretium cuiusque rei in ipsa est: nec melior fit, si laudetur: nec deterior, si laude careat. An sol, si desint spectatores, de luce quidpiam amittit? An carebit dulcedine ficus, flos venustate, gemma nitore, nisi encomijs celebrentur? Magnum argumentum est animi ab altiori sede venientis, laudes hominum aspernari, & seipso contentum esse. Laudes perdis, si desideras: nam quid laudabile in te est? Quanta est fragilitas tua, quanta miseria, quanta salutistux incertitudo? Seruus inutilis es, & si omnia feceris, quæ præstare teneris. Qua verò fronte audebis dicere te omnia fecisse quæ debes? Time igitur ne intus non sis, quod foris diceris: & caue, ne ea laudentur in te, ob quæ ipse displices tibi. Redde Deo, quæ ab ipso habes, esse, viuere, intelligere; nihil supererit tibi nisi peccatum. Nihil ergo cum sis, de nihilo gloriari non potes. *Incipies esse aliquid, cum te nihile esse cognosces.*

## CAPVT X.

De totius corporis, sensuumque exteriorum moderatione.

*Quantum corpori indulgendum . Castiganda oculorum licentia . Vestium luxus damnatur .*

I. **H**Anc sanam, & salubrem vitæ formam teneto, vt corpori tantum tribuas, quantum valetudini satis est. Durius tractandum, ne animo malè pareat. Indulgendum illi, non seruiendum. Cibus famem sedet, potio sitim extinguat, vestis arceat frigus, domus munimentum sit aduersus iniurias temporum: ad alia, quæ inutilis labor, veluti ad ornamentum adiecit, subsiste pauidus, & time! his enim insidiæ aduersus animam parantur. Omne honestum vile est ei, cui nimis carum est corpus, qui pro illo nimium timet. Maior es, & ad maiora genitus, quam vt sis vile mancipium corporis tui, quod equidem non aliter respicere debes, quam, vt vinculum animi, & libertatis. Vir probus, & sapiens eius curam habet, non tanquam propter ipsum viuat, sed quia sine illo non potest. Corpus instrumentum est animæ. Quis autem artifex

ne.



neglectà arte in curandis instrumentis  
tempus terit ? *Hebetis ingenij , est circa  
corporis ministeria occupari .*

II. Quia per sensuum fenestras mors  
in animam ingreditur , stude illos à  
terrena via ad cœlestem traducere ;  
eosque sensim abducito à nimia ope-  
ris, quod exercent, attentione , ne se  
avidius rerum terrenarum delectatio-  
nibus immergant. Servire sensus de-  
bent , non imperare . Oculorum in  
primis castiganda licentia : nam cum  
celerrimè videant , rerumque plurima-  
rum imagines ad phantasiam , & inde  
ad mentem transmittant : grauium  
peccatorum semina in appetitu excitant,  
nisi firma custodia muniantur . Si  
exterioris oculi rectitudinem, interio-  
ris puritas comitetur , Dei vultigia  
vbique impressa reperiēs : & cum  
Deum in creaturis venerari didiceris,  
ex his suauiter attolles animum ad di-  
uinæ Maiestatis contemplationem .  
Mulier compta elaborata, luxuria est :  
nunquam in ea figas obtutum , quia  
peribis . Comœdias , choreas , tornea-  
menta , theatrales ludos ne spectes : dissi-  
pant enim mentem , & ludicris occupant  
curis , vt se ad Cœlum erigere nequeat .  
Vbi errat oculus , errat affectus .

III. Auditus, sensus est disciplinæ,  
per quem notio veritatis, & sapientiæ,  
quali per ianuam mentem ingreditur ,

Sepi itaque aures prouida circumsp<sup>2</sup>ctione, ne pro veritate mendacium, pro sapientia stultitia in penetralia cordis irrumpant. Claude illas oblocutionibus, claude susurris, claude nugis, & rumoribus, claude otiosis narrationibus: omnique rei, quæ nihil ad animæ profectum confert. Sicut qui audiuit symphoniam, fert secum in auribus modulationem illam, & dulcedinem cantus, etiam cùm discessit: ita malus sermo, quamuis non statim officiat, semina tamen in animo relinquit, quæ diutius hærent, & ex interuallo recurrunt. Deum intus loquentem eò frequentius audies, quò rariùs homines audieris. Omnia odoramenta arte confecta effœminatorum sunt, & malè audientium. Ideò reiecto omni odore, fac vt bonis moribus suauissimam virtutum fragrantiam redoleas. Gustum verò castigabis abstinentia, & sobrietate. Tactum cilijs, verberibus, duriori strato, alijsque asperitatibus. *Satius est corpus affligere, & seruare: quàm noxijs blanditijs, & ipsum, & animam perdere in æternum.*

IV. Cùm ex habitu, cultuque corporis internus animi status palam fiat, ea procul à te sint, quæ solent indicium esse animi prauī, & perturbati. Qui olim sapientes inter Ethnicos dice-




dicebantur, nec digitum quidem sine ratione exerere viro probo permiserunt . Tantam à te rectitudinem non exigo , sed opto : idque edico , vt abstineas à risu , à scurrilitate , à dissoluti hominis licentia , à manuum gesticatione , à præproprio incessu . Vt nihil in te appareat , quod possit offendere intuentes : non sordes vestium , non frontis rugæ , non motus incompositi , non signa contemptus , seu animi abalienati , non quicquid nauseam , vel fastidium parit . *Multa possunt honestè fieri , qua non possunt honestè videri .*

V. Homo nudus creatus est , & non erubescerebat ; non enim poterat rubore eum afficere nuditas ignorata . Postquam verò peccauit , abiecta innocentia chlamyde , quæ satis eum tegebat ; externa vestis pudori velando necessaria fuit . Sed quod olim in poenam irrogatum fuit , nunc in dignitatis prærogatiuam transiit . Quærentur vestimenta , non quæ tegant , sed quæ ornent , quæ alienis oculis ac libidini placeant . Index animi vestis est . Nimia eius accuratio , totusque vultus de speculo , & capsula , muliebris ingenij est . Pudebit cultus exterioris , si cogitaueris quid eo tegatur . Qui habet intus ornamenta virtutum non quarit externa , Ostentari virtus  
sine



sine fuce gaudet : quicquid addideris  
 minusest illa. Vanus hominum error  
 est fulgere purpura , mente sordescere .  
 Quidam se catenis onerant , sed quia  
 aureæ sunt , infamiam seruitutis non  
 metuunt . Aliquos non ligat au-  
 rum, sed figit : nam per vulnera infligi-  
 tur auribus , è quibus sæpe patrimoniaz  
 pendent : & quæ olim pænarum nomi-  
 na , nunc ambitionis sunt . Non pau-  
 cos videbis inter pectinem, & speculum  
 diu occupatos, qui magis solliciti de ca-  
 pitis sui decore sunt, quàm de salute.  
 Ita præualuerunt stultorum hominum  
 deprauata iudicia , vt se rebus ornari  
 putent, quas calcare deberent. Sit igitur  
 vestis tua artis experta : non ad pom-  
 pam, sed ad necessitatem , infra fa-  
 stum , supra sordes , & ad vitæ con-  
 ditionem temperata . Auro te licet,  
 & margaritis exornes, sine Christi de-  
 core deformis es . Hic est decor, qui  
 semper manet, qui non carnem mori-  
 turam , sed te ipsum intus exornat ,  
*Insana ambitio est, finem regere auro ,*



## CAPVT XI.

## De Custodia Linguæ .

*Quanti momenti sit, & quàm difficilis .  
Quid in sermone seruandum, quid vi-  
tandum . Qualiter toleranda vitiosa  
aliorum lingua.*

1. **T**Anti momenti est custodire lin-  
guam, vt maiori cura seruanda  
sit, quàm pupilla oculi : quia *mors, &  
vita in manibus lingua*. Qui eam cohi-  
bere nequit, vrbi patenti absque muro-  
rum ambitu comparatur . Vix tamen  
domari potest sine speciali Dei auxilio .  
Domat homo leonem, domat taurum,  
domat vrsu, & non domat linguam  
suam . Innata est enim naturæ humanæ  
loquacitas, vt, quod cupit, & concipit  
statim proloqui gestiat . Tum lingua  
vicina est cerebro, os phantasie, vt  
quod illa cogitat, mox deriuat ad os,  
& in verba effluat . Docuit te natura  
quàm sit necessaria linguæ custodia,  
cùm duplex ei munimentum obiecerit,  
dentium, & labiorum . Sicut autem  
odor vnguenti pyxidjs ore non obstru-  
cto euanescit, ita patente oris ianua om-  
nis animi vigor dissipatur . *Malè  
sibi attendit, qui lingua iugiter non  
attendit.*

II. In

**I I.** In omni locutione cautus esto , illam comprimes immoderatam affectionem , qua plerique impelluntur ad sententiam vix conceptam temerè effutiendam, sine examine, & delectu. Fuge duplicitatem, & simulationem, sensusque animi, absque inuolucro, & ambiguitate purissimè profer. Data est tibi à Deo loquendi facultas: vt ea res, sicuti sunt, verè, & candidè enunties. Loquuturus, ipse te consule, an vlla in te exastuet affectio immoderata: nec quicquàm linguæ permittas, donec commotio cesseret: alioquin plura effundes, quæ te postea dixisse poenitebit. Facile filebis, si nulli perturbationum clamores in corde perstreant: si fuerit in anima solitudo, & serenitas. Non potest esse alius sermoni, alius animo color. Si mens sana est, si temperans, si composita: sermo quoque siccus, ac sobrius erit. Ea vitata, hic quoque afflatur. *Cuius nota quisque sit, indicium oratio est.*

**I I I.** Nullus sit sermo otiosus. Sicut eligis, quo vescaris: sic elige, quod loquaris. Cibus, per os ingressurum, examinas: cur non verbum egressurum, quod sæpè in domo tua grauiorcs tragœdias excitat, quàm cibus in tuo stomacho? Assuesce plurimum tecum, minimùm cum alijs loqui.



Viros sapientes sæpè pœnituit , locutos fuisse : nunquàm verò , tacuisse . Animalia , quæ sapientiora censentur , parùm quoque vocalia sunt . Garrulitas vitium puerorum , & mulierum est , quibus minus rationis inest . Nihil virtutis in eo est , è cuius ore non nisi vana , & inutilia prodeunt . Si Deum amares , si tuæ salutis studiosus fores , omnia colloquia tua de Deo essent , de virtute , & perfectione . Nescit amor mentiri : tegi non potest . Profunditur quisque in ea , quæ amat : & quæ latent in mente , frequentius ad linguam recurrunt . Ideò minùs libenter de rebus diuinis loqueris : quia nondum è face vitiorum emeristi . Accedit exigua lectio , & meditatio eorum , quæ pertinent ad salutem : vt etiam loqui volentem materia deficiat . *Ex abundantia cordis , os loquitur.*

IV. Omnis ferè sermocinatio in congressu hominum , de aliorum vita , moribus , & studijs est . Tot quisque iudices habet , quot sunt capita in ciuitate . Vix vllus est , qui oculos domi habeat . Cæcutimus plerique in proprijs vitijs discernendis , erga aliena acutissimi . Conuitia in proximum plenis valuis admittimus : laudibus vix rimæ patent . Hoc vitium quò communiùs est , eò studio-

sius

sius vitandum. Satis tibi negotij cum  
vitijs tuis: ea carpe, & emenda. Ar-  
cana tua, siue aliorum, quæ celare ex  
officio debes, nemini euulges. Ple-  
rosque contigit in perplexas incidisse  
quæstiones, quòd imprudenter, qui-  
bus non oportuit, secreta crediderint.  
Siue vni, siue pluribus dixeris, idem  
est. Facile sermo ab vno ad alterum  
effluit: ab hoc ad omnes. Oritur hæc  
facilitas ex hoc præcipue: quòd cum  
plus iusto protrahitur sermo, sensim  
irrepat dulcedo quædam confabulatio-  
nis, non aliter afficiens animum quàm  
ebrietas: quare nullum secretum tam  
abditum, & sacrum est, quod non  
erumpat. Ille tibi arcana sua aperit,  
tu, veluti pignore fidei accepto, tua  
vicissim illi communicas. Sed tu forsi-  
tan audita retices: ille obuio cuique  
refert: & cum omnes palam ignorent,  
clam sciunt. Linguas diceres per om-  
nium aures secretò volitare, donec  
tandem arcanum superfluit, & rumor  
fit. Quicquid mali sub cælo est, aut  
lingua peperit, aut promouit. Ideò  
verbistuis stateram fac, & frænum ori  
tuo: nihilque loquaris, quod tacuisse  
melius sit. Laudabilior est verborum  
parsimonia, quàm pecuniæ. Qui num-  
mos prodigit, dum sibi nocet, alijs pro-  
dest: verborum prodigus, & sibi nocet, &  
alijs. *Ad diuinitatem propius accedit,*  
*qui*




*qui multa audire scit, & pauca loqui.*

V. Nihil linguæ inaccessum. Non sunt immunes à criminationibus Principes terræ, quos extra ferri metum potentia collocavit: non viri sanctitate conspicui, quos censura subduxit innocentia. Ipse Christus, cùm inter homines degeret, linguæ flagellum non euasit. Ad horum exempla erige patientiam tuam. Stimulus quidam virtutis est obrectatio, & frænum ne à recto tramite deuies. Nullus capitalior vitiorum hostis, quàm censura. Cùm quis perperam de te loquitur, doceris quid caueas. Vis venenatæ linguæ morsus euadere? contemne. Nullum vulnus habebis, si tacueris, plùs tribuens bonorum iudicio, quàm criminantis insolentiæ. Parùm refert, quid alij de te sentiant. Est intùs in anima testis certior, & incorruptior. Conscientiam tuam interroga, & illi crede. Quid turpius, quàm ab insipientium sermone pendere, & propriam existimationem in aliorum iudicijs reponere? Quicquid alij de te dicant, te oportet bonum esse: haud aliter, quàm si aurum, vel smaragdus dicerent: Quicquid alij dicant, me aurum esse, me smaragdum oportet, & colorem meum seruare. Si quis dulci, ac limpidò fonti conuitium faciat, an propterea cessabit puram aquam scaturire? Et si quis  
lu-



Iutum iniiciat , nonne statim eluet ,  
ac dissipabit ? Ita nec tu tranquil-  
lum animi statum turbare debes ,  
etsi mali te lacerent , & calumnien-  
tur . Exigua sui æstimatio est , ad  
omnem rumorem commoueri . Pueri  
os parentum feriunt , matris crines  
turbauit infans , momordit vbera ,  
lacerauit genas , & sputo aspersit : &  
nihil horum contumeliam dicimus :  
quia qui fecit , contemnere minimè  
potest . Quem itaque animum ha-  
bent parentes aduersùs pueros : eun-  
dem habe aduersùs eos , qui te ca-  
lumniantur . Si te semel eò demise-  
ris , vt iniuria mouearis , eum qui  
fecit honorabis . Necesse est enim ,  
vt ab eo suspici gaudeas , à quo con-  
temni molestè fers . Hoc autem est  
vitium animi contrahentis se , & de-  
scendentis . *Infœlix semper eris , si te  
putas posse contemni .*



## CAPVT XII,

## De Sensibus Internis.

*Vsus opinionum . Bonis cogitationibus  
mens imbucnda . De coercendo ap-  
petitu sensitiuo eiusque prauis  
affectionibus . Varia ad id  
præceptiones .*

I. **I**N hoc præcipuus sapientiæ cardo  
vertitur, vt nulla opinio menti  
tuæ inferatur, quæ vel naturæ, vel  
rationi inconsequens sit . Quare om-  
nibus reiectis aduersus phantasiæ mo-  
tus exerceri debes, sicut Dialectici  
aduersus sophisticas captiones . Obije  
filius . Non est hoc in nostrâ potestate ;  
malum non est . Pater illum exhære-  
dauit . Et hoc cum arbitrij nostri non  
sit, malum non est . At rem illam ægrè  
tulit . Hoc nostri arbitrij est : ideò ma-  
lum . Fortiter tulit . Nostri arbitrij est,  
& bonum . His si assueueris, proficies .  
Amicus in carcerem ductus est . Quid  
accidit ? nihil, nisi quod in carcerem  
ductus est . De suo autem quisque addit :  
malè cum illo actum esse . Corrige opi-  
nionem, & omnia tranquilla sunt .  
Sicut furiosum ligamus ne cui no-  
ceat : ita coercenda phantasia, ne  
falsis opinionibus obruat mentem .  
Hæc tanquàm fera indomita proripit  
E fese,

sefe, & quòcunque libuerit per summam licentiam diuagatur, garrula, fugax, quietisimpatiens, nouitate rerum latissima, nec agnoscens moderationem. Huic igitur studio sedulam operam nauare debes, vt eam teneas, & alliges, ac in vno figas: ne cogitatione tuæ, animique decreta semper ex opinione suspensa sint. *Quacumque sunt extrà animum tuum, nihil pertinent ad te.*

II. Quid se tibi cogitandum offert, examina diligenter: quò tecum ipse disserere possis, quæ sit eius rei nudæ, & ab omnibus alijs separatæ natura, quæ proprietates, quis finis, quæ circumstantiæ, quæ utilitas: an ad te spectet, sitque in tua potestate: necne; alioquin nullum ei accessum præbeas, eique repugna, quantum potes. Deus intimè præsens occultissima cordis tui clarissimè perspicit, nihilque tam abditum est, quod oculis eius peruium non sit. Vide, ne coram ipso ea voluas in mente, quæ coram honesto viro loqui erubesceres. Sint cogitationes tuæ placidæ, simplices, puræ, omnisque malitiæ expertes. Tales sint, vt subito interrogatus quid cogites: possis sine pudore palam facere quod intus latet in corde. Pudeat cogitare, quod pudet loqui. *Malis cogitationibus aditum obstrues si bonis*



*nis semper occuperis.*

3. Nihil æquè noxium animæ, nihil magis contrarium, quàm inferior, brutalis, & sensitivus appetitus. Hic fons est omnium scelerum, & imperfectionum: hic hostis, quem semper timere, semper impugnare debes, donec rationis imperio, quantum in hac vita fieri potest, subijciatur. Nulla hic requies, nullum otium datur. Sine fine, & sine modo pugnandum: quia nec finem, nec modum aduersarius habet. Latet hic intra te: imò tu ipse tibi hostis es, potentior quàm Xerxis exercitus. Custodi à te ipso animam tuam. Fortius est te inuadere, quàm vrbes: tui potiri, quàm rerum. Non exigo vt prauas affectiones omninò conteras, & ad nihilum redigas: sed vt eas regere discas. Satis præstiterit ratio, si eas compescat, & moderetur. Iniqui fuere Stoici, qui omnes affectus tanquàm malos infamarunt. Mala non est, nec superuacua supellex naturæ. Tollit omnem virtutem, qui omnes tollit affectiones. *Nulla sunt victoria, ubi nullum certamen*

4 Difficilis sanè hæc lucta est, & prælium anceps: affectus enim nascuntur nobiscum: & ratio multis post annis subsequitur, quando illi iam dominantur, & voluntas sine re,

pugnantia eis paret , specie boni inaniter delusa : donec ratio , successu temporis , & experientia , instauratis viribus suum agnoscat dominandi ius , & affectuum tyrannidi obsistere incipiat : & primi quidem naturæ motus inemendabiles sunt : sed attendere tibi ipsi summa vigilantia debes : & cum primum te perturbari animaduertis , tunc ratione , quasi fræno , eam commotionem coercere . Facilius est inijs resistere , quàm impetum gubernare . Breui tempore ad magnam animi tranquillitatem peruenies , si casus omnes circumspexeris , antequam eueniant , vt te paratum hostis aggrediatur . Serò animus ad remedia post pericula instruitur . Tum pauca agere , & loqui discere : nam si ex his , quæ plurima loqueris , & facis , ea tollas quæ necessaria non sunt : pauciores non senties animi perturbationes . Neque dicas : hoc parum est , hoc nihil refert . Maximum enim est , licet minimum videatur , quod est initium virtutis , & perfectionis .

V. Homo vetus à peccatoris Adæ infecto semine trahens originem , si quasi quædam arbor consideretur , habet pro radice amorem sui , pro trunco propensionem ad malum , pro ramis perturbationes , pro folijs vitiosos ha-



habitus, pro fructibus opera, verba,  
& cogitationes, quæ diuinæ legi ad-  
uersantur. Ne igitur rami prauarum  
affectionum in folia, & fructus erum-  
pant, pone securim ad radicem, &  
pessimum tui ipsius amorem extirpa.  
Si hunc sustuleris, omnem inferioris  
appetitus vitiosam sobolem vnico ictu  
excidisti. Tolles autem, & eradicabis,  
si te ipsum spreueris: si verè credide-  
ris, te vnum esse ex millibus, nulla  
dote singulari præditum, omnique  
scientia, & virtute destitutum: si dis-  
plicere hominibus, & ab illis sperni  
non metuas: si omni solatio, & com-  
modo libenter careas. *Seruabis te, si  
benè oderis: perdes si malè amaueris.*

## C A P V T XIII.

### De Amore.

*Qua sit eius natura, qua causa, qui  
effectus. De eiusdem remedijs.*

*Addita quadam in Odio.*

I. **A** Mor, complacentia boni est:  
illa, scilicet prima impressio,  
qua afficitur appetitus, dum bonum  
cognitum ei placet. Hoc cohæret vni-  
uersus orbis: eoque subactò, qui pri-  
mum inter affectus locum tenet facile  
reliqua turba debellabitur. Bonus amor

E 3 illuc



illuc tendit, vnde sumpsit originem. Ad bonum accedit, qui à summo bono procedit. Discute vitam tuam, & in statera districti examinis appende cortuum. Obserua quis in eò præualeat amor: id enim quod in lance dilectionis præponderat, hoc tibi Deus est, hoc idolum, quod colis. Ideò præcepit Deus, vt eum toto corde diligeres, præoccupare cupiens tuæ mentis affectus, quia quod diligis ex toto corde, hoc tanquam Deum adoras.

II. Impellunt ad amandum, præter bonitatem & pulchritudinem, sympathia quædam, & conuenientia morum, & animorum: modestia item exterior, industria, nobilitas, doctrina, ingenij perspicacia, & alia eiusdem generis, corporis, & animi ornamenta. Ipse amor magnes amoris est: cui si accedant beneficia, iam cogitur dilectionem rependere, qui nolebat impendere. Sunt, & quædam naturaliter ad amandum prouocantia: nam quibus spiritus lucidiores sunt, cor calidius, subtilior sanguis; quique sunt facili, ac miti natura, ad amorem sunt procliuiores.

III. Magna est amoris potentia: in rem amatam transformat amantem. Quidam sui exitus amor est, quædam à se peregrinatio, quædam spontanea mors. A se abest omnis, qui amat,  
nihil

nihil cogitat de se , nihil prouidet : nihil agit : & nisi ab amato suscipiatur , nullibi est . O quam infeliciter amat , qui Deum non amat ! Non enim potest in amato esse , qui diligit terrena , quæ animam satiare nequeunt , cum sint finita , & vanitati , ac morti subiecta . Qui verò Deum diligit , in Deo est , & desinens viuere in se , in eo viuit , in quo omnia viuunt , qui est centrum nostrum , & incommutabile bonum . Amor humanus violentus , & amarusest : diuinus semper humilis , & tranquillus : illum cruciat Zelotypia , in hoc nulla rivalitas est : ille timet , ne alius amet , hic optat vt omnes ament . Ergo si te amas , Deum ama : nam quod ames , prodest tibi , non illi . *Homo mutari potest , & perire : Deum nunquam amittis , nisi dimittis .*

IV. Vt amor , quo socium fortè prosequeris , sincerus sit : omnes ab eo humanas causas ingenij , iucunditatis , similitudinis remoue , & illas dumtaxat quære , quæ in pietate , & sanctitate consistunt . Pernicies virtutis est amor , quem Platonicum vocant , quo à formæ corporalis aspectu animam erigi fingunt ad diuinæ pulchritudinis considerationem . Formosæ faciei obtutus ad tangendi concupiscentiam excitat : & quod per oculos exit , siue lumen sit , siue fluxus quidam



hominem colliquat, & perdit. Melius est labi pedibus, quàm oculis. Sunt autem difficillima amoris remedia, quia castigatus magis premit: & nisi obstes principijs, ita sensim irrepit, vt te prius amare sentias, quàm instituas de amando consilium. Sed si omninò initijs repugnes, facilis curatio erit. Alijs quoque rebus occupanda mens, quæ curas ingerant, & memoriam rei amatae dimoueant. Tum vitanda omnis admonitio dilecti corporis: quia nihil facilius recrudescit quàm amor, qui si semel te inuaserit, adeò pertinaciter vexabit, vt non nisi lento remedio temporis, & absentia submoueri queat, donec, scilicet, lassus expiret. Multos curauit pudor, dum se digito signari, vulgique fabulam fieri doluerunt; & rei foeditatem plenam dedecore, plenam periculis, & poenitentia obnoxiam considerarunt. Alijs profuit attentè disquirere mala, & incommoda rei amatae, quæ eius decorem, & amabilitatem imminueret. Demùm iuuabit amorem ad Deum, ad virtutem, ad æterna præmia, ad ea nimirum, quæ verè amabilia sunt, conuertere, vt bonus amor malum pellat amorem, & mens hominis generosa vilissimo terræ amore sordescere erubescat. *Malis amores, bonos mores insciunt,*

V, Om.



V. Omnia colligauit natura amato-  
ria quadam catena. Hæc cogit, & co-  
pulat stellarum choreas in cœlo, volu-  
crum examina in aere, armenta boum  
in pratis, greges pecudum in monti-  
bus, turmas ferarum in syluis. Sacer  
autem hic nexus à solo rumpitur odio:  
vt enim amor ad vnionem, ita odium  
ad diuisionem, & dissensionem ten-  
dit. Huic affectui facile subiacent  
ignauī, timidi, & suspiciosi, qui vn-  
decunque damnum metuunt. Sunt,  
& quidam homines ita nati, vt oderint  
omnes, qui tanquàm diræ alites tene-  
bras quoque suas exosas habent. Si  
quis huius notæ occurrerit tibi: non  
odio illum, sed miseratione prose-  
quere. Sicut in palæstra caues à col-  
lusore placidè, & sine ira: ita in om-  
ni vita ab eo sine odio declina,  
qui tibi contrarius est. Odium verò  
compesces e citando animum ad amo-  
rem per considerationem alicuius bo-  
ni in eo, quod odio habetur. Nul-  
lus in, te odio locus etit, si omnia  
in bonum interpreteris. Tum ap-  
plicandum est odium ad ea, quæ ve-  
rè illud merentur, quæ sunt defor-  
mitas peccati, & æterna damnatio. Si  
ad alia ipsum vertis, non rem quàm  
odisti, sed te ipsum lædis, & perdis.  
Nam si etiam inimicos iuberis di-  
ligere, quem debes odisse? Abeun-  
dum

dum est tibi extra rerum municipium ,  
 ut inuenias quem odisse liceat . Extrà  
 rerum naturam malum est , in quod  
 solum iustè exerceri odium potest .  
 Quòd si hominem odisse debes , ne-  
 minem ita ut te : nemo enim tantum  
 tibi nocuit , quantum tu ipse .

## C A P V T XIV.

### De Desiderio , & fuga .

*Quid desiderandum , quid fu-  
 giendum sit .*

I. **F**elix est qui subiectus est Deo ;  
 qui impensè desiderat , qui se rebus  
 accommodat , qui dicit : Vult me Deus  
 incolumem esse : vult me agrotare : vult  
 me diuitem , vel pauperem : vult me hinc  
 migrare , vel hic morari : Ad utrum-  
 que paratus sum . Si semel dixeris ,  
 Quando illuc ibo ? Quando illud ha-  
 bebo ? miser eris . Nam si id concu-  
 piscis , quod extra te est , perpetuà  
 anxietate cruciaberis : & , tanquam in  
 orbiculari machina , semper sequeris ,  
 nunquam asequeris . In tua potestate  
 sunt opiniones , cogitationes , affe-  
 ctiones , & quælibet actiones tuæ :  
 extra eam corpus , diuitiæ , gloria ,  
 dignitates , & quicquid ipse non agis .  
 Illa , nec prohiberi ab aliquo , nec  
 impe-



impediri possunt: hæc aliena sunt, & impedimentis obnoxia: quare ea omnino non appetes, vel ita saltem vt scias ab aliorum arbitrio pendere, & diu tecum esse non posse, quia sic exigit eorum conditio. Nulla res externa desiderabilis est: *Præterit enim figura huius mundi*. Et si omnia votis respondeant, quicquid habueris, dolens, & inuitus in morte relinques. Intro respice: intus est fons boni semper scaturiens, si semper fodias.

II. In hoc vno posita fuit quorundam veterum philosophorum sapientia, qui fortunæ imperio exempti inter ipsos corporis acerrimos cruciatus licet beatis mentibus de felicitate mouebant. Nam cum terminos potestatis homini à Deo concessæ contemplarentur, sibi planè persuadebant nihil præter affectiones, & cogitationes suas ad se pertinere. Ideoque tam absolutum in eas imperium huius meditationis usu acquirebant, atque ita animi motus regebant: vt non sine aliqua ratione se solos diuites, solos potentēs, solos felices iactarent. Assidua autem exercitatio necessaria est, vt res extra se positas tanquam nihil ad te spectantes spernere discas. Id si fueris assequutus, nunquam dolebis externa tibi deesse, sicut non doles, quod rex Tartarorum non sis, aut quod alis careas

ad



ad volandum. *Quæ extra nos, nihil ad nos.*

III. Hoc fræno coercenda sunt desideria, quibus si modum non imponas, nunquam explebitur inexplibilis animus, & quicquid illi congesseris, non erit finis cupiditatis, sed gradus, & irritatio. Nullus humor sufficit ei, cuius viscera ardenti æstu laborant: non enim sitis illa, sed morbus est. Ita accidit illis, qui desideria sua non ad rationem reuocant, cuius certi sunt fines, sed ad vitium, & luxum, quorum immensum est, & incomprehensibile arbitrium. Nulla incommoda senties, nec quidpiam tibi deerit quod desideres, si te intra naturalem modum continebis: si modum excefferis, etiam in summis opibus pauper eris. *Cupiditati nihil est satis, natura pauca sufficiunt.*

IV. Memento sic in vita versandum esse, vt in conuiuium. Si quæ epulæ circumferantur, & ad te peruenerint manu modestè extenta accipito. Site prætereat qui fert, ne eum detine. Si nondum peruenerit, ne longè appetitum extendas, sed expecta donec accedat. Sic erga diuitias, erga dignitates, & reliqua quæ extra sunt, si affectus fueris, dignus eris Sanctorum conuiuium, eaque animi securitate frueris, quæ te omnibus casibus superiorem faciet. Quod si ea quæ oblata  
fue-

fuerint despexeris, & recusaueris; non solum conuiua Sanctorum: sed confors eris felicitatis eorum: eamque incipies prægustare in terra, qua illi in cœlo perfruuntur. Arbitrio tuo potes te beatum facere, si nihil desideres, quod extra te sit. Quis est beatus? qui habet quicquid vult. *Habet autem quicquid vult, qui non vult nisi quod potest.*

V. Multa fugimus, & abominamur tanquam noxia, & aduersa, quæ reueravtilia sunt. Fit enim plerumque, ut spiritui plurimum profint, quæ appetitui aduersantur. Quæ nocent, docent. Mors, exilium, paupertas, ignominia, labor, ægrotudo, & cætera eiusdem generis, quæ in tua potestate non sunt, nec mala sunt, nec pertinent ad te. His itaque non fugam, non abominationem opponere debes, sed conceptæ de illis opinionis neglectum. Hæc omnia Socrates laruas appositè nuncupabat. Nam ut pueris larvæ incutiunt metum, cum nihil in illis præter externam speciem horribile sit: ita in rebus contingit, quas non ut sunt, sed ut apparent, apprehendere soles. Mors quid est? Larua. Vide quàm dulcis fuerit non solum sanctis, & eximia virtute præditis viris, sed Socrati, & alijs sapientibus Ethnicis. Quid igitur terribile est in morte? Opinio. Timor mortis est horribilis, non ipsa mors.

Idem.



Idem in alijs rebus, quas soles abominari apprehendes. *Corrige opinionem, & nihil inuenies, quod debeas abominari, prater peccatum.*

## C A P V T X V.

### De Gaudio, & Tristitia.

*Qualiter vir bonus gaudere debeat. Non tristatur qui omnia prouidet. Varia doloris antidota.*

I. **I**Ta gaudere debes, vt in gaudio tuo modestia eluceat; neque animus ita dissoluatur, quin possis liberè, si opus sit, à lætitia ad mœrorem transire. Christus Dominus optimus rerum æstimator non ridentes beatos vocat, sed eos qui lugent. Valdè enim dedecet Christianum hominem, qui se æterna festari profitetur, inter tot pericula mentis, & corporis, inter tot iustissimas tristitiæ causas, stultorum more risu gestire, & de rebus perituris exultare. Fugit terrena voluptas, & quæ nos gaudia vocamus, sæpè initia tristitiæ sunt. Verum gaudium non nisi ex virtutum conscientia nascitur. Non potest gaudere nisi iustus, fortis, & temperans. Vt nunquam desit animo tuo lætitia, fac vt tibi domi nascatur. Nascetur autem, si intra te ipsum  
fue-



fuerit. Cæteræ hilaritates leues sunt, non implent pectus: nec semper gaudet, qui ridet. Res seuera est verum gaudium; oritur ex bona conscientia, & honestis consilijs, & rectis actionibus, ex contemptu voluptatum, & placido illibatæ vitæ tenore. *Hac est vera virtutis lex: ut verè gaudeas, diu lugendum.*

II. Tristitia malum præsens, vel re ipsa, vel apprehensione cùm quadam perturbatione, & inquietudine execratur. Solemus autem ut plurimum, non rebus, sed rerum opinionibus cruciari. Noli res indagare quales sint, non seruitia, non agros, non nummos, non negotia: considera potius, quæ tua de illis opinio sit. Quòd dedecore afficiaris, quòd spolieris pecunia, quòd vapules, arbitrij tui non est: at rectè de his sentire, non ea esse mala, sed sæpè utilia, penes te est. Nunquam dolebis, si à præsentī molestia auulsam cogitationem illuc conuerteris, vbi vera sunt gaudia. Viro bono nihil accidit mali, non quia non sentiat, sed quia vincit. Respicit enim omnem aduersitatem, ut occasionem exercendi patientiam, ut instrumentum diuinæ gratiæ, ut viam ad gloriam in æternum duraturam. *Potest vir bonus miser dici, esse non potest.*

III. Quicquid fieri potest quasi futurum prospice. Sic omnium malorum impetum molles, quæ ad præparatos nihil afferunt noui: securis, & omnia prospera expectantibus, grauiæ eueniunt. Quid erit si rerum tuarum dimidium auferat casus? quid si omnia? quid si ruat domus, comburantur fegetes, deferant amici? quid si fama periclitetur, & de gradu per calumniam deiciaris? Morbus, captiuitas, ruina, ignis: nihil horum sapienti repentinum est. Futuras secum commentatur miseras, & dolorem, quem alij diu sustinendo, ipse diu meditando lenit. Cuius accidere potest, quod alicui accidit. Quæ sunt diuitiæ, quas non fames à tergo, & mendicitas sequantur? Quæ dignitas, quàm non sordes comitentur, & extrema contemptio? Quod regnum, cui non sit paratum excidium? Nonne gladio carnificis regiam ceruicem abscissam, idque iussu subditorum, inaudito exemplo hæc ætas vidit? Nec magnis ista interuallis diuisa sunt: horæ momentum interest inter opes, & egestatem, inter aulam, & caulam, inter solium, & securim. Scito ergò omnem conditionem versabilem esse, & quicquid in vllum incurrit: in te quoque incurere posse. *Aduersam fortunam facile sustinet, qui semper expectat.*

IV. Non



I V . Non se exerit virtus , cùm secundo cursu vita procedit. Tunc apparet quanta sit cum quid possit patientia ostendit. *Spectaculum*, inquit Apostolus, *facti sumus Deo, Angelis, & hominibus*. Ecce autem spectaculum dignum, ad quod respiciat intentus operis suo Deus: Ecce par Deo dignum vir fortis cum aduersitate compositus, de seipso, & de omni calamitate triumphans. Tranquillum mare, & ventus obsequens artem gubernatoris non ostendens. *Qui non est tentatus, quid scis?* Dicit aliquis infelicem me, cui hoc acciderit. Imò felicem te, quia licuit tibi te experiri. Potuit enim tale, quidpiam cuique accidere, sed non erat cuiusque similem casum sine dolore excipere. Ne itaque in sinistris eventibus te submiseris: contra potiùs stabilem gradum, & quicquid oneris supra cecidit, sustine. Nam primo impetu fracto nihil in his horribile esse videbis præter opinionem. Quæ à natura vim habent, eandem seruant in omnibus: sed paupertatem, ignominiam, contumelias, & cætera, quæ mala vulgus nuncupat, multi patienter ferunt, multi nec sentiunt quidem: non ergo naturale est in his moerore consumi, sed à peruersa opinione procedit. Quid tibi ipsi mentiris: Leuem



omnem calamitatem ferendo facere potes . Levis est omnis dolor , si nihil ei opinio adiecerit . Noli mala tua , facere tibi per impatientiam grauiora . *Tàm miser quisque est , quàm se ipse existimat .*

V. Omnis ægritudo mora tandem decrescit , & licet contumacissimum dolorem tempus adimit , & eneruat . Visne igitur diem operiri , quo luctus te inuito desinat , an ipse illi finem imponere ? Cur non id consilio præripis , quod allatura est diuturnitas ? Quamuis ipse custodias mœrorem tuum , custodienti tamen elabitur . Nulla enim rescitiùs in odium venit , quàm tristitia ; quæ dum recens est , consolatorem inuenit , inuetarata derideretur . Quòd si dolore calamitas vincitur , eat omnis inter luctus dies , noctem sine somno mœstitia consumat , ingerantur pectori manus , & se se omni sæuitiæ genere profecturus dolor exerceat . Sed si lacrymæ inutiles sunt , si nullo fletu aduersitas mitigatur ; disce te ipsum regere , & omni aduersitati inuicta constantia obistere . Turpis est nauigij rector , cui gubernacula fluctus eripuit , qui fluctuantem nauim tempestati permittit . *At ille vel in naufragio , laudandus , quem obruit mare clauum tenentem , & undis reluctantem .*

## CAPUT XVI.

## De Spe, &amp; Desperatione.

*Quomodo utramque moderari  
oporteat.*

I. **S**pesvana, & mendax, & verè somnium vigilantis est, nisi in Deo collocetur, cuius solo nutu omnis difficultas vinci potest. Quid rei futuræ expectatione cruciaris, & in longinqua cogitationes extendis? Nihil sperabis, si nihil cupies, si omnia terrena despicias. Nemo sperat quæ contemnit. Licet te nunquam sperata deceperint, licet non ex difficili petatur quod speras, quandiu te spes aliqua proritat sollicitus eris, & incertus tui, ac in ancipiti positus. Vt pedibus loca inuia, & prærupta non petis: ita nec animo ea speranda, quæ in tua potestate non sunt. *Omne miseria momentum hoc est, defuisse voluntati quod speravit.*

II. Sæpè admonendus est animus, ut quæcunque extra te, & circa te sunt, aspiciat ut peritura, tenuique filo pendencia. Quid obliuisceris conditionis tuæ? Mortalis natus es: nihil tibi de hodierna die promittitur, nihil de hac hora, Instat à tergo mors: quic-



quid habes mutuò accepisti . Vfus fructus tuus est , cuius tempora summus omnium arbiter temperat . Ad eius nutum omnia sine querela reddenda sunt . Pessimi est debitoris creditori conuicium facere . Nihil est ergò sub sole quod debeas aut possis sperare . *Il-la tantum vera est spes , qua de vero , & summo bono ritè concipitur .*

III . Desperationem causant inertia , abiectio animi , nimia difficultatum apprehensio , vitiosa suis diffidentia , viriumque , & industriæ defectus . Vincitur excitando animum eorum exemplo qui etiam in grauioribus angustis constituti omnia obstantia generosè superarunt . Incipe , & propelle te ipsum , quia Deus facientes adiuuat , & quod arduum videbatur , facillimum fit , si falsa de ñlo opinio depouatur . Quicquid accidit tibi , id omne ab æterno destinatum est . Illud autem aut ita euenit vt natura comparatus es terre , aut secus : si primum : ne despera , sed fer : si aliter , nectunc quidem desperandum : quicquid enim illud est , citò finem , & ipsum habebit , & tibi imponet . Leue est , quod ferre potes , breue , quod non potes . Sed inemineris in te situm esse multa facere tolerabilia : si ea vt vtilia , & conuenientia apprehenderis , *Calamitas virtutis occasio est .*



## CAPVT XVII.

## De Timore.

*Quàm vanus sit, & qua ratione vincatur . Audacia vitanda . Quadam iterum de Ira.*

I. **M**agna pars mortalium, cùm nec sit quicquam mali, nec pro certo futurum sit: æstuat tamen, & discurrit, sibi que infortunium vel fingit, vel auget. Non tot reperit cruciatus humana crudelitas, quot patitur animus futuri anxius, qui sollicitus est ne bona præsentia amittat, aut mala imminentia eueniant. Multa mala quæ non essent, sunt quia timemus. Quid prodest tibi ante tempus cruciari, & inani prouidentia occurrere ærumnis tuis? An ideo oportet te iam miserum esse, quia quandoque futurus es? Stultum est dare se referentibus, nullisque apparentibus signis, quæ malum prænuncient, falsis terreri imaginibus. Sæpè fallaci coniectura deceptus, verbum dubiæ significationis detorques in peius. Sæpè potentis offensam maiorem putas, quàm reuera sit: & cogitas, non quantum iratus sit ille, seu quantum liceat irato, Vani autem sunt hæ

metus, & ideò magis perturbant, quia vani sunt. Vera enim modum suum habent, quicquid ex incerto venit, coniecturæ, & licentiæ pauentis animi traditur. Parùm differt patiari aduersa, an expectes: nisi quòd modus est dolendi, non est timendi. *Doles quantum scis accidisse, times quantum potest accidere.*

II. Si vis omnem timorem exuere, quicquid veteris ne eueniat, euenturum propone, & illud malum tecum metire, metumque tuum taxa: intelles profectò non re ipsa, sed opinione magnum esse quod metuis. Num potest aliquid tibi durius accidere, quàm vt mittaris in exilium, vt ducaris in carcerem? Num quidpiam corpori vltra timendum est, quàm ne vratur, & pereat? Excute singula ista, & redige ad verum timorem tuum: multos inuenies, etiam infideles, qui hac omnia contempserunt. Stephanus inter lapides pacato animo Deum precatur: Laurentius in flammis exultat, & insultat tyranno: se vltro proijcit in succensum rogi Apollonia Virgo. Ridet ferreis malleis contusus in pila Anaxarchus: Socrates, cicutæ poculum gaudens exhaurit, & Critiæ propinat. Quid ignes metuis, & turbam carnificum circa te frementium? sub ista pompa, quæ stultos terreat, la-



vet mors, quam tot pueri, tot puellæ læto animo amplexi sunt. Deme rebus tumultum, deme personam, redde singulis faciem suam: nihil in illis terribile esse videbis, præter ipsum timorem. Id nobis euenit grandioribus pueris, quod paruulis solet. Hi quos amat, quibus assueuerunt, cum quibus ludunt: si personatos vident, expauescunt. Tu verò puero deterior ad tantam ineptiam peruenisti, ut non solum dolore, sed doloris larua, & pánico terrore vexeris.

III. Abduc animum à priuata causa ad communem. Dic, mortale tibi, & fragile corpusculum esse, multisque morbis, ac tandem morti obnoxium. Dic tibi ipsi: Iam pridem sciebam multa mihi aduersa imminere. Quid nunc ergo timeo? Ægrotabo? Proderit ad animæ salutem corporis ægritudo. Ad paupertatem redigar? Tutior mihi, & tranquillior vita erit: Opes amittam? & cum illis curas multas, periculumque perpetuum. Ignominia afficiar? si iusta, eius causam execrabor: si iniusta, mea me conscientia consolabor. Repulsam speratæ rei patiar? Nec reges quidem omnia quæ cupiunt assequuntur. In exilium mittar? Spontè ibo, eritque peregrinatio. Cæcus fiam? Multis cupiditatibus via incidetur. Malè de




me loquentur homines? Facient quod mereor, quod solent. Moriar? Hac conditione intraui, vt exirem. Sed peregrè moriar? Nulla terra est aliena non habenti hic permanentem ciuitatem. Moriar ante diem? Nemo nisi amens queritur, ante tempus absolui vinculis, & carcere relaxari. Mors, exilium, luctus non sunt supplicia metuenda: sed tributa nostræ mortalitatis. *Stultum est ea timere, quæ vitare non potes.*

IV. Fuge audaciam, nihilque temerè vltra vires aggredere: nemo enim celerius opprimitur, quàm qui nimium de se præsumit. Exiguæ sunt vires nostræ sine Dei præsidio, à quo omnis sufficientia, omne robur emanat. Oritur audacia à propriæ virtutis nimia existimatione, à contemptu aduersariorum, à præcipiti ingenio, rebusque gerendis minùs exercitato. Plus metuit, qui prudentior est: nam vires proprias metitur, solerter prospiciens quid valeant, quid ferre recusent. Audaces, cùm grauiora, quàm ante conceperant experti pericula fuerint, effuso primo impetu subsidunt, & torpent serò agnoscentes, quàm sint incertæ hominum prouidentia, quàm vanè cogitationes. *Initium est futura calamitatis incauta securitas.*

V. Nunquam tibi dominabitur ira;  
 si opi-

si opinionem existimare iniuriæ tollas. Tu ipse dux flagitiorum tibi es, & incensor criminum: tu mala omnia tibi struis. Quid causam tuarum perturbationum in alios deriuas, si tu te impellis, & præcipitas? Nemo læditur nisi à se ipso. Quod dicunt pueris nutrices, si non plores, accipies: id tu rectius dices animo tuo efferuescenti: Noli irasci, noli vrgere, & clamare: rectius fiet quod volebas. Dies quosdam institue, quibus proponas in iram nunquam incidere quacunque ex causa: tum per vnum vel duos menses eadem ratione te experire: inuenies successu temporis te adeo profecisse, vt ad risum te prouocent, quæ prius iratum è statu mentis deijciebant. Placidi mores nemini eorum, cum quibus viuuntur, ita sunt grati, & iucundi, vt ei ipsi, qui præditus illis est. *Hoc boni habet pacatus animus: semper gaudet, semper triumphat.*



## C A P V T X V I I I .

## De Potentijs Animæ rationalis.

*Continendus intellectus à curiositate .  
Cui potissimum scientia incumben-  
dum . Quàm malum sit aliorum  
mores disquirere . Aliorum  
iudicia spernenda . De  
voluntatis abne-  
gatione .*

I. **D**Ata est tibi à Deo intelligendi facultas, vt ipsum agnosceres, & cognoscendo amares ; sed per peccatum duplici vulnere sauciata est , ignorantia , & cæcitate . Nam , & in notione veritatis erras : & quid sit faciendum , vel fugiendum , plerumque ignoras . Quanta ergò diligentia , vel vrbs in grassantis pestilentia metu , vel arx ab hostili exercitu obsessa custoditur , ne quis non planè cognitus intus obrepat : tanta est cura , multoque maiori vigilandum , ne intellectus malæ rei , sibi à sensibus obiectæ , aditum patefaciat . Rerum enim species sensus obijciunt , intellectus admittit , & ad iudicium defert : hoc voluntati proponit . Sed sensus offerunt bona , & malâ : mentis est , vel admitte-  
re , vel excludere ,

II. In



I I. In primis continendus est intellectus à curiositate . Cur per inania distrahis mentem , solidæ sapientiæ , & Deo natam ? Res frugi sapientia est. Sicut qui gustat aconitum , vt qualitatem eius scrutetur , priùs perit , quàm saporem sentiat : sic qui ea rimantur , quæ ad se non spectant : priùs se ipsos pèssumdant , quàm cognouerint quod quærebant . Scire quod non prodest , proximum est ignorantia . Qui verè sapiens esse cupit , non opinioni discit , sed vitæ : nec quærit in scientia oblectamentum animi , sed remedium . Nosse gaudes stellarum vires ? Inepties postquàm sciueris , si ignores infirmitatem tuam . Vis ornatè , & eleganter loqui ? Satiùs est , si discas tacere . Scire noua cupis ? Quid magis nouum , quàm renouare te ipsum ? Hoc discere . Errores alienos libet confutare ? Cur non corrigis tuos ? Iuuat percurrere historias , & scire aliorum facta . Benè , si interim non ignores , quæ à te sunt facienda . Placita litigantium concordare delectat ? Cur non , & tuos affectus tumultuantes ? Nisi quæreres superuacua , facile inuenires necessaria . *Scientia autem necessaria illa est , qua te bonum potius , quàm doctum facit .*

I II. Quid in ijs quæstionibus te torques , & maccras , quas subtiliùs sapè est con-

contempsisse, quàm solvere? Cur pertinaci studio laboras, vt ea discas, quæ forent dediscenda, si scires? sed vt aliarum rerum, sic quoque litterarum intemperantiâ nos vexat. Nullus librorum est finis. Instruuntur Bibliothecæ ad spectaculum potius, & ornatum, quàm ad vsum legentium. Vix librorum editorum indices tota vita legere poteris, quamuis multos vixeris annos. Inter hos multi sunt noxij, & perniciosi: multi indigni, qui legantur: multi vani, & imperiti; quos cùm diu perlegeris, nihil scies. Plures quidem à limine salutare tibi permittitur, ne aliquid in ipsis latere iudices magni, & secreti boni: sed paucis, & cùm delectu, insistendum. *Paucis ad bonam mentem libris, & litteris indigemus.*

IV. O inanes mortalium cogitationes! Impallesimus chartis, & per innumeras artes, ac scientias ingenium extendimus, quasi nobis per multa sæcula viuendum sit: vitæ verò sempiternæ curam negligimus, quæ non scientijs, sed virtutibus comparatur. Quid prodest acta externorum Regum inquirere: & quæ passim inuicem, ausique sunt populi, magnis voluminibus describere? Quantò satius foret, tua mala extinguere, quàm alienâ posteris tradere? docet te Geometria



tria metiri latifundia: doceat potius, quomodò, quod tibi sufficiat, meriaris. Numerare docet Arithmetica, & auaritiæ commodare digitos: doceat potius ea spernere, & lato animo amittere, quæ tanta sollicitudine computantur. Monstrat Musica, quomodò voces inter se consonent: ostendat potius, quomodo secùm mens concordet: nec disparem reddant sonum sensus, & ratio. Monstrat, qui sint modi hilares, qui flebiles: ostendat, inter prospera non extolli, inter aduersa non emittere flebilem vocem. Non damno harum rerum cognitionem; sed hæc, & alia utiliter scies, postquàm sciueris te ipsum, & nouissima tua. *Nihil scis, quamuis omnia scias, si te ipsum ignora.*

V. Infame vitium, ac sordidissimum est, aliena facta obseruare, mores disquirere, & omnia temerè interpretari. Quis enim es tu, qui alienum iudicas seruum? *Domino suo stat, aut cadit.* Ipse est, qui iudicat omnes, qui omne sibi iudicium reseruauit. Qua audacia diuinum tribunal præsumis inuadere? Attende tibi, & latebras conscientiæ tuæ perscrutare. Vide ibi mala, quæ insunt, bona quæ desunt, & noli oculos ad aliorum vitam conuertere. Satis vberem malorum copiam in te reperies, quam acciori censura perstringas. Vix quidpiam iustè fit, quod non pos-




possit prauum ingenium in malum detorquere . Ipsis Euangelijs abutuntur hæretici : Christi actiones calumniabantur Hebræi . Vt corpora melancholica , & mali humoris quicquid cibi sumpserint in bilem vertunt : sic anima malè disposita quicquid videt , quicquid audit perperam interpretatur . Bona, vel mala intentio sæpè res bonas vel malas facit : hæc autem soli Deo nota est , qui scrutatur renes , & corda . Quòd si factum alienum nulla potest ratione defendi , quid ad te ? Non erubescis, fœdissima quæque quasi è latibulis educere, ac publicè spectanda proferre ? Cur non te ipsum obseruas , qui cæteris deterior es ? In te exerce maledicentiam tuam , de te ipso tecum detrahe , accusa prauitatem tuam , & te ipsum diiudica . Dei enim iudicium euades , si tui iudex seuerus fueris .

VI. Vt ingeniosi in notandis , aliorum factis plerique sumus , inde nobis prudentiæ famam perquirentes , ita facile suspicamur , alios de nobis malè sentire , vel loqui : nos illis odiosos esse , & despiciatos . Hoc vitium vt repellas , temperanda primò cupiditas est , qua hominibus placere , & magni ab illis æstimari desideras . Tum danda est opera , vt vel ipsam cogitationem abijcias sciendi quid alij de te sentiant , vel loquantur : cùm præsertim

rim sæpè contingat eos nec quidem de te cogitare , quos fingis perperam de te loqui , & te obseruare . Dic tibi cum Apostolos : *Si hominibus placerem , Christi seruus non essem .* Dic ad alios : *Mihi pro minimo est , ut à vobis iudicer , aut ab humano die .* Talis reuera es , qualis es apud Deum . Sensus , & loquela hominum nihil adiicit bonitati tuæ , nihil detrahit de malitia . *Melius est bonum esse , quàm videri .*

VII. Nihil tuæ voluntati contrarium eueniet , si eam penitus abnegaueris , & transfuderis in diuinam . Sic mentis solida pace , sic vera tranquillitate perfrueris . Viues vt voles , si quod velle debeas didiceris . Debes autem velle quod Deus vult . Hæc est vnica vitæ huius felicitas , velle vt quæ fiunt ita fiant , sicut vult Deus , non vt volumus ipsi . Ducit te Deus ad finem , ad quem ab æterno destinatus es per suauiam , & aspera , per prospera , & aduersa . Obsequere diuinæ prouidentia , & sequere alacriter : nam , & si repugnaueris , sequeris nihilominus , & impius eris . *Ducit volentem Deus , nolentem trahit .*





## CAPVT XIX.

## De Statu Proficientium.

*Varia profectus adiumenta . Temporis  
æstimatio , & usus . Dei præsentia  
necessaria .*

I. **S**I bonus esse cupis, primùm credito, te malum esse. Nunquam proficies, si proficiendi deposueris appetitum . Nolle proficere, deficere est . Perseuera igitur, vt cœpisti: & quantum potes prospera , quò citiùs frui emendato animo, & composito possis. Argumentum animi in melius translatus est, si vitia tua vides, quæ adhuc ignorabas. Sic ægris gratulari solemus, cùm se ægros esse senserunt . Noli facilè tibi credere: sed excute te, & obserua, tuique profectus experimentum cape animi firmitate, & cupiditatum diminutione . In proficientium classe te esse existimabis, cùm in te ipsum maximam habueris potestatem . Inæstimabile bonum est se possidere, & vnum esse . *Vir probus semper idem, improbus semper alius est.*

II. Potes, si vis, vna die ad culmen Sanctitatis peruenire, si toto corde auersus à creaturis, ad Deum conuertaris. An verò vitam intus cùm Deo agas, ex his signis deprehendes . Si tibi displiceant



etant res transitoria, si placeat solitudo, si cures quod perfectius est, si opiniones, & iudicia hominum spernas. Magnum verò adiuumentum ad omnem virtutem præbebit tibi vitæ, & passionis Christi assidua meditatio. Ipse est liber vitæ, in quo solo, velut in diuite, ac instructissima bibliotheca, reperies, quidquid pertinet ad salutem, etsi omnes libri cum suis auctoribus inrerirent. Non tamen sufficit Christum scire, & meditari, nisi etiam imiteris: atque ita viuas, sicut ipse docuit verbo, & exemplo. Nisi ad regulam praua non corriges.

III. Præclare à quodam dictum est: eos qui proficere velint, ita viuere debere, vt perpetuò curentur. Multa enim sunt iugiter obseruanda, quæ ad arcem virtutis properanti moram iniiciunt. Cùm nimirum amore inordinato, vel te ipsum, vel aliquam creaturam prosequeris: cùm rebus externis ita afficeris, vt, si eas auferri, vel amitti contingat, iniquo animo laturus sis: cùm proprijs commodis nimium studes in cibo, potu, colloquijs, euagationibus: cùm temporalibus te nimium immergis, tuoque iudicio, ac voluntati pertinaciter adhæres: cùm motus internos minimè obseruas, Deumque intus loquentem per secretas inspirationes, audire contem-

G

sem.

temnis . Hæc sunt præcipua impedi-  
menta, te in via detinentia , quæ vt  
remoueas sedulò vigilabis , & te operi  
viriliter accinges . Animet virtus quic-  
quid agis , animet finis perfectissimus  
cùm promptitudine , & alacritate, ani-  
met pura intentio: atque ita operi in-  
siste , vt prænotioni , quam habes de  
eiusdem perfectione , penitus adæque-  
tur . Non consistit profectus in mul-  
titudine exercitiorum : sed in his , quæ  
quotidie fiunt , perfectè obeundis .  
*Non enim in factò laus est : sed in modo ,  
quo res fit .*

IV. Volant dies , festinat tempus , &  
quod præteritum est , nemo tibi resti-  
tuere potest . Non viuis , sed victurus  
es ; semper enim vita tua spectat in cra-  
stinum . Sic elabitur tibi vita , dum  
vitæ instrumenta conquiris ; & interim  
senectus venit : venit mors , in quam  
incidis imparatus . Sicut interficientes,  
quos mutua decipit confabulatio , se  
priùs ad metam peruenisse , quàm ap-  
propinquasse cognoscunt ; ita hoc vitæ  
iter assiduum , quod vigilans , & dor-  
mienseodem gradu peragis , tibi occu-  
pato , & distracto non nisi in fine appa-  
rebit . Quid igitur cunctaris , quid ces-  
sas ? Pretium temporì pone , vt ere eo  
celeriter : æstima hunc diem , imò hanc  
horam : eius enim iactura irreparabilis  
est . Prædia tua à nemine pateris oc-  
cu-



cupari: si exigua de finibus contentio sit, ad lites, & arma discurre: vitam verò, & tempus tibi eripi à quocunque permittis, eius rei profusissimus, cuius solius auaritia honesta est. Computa ætatem tuam, reuoca ad calculum præteritos annos: quamuis centesimum excedas, videbis te pauciores habere, quam numeras. Quantum enim ex his diripuerunt somnus, gula, lites, amici, & otiosa discursatio? adijce quod sine usu izcuit, quod nihil agenti, aliudque agenti elapsum est, te non sentiente quid perderes; intelliges, quàm exiguum tibi de tuo relictum sit, & te immaurum mori fateberis. Sæpe quereris de transactis diebus, quos malè perdidisti: cur non eniteris sic præsenstempus transigere, vt eo elapso dicere possis: Non video, quo pacto illud melius potuerim collocare? Singuli tantum dies, & hi per momenta præsentis sunt. Cur hodie perdis, quod tuum est: & futurum disponis, quod tuum non est? *Maximum viuendi impedimentum est dilatio. Vne hodie: cras viuere ferum est.*

V. Deum semper in omni cogitatione, verbo, & opere, quocunque alio fine excluso, respice: & vnicam eius voluntatem sectare. Nunquam à recto tramite deuiat, qui Deum sibi viam da-



ctorem proponit. Bono loco res tuæ erunt, si omnia quæcumque facis ad Dei gloriam dirigas, atque ita singula facias, ac si ipse spectet, qui videt omnia, omnia sustentat, omnibus prouidet. Eius obtutum nunquam effugies: interest enim non verbis tantum, & factis, sed intimis cogitationibus tuis. Cum fores obduxeris, & tenebras intus feceris, ne putes te solum esse: tecum Deus est, qui secretum tuum facere sanctius debet, cui nihil clausum est. In ipso viuimus, mouemur, & sumus. Coram illo comede, & bibe, cum illo ambula, cum eo tracta negotia tua, ad ipsum erige vitam tuam: Fac te dignum, in quem oculos figat, quem semper amabiliter spectet. Magna tibi necessitas indicta est probitatis, cum ante oculos agis Iudicis cuncta cernentis. Sic viue, ac si nemo in mundo sit, præter te solum, & Deum. Quicquid eius prouidentiæ de te dispo- fuerit, libens amplectere, siue prosperum illud fuerit, siue aduersum. Deum quæris: hac, an illa via ad ipsum peruenias, quid refert? Atque utinam aliquando peruenias!

## CAPVT XX.

## De Bono Solitudinis.

*Fugienda malorum societas. Mundi vitia  
quot, & quæ sint. Studium profi-  
cientis, acquisitio virtutum.  
Signa quædam obtenta  
virtutis.*

I. **I**ngens argumentum est compositæ  
mentis, & à prauis affectionibus  
emendatæ, secum posse consistere. Sicut  
Deus, se solo beatus, in se semper mo-  
ratur: ita ad Dei felicitatem proximè  
accades, si tecum manere didiceris. Et  
quidem si volueris, nunquam eris soli-  
tarius, si nunquam à Christo lepareris.  
Quod si loquendi te corripit cacoethes,  
tecum loquere: sed caue, ne cum malo  
homine loquaris. Vis autem scire, quid  
tecum colloqui possis? Id quod homi-  
nes de alijs libentissimè faciunt: de te  
apud te malè loquere. Produca vitia tua,  
& castiga quicquid in te animaduersione  
dignum repereris. Nunquam de-  
erit aliquod vitium, cui curatio ad-  
hibenda sit. Absconde te in otio:  
sed, & otium tuum absconde. Glo-  
riari solitudine iners ambitio est. Cor-  
porali autem solitudine internam iun-  
ge; vt grata tibi, atque utilis sit. Sub-  
duc te vanis occupationibus: nec ab



hominibus tantum, sed à rebus etiam secede, quæ ad te non spectant. Esto liber ab omni creatura, & à corde tuo earum imagines exclude. Abijce omnes caducarum rerum sollicitudines, omnes cogitationum ineptias, & in abdito cordis recessu tibi soli, & Deo attende. In hoc mentis silentio, in hac rerum omnium obliuione, & nuditate vera cordis requies, vera tranquillitas sita est. Huc fuge, hic abscondere, huc semper intende: *ibi enim reperitur Deus, ubi omnes creatura deferuntur.*

II. Si vis bonus esse, fuge malorum consortium. Nihil tam damnosum bonis moribus, quam se populo committere. Nunquam mores, quos intulisti, referes. Animus tener, & parum tenax recti, vitiorum impetum tam magno comitatu venientium ferre non potest. Facile transiit ad plures. Conuictor delicatus paulatim enervat, & emollit: vicinus diues cupiditatem irritat. Vnico exemplo luxuriæ, seu avaritiæ perire potes. Trahunt in prauum parentes, trahunt socij, trahunt serui. Plena omnia periculis: plena sunt laqueis. Statim ac editi in lucem sumus, in omni continuo prauitate, & in summa opinionum peruersitate versamur. Vix ullus in mundo est, qui non aliquod vitium, aut commendet, aut imprimat,



mat, aut nescienti allinat. Continebis te aliquando inter domesticos lares, extra forum, & commercium hominum: proh quam suavi, & optata fuga! Omnia intus serena, omnia tranquilla, sine nube, & vento. Accedit casu qui te euocet, sequeris. Coniungunt se alij, fit corona, venit ad turbam, peccatur multiplici excessu, & qui bonu exieras, pessimus regrederis. Vulnera autem animæ non deprehendis, nisi iterum solitarius. Recede ergo in te ipsum, quantum potes, ne suis erroribus mentem imbuat omnis vndique ad vitia consentiens multitudo. *Letior est animus, qui in pauciora distringitur.*

III. Crede te paulisper in celsi montis verticem subduci: speculari inde miserrimam mundi faciem. Hinc disces ipsum odisse, & ab eo in solitudinem elongari. Cernes itinera à latronibus claudi, maria à prædonibus obsideri, fremere vndique bella, & humano cruore madescere campos, abruptoque fræno vitia vbique, & scelera dominari. Videbis in occulto penetrabili ab impudicis ea fieri, quæ nec ipsis quidem possunt placere qui faciunt. Inuenies tam indigna, tam indecora, ut nemo dubitaturus sit eos insanire, si cum paucioribus insanirent: sed sanitatis patrocinium

est insanientium turba . Inter leges  
ipsas delinquitur , nectuta illic est in-  
nocentia , vbi defenditur . Perit inno-  
cens , absoluitur reus : minùsque cri-  
mine , quàm absolutione peccatur . Nul-  
lus legum metus est , quod enim potest  
redimi , non timetur . Amara sunt oblo-  
quentium linguæ , subdola ora laudan-  
tium : indæ sœuit odium , hinc decipit  
mendax officium . Alius vino madet ,  
alius torpet inertia . Illum insatiabilis  
auaritia tenet , hunc defatigat ex alie-  
nis iudicijs suspensa semper ambitio .  
Respice forum multitudine refertum ,  
tantumdem istic vitiorum esse fateberis ,  
quot hominum . Peccant omnes iniu-  
rijs in proximum , in Deum contem-  
ptu , in res abusu : omnia in suum  
congregant iudicium , omnium rei .  
Et quomodò tutum seruare vestigium ,  
vel ad te recurrere poteris , inter tot  
vitia omni ex parte virgentia , quæ re-  
surgere cupientem , & in altum attol-  
lere oculos , premunt , & mergunt ?  
Innoxium aliquem esse , vbi regnant  
nocentium agmina , difficile est : nam  
si te immutare non poterunt , saltem  
impedient . Vna est firma tranquillitas ,  
tot te malis excerpere , & in eam rece-  
dere stationem , è qua possis mundi luem  
ab omni contagio liber intueri . Insuper-  
abilis est animus , qui externa deseruit ,  
& sibi soli vacans arce sua se vendicat ,

*Hinc*



*Huic mundus carcer est , & solitudo  
Paradisus.*

IV. Vanum est ab hominibus secedere, nisi cogas animum intentum sibi esse, & virtutum exercitationi solerter incumbere. Nullum homini bonum est, si desit virtus: nulla quies, nulla felicitas nisi ex virtute. Tria sunt, quæ sibi mutuo in Vniuerso respondent. Inter omnia, & super omnia Deus: inter sensibilia lux, inter animi perfectiones, virtus. Deus est lux, & virtus omnium: lux, virtus mundi, & imago Dei: virtus, lux animi, per quam filij Dei nominamur, & sumus. Ad hanc purgato animo accedere debes, si ad optatum perfectionis culmen peruenire desideras. Virtus enim perfectio hominis est, instauratrix innocentiae, omni plena iucunditate. Est supplementum naturæ, ad bonum supernaturale ex se ineptæ. Est facilitas boni operis, qua rectè viuimus, qua velut cæci illuminamur, qua peccatis resistimus, qua meritis cumulamur, qua vitam æternam promeremur. In hoc studio necessarium tibi primò est, cuiusque virtutis naturam, & actus præscire: quia nemo amat quod ignorat. Tum ab actu, & excitatione nunquam cessandum: & si desint occasiones, milites imitari oportet, qui in media pace sine hoste decurrunt, fictis.



fictisque velitationibus se ad vera certamina parant . Finge tibi ingentia quæque scelera obijci : puta te contumelijs proscindi, omnia quæ possides à te violenter auferri : & sic patientiam exerce, ac si res vera ageretur . Non trepidabis in ipsa re, si ante rem te ita exercueris . *Magnos ad pugnam spiritus adfert miles, qui sanguinem sæpe fudit .*

V. Virtutum habitus non nisi longa exercitatione comparantur . An verò aliquam ex illis obtinueris, ex his indicijs dignosces . Si nimirum vitia virtuti opposita extincta sentias, aut magna ex parte compressa . Si prauarum affectionum motus sub fræno rationis legem pati, ac menti parere facile compellas . Si actus virtutis absque difficultate, imò etiam cum delectatione exerceas . Si tepidorum dicta contemnas, plenaque spiritus libertate ad ea præstanda te exeras, quæ displicent imperfectis . Si prauos actus, ad quos antea per habitum inclinabaris, connaturaliquodam fastidio abomine- ris . Si neque per somnium re aliqua turpi delectari, aut quidpiam iniustum approbare videaris . Si ea satagas imitari, quæ in alijs laudas, & admiraris : atque ab illis abstineas, quæ reprehendis . Si nullam culpam exiguan putes: omnemque imperfectio-  
nem,

nem, quantumuis minimam, studio-  
sè vites, & obserues. Si cùm vides, vel  
audis, æquales tuos diuitijs, aut digni-  
tatibus florere: nec inuideas, nec per-  
turberis. Si errores tuos ingenuè fatear-  
is, cupiens ab omnibus corrigi, & re-  
prehendi. Si conscientix testimonio  
contentus, bona opera in te ipso ser-  
ues, & abscondas: rectè enim facti  
fecisse præmium est. Si studio deni-  
que virtutis sine intermissione incum-  
bas. *Nam vera virtus nunquam torpet,  
sed semper in actu est.*

## C A P V T XXI.

### De Virtutibus Theologicis.

*Fides operibus comprobanda. In solo Deo  
ponenda fiducia. Morina amoris erga  
Deum. Amor proximi bene-  
ficijs ostenditur. Hor-  
tatio ad eleemo-  
synam.*

I. **B**ASIS cæterarum virtutum, & to-  
tius Christianæ vitæ fundamen-  
tum est fides: sine qua nemo potest  
placere Deo. Hæc est sapientia, quæ  
domuit orbem: cui firmiter adhæren-  
dum, omni disquisitione, & curiosi-  
tate reiecta. Crede autem, & operare:  
quia fides sine operibus mortua est.  
Ser,



Sermo tuus, & professio tua iactitant fidem: caue, ne vita, & mores prædicent infidelitatem. Credis Euangelium: cur non obedis Euangelio? Credis vitam æternam: cur breuissimum tempus interminabili præfers æternitati? Quid prodest credere vera, & bona, si tu falsus es, & mala operaris? Vix fieri potest, ut benè credat, qui malè viuít: ille enim verè credit, qui exercet operando quod credit.

II. Cum certissimum sit, Dei prouidentia omnia disponi, & gubernari, adeò ut, nec passer de coelo, nec folium ex arbore cadat absque eius nutu, & voluntate; ipsi te totum trade excelso animo, & ingenti fiducia, nihil dubitans, quin opportunum ad res omnes auxilium sis habiturus. Scito omnia humana consilia, atque præsidia fallacia, & incerta esse: teque regi, & agi absque vlla anxietate à Deo sinas. Et si res accidunt inopinatæ, quibus actionum tuarum, & consiliorum tota series turbari, & præcidi videatur, vel morbis, vel falsis criminationibus, alijsquæ casibus grauioribus, ne despondeas animum, sed spe diuina munitus eius te regimini subijce: nam per hos casus, per hæc discrimina, ad illum finem te diuina sapientia perducit, quem tibi ab æterno destinauit. Non sentit malum præsens qui futura sperat bona. Tantum potest homo, tantum habet: quan-



quantum sperat, & credit.

III. Charitas omnium virtutum forma, & Regina, & Deum respicit, & proximum. Et Deus quidem ex toto corde, ex tota anima, ex totis viribus, super omnia amabilia diligendus est, purè propter se, & suam infinitam bonitatem. Quod es, quod viuis, quod moueris, quod sentis, quod intelligis. Dei gratia est. Ipse te à seruitute diaboli redemit: ipse animam tuam innumeris prærogatiuis nobilitauit: ipse tibi vitam æternam nullis præcedentibus meritis præparauit. Cælum, terra, aer, aqua, & omnia quæ in eis sunt, magnis vocibus quotidie clamant, vt summo eum amore prosequaris, à quo propter te creata sunt. Cur per multa vagaris quærendo bona animæ tuæ? Ama vnum bonum, quod est omne bonum. Quære simplex bonum, quod est summum bonum, quo nihil maius, nihil amabilius potest excogitari. Solus amor est, quò mutuam Creatori vicem, quamuis non ex æquo, rependere potes. Amor autem non est otiosus, non quærit quæ sua sunt, operatur magna, si est. Nulla amanti imperuia difficultas. Verus amator mori potest, vinci non potest.


IV. Natura nobis amorem incidit mutuum, & sociabiles fecit: omnes enim homines magni corporis membra sumus, ad eandem fidem, & gloriam, vocati.

vocati. Non amat Deum qui non diligit fratrem suum. Actus verò dilectionis erga Proximum sunt beneficia omnibus conferre, omnibus prodesse, omnes obsequio, & amore præuenire. Beneficia autem lato animo, & prompto indigentibus conferes, nulla intercedente mora, nisi in accipientis verecundia. Sufficiat ad remedium tristius quidpiam passis, quod eorum indigentiam scias. Molestum verbum, & onerosum est: Rogo. Si amici desiderium occupas, & antecedis, antequam rogeris, multiplicas munus tuum. Non tulit gratis, qui cùm rogasset, accepit. Si præuenire non potuisti, plura rogantis verba intercide, ne rogatus videaris: teque daturum ipsa festinatione approba, etiam si non fuisses interpellatus. Tum bona verba bonis rebus adijce; nec quidquam triste misceas beneficio, non mœstitiam, non tarditatem, non exprobrationem, non denique iactantiam. *Res ipsa te silente loquetur: & qui videt in abscondito, reddet tibi.*

V. Inter actus Christianæ beneficentiæ præcipuum tenet locum elemosyna; qua fides probatur, redimuntur peccata, emitur cœlum. Caue ergo ne despicias pauperem, qui cùm sibi egenus sit, te facere diuitem potest. Peccatis tuis venundatus es, redime te pecunia tua: fac de instrumento auaritiæ



ritiæ subsidium misericordiæ . Histrion  
te ad ritum prouocans plenus à te rece-  
dit : Christus offerens regnum cœlo-  
rum nihil accipiet ? Tributa Principi,  
vel inuitus soluis , etsi ex agris nihil  
perceperis : Christo Regi ex eo , quod  
superabundat , frustum panis denega-  
bis ? Caue ne parcens pecunijs tuis,  
reus sis sanguinis fratris tui . Si non  
pauisti , occidisti . Cogitas quàm benè  
alij post te uiuant , non cogitas quàm  
malè tu moriaris . Satiùs est deesse ali-  
quid hæredibus tuis de patrimonio ,  
quàm tibi de salute . Inspice rationes  
tuas . Vide quid in æternapatria , quid  
hic possideas . Ex omnibus rebus tuis  
id solum in morte reperiens , quod per  
manus pauperum in cœlum præmi-  
sisti . Argue infidelitatem tuam . *In-  
vadere domum hostis potest , cœlum non  
potest .*



## C A P V T XXII.

## De Prudentia.

*Eius necessitas , & difficultas . Officium  
viri prudentis .*

I. **V**T architectis nullum opus rectè  
procedit sine linea, & libella :  
ita nec nobis sine prudentia . Hæc nor-  
ma cæterarum virtutum est , recta ratio  
agendorum , oculus animæ , & ars vi-  
uendi . Non potest esse iucunda vita , à  
qua absit prudentia . Hanc artem diffi-  
cillimam esse omnes fatentur . Sed , &  
obscura est . Oritur ex eo difficultas :  
quòd intrà considerationis suæ ambi-  
tum res omnestim vniuersas, quàm sin-  
gulares complectatur : ac deinde , quod  
nullus sit certus status rerum humana-  
rum : quæ cum sint variæ semper , &  
contingentes, atque à diuersis pendeant  
circumstantijs, non est cuiusque inge-  
nij, certam in illis statuere normam , &  
quæ non rarò repugnantia sunt , certo  
quodam temperamento coniungere , &  
miscere . Obscuritatem verò adfert ca-  
ligo illa, qua rerum gerendarum causæ  
inuoluuntur . Apparent quidem ea-  
rum fastigia, sed latent fundamenta .  
Latet etiam diuinum decretum de  
pro-



prospero vel infelici rerum euentu: unde fit, vt paucorum sit ista virtus. Pauci possunt quid magis expediat in quouis negotio præuidere.

II. Prudentiam gignunt vsus, & memoria. Res enim singulares, quas illa regit, notæ homini fiunt per vsum, & experientiam. Tutus erit si tuo, & alieno credideris experimento: nec altiori rei te impones, in qua tibi tremendum, & vnde cadendum sit. Vt verò omnia prudenter disponas, inspicere primùm debes te ipsum, deinde negotia quæ aggredieris, tum eos quorum causa, vel cum quibus agendum est. Et te ipsum quidem accuratè æstimabis, ne plus quàm potes tibi posse videaris. Aliquis eloquentiæ fiducia prolapsus est: quidam patrimonio suo plus imperauit quàm ferre queat: alius infirmum corpus laborioso oppressit officio. Æstimanda sunt postea quæ aggredieris, & vires tuæ cum rebus agendis comparandæ. Opprimunt onera, quæ ferente maiora sunt. His quoque admouenda manus, quorum finem, aut facere, aut certè sperare possis. Hominum deinde delectus habendus est, an digni sint, quibus partem vitæ tuæ impendas: eorum mores examinandi, ne tibi noceas, dum alijs prodesse studes. Denique considerandum est, vtrum natura tua rebus

huiusmodi agendis idonea sit : & eò inclinandum , quò te vis ingenij defert . *Reluctante natura irritus labor est .*

III. Vir prudens nihil aggreditur , quamdiù aliqua perturbatione agitur : non enim potest verum , & honestum discernere concussa mens , & prauæ affectionis præstigijs delusa . Multum item prudentiæ aduersatur præcipitatio , quæ in graues , ac inextricabiles casus plerosque induxit . Quare prudens nil temerè agit , propriumque iudicium alieno consilio subijcit . Timidæ sunt hominum cogitationes , incertæ prouidentia , rerum exitus dubij , fallaces experientia . Ibi salus , vbi multa consilia . Spectat quoque ad prudentem , rem denudare , & acutè introspicere , sine fuco , & integumentis , quæ decipere incautos solent . Sepone pecuniam , famam , dignitatem : intus rem ipsam scrutare ; quære quid sit , non quid vocetur . Stultum est , simulacris , & umbris falli . Tum debes veluti ex specula quicquid euenire potest explorare : ne stultum illud quandoque dicendum sit : Non putaram . Ad id longa consultatio adhibenda , maturumque iudicium , & subtile examen : ne praua aliqua circumstantia actionem vitiet , ne prudentia degeneret in astu .



astutiam, & calliditatem, & ne in tanta veri, ac fucati boni vicinia vitium pro virtute amplectaris. Peracta denique electione, omnem præcede moram, statimque exequere quod decreuisti. Nullus cunctationi locus est in bono consilio; quod non potest laudari, nisi peractum.

## C A P V T XXIII.

## De Iustitia, &amp; Religione.

*Actus utriusque. Quid sit pœnitentia, & in quo consistat.*

I. Iustitia suprema virtus, alijs nata non sibi, quicquid habet transfundit in proximos, nihil petens ex se, nisi usum sui. Hæc homines à mutuis iniurijs auertit, & mundum vniuersum in pace constituit. Hæc tacita quædam naturæ conuentio est, & vinculum societatis humanæ: nec quidquam sine illa laudabile esse potest. Vir iustus neminem lædit, alienum non vendicat, omnibus prodest, benè de omnibus sentit, & loquitur, dat unicuique quod suum est, non impedit alterius bonum. Si præsit, iusta præcipit, omnibus patet, proprijsque vtilitatibus subditorum commoda præfert; poenis vitia coarctat, præmia bo-

nis largitur, & sic omnes continet in officio. Si subsit, seruat concordiam, legibusparet, & iussis maiorum, suoque statu contentus, officia, & dignitates non appetit, nec se rebus ingerit, quæ ad se non spectant. Gratis autem iustitiam collit: quia iustæ actionis nullum maius præmium existimat, quàm iustum esse.

II. Religio moralium virtutum præstantissima, Deum immediatè respicit, eiusque cultum, & honorem. Primus autem cultus est ipsum credere, & cognoscere: deinde reddere illi maiestatem suam, reddere bonitatem. Parùm est nosse Deum, quod, & Dæmones faciunt, qui oderunt: amor insuper, & cultus exigitur his ex rebus constans, quæ utinam tam benè implerentur, quàm sciuntur! Scis Deum illum esse, qui præsidet mundo, qui humani generis tutelam gerit, qui vniuersa moderatur. Ipsum solum potentem, solum bonum, solum altissimum confiteris: ab eo tanquam à summo bono, & tuo ultimo fine perpetuam beatitudinem expectas. Cur non igitur, ut par est, eum colis? cur non summam ei exhibes venerationem? cur vilissimam terræ glebulam ei præfers? Vana est religio tua, nisi factis comprobetur. Vis verè Religiosus esse? Ambulacoram Deo, & esto perfectus. Satis eum collit, qui imitatur. Vera Religio te Deo religat; Deum tibi, Custodi



Custodi eam illibatam à negligentia, ab erroribus, à peccatis. Stultitia magna est, fidem lingua, moribus infidelitatem prædicare. Huius notæ homines irrigit olim celeberrimus inter Ethnicos Philosophus, dicens. Nihil gloriosius esse Christianis, cum loquuntur: nihil miserabilius, cum operantur.

III. Diuini iuris læsi reparatrix est Poenitentia: quæ ad peccati detestationem inclinatur, cum efficaci voluntate, Deo, per illud offenso, satisfaciendi. Hæc est enim poenitentia, præterim peccata detestari, & expiare; nec amplius in ea consentire. Præterit quod delectat: restat quod arguit, quod torquet, quod damnat. Quid prodest transactam foedertatem abscondere? Nemo nocens se iudice absoluitur. Tribunal quoddam à natura in ipsa mente humana constitutum est, ubi unusquisque sui sceleris accusator est, & testis, & iudex. Hic coage animum, & sensus tuos quotidie adesse, ad reddendam rationem. Dic apud te causam: & quantum potes, te ipsum coargue. Totum diem tecum scrutare: omnia dicta, & facta tua, atque ipsasmet cogitationes remetire, nihil abscondens, nihil transiens. Si agnoscis iniquitatem tuam, ignoscit Deus: si fateris, mederis. Quid refert neminem scire vitium tuum, cum tu scias? An utilius tibi existimas, damna-

tum latere, quàm palam absolui? Vbi-  
cumque lateas, conscientia tecum est,  
non potes eam effugere. *Miserrimus es,  
si hanc aspernaris.*

IV. In tria tempora vita diuiditur,  
quod est, quod fuit, & quod futurum  
est. Præsens momentaneum est, ante  
desinens quàm veniat: futurum non-  
dum est: at præteriti dies aderunt om-  
nes, cùm iusseris, & ad arbitrium tuum  
se inspicere patientur. Ne timeas memo-  
riam tuam, nec erubescas in præteri-  
tum retorquere, erroresque tuos tibi  
exprobrare. Quò frequentius id feceris  
eò citius emendaberis. Ipse de te vindic-  
tam sume: nec ea iterum admittas,  
quæ fecisse te plangis. Plerique liberati  
à naufragio, exinde repudium, & naui,  
& mari dicunt. Deique beneficium pe-  
riculi memoria honorant. Hanc bo-  
nam sollicitudinem in te esse cupio, ne  
iterum experiri velis quod semel timui-  
sti. Grande periculum euasisti, ne te  
iterum discrimini exponas. Toties pe-  
percit Deus, quoties deliquisti: caue  
ne idcirco deterior fias, quia Deus bo-  
nus est. Quid factururus sis cogitas ali-  
quando, cur non potius quid feceris?  
Nam consilium futuri ex præterito venit.  
Multi ad sapientiam peruenirent, nisi  
iam putarent se peruenisse, *Nisi te quo-  
tidie emendes, quotidie deterior eris.*



## CAPVT XXIV.

## De Pietate, &amp; Obseruantia.

*Obedientia commendatur, itemque  
Gratitudo. Quomodo accipien-  
dum, & reddendum sit  
beneficium.*

1. **N**Vlla vi verborum exprimi potest, quàm laudabile opus sit posse hominem dicere: Parentibus meis cessi, & parui semper: eorum imperio, sine æquum, siue durum fuerit, obsequen-tem, & submissum me præbui: bonum patriæ ciuem me semper exhibui: fratribus, & consanguineis bene facere nunquam cessavi: omnes vincere beneficijs conatus sum. Hæc sunt nimirum Pietatis officia, quibus debitum tribuimus cultum patriæ, parentibus, fratribus, & alijs sanguine coniunctis. Quod verò pietas erga cognatos, id præstat obseruantia erga Prælatos, Principes, Præceptores, & alios, qui aliquo modo nos antecedunt dignitate, sapientia, ætate, religione, & sanctitate. Solemus enim coram illis assurgere, caput aperire, vi decedere, equo, aut vehiculo desilire, ad genua prouolui, manus, aut vestes osculari, aliaque honoris signa pro more Patriæ exhibere.

Hæc autem omnia profuso, ac reuerenti animo præstabis, si præcesserit in intellectu magna sublimitatis illorum æstimatio. Nam hinc orietur in voluntate fuga quædam, & metus, quo percussus nimiam cum illis familiaritatem declinabis, atque ab eorum magnitudine in tuam quodammodo resilies paruitatem. Omnis potestas à Deo est. Quicquid præstiteris maioribus tuis, infra debitum honorem erit, si Deum in illis consideraueris.

II. Vt ex primi parentis inobedientia omnis calamitas exorta est, sic per obedientiam filij Dei ad felicitatem ducti sumus, si & nos obedientiam seruauerimus. Obedientia rerum omnium perfectio est, earumque cum suo principio firmissima connexio. A Deo enim in Deum admirabili circulo cuncta deducit. Hanc Christus præ cæteris virtutibus commendauit, qui ne eam perderet, perdidit vitam. Hæc melior dicitur esse quàm victima, quia per eam propria voluntas mactatur. Suscipiendum est autem superioris edictum, velut emissæ diuinitus vox, nulla quæsitæ præcepti causa, vel motiuo. Nescit iudicare, qui perfectè didicit obedire. Moneat superior, iubeat lex, dicat quid me velit facere: non disco, non disputo, non excuso: sed simpliciter, & velociter



lociter pareo , paratus ad omnia , seu facilia , seu ardua pari gaudio , & promptitudine exequenda . Vnum est in quo refractarius , & contumax esse potes , si quis nimirum à bono te retrahat , & aduersus Dei legem impellat . Cætera omnia constanter , & sine murmure exequi debes .

III . Gratitude debitum respicit ob acceptum beneficium . Nihil autem magis præstandum , quàm beneficii æstimationis , si non ex rei magnitudine , saltem ex animo , & affectu donantis . Tum iugis benefacti memoria necessaria est , quæ semper animo hæreat . Gratiam referre nequit , nisi qui meminit : & qui meminit , iam refert . Hoc non exigit opes , non operam , non felicitatem , in promptu omnibusest . Vt desint vires , nunquam deerit voluntas , qua rependere etiam Regibus potes . Cum ab aliquo accipis beneficium , hilaris accipe , & gaudium proficere , quod sit danti manifestum , vt muneris sui fructum capiat . Iusta lætitiæ causa est latum amicum videre , iustior fecisse . Qui gratè beneficium accepit , qui libenter , & benignè , primam eius pensionem soluit . Nunquam voluit gratus esse , qui beneficium tam longè proiecit , vt extra conspectum sit . Qui illud extollit , qui se negat gratiam referre posse , iam reddidit . Qui fastidiosè acci-

accipit , & negligenter , parui facere illud videtur . Qui vix indicat se sensitse , vix labia deducit , ingrator est , quàm si taceret . Vir bonus , dum accipit beneficium , de reddendo statim cogitat . Quid enim tam contra officium , quàm non reddere quod acceperis ? Nec mensura pari , sed vberiori reddendum : sicut terra suscepta semina , maiori cumulo restituit . Caue tamen , ne in gratiæ relatione nimium festines . Quidam , cum aliquod munusculum missum est illis , aliud subindè intempestiuè remittunt , & se nihil debere testantur . *Reijciendi hoc genus est , cum munus munere subito expungis .*

## C A P V T XXV.

### De Veritate, eiusque usu.

*Simplicitas laudatur . Actus fidelitatis .*

- I. **I**N omni sermone , gestu , & scriptura , alijsque signis externis veritas sit . Non decet Christianum hominem labium mendax . Muliebri vitium , & plebeium est , aliud pectore claudere , aliud ore proferre . Vir generosus res simpliciter enuntiat , prout sunt : non exaggerat , non amplificat , non decipit , non simulat , verborumque



que ambages , & inuolucra deuitat :  
Simplicia verba veritas simplex amat .  
Vult nuda videri : quia innocens est .  
Qui verò mentitur , aut fallit , rem du-  
plici sermone obscurat , vt lateat . Odit  
lucem qui malè loquitur , sicut qui ma-  
lè agit . Caue itaque , ne , vt vestitum ,  
sic sententiam habeas , aliam domesti-  
cam , aliam forensem : ne in fronte  
ostentatio sit , intùs veritas occultetur .  
Ab hoc vitio abhorret ipsa natura .  
Pueros vide , nondum ratione vtentes .  
Mendacium inter prima probra obji-  
ciunt : & quamuis leuitate quadam as-  
sumant , tamen insita iudicij rectitu-  
dine damnant . Qua in re Dei proui-  
dentiam admirari oportet , quæ virtu-  
tes animo inserit , sine quibus vita ,  
& societas stare non possunt . Omnium  
autem perniciosissimum est menda-  
cium vitæ . Nam si omnem sermonis  
falsitatem abominaris , tanquàm subli-  
mi animo indignam : cur ipse men-  
dacium esse , & viuere non formi-  
das ? Magna res est , vnum homi-  
nem agere .

2 Simplicitas , parùm hominibus  
cognita virtus , tantæ est dignitatis ,  
vt ea Deus magnoperè delectetur : nam  
*cum simplicibus sermocinatio eius* . Sim-  
plex enim ille , & integerrimus cùm  
sit , simplices esse vult animas , quæ  
ad se conueniunt . Est autem simplex ,  
qui

qui in varia nonabit : qui sine duplici-  
tate , & hypocrisi talem se exteriùs ex-  
hibet , qualis interiùs est : qui proprios  
defectus , cùm fert occasio , candidè ,  
& sincerè fatetur : qui malitia paruulus  
est , & omnem politicam agendi ratio-  
nem detestatur : qui non exclusa pru-  
dentia circumspeditione , fidem in om-  
nibus esse arbitratur , malum de ne-  
mine suspicatur : qui stultus apud ho-  
mines videri non refugit , vt si sa-  
piens apud Deum : qui ab omni mul-  
tiplicitate alienus , simplici intentione  
Deo placendi cuncta operatur . Quid  
turbaris erga plurima , infelix astutia ?  
Vnum est necessarium , vt ad eum per-  
uenias , qui vnus , & simplicissimus est .  
*Nunquam pertinges ad metam , si duplici  
graderis via .*

III. Fidelitas inter maxima , & præ-  
cipua humani generis bona colenda est :  
hac enim sublata tollitur vsus commer-  
ciorum , dissoluitur amicitia , foedera  
dissociantur , vniuersa Respublica per-  
turbatur . Rara tamen , & ista est , ac  
ferè mundo incognita virtus . Passim  
accusant humanam perfidiam tot ad  
contractus adhibiti testes , tot stipula-  
tionum firmamenta , tot interposita in-  
dustria , quæ nihilominus vix sufficiunt ,  
vt firma maneant pacta , & conuenta .  
Adeò plerique sordidi sunt , vt sanctior  
sit illis quæstus , quàm fides . Oturpena  
humano



humano generi publicæ fraudis ac nequitia confessionem i Nemini credimus sine teste, sine sponfore: & tutius in tabulis, quàm in animi sacrario fidem custodiri arbitramur. Cæterum, vir fidelis, quodcunque opus promissum constanter exequitur, commissa sibi secreta nemini pandit, datam fidem etiam hostibus seruat, ipsamque regnis, ac vitæ præfert. Tardè quidem promittit, quia celeri sponsioni celerem incumbere pœnitentiam nouit: sed si semel spondit, non fallit, non violat, nisi fortè rerum status mutetur, aut peccandi periculum incidat. *Neminem obligat promissio, quæ non potest sine scelere adimpleri.*

## CAPVT XXVI:

## De Amicitia.

*Quibus officij s sit colenda. Præcepta quædam ad mutuam conuersationem pertinentia.*

I. **N**ihil magis ad humanam vitam necessarium, quàm Amicitia, nihil commodius, nihil iucundius. Ea est mutua duorum beneuolentia in virtute fundata, & bonorum communicationi coniuncta. Quantum hoc bonum est, vbi præparata sunt pectora, in quæ tuto secretū omne descendat: quorū conscientia.

scientiam minùs quàm tuam timeas : quorum sermo sollicitudinem leniat , sententia consilium expediat , hilaritas tristitiam dissipet , conspectus ipse delectet ? Quid dulcius , quàm hominem habere , cui confiteri non timeas si quid deliqueris ; cuius , vel solus occur- sus prosit tibi ? Minuta quædam ani- malia cùm mordent non sentiuntur : adeò tenuis est illis , & fallens in peri- culum vis : tumor indicat morsum : idem tibi eueniet in boni amici conuer- satione , non deprehendes , quemad- modùm , & quando tibi prosit : profuisse deprehendes . Vera autem esse amicitia nequit , nisi recipro- cus interueniat amor ; sed amare prin- cipalius est , quàm amari : atque ideo beneuolentia pro fundamento statui- tur , redamatio connotatur . Vera item amicitia est , & Christi glutino copu- lata , quam non vtilitas rei familiaris , non sola corporalis præsentia , non mendax obsequium , non fallax adu- latio , sed Dei timor , & diuinarum studia litterarum conciliant . *Solida in malo amicitia esse non potest .*

II. In eligendo amico magna cautio adhibenda , iuxta illud quod vulgus ait : multos salis modios , simul edendos esse , vt amicitia munus expletum sit . Sunt autem quatuor in eo probanda , cum quo inire amicitiam cupis . *Fides :*

ics



res difficillima, cuius sola ferè Vmbra in terris reperitur: vt te, & tua ei tutò committas. *Intentio*: vt amicitia finem honestum habeat, & res diuina non transeat in turpitudinem. *Discretio*: vt scias quid præstandum illi, quid ab eo petendum. *Patientia*: vt paratus sit animus, quæcunque aduersa pro amico sustinere. Hæc cum in illo probaueris, explorare insuper debes, prioribus amicis quomodo vsus sit: nam talem in te futurum sperabis, qualem ceteris se præbuit. Fidus amicus viuus thesaurus est, magna seruandus cura, magno, si pereat, fletu lugendus. Beatus es, si talem habes, qui te diligat, non tuas opes, non mensam, non ingenium: qui errantem corrigit, cadentem subleuet, currentem adhortetur. Similem illi non inuenies, quacunque cœli ambitus patet. Multi sunt, quid dicuntur amici: eorum qui verè sint, paucissimi numerantur. Nemo alterum gratis amat. Qui se spectat, qui res externas sibi pro fine proposuit, verus amicus non est. Tandiu te diliget, quandiu utilis ei fueris. Sublata mensa deficiet; atque vt cœpit, sic desinet. *Vera amicitia ibi maxime deest, ubi creditur abundare.*

II I. Sicut Medicus, carissimum sibi ægotantem curaturus, nec ferro, nec igni parcat: ita erga amicum correctione indigentem te gerere debes, liberè,  
rimè,

rimè , audacter , constanter , nihil negligendo , aut dissimulando . Damnable est obsequium , per quod vitia fouentur . Sit autem admonitio secreta , adsit ei omnis suauitas , careat omni verborum acerbitate . An aliquis tibi in amicitiam recipiendus sit , diù delibera : cum placuerit fieri , toto illum pectore admitte : tam liberè cum eo loquere , quàm tecum . Ita quidem viuere debes , vt nihil illi committas , nisi quod inimico committere possis : sed quia interueniunt quædam , quæ consuetudo fecit arcana , omnes curas cum amico , omnes cogitationes misce . Quidam , quæ solis amicis committenda sunt , obuijs narrant , & in quaslibet aures quicquid vrit exonerant : alij etiam carissimorum conscientiam reformidant , & intra pectus omne secretum premunt , nec sibi quidem credituri , si fieri posset . Vtrumque vitium est , & omnibus credere , & nulli , sed alterum honestius , alterum tutius . Quòd si cupis sine periculo cum omnibus loqui , id facile asequeris : non occultando , quæ feceris , sed nihil faciendo ; quod velis occultum esse .

IV. Affinis amicitiae est affabilitas , quæ humanam conuersationem moderatur : in qua seruanda modestia est , seruandum silentium . Multa decet audire virum probum , pauca loqui .



Viriosum est, velle potius sciri, quàm scire: cognosci, quàm alios cognoscere: proprias merces inutiliter prodigere, quàm sibi alienas comparare. Assuescere oportet eorum cum quibus viuis verbis, & moribus incompressis: & quia multi multa loquuntur falsa, inepta, puerilia, nihilque ad rem pertinentia, hæc prudenter dissimulabis. Animi abiectioni, ac muliebris est, cum ijs dumtaxat versari velle, qui cedant, applaudant, & adulentur. De te, rebusque tuis parcius loquere: tuæ sententiæ ne pertinaciter inhæreas, & à verbis elatis abstine, quæ auctoritatem, & magisterium sapiant. Cum quidpiam contra decorum occurrit tibi, in te regressus te ipsum interroga, an, & tu tali vitio labores: tum ex omnibus quæ audis, & vides, aliquid semper ad tuum profectum excerpere. *Bene tecum agitur, si ex alieno peccato tuum emendas.*

V. Cum tibi aliquid occurrit insolitum, inopinatum, & ab usu tuæ Patriæ abhorrens, ne id continuo reprehendas: nam levis animi indicium est, aliena mirari, & ridere, & suo servire municipio. Res æstimandæ pro ut sunt, non ut videntur. Vulgus omnia æstimat ex nouitate, artificio, raritate, difficultate, pompa, rumore, & extrinseco apparatu: sapiens intrinsecum rei pretium, & honestatem respicit: eaque omnia spernit, quæ plebs insana admiratur. Quicquid

acciderit, penes te est, vt fructum ex eo capias . Noli te coarctare , & limitare prouentum tuum . Licet tibi personam obducere , & actores fabulæ imitari . Illi dum flent , non dolent : dum emunt , non possident : iubent sine imperio , obiurgantur sine vindicta , obiurgant sine ira : agunt, scilicet, alienam vitam . Vtinam , & tu sic in aliorum societate te geras, sine affectu , & proprietate ! Magnum theatrum mundus est, in quo tot histriones , quot homines sunt . Cura autem, vt, quantum fieri potest, spectator sis , non actor fabulæ . Qui spectaculum sui in scena exhibent, laborant: qui spectant, rident & delectantur .

## C A P V T XXVII,

### De Liberalitate .

*Quid sit , & qualiter exercenda . Quomodo differat à Magnificencia .*

1. **N**on voco liberalem, pecuniæ suæ iratum : qui nec dare scit , nec seruare ; qui non donat, sed proijcit . Liberalis est, qui rectè dat, & rationabiliter, & pro modo facultatum , quantum decet, impendit, quando, & quibus oportet, non suum, sed alienū spectans emolumentum . Porro liberalitas virtus est beneficiorum erogatrix, quæ circa pecu-  
nia-



niarum largitionem , & acceptionem versatur : sed largitio principaliter intenditur : quia præstantius est dare , quàm accipere . Sufficit autem voluntas , cùm tribuendi facultas deest : imò hæc maximè attenditur , vt non solum proſis , sed velis prodesse . Nemo fluminibus , aut mari gratias agit , quod nauigia patiantur : neque arboribus , quod fructus ferant : nec vento , quòd secundus aspiret : nam licèt hæc omnia beneficia sint , illis tamen deest benefaciendi voluntas . Quòd verò alicui donandum est , pretium à celeritate sortitur . Sunt nonnulli , qui dum aliquid donant , gratiam omnem corrumpunt , auertendo vultum , obducendo frontem , & in alterum diem differendo . Sic amicum dilatione lassant , torquent expectatione : cùmque proprium sit libenter donantis citò dare , qui diu noluit , non ex animo largitus est . *Properat omnis benignitas : & incundum est munus , quod obuiam venit .*

II. Non potest quisquam beatè degere , qui se tantùm intuetur , qui omnia ad vtilitatem suam conuertit : alteri viuas oportet , si tibi viuere optas . Quid tanquam tuo parcis ? Procurator es . Omnia ista , quæ ferreis claustris custodis , quæ ex alieno sanguine rapta tuo defendis , tua non sunt . Deposita

apud te fuerunt, & iam ad alium dominum spectant. Aut hostis illa, aut hostilis animi successor inuadet. Quæris, quomodò facias tua? Donando. Quid est hoc, quo te diuitem putas? Domuncula, pecunia, agellus: si donaueris proximo, beneficium erit, virtus erit, quæ tecum in æternum manebit. *Tunc pretiosa est, pecunia, cum usu largiendi desinit possideri.*

III. Quia tenui impensa fieri magna non possunt, vt mediocres sumptus liberalitas regit: ita splendidos, & magnos Magnificencia. Hæ duæ virtutes, cætera similes, hoc discrepant: quòd illa etiam in paruis, hæc non nisi in magnis, & luculentis apparet. Cui res angusta domi est, liberalis esse non potest: laudem verò magnificentiæ ille solus assequitur, cuius opulentia spectabilis est. Hæc propriè in operis admirabilitate conspicitur. Si quis enim magni pretij gemmam in vsum rei diuinæ largiatur, eximiè potiùs liberalis quàm magnificus dicendus erit: sed si pretio gemmæ sacrarium, templum, aut aliud splendidum, ac mirabile opus extruxerit: magnificus nuncupabitur. Operum verò nomine, in quæ magni sumptus conferri possunt, ea intelliguntur, quæ pertinent ad publicam hilaritatem, & ad quædam hominis officia splendide præstanda, In his decori ratio habenda est,



est, respectu operantis, & facultatum.  
 Non est magnificus, qui plura quàm  
 habeat profundit: qui ærealieno se, &  
 suos grauat, vt magnificentia laudem  
 consequatur. Verè liberalis, & magni-  
 ficus ille est, qui quod donat, & expendit,  
 detrahit sibi.

## CAPVT XXVIII.

## De Fortitudine.

*Qua sint eius officia. Mortem à viro for-  
 ti contemnendam esse.*

I. **M**olles sunt hominum animi, de-  
 bilisque natura, quam idcirco  
 Fortitudine armare oportet, ne pericu-  
 lis deterriti ab honestate recedamus.  
 Dulpex eius officium est: vnum, idque  
 præcipuum, labores, atque pericula susti-  
 nere: alterum eadem aggredi cum oportet.  
 Vir fortis non se temerè malis in-  
 gerit, sed aduenientia constanter fert:  
 non appetit formidabilia, sed spernit:  
 ibi extollitur, vbi cæteri deprimuntur:  
 ibi stat, vbi alij iacent: non illum su-  
 bigit dedecus, non repulsa, non exi-  
 lium, non iniuriæ: non cum carcer,  
 non tormenta, non ipsa mors exter-  
 rent: omnem luctum, omnem agri-  
 tudinem, omnes molestias magnitu-  
 dine sua elidit: non se minis, aut pre-  
 cibus à recto detorqueri permittit.

non desponder animum , & si plura bene coeptis obsistant impedimenta: non cedit oneri , nec cum officio semel suscepto luctatur: sed persistit, donec perficiat: stat rectus sub quolibet pondere: nulla illum vis, nulla potentia, nullus terror minorem facit: periculis vndiquæ imminentibus non allidit virtutem, nec abscondit. *Quò tendat, semper attendit, non quid patiatur.*

II. Sicut secundo nauignas vento varijs se subsidijs munit, quibus tempestatem excipiat: sic vtile erit tibi, donec prospera est fortuna, quærere præsidia, quibus aduersam fortiter feras. Finge tibi iam aduenisse, quicquid finistri contingere potest, orbitatem, naufragium, exilium, vulnera, tormenta, morbos, calumniam, contumeliam: atque ita te compara, ac si iam in discrimine versareris: vt hoc quasi præludio excitatus, dicere possis in omni euentu: Hæc iam animo percepi, iam præuidi, & contempsi. Ab æterno constitutum est, quid gaudeas, quid fleas: & quamuis magna varietate singulorum vita distingui videatur: summa in vnum venit. Accepimus peritura perituri. Quid indignaris? quid quereris? etsi omnia tua pereant, nihil perit de tuo. Satiùs est dare, quod reperit Deus, quàm cogi ad soluendum. Virum sapientem etiam in tormentis beatum fore



fore ipsemet Epicurus edocuit. In Phalaridis, inquit, tauro si fuerit, dicet: Quam suaue est hoc, quam hoc non curo! Magnum quidem effatum, sed nobis non incredibile, apud quos extant tot Martyrum exempla, quorum in poenis constantia, in flammis alacritas tanta fuit, ut nullo modo sentire tormenta viderentur. *Volenti, & Deum amanti omnes pœna delicia sunt.*

III. Nullibi clarius fortitudinis præstantia elucet, quam in mortis discrimine. Difficile est animum perducere ad contemptum vitæ, cuius amore ita plerique tenentur, ut nihil ea felicius, nihil pretiosius æstiment. Sed si sapiens es, ut te esse oportet, defines inter mala numerare mortem, quæ finis malorum est, & initium vitæ. Æquo animo exire debes, rediturus. Mors inuictam necessitatem habet, eam timere dementis est: dubia enim sunt quæ metuuntur, certa expectantur. Considera, nec pueros, nec mente lapsos timere mortem. Turpissimum est autem, si eam tibi securitatem ratio non præstat, ad quam stultitia perducit. *Cum exceptione mortis data est vita: vivere noluit, qui mori non vult.*

IV. Grati ficata est nobis natura, cum ad certum tempus usuram spectaculorum suorum concessit: iam ex acto tempore discedendum est. Quis sapiens ad extre-

num spiritum redactus, si rursus eivita concederetur, vellet iterum materni uteri ergastulum subire, resumere amentiam infantiae, metus puerilitatis, iuventutis pericula, curas virilitatis, labores senectutis? Nemo tam feliciter vixit, cui placeret iterum nasci. Attende igitur quò properes, & à quibus discedas. Posses vitæ huius exitum non timere, si alterius ingressum sperares. Hæc est causa timoris tui, quia inanis bonorum es, quorum incipis in fine vitæ desiderio laborare. Alioquin non trepidares in limine æternæ felicitatis. *Viro iusto supplicium esset nasci, nisi mors sequeretur.*

V. Nemo mortem latus excepit, nisi qui ad illam se diu composuit. Effice cam tibi assidua cogitatione familiarem, ut venientem alacri animo excipias. Ut, vixeris non dies faciunt, non anni, sed animus exire gestiens, & ad originem suam reuolare. Diu vixit, qui bene moritur. Benè moritur, qui benè vixit. Vis mortem tibi tranquillam parare? Assuesce ex alto cuncta despicere. Non potest mortem timere, qui iam plura sibi eripuit, quàm rapiat mors. Vis tibi vitam iucundam facere? Omnem pro illa sollicitudinem depone: ad omne genus mortis paratus esto, siue gladius vitam, siue febris abruptat, nihil tua intersi: vitam sic  
in,



institue, vt liceat tibi quotidie dicere:  
Vixi. Ille securus viuit, & latus mori-  
tur, qui se singulis diebus effert, cui  
concessum est viuere vita peracta. *Non  
potes benè viuere, nisi quotidie moriaris,*

## CAPVT XXIX.

## De Magnanimitate.

*Viri Magnanimi descriptio:*

I. **M**Agnum aliquid ipso nomine  
sonat Magnanimitas, excelsa  
virtus: cuius robustissima vis est, sem-  
perque tendens ad magna. Sine hac ir-  
ritus cadet omnis conatus reliquarum  
virtutum: nam cum multæ in earum  
exercitatione occurrant difficultates,  
aduersus eas mens erigi, & contra au-  
dientior ire debet; nec prius absistere,  
quàm perruptis interpositis obicibus ad  
boni sibi propositi adeptionem generosè  
pertingat. Hoc præstat homini Magna-  
nimitas: quæ ad magna, & heroica  
opera semper inclinât: Deique ope sub-  
nixa securè, ac promptè res quasque dif-  
ficiles aggreditur. Audendum est aliquid,  
si vis aliquid esse. Non potest paruo res  
magna constare. *Magna res est homo,  
eum verè est homo.*

II. Magnus animus ad magna sem-  
per aspirat, eaque omnia velut minuta,  
con.

contemnit, quæ pro maximis vulgus optat. Opera quidem efficit, quæ multo honores sint digna: sed ipsum honorem, & denegatum non ambit, & spernit oblatum, nisi aliter exigant Dei honor, & obedientia. Nihil ad ostentationem, omnia ad conscientiam refert: recteque facti, non ex populi sermone mercedem, sed ex facto petit. In edito stat semper, excelsus, insuperabilis, par sibi in omni rerum statu: nec locis altioribus se ingerit, contentus magnitudine sua. Super omnia eminet omnium dominus; & ideò nulli se submittit, neminem rogat; quia extra se nulla re indiget. Nihil est quòd ipsum terreat, aut incuruet. Se profert, & spectari vult non vanitatis studio: sed attento gradu, in quo degit, & Dei donis: quibus refulget. Stant tamen cum his inconcussa humilitas summa coram Deo: quia omnia bona sua, omnemque gloriam in ipsum refundit, pro certo sciens, se ex seipso nihil habere, nihil posse, nihil esse. Hoc est virtutis fines agnoscere, de se suisque rebus humilimè sentire: iisdem tamen habitos honores salva modestia non repudiare. *Sequi debet gloria, non apperi.*

III. Excipit aduerso pectore omnia aduersantium tela, nihil reluctans: ut ad summum virtutis fastigium perueniat.



ueniat . Cum viris mediocribus , & infimis modestum se, ac moderatum exhibet ; coram Principibus , & opulentis nec se proijcit , nec adulatur , nec eorum potentia suam opprimi sinit libertatem . Quæ odio vel amore digna sunt , apertè odit , apertè amat : quæque palam dici , vel fieri debent , liberè loquitur , & operatur : quia nihil timer , aut sperat . Facit eadem , quæ cæteri hominum , sed non eodem modo : atque idè virtus dissimulatione in vulgus , nec se facile populo miscet . Non meminit iniuriarum , & in his quæ necessariò perferenda sunt , nec querulus , nec supplex est . Paucos laudat , nec ipse laudari optat , sed facere laude digna . Non viuit alterius nutu , nisi amici , & superioris : neque facile admiratur , quia nihil illi magnum , vel nouum videtur . In omni casu seipso tutus , nullis rerum mouetur euentibus . Motum habet tardum , vocem grauem , orationem stabilem , ac sedatam : non enim festinat ; qui paucis rebus studet : nec vehementer contendit , qui seipso contentus est ,

in nobis nascuntur, quæ nos cruciant, & exercent. A fletu auspicamur vitam, rudes ad omnia, nisi ad lacrymas. Hoc primùm discimus, huic rei incumbimus vsque ad mortem. Inuenti plures sunt, qui non riserint : nemo, qui nunquam fleuerit. Patientia itaque necessaria est, vt pectus muniat, spiritum roboret, virtutes perficiat. Nemo potest cognoscere quantum valeat, nisi tribulationibus exerceatur. *Non est sapiens, qui non est patiens.*

II. Malè est homini, qui nunquam aduersam fortunam expertus est. Aiunt medici, nihil magis metuendum, quàm nimis bonam habitudinem : sed, & nautis nimia malacia suspecta est. Si te verberat, & lacerat calamitas, non est sæuitia, sed certamen. Nisi dimices, non vinces : nisi viceris, non triumphabis. Quod si *Oportuit Christum pati, & ita intrare in gloriam suam;* tu præsumes alienæ felicitatis particeps fieri absque vlla tribulatione? Erras toto cœlo, si aliam tibi viam fingis, qua migres ad Cælum. Virtutis sacramenta hæc sunt, bona facere, & mala pati. Indicia verò iam adeptæ patientiæ sunt aliena mala æquanimiter ferre, inter flagella Dei non murmurare : eorum qui mala inferunt consortium non fugere, inter contumelias ab odio custodiri, *ammi.*



diuinæ voluntati quæcumque nos angunt adscribere, in malis filere, mala inferentes diligere, illatas iniurias soli Deo conqueri, seque illi paratum ad omnes ærumnas offerre cum gaudio, & gratiarum actione. Denique verè patiens esse dignoscitur, qui erga proximi imperfectiões impatiens non est.

III. In bonorum externorum iactura magnum solatium est, infidam eorum conditionem perpendere. Quicquid possides, quicquid amas, naturalem retinet fugacitatem: apud te est, tuum non est. Noli tibi imaginariæ stabilitatis desiderio illudere. Nihil firmum infirmo, nihil fragili æternum præter virtutem. Hoc vnum contingit immortale mortalibus; cætera suam mortem secum ferunt. Ergo quæcumque habes, eo loco pone, vt magnum sit inter te, & illa interuallum. Viro bono nihil eripitur, quia nihil possidet tanquam suum. Cur gemis amisso nummulo, elato filio, succensadomo: perdita autem modestia, verecundia, fortitudine, non ploras? Atqui hæc bona tua sunt, & tui iuris: illa nec bona, nec tua sunt. Si doles, cum ea amittis: te dignum, qui amitteres ostendis. Nihil te amisisse putares, si nihil inordinate diligeres. Externa sapientem non angunt, quia non tangunt,

IV. Opus aliquod aggressurus omnia eius adiuncta considera , plura inuenies, quibus turbari mens tua poterit, si non fuerint præuisa. Puerum vocas? fieri potest, vt præsto non sit, vel vt nihil agat ex animi tui sententia. Ad aliquem iturus es? fieri potest, vt inclusus sit, vt occludantur tibi fores, vt ille te negligat. Hæc præuide, & omnia secunda tibi accident. Ille me hodie non admisit, cum alios admitteret: sermonem meum auersatus est: me in imo collocauit, querelæ sunt nauscantis animi, in quas felices, & delicati, ac imprudentes incidunt. Non hæc obseruat, qui his non afficitur, qui scit hæc omnia vitæ huius tributa esse. Optimum autem est pati, quod emendare non potes. Si cuius malitia, vel impudentia Offenderis, cogita, an fieri possit, vt nulli sint in mundo improbi, & impudentes. Quod si hoc fieri nequit, quid accidit noui, si vir malus, & impudens more suo male agit? Vide, ne potius tu arguendus sis, qui non præuideris hunc ita peccaturum. *Semper sibi constitit mundus, vitia sunt ubi sunt homines.*

V. Cum aliqua afficeris pœna, attende, non quid patiaris, sed quid feceris. Si verum tibi dixeris, acrioribus flagelliste dignum fateberis. Deus est quo auctore cuncta proueniunt. Ipse te catti-



castigat, vt sanet, vt exerceat, vt induret, & sibi præparet. Futuris malis reseruateos, quibus indulgere videtur. Vnde possum scire quantum animi tibi sit aduersus paupertatem, si diuitijs affluis? Vnde dignoscam, quantum habeas constantiæ aduersus ignominiam, & odium populi, si inter plausus senescis? Audiuite, cum alios in tribulationibus consolaretis: optote audire, consolantem te ipsum, & tibi ipsi imperantem ne doleas. Si medico vrenti, & membra secanti, & gratias habes, & mercedem persoluis: cur Dei medicinæ non acquiescis? Amentia est, putare damna, quæ sunt remedia. Si paupertas, si ægritudo, & cætera, quæ mala vocas, possent tecum verbis contendere, insultarent tibi, & dicerent: Quid mihi, homo, aduersaris? Num aliquo bono mea culpa priuaris? Prudentia nè, an iustitia, an fortitudine? An non licet tecum læto animo esse? Bona erunt quæ mala putas, si super ea inconcussus eminueris. *Magnum malum est, malum ferre non posse.*


VI. In alienis casibus potes aliquando constantiam dissimulare, nunquam autem in proprijs. Sit tibi fletus communis cum miseris, non fletus causa. Descende, & inclina te afflictis, vt ipsos erigas. Nemo iacentem leuabit, nisi se inflectat. Quia verò res omnes du-

duplex manubrium habent, tolerabile vnum, alterum intolerabile; si quis tibi iniuriam fecerit, non ea parte ipsum prehende, qua facit iniuriam: hæc est enim ansa, qua ferri non potest. Sed cogita, illum eodem Christi sanguine redemptum esse, ad eandem gloriam vocatum: sic enim prehendes, qua parte tolerabilis est. Et quia amicitia valdè exili voce prædita est, ad liberas reprehensiones: veritatem ab aduersario audire semper studeas. Hic perpetuò vigilans, restuas in sensus explorat: teque faciliùs mala tua, quàm ipsum fallent. Traducet te per vicos, & plateas, animique tui morbum, vel latentem, vel neglectum, ipse iratus com- monstrabit. Ab hoc capere utilitatem satage, & consule salutis tuæ. *Attentius se ipsum circumspicit, qui paratum sibi nouit censorem, & aduersarium.*

VII. Perseuerantia virtutum omnium corona, & consummatio est. Inchoantibus præmium promittitur, sed datur perseuerantibus. Ideò ante omnia hoc cura, vt constes tibi. Nihil tam vtile est, quod in transitu profuit: retrò relaberis, si ad vltiora non contendis: & si incipis stare, descendis. Constitue, quid velis, & in eo, vsque ad exitum perseuera. Inconstantis animi est, novas quotidie exercitationes assumere, novas subindè sibi



quærere sedes. Non alibi sis oportet,  
sed alius. Planta, quæ sæpius transfer-  
tur, tandem arescit: & remediorum  
crebra mutatio impedit sanitatem. Si  
Apostolus, vas electionis, non attendens  
quid ante fecisset, sed quid facere de-  
beret: nequaquam se comprehendisse  
arbitratur: quid tibi faciendum erit,  
cui optabile foret, vt posses in fine  
tuo illius principio comparari? Ardor  
literarum nulla ætate extinguitur: di-  
uitiarum amor insatiabilis est: expleri  
nescit honorum cupido. Res finem  
habituæ, sine fine quaruntur: diui-  
nam verò sapientiam, si vel leuiter de-  
gustaueris, continuo te satum esse  
putabis? Aliter te ad perfectionem  
inuitat, qui dixit: *Estote perfecti, sicut*  
*Pater vester cælestis perfectus est.* Hæc  
metatibi proponitur, vt locum sem-  
per superesse scias incremento virtu-  
tis tuæ,



## CAPVT XXXI.

## De Temperantia.

*Quantum illi conferat Verecundia. De  
Abſtinentia, & Caſtitate.*

I. **T**emperantia voluptatibus imperat,  
quæ ex gultu, & tactu percipiun-  
tur: adſcititias, & ſuperfluas odit, &  
abigit: neceſſarijs obſequitur, quan-  
tùm recta ratio permittit. Eius regula  
infallibilis eſt, ſolam neceſſitatem in  
his quæ ad corpus ſpectant, pro men-  
ſura habere: nec vnquam ad volupta-  
tes, propter ipſas accedere. Hac virtu-  
te efficitur, ne ex homine in iumen-  
tum labaris. Ad eam plurimum con-  
fert Verecundia, frænum prauorum mo-  
tuum, bonæ indolis index, cuſtos pu-  
ritatis, teſtis innocentia. Si mentem  
tuam illa poſſideat, docebit te omnem  
timere turpitudinem, ab omni actu  
illicito abſtinere, Dei præſentiam ve-  
nerari, teipſum vbique reuereri, eam-  
que ſemper diligere intelligibilem pul-  
chritudinem, quæ in operibus tempe-  
rantia maximè elucet. Porro tunc ve-  
recundum te eſſe dignoſces, cùm vel  
ad ipſum intemperantia nomen expaue-  
ſces cùm te parietes tui regent, non  
abſcondent, quos plerique circumdatos



sibi credunt, non ut tutius vſuant; ſed ut peccent occultius. Quid autem prodeſt recondere te, & oculos hominum, auresque vitare? *Tecum ſemper eſt Deus, qui ubique te videt: tecum conſcientia, qua ubique te accuſat.*

II. Uſum cibi, & potus, Abſtinentia, & Sobrietas: quæ verò ad taſtum pertinent, Caſtitas, & Pudicitia moderantur. Et in uſu quidem ciborum, difficillimum eſt, extra metas, neceſſitatibus non abripi. Venter præcepta non audit: poſcit, appellat, & quotidianum tributum exigit. Sed quàm paruo dimitti poſſit, quàm modica ſtipe contentus ſit, nemo recogitat: Cogimus vitijſ ſeruire naturam: famemque, & ſitim, quæ naturalibus remedijs facile ſedari poſſunt, varijs edulijs, & potionibus irritamus. Caſtitas quoque ardua eſt inter tot libidinis incentiua: niſi ea compelſcat timor Dei, occaſionum fuga, ſenſuum cuſtodia, & maxima ſui ipſius reuerentia. Qui ſeipſum non veretur, nec alios vereri poterit. Viſcuſcuſ eſſe? contine oculos; ne inuitus ames, quæ incautè aſpexiſti. Quid fugacem, & falſam creaturæ pulchritudinem admiratiſ? Expecta pauliſper, & iam non erit. Serenam frontem ſqualentes arabunt rugæ, mœſta teget nubes oculorum faces, dentium ebur ſcaber ob.

obducet situs. Fuge etiam prauorum  
confortium, omnem mollitiem vita,  
carnem ieiunij sdoma, & duriù stracta.  
*Perit, qui nimium est amans sui sepulchrũ;*

## CAPVT XXXII.

## De Mansuetudine, &amp; Clementia.

*Vtriusque officia, & præstantia.*

I. **V**T iræ impetum mitiges, necessa-  
ria est mansuetudo: ne citrà, vel  
ultra recti limites has in parte defle-  
ctas. Telum naturæ est ira: quo vt  
licet, cùm peccantes arguere, & ca-  
stigare ex officio teneris: cùm di-  
ctat prudentia, tuam vel alienam iniu-  
riam debito modo repellendam esse: ne  
crescat ex impunitate reproborum li-  
centia. Crudelis est, tam qui nulli,  
quàm qui omnibus ignoscit. Cùm verò,  
iustitia exigente, puniendi sunt rei;  
mansuetudinis, & clementiæ memor  
esto. Descende ad poenas tanquàm in-  
uitus: & talis esto ergà peccantes, qua-  
lis extitit ergà te Deus. Sicut ille susti-  
nuit te, vt meliorem faceret: ita illos  
sustine, vt corrigantur. Despicias Medi-  
cum, si desperas ægrotum. Tam facilis est  
ægrisanitas, quanta Medici sapientia, &  
benignitas. Vir mitis iracundiæ pelago ve-  
lut scopulus supereminet, fluctusq; in-  
pingentes dissoluit; nec poena sēper, sed



num spiritum redactus, si rursus eivita concederetur, vellet iterum materni uteri ergastulum subire, resumere amentiam infantiae, metus puerilitatis, iuventutis pericula, curas virilitatis, labores senectutis? Nemo tam feliciter vixit, cui placeret iterum nasci. Attende igitur quò properes, & à quibus discedas. Posses vitæ huius exitum non timere, si alterius ingressum sperares. Hæc est causa timoris tui, quia inanis bonorum es, quorum incipis in fine vitæ desiderio laborare. Alioquin non trepidares in limine æternæ felicitatis. *Viro iusto supplicium esset nasci, nisi mors sequeretur.*

V. Nemo mortem lætus excepit, nisi qui ad illam se diu composuit. Effice cam tibi assidua cogitatione familiarem, ut venientem alacri animo excipias. Ut, vixeris non dies faciunt, non anni, sed animus exire gestiens, & ad originem suam reuolare. Diu vixit, qui benè moritur. Benè moritur, qui benè vixit. Vis mortem tibi tranquillam parare? Assuesce ex alto cuncta despiciere. Non potest mortem timere, qui iam plura sibi eripuit, quàm rapiat mors. Vis tibi vitam iucundam facere? Omnem pro illa sollicitudinem depone: ad omne genus mortis paratus esto, siue gladius vitam, siue febris abruptat, nihil tua interfi: vitam sic  
in,

institue, vt liceat tibi quotidie dicere:  
 Vixi. Ille securus viuit, & latus mori-  
 tur, qui se singulis diebus effert, cui  
 concessum est viuere vita peracta. *Non  
 potes benè viuere, nisi quotidie moriaris.*

## CAPUT XXIX.

## De Magnanimitate.

*Viri Magnanimi descriptio:*

I. **M**AGNUM aliquid ipso nomine  
 sonat Magnanimitas, excelsa  
 virtus: cuius robustissima vis est, sem-  
 perque tendens ad magna. Sine hac ir-  
 ritus cadet omnis conatus reliquarum  
 virtutum: nam cum multæ in earum  
 exercitatione occurrant difficultates,  
 aduersus eas mens erigi, & contra au-  
 dentior ire debet; nec prius absistere,  
 quàm perruptis interpositis obicibus ad  
 boni sibi propositi adeptionem generosè  
 pertingat. Hoc præstat homini Magna-  
 nimitas: quæ ad magna, & heroica  
 opera semper inclinât: Deique ope sub-  
 nixa securè, ac promptè res quasque dif-  
 ficiles aggreditur. Audendum est aliquid,  
 si vis aliquid esse. Non potest paruo res  
 magna constare. *Magna res est homo,  
 cum verè est homo.*

II. Magnus animus ad magna sem-  
 per aspirat, eaque omnia velut minuta,  
 con.



contemnit, quæ pro maximis vulgus optat. Opera quidem efficit, quæ multo honores sint digna: sed ipsum honorem, & denegatum non ambit, & spernit oblatum, nisi aliter exigant Dei honor, & obedientia. Nihil ad ostentationem, omnia ad conscientiam refert: recteque facti, non ex populi sermone mercedem, sed ex facto petit. In edito stat semper, excelsus, insuperabilis, par sibi in omni rerum statu: nec locis altioribus se ingerit, contentus magnitudine sua. Super omnia eminet omnium dominus; & ideò nulli se submittit, neminem rogat; quia extra se nulla re indiget. Nihil est quòd ipsum terreat, aut incuruet. Se profert, & spectari vult non vanitatis studio: sed attento gradu, in quo degit, & Dei donis: quibus refulget. Stantamen cum his inconcussa humilitas summa coram Deo: quia omnia bona sua, omnemque gloriam in ipsum refundit, pro certo sciens, se ex seipso nihil habere, nihil posse, nihil esse. Hoc est virtutis fines agnoscere, de se suisque rebus humilimè sentire: iisdem tamen habitos honores salua modestia non repudiare. *Sequi debet gloria, non appeti.*

III. Excipit aduerso pectore omnia aduersantium tela, nihil reluctans: ut ad summum virtutis fastigium perueniat.

ueniat . Cum viris mediocribus , & infimis modestum se, ac moderatum exhibet; coram Principibus, & opulentis nec se proijcit, nec adulatur, nec eorum potentia suam opprimi sinit libertatem . Quæ odio vel amore digna sunt, apertè odit, apertè amat : quæque palam dici, vel fieri debent, liberè loquitur, & operatur : quia nihil timer, aut sperat . Facit eadem, quæ cæteri hominum, sed non eodem modo : atque ideo virtus dissimulatione in vulgus, nec se facile populo miscet . Non meminit iniuriarum, & in his quæ necessariò perferenda sunt, nec querulus, nec supplex est . Paucos laudat, nec ipse laudari optat, sed facere laude digna . Non viuit alterius nutu, nisi amici, & superioris : neque facile admiratur, quia nihil illi magnum, vel nouum videtur . In omni casu seipso tutus, nullis rerum mouetur euentibus . Motum habet tardum, vocem grauem, orationem stabilem, ac sedatam : non enim festinat; qui paucis rebus studet : nec vehementer contendit, qui seipso contentus est.



in nobis nascuntur, quæ nos cruciant, & exercent. A fletu auspicamur vitam, rudes ad omnia, nisi ad lacrymas. Hoc primùm discimus, huic rei incumbimus usque ad mortem. Inuenti plures sunt, qui non riserint: nemo, qui nunquam fleuerit. Patientia itaque necessaria est, ut pectus muniat, spiritum roboret, virtutes perficiat. Nemo potest cognoscere quantum valeat, nisi tribulationibus exerceatur. *Non est sapiens, qui non est patiens.*

II. Malè est homini, qui nunquam aduersam fortunam expertus est. Aiunt medici, nihil magis metuendum, quàm nimis bonam habitudinem: sed, & nautis nimia malacia suspecta est. Si te verberat, & lacerat calamitas, non est sæuitia, sed certamen. Nisi dimices, non vinces: nisi viceris, non triumphabis. Quod si *Oportuit Christi pati, & ita intrare in gloriam suam;* tu præsumes alienæ felicitatis particeps fieri absque vlla tribulatione? Erras toto cœlo, si aliam tibi viam finis, qua migres ad Cœlum. Virtutis sacramenta hæc sunt, bona facere, & mala pati. Indicia verò iam adeptæ patientiæ sunt aliena mala æquanimiter ferre, inter flagella Dei non murmurare: eorum qui mala inferunt consortium non fugere, inter contumelias ab odio custodiri, diui-

IV. Opus aliquod aggressurus omnia eius adiuncta considera, plura inuenies, quibus turbari mens tua poterit, si non fuerint præuisa. Puerum vocas? fieri potest, ut præsto non sit, vel ut nihil agat ex animi tui sententia. Ad aliquem iturus es? fieri potest, ut inclusus sit, ut occludantur tibi fores, ut ille te negligat. Hæc præuide, & omnia secunda tibi accident. Ille me hodie non admisit, cum alios admitteret: sermonem meum auersatus est: me in imo collocauit, querelæ sunt nauscantis animi, in quas felices, & delicati, ac imprudentes incidunt. Non hæc obseruat, qui his non afficitur, qui scit hæc omnia vitæ huius tributa esse. Optimum autem est pati, quod emendare non potes. Si cuius malitia, vel impudentia Offenderis, cogita, an fieri possit, ut nulli sint in mundo improbi, & impudentes. Quod si hoc fieri nequit, quid accidit noui, si vir malus, & impudens more suo male agit? Vide, ne potius tu arguendus sis, qui non præuideris hunc ita peccaturum. *Semper sibi constitit mundus, vitia sunt ubi sunt homines.*

V. Cum aliqua afficeris poenâ, attende, non quid patiaris, sed quid feceris. Si verum tibi dixeris, acrioribus flagelliste dignum fateberis. Deus est quo auctore cuncta proueniunt. Ipse te casti-



castigat, vt sanet, vt exerceat, vt induret, & sibi præparet. Futuris malis reseruateos, quibus indulgere videtur. Vnde possum scire quantum animi tibi sit aduersus paupertatem, si diuitijs affluis? Vnde dignoscami, quantum habeas constantiæ aduersus ignominiam, & odium populi, si inter plausus senescis? Audiuite, cum alios in tribulationibus consolareris: optote audire, consolantem te ipsum, & tibi ipsi imperantem ne doleas. Si medico vrenti, & membra secanti, & gratias habes, & mercedem persoluis: cur Dei medicinæ non acquiescis? Amentia est, putare damna, quæ sunt remedia. Si paupertas, si ægritudo, & cætera, quæ mala vocas, possent tecum verbis contendere, insultarent tibi, & dicerent: Quid mihi, homo, aduersaris? Num aliquo bono mea culpa priuaris? Prudentia nē, an iustitia, an fortitudine? An non licet tecum læto animo esse? Bona erunt quæ mala putas, si super ea inconcusus eminueris. *Magnum malum est, malum ferre non posse.*


VI. In alienis casibus potes aliquando constantiam dissimulare, nunquam autem in proprijs. Sit tibi fletus communis cum miseris, non fletus causa. Descende, & inclina te afflictis, vt ipsos erigas. Nemo iacentem leuabit, nisi se inflectat. Quia verò res omnes du-

duplex manubrium habent, tolerabile vnum, alterum intolerabile; si quis tibi iniuriam fecerit, non ea parte ipsum prehende, qua facit iniuriam: hæc est enim anſa, qua ferri non poteſt. Sed cogita, illum eodem Chriſti ſanguine redemptum eſſe, ad eandem gloriam vocatum: ſic enim prehendes, qua parte tolerabilis eſt. Et quia amicitia valdè exili voce prædita eſt, ad liberaſ reprehentiones: veritatem ab aduerſario audire ſemper ſtudeas. Hic perpetuò vigilans, reſtuas inſenſus explorat: teque faciliùs mala tua, quàm ipſum fallent. Traducet te per vicos, & plateas, animique tui morbum, vel latentem, vel neglectum, ipſe iratus com-monſtrabit. Ab hoc capere utilitatem ſatage, & conſule ſaluti tuæ. *Attentiùs ſe ipſum circumſpicit, qui paratum ſibi nonit cenſorem, & aduerſarium.*

VII. Perſeuerantia virtutum omnium corona, & conſummatio eſt. Inchoantibus præmium præmittitur, ſed datur perſeuerantibus. Ideò ante omnia hoc cura, vt conſteſ tibi: Nihil tam vtile eſt, quod in tranſitu proſit: retrò relaberis, ſi ad vltiora non contendis: & ſi incipis ſtare, deſcendis. Conſtitue, quid velis, & in eo, uſque ad exitum perſeuera. Inconſtantis animi eſt, nouas quotidie exercitationes aſumere, nouas ſubindè ſibi



quærare sedes. Non alibi sis oportet,  
sed alius. Planta, quæ sæpius transfer-  
tur, tandem arescit: & remediorum  
crebra mutatio impedit sanitatem. Si  
Apostolus, vas electionis, non attendens  
quid ante fecisset, sed quid facere de-  
beret: nequaquam se comprehendisse  
arbitratur: quid tibi faciendum erit,  
cui optabile foret, ut posses in fine  
tuo illius principio comparari? Ardor  
literarum nulla ætate extinguitur: di-  
uitiarum amor insatiabilis est: expleri  
nescit honorum cupido. Res finem  
habituræ, sine fine quærantur: diui-  
nam verò sapientiam, si vel leuiter de-  
gustaueris, continuo te satutum esse  
putabis? Aliter te ad perfectionem  
inuitat, qui dixit: *Estote perfecti, sicut*  
*Pater vester cælestis perfectus est.* Hæc  
metatibi proponitur, ut locum sem-  
per superesse scias incremento virtu-  
tis tuæ,



## CAPVT XXXI.

## De Temperantia.

*Quantum illi conferat Verecundia. De  
Abſtinentia, & Caſtitate.*

I. **T**emperantia voluptatibus imperat,  
quæ ex gultu, & tactu percipiuntur: adſcititias, & ſuperfluas odit, &  
abigit: neceſſarijs obſequitur, quantum recta ratio permittit. Eius regula inſallibilis eſt, ſolam neceſſitatem in his quæ ad corpus ſpectant, pro menſura habere: nec vnquam ad voluptates, propter ipſas accedere. Hac virtute efficitur, ne ex homine in iumentum labaris. Ad eam plurimum confert Verecundia, frænum prauorum motuum, bonæ indolis index, cuſtos puritatis, teſtis innocentia. Si mentem tuam illa poſſideat, docebit te omnem timere turpitudinem, ab omni actu illicito abſtinere, Dei præſentiam venerari, reipſum vbique reuereri, eamque ſemper diligere intelligibilem pulchritudinem, quæ in operibus temperantiæ maximè elucet. Porro tunc verecundum te eſſe dignoſces, cum vel ad ipſum intemperantiæ nomen expaueſces cum te parietes tui regent, non abſcondent, quos plerique circumdatos



sibi credunt, non ut tutius vſuant; ſed ut peccent occultius. Quid autem prodeſt recondere te, & oculos hominum, auresque vitare? *Tecum ſemper eſt Deus, qui ubique te videt: tecum conſcientia, qua ubique te accuſat.*

II. Uſum cibi, & potus, Abſtinentia, & Sobrietas: quæ verò ad taſtum pertinent, Caſtitas, & Pudicitia moderantur. Et in uſu quidem ciborum, difficillimum eſt, extra metas, neceſſitatibus non abripi. Venter præcepta non audit: poſcit, appellat, & quotidianum tributum exigit. Sed quàm paruo dimitti poſſit, quàm modica ſtipe contentus ſit, nemo recogitat: Cogimus viſijs ſeruire naturam: famemque, & ſitim, quæ naturalibus remedijs facile ſedari poſſunt, varijs edulijs, & potionibus irritamus. Caſtitas quoque ardua eſt inter tot libidinis incentiua: niſi ea compelſcat timor Dei, occaſionum fuga, ſenſuum cuſtodia, & maxima ſui ipſius reuerentia. Qui ſeipſum non veretur, nec alios vereri poterit. Viſcuſe eſſe? contine oculos; ne inuitus ames, quæ incautè aſpexiſti. Quid fugacem, & falſam creaturæ pulchritudinem admiraris? Expecta pauliſper, & iam non erit. Serenam frontem ſqualentes arabunt rugæ, mœſta teget nubes oculorum faces, dentium ebur ſcaber ob.

obducet situs. Fuge etiam prauorum  
consortium, omnem mollitiem vita,  
carnem ieiunij sdoma, & duriù stracta.  
*Perit, qui nimium est amans sui sepulchrũ;*

## CAPVT XXXII.

De Mansuetudine, & Clementia;

*Vtriusque officia, & præstantia.*

I. **V**T iræ impetum mitiges, necessa-  
ria est mansuetudo: ne citrà, vel  
vltra recti limites has in parte defle-  
ctas. Telum naturæ est ira: quo vti  
licet, cùm peccantes arguere, & ca-  
stigare ex officio teneris: cùm di-  
ctat prudentia, tuam vel alienam iniu-  
riam debito modo repellendam esse: ne  
crescat ex impunitate reproborum li-  
centia. Crudelis est, tam qui nulli,  
quàm qui omnibus ignoscit. Cùm verò,  
iustitia exigente, puniendi sunt rei;  
mansuetudinis, & clementiæ memor  
esto. Descende ad pœnas tanquàm in-  
uitus: & talis esto ergà peccantes, qua-  
lis extitit ergà te Deus. Sicut ille susti-  
nuit te, vt meliorem faceret: ita illos  
sustine, vt corrigantur. Despicis Medi-  
cum, si desperas ægrotum. Tam facilis est  
ægrisanitas, quanta Medici sapientia, &  
benignitas. Vir mitis iracundiæ pelago ve-  
lut scopulus supereminet, fluctusq; in-  
pingentes dissoluit; nec pœna sēper, sed



sapius poenitentia contentus est. Clamat coactio cœtu humani generis Saluator mundi: *Venite omnes, & discite à me: non curare infirmos, non leprosos mundare, non cœcis lumen, aut mortuis vitam reddere. Sed quid? Discite, inquit, à me, quia mitis sum. Ad hoc rede- gisse videtur omnes thesauros sapien- tiæ, & scientiæ suæ, vt ab eo discamus mites esse. Tanta mansuetudinis præ- stantia est.*

II. Vt mansuetudo iram, sic clemen- tia punitionem moderatur. Illa ad om- nes, hæc ad principes, & superiores pertinet. Eius enim munus est mitio- rem poenam, quam iura exigant, irro- gare: non ex timore, lucro, amicitia, alio ve motiuo, sed ex animi lenitate. Non opus est, latera montium abscin- dere, & in arduo collis vertice arces constituere: saluum principem in aper- to clementia præstabit. Hæc est muni- mentum inexpugnabile; quæ tutum reddit imperium. Malus Princeps inuisus est, quia timetur: & timeri vult, quia inuisus est. Quem verò me- tuunt subditi oderunt, & quem quis- que odit, perisse cupit. Vitæ Regum dominus est, quisquis suam contem- pfit. Frustra se potentia munit, qui se- ptus suorum beneuolentia non est. Turpia sunt principi multa supplicia, sicut medico multa funera. Si Rex con-  
tinet

inet vim suam, si omnes iniurias, & offensiones supernè despicit: si quosdam alienæ iræ, neminem impendit suæ: tunc verè se Regem ostendit. Magni animi est, placidum esse, atque tranquillum.

## CAPUT XXXIII.

## De Modestia.

*Munus duplex Studiositatis. Quâ regula in usu Entrapelia seruanda.*

I. **M**odestia reliquas animi dotes mirabiliter exornat. Hæc forma honestatis est, & frænum vitiorum. Quamuis sermone taceas, habitu, & gestu te prodis. Argumentum virtutis ex minimis licet capere. Vultus, risus, incessus, & flexus oculorum sæpè hominem ostendunt, qualis sit. Sic viue, vt omnes cognoscant, te ad consortium Angelorum pertinere. Serua decorum in motu omnium membrorum, in gestu, voce, & aspectu: ne quid in his effœminatum, & molle sit, ne quid rusticum, aut durum. Vera modestia ab animo in corpus, ex interna morum grauitate in superficiem emanat: vt quasi supellestilem suam mens foris inspiciat. Vir modestus viuum Dei simulacrum est: nam



solus eius aspectus intuentes componit? At hoc quàm bonum est, videri, & prodesse? Spectat quoque ad modestiam, tui status conditionem in vestibulis, supellectili, ornatu domus, & multitudine seruorum non excedere. Animi tui impedimenta hæc sunt, quibus non tu, sed quæ sunt extrate exornantur. Cur igitur gaudes malo tuo? cur inania miraris, & impedimentorum multitudinem gloriaris? Hanc seruorum cohortem, quæ latus tuum cingit, rectè dixeris hostilem exercitum, à quo satiscavere non potes. Quid agas nosse volunt, non quid præcipias. *Nihil humiliorum eorum ingressu, nihil progressu insolentius, nihil odiosius egressu.*


II. Studiositatis duo sunt munera, alterum sciendi appetitum, qui plerumque iusto maior esse solet, temperare, & moderari: alterum, torporem excutere, animique industriam ad necessaria ediscenda excitare. Curiosum homini ingenium dedit natura, artisque suæ, ac pulchritudinis conscia, nos operum suorum spectatores genuit, perditura fructum sui, si tam magna, tam clara, tam subtiliter ducta solitudini ostenderet. Sed abutimur naturæ bono: ea curiosè inuestigantes, quæ utilius ignorarentur. Non ille sapit, qui scit multa: sed qui sapit quod facit ad rem, Ea primum discenda

cenda ; quæ pertinet ad salutem :  
cetera quo minùs legas non deterreo ,  
dummodo quicquid legeris ad mores  
referas . Caue autem , ne lectio multo-  
rum librorum habeat aliquid vagum ,  
& instabile . Certis ingenijs immorari  
oportet , & innutriri , si velis aliquid  
trahere , quod in animo fideliter sedeat .  
*Lectio varia delectat , certa prodest .*

III. Danda est aliquando remissio  
animo , & assiduo labori quies inter-  
miscenda : non enim durabile est , quod  
caret alterna requie . Legum condito-  
res dies aliquot instituerunt , quibus  
ad hilaritatem publicè homines co-  
gerentur , viresque reciperent pau-  
lulum resoluti , & remissi . Animi  
verò relaxationem plurimæ actiones  
constituunt . Inambulatio , scilicet in  
loco amœno , & aperto , vt cœlo libe-  
ro attollat se mens , & membra vege-  
tentur : suburbana , ac rusticana secessio  
procul ab urbium nitore , & tumultu :  
aucupium , & venatio , quæ statum  
tuum non dedeçant , & piscatio quæ  
innocentior est : lata studia , & mitiora ,  
musicusque concentus , & ludus aliquis  
honestus : ioci demum innoxij , & vr-  
banitates , à quibus absit omnis iniu-  
ria , & indecentia . Sunt quidam ni-  
miùm seueri , oïes hominum suisque  
tenebris incubantes , à quibus hilaris  
sermo nunquam potest extorqueri . A.



lij locis semper dediti, rebus serijs nunquam se applicant, nunquam se populo subducunt. Miscenda autem ista, & alternanda sunt: nam solitudo desiderium hominum faciet, frequentia tui tedium, eritque altera alterius remedium. Odium item laboris sanabit remissio: tedium remissionis, labor. Sunt, & nonnulli, qui vires suas dispensare nescientes immoderatum in se imperium exercent. Modus illis deest. Nec intermittere studia sciunt, nec repetere. Cum se ad laborem concitant, iunguntur dies noctibus, nec desinunt: nisi deficient. Rursus cum se in lusus dimittunt, se ita resoluunt, ut ad priorem consuetudinem vix retrahi possint. Sic igitur dandum animo intervallum, ut remittatur, non resol-uatur. Ad hoc necessaria est Eutrapelia, quæ certos fines præscribat, quos prætergredi nefas sit. *Optima quaque mala sunt, cum quis modum excedit.*



## CAPVT XXXIV.

## De Humilitate.

*In quo consistat . De cognitione sui . Veri  
humilis characterismus .*

I. **A** Christo venit humilitas . Ipse  
eam verbo promulgauit . do-  
cuit exemplo . Hac, post virtutes Theo-  
logicas, & intellectuales, inter ceteras  
primatum habet: remouet enim super-  
biam, quæ est origo omnium malo-  
rum . Hæc nos amabiles Deo reddit:  
quia cum humilibus sermocinatio eius.  
Sine hac, quæ virtutum fundamentum  
est, quicquid in ipirituali ædificio  
superextruitur, nec solidum erit, nec  
stabile . Quamuis autem iplo nomine  
quidpiam vile, & exiguum præferre  
videatur: virtus tamen magnorum est,  
quoniam est, virtus perfectorum,  
animumque erigit ad altiora . Illustria  
aggreditur sine tumoris periculo, ar-  
dua sine metu difficultatis: excelsa,  
strenua, magnanima, eodem semper  
tenore subsistens . Non consistit humi-  
litas, vt vulgus putat, in mera sui de-  
spicientia, & abiectiōe: sed in ea mo-  
derata gloriæ, & honoris appetitione,  
quæ, & excessum deuitet, & à defectu  
recedat, Appetit humilis gloriam  
tan-



tanquam stipendium virtutis , animo directè in actionem intento : non propter ostentationem , sed ob solam virtutem , & quantum ipsa deposcit . Illegitimus est omnis honor , quem virtus non parit . Quia verò humilis , qua pollet mentis perspicacia , & æquus sui æstimator est , omnem propè honorem meritò auersatur : tum quia nouit quàm sit exiguum , quod ipse de suo confert ad opera virtutis : tum quia timet , ne ex debiti honoris appetitu , ad indebitum captandum prolabatur . *Tutius est aspernari honorem , quem qui recusat , amplificat ; qui spernit , auget .*

II. Ideò humilis non es : quia te ipsum non cognoscis . Nulla est regio tam remota , de qua faciliùs credas falsa narranti . Quid est homo ? Imbecille corpus , & fragile , suapte natura inerme , alienæ opis indigens , & ad omnem temporum contumeliam proiectum . Massa luti , fœdum animal , ad omnia mala proclive , adeò peruerso , & deprauato sensu , vt terrena cœlestibus , caduca æternis præferat . *Vniuersa vanitas , omnis homo viuens .* Nulli animalis vita fragilior , nulli rabies acrior , nulli confusior pauor , nulli maior libido . Vndè igitur tibi superbia , miserabilis creatura , & omnium infelicissima ? Attende miseriam tuam , considera probra , & dedecora tua , si qua

*in te superest rationis scintilla . Tunc  
perfectè humilis eris , cum te ipsum nosse  
didiceris .*

III. Verus humilis se prorsus despicit ; neque humilis , sed vilis vult reputari : honorem sibi debitum in Deum refert , & in omnibus de se diffidit : gaudet contemptu sui , hoc solo superbus quod laudes spernit . Seipsum considerat iuxta ea , quæ ex se habet : alios verò secundum ea quæ habent ex Deo , & sic alijs se conferens se omnibus deteriore arbitrat : hoc est enim ingenium humilitatis , propria mala aliorum bonis comparare : ex quo vel quilibet perfectissimus potest sine mendacio se cæteris imperfectiorem existimare . Ad hæc verus humilis omni obedientia se subdit maiori , propria desideria non perficit , defectus suos libenter detegit , omnem iniuriam patienter sustinet , abiectiora quæque cum gaudio amplectitur , omnem fugit singularitatem , abstinet à multiloquio , latere desiderat , & nesciri : infra se omnia ponit , se infra omnia , seque totum intra nihilum claudit . Verecundus est , & circumspectus : non loquitur , nisi cogat necessitas , idque modestè , & sine risu , flere potius optans , quàm ridere . Cordis humilitatem corpore ostendit , defixis  
in



in terram oculis , graui , & modesto incessu , cernuo vultu , ad instar rei , qui iam debeat tremendo Dei iudicio præsentari . Conscius flagitiorum , quæ commisit , incertusque de gratia , & dubius de salute , non audet oculos in cælum attollere , sed cum Publicano à longè stans feruenti oratione peccatorum veniam deprecatur . Omnia denique opera sua veretur , omnia terræ bona despicit , omnem calcit mundi pompam : *totum enim mundum nihil putat , qui se credit nihil esse .*

## C A P V T XXXV .

### De Statu Perfectorum .

*Imago viri perfecti . Finis vitæ perfectæ unio cum Deo .*

I. **P**erfectus ille dicitur , cui nihil deest . Quid autem potest illi deesse , qui purgatus à peccatis , emundatus à vitijs , ac virtutibus exornatus , Deo suo intimè adhæret , & vnus cum eo efficitur spiritus in æternum ? Hic est apex Christianæ perfectionis : hic finis vltimus , ad quem tendere debes . Cum enim quælibet res tunc perfecta censeatur , cum fini suo copulatur , si quis autem tuus Deus sit : tunc demum te  
per.

perfici necesse est, cum perfectè Deo  
adhærens ad eum redis, à quo existi.  
Perfectus autem sine speciali Dei auxilio  
nemo est. Et quia pauci inter mortales  
ad singularem Dei illapsum recipien-  
dum mentis apicem disponunt : ideo  
paucorum perfectio est. *Paucos singula  
sacula protulerunt.*

II. Virum perfectum illum esse di-  
ces, quem videris interritum periculis,  
intactum cupiditatibus, inter aduersa  
felicem, in ignominia beatum, in me-  
dijs tempestatibus placidum, quicquid  
cæteri timent, optantque ridentem, om-  
nia tanquam minora transeuntem, nul-  
lo bono, nisi suo nitentem, semper li-  
berum, sibi semper constantem, sui  
semper similem, erectum, excelsum,  
vacuum sui, & plenum Deo : cui bona  
sua nulla vis excutit, qui mala in bo-  
num vertit, qui nulla re frustratur,  
nullo læditur casu : qui pretia rebus,  
non ex opinione, sed ex natura im-  
ponit : qui super omnia eminens, toti  
mundo se infert, & in omnes eius  
actus contemplationem suam exten-  
dit, semper tranquillus, & incon-  
cussus : qui maiore sui parte illic per-  
petuò commoratur, vnde descendit,  
Sicut radij solis, quamuis terram con-  
tingant, illic tamen sunt, vnde mit-  
tuntur : sic vir perfectus nobiscum qui-  
dem conuersatur, sed optima sui parte




te abest , & fini suo semper adhæret. Talis est animus eius , qualis mundi status supra lunam : semper illic fere-  
num est . Rerum defectus ignorat , va-  
rium animum nescit , omnia sæcula  
illi seruiunt , æqualiter tanquam sol  
vniuersa perlustrat , arque omni multi-  
plicitate reiecta in simplicissima vnitate  
quiescit . Nihil optat , nihil quær it ex-  
tra se , non habens necesse longius  
arcessere felicitatem , quam corde in-  
clusam gerit . Soli Deo operatur , soli  
Deo viuit , semper abire paratus . Hanc  
amissim adhibe vitæ tuæ : & in-  
telliges quàm procul absis à perfe-  
ctione .

III. Res ista maior, altiorque est ,  
quàm vt possis ad eam pertingere , nisi  
ille te sursum trahat , qui dixit : *sine me  
nihil potestis facere* . Sed , & præuiæ di-  
spositiones necessariae sunt . Finis vitæ  
perfectæ intima cum Deo vnio est . Et  
quia ille habitat lucem inaccessibilem ,  
ad eum nunquam accedes , nisi tene-  
bras creaturarum à te expellas . Non po-  
test homo Diuinæ consors naturæ fieri ,  
nisi seipsum , & omnia creata , mente ,  
& affectu transcendat . Omnis vel mi-  
nima cuicunque rei adhæsiō eche-  
neidi , exiguo pisciculo , similis est ,  
qui si nauim mordeat , eam sistit , &  
detinet in medio cursu . Non aliter  
plerisque animabus contingit , quæ  
velut

velut naues cœlestibus diuitijs onustæ,  
beatæ vnionis portum feliciter attinge-  
rent, nisi aliqua vitiosa affectione de-  
tinerentur. Deus vnus, & simplicissimus  
est, nunquam poterit anima vnioni  
apta esse, nisi vna, & simplissima ef-  
ficiatur.







# INDEX.

## CAPITVM.

- CAP. I.** **D**E fine vltimo hominis .  
*Quàm malum sit ab eo de-  
 flectere . Quibus medijs , & quo ordine  
 ad ipsum perueniatur .* pag. **I**
- Cap. II.** Cupienti bene viuere, morum  
 instructor eligendus est . *Qualis hic  
 esse debeat . Officia discipuli .* **6**
- Cap. III.** De purgatione à peccatis .  
*Exuendus erga illa affectus , & vitia  
 extirpanda . Nullum efficacius vitio-  
 rum remedium , quàm mortis , & ater-  
 nitatis consideratio .* **II**
- Cap. IV.** De Gula . Eius mala , & re-  
 media . *Qua sint indicia deuicta gula .* **18**
- Cap. V.** De Luxuria . *Quàm turpe sit  
 hoc vitium . Quàm facilis in id lapsus ,  
 & quomodo euitandus . Voluptas animi  
 sectanda , qua solida est .* **22**
- Cap. VI.** De Auaritia . *Malitia eius  
 perstringitur . Collatio pauperis , &  
 diuitis . Opum fallacia , & vanitas .* **27**
- Cap. VII.** De Ira . *Charakter irati . Ef-  
 fectus , causa , & remedia ira .* **33**
- Cap. VIII.** De Inuidia , & Acedia .  
*Vtriusq.*

*Vtriusque descriptio, & curatio.* 43

**Cap. IX.** De Superbia, Ambitione,  
& inani gloria. Icon Superbi. Di-  
gnitatum vanitas, & pericula. Tu-  
moris mala, & alexipharmaca. 46

**Cap. X.** De totius corporis, sensuumque  
externorum moderatione. Quantum  
corpori indulgendum. Castiganda ocu-  
lorum licentia. Vestium luxus dam-  
natur. 54

**Cap. XI.** De custodia linguæ. Quan-  
tum momentis, & quam difficilis. Quid  
in sermone seruandum, quid vitan-  
dum. Qualiter toleranda vitiosa alio-  
rum lingua. 56

**Cap. XII.** De sensibus internis. Vfus  
opinionum. Bonis cogitationibus mens  
imbuenda. De coercendo appetitu sen-  
sitio, eiusque prauis affectionibus. Va-  
ria ad id præceptiones. 65

**Cap. XIII.** De Amore. Qua sit eius  
natura, quæ causa, qui effectus. De  
eiusdem remedijs. Addita quadam de  
Odio. 69

**Cap. XIV.** De Desiderio, & Fuga.  
Quid desiderandum, quid fugiendum  
sit. 74

**Cap. XV.** De gaudio, & Tristitia.  
Qualiter Vir bonus gaudere debeat.  
Non tristatur qui omnia prauidet. Va-  
ria doloris antidota. 78

**Cap. XVI.** De Spe, & Desperatione.  
Quomodo utrâque moderari oporteat. 81



Cap. XVII. De Timore. *Quàm vanus sit, & qua ratione vincatur. Audacia vitanda. Quadam iterum de Ira.* 85

Cap. XVIII. De potentijs animæ rationalis. *Continendus intellectus à curiositate. Cui potissimum scientia incumbendum. Quàm malum sit aliorum mores disquirere. Aliorum iudicia spernenda. De voluntatis abnegatione.* 90

Cap. XIX. De statu Proficientium. *Varia profectus adiumenta. Temporis æstimatio, & usus. Dei præsentia necessaria.* 96

Cap. XX. De bono solitudinis. *Fugienda malorum societas. Mundi vitia quot, & qua sint. Studium proficientis, acquisitio virtutum. Signa quadam obtenta virtutis.* 101

Cap. XXI. De Virtutibus Theologicis, *Fides operibus comprobanda. In solo Deo ponenda fiducia. Motina amoris erga Deum. Amor proximi beneficijs ostenditur. Hortatio ad eleemosynam.* 107

Cap. XXII. De Prudentia. *Eius necessitas, & difficultas. Officium viri prudentis.* 112

Cap. XXIII. De Iustitia, & Religione. *Actus utriusque. Quid sit penitentia, & in quo consistat.* 115

Cap. XXIV. De Pietate, & Observantia.

# INDEX:

165

tia. Obedientia commendatur : item:  
que Gratitude . Quomodo accipiendum,  
& reddendum sit beneficium . 119

Cap. XXV. De Veritate, eiusque usu.  
Simplicitas laudatur . Actus Fide-  
litas . 122

Cap. XXVI. De Amicitia. Quibus of-  
ficijs sit tolenda . Præcepta quadam ad  
mutuam conuersationem pertinen-  
tia . 125

Cap. XXVII. De Liberalitate. Quid  
sit , & qualiter exercenda . Quomodo  
differat à Magnificencia . 130

Cap. XXVIII. De Fortitudine . Quæ  
sint eius officia . Mortem à viro fortè  
contemnendam esse . 133

Cap. XXIX. De Magnanimitate. Viri  
magnanimidescriptio . 137

Cap. XXX. De Patientia. Eius occasio-  
nes , & effectus . Indicia vera Patien-  
tia . Ad omnia mala ferenda paranesis,  
& documenta . Necessitas Perseueran-  
tia . 141

Cap. XXXI. De Temperantia] . Quan-  
tùm illi conferat Verecundia . De Ab-  
stinencia, & Castitate . 146

Cap. XXXII. De Mansuetudine , &  
Clementia. Vtriusque officia, & præ-  
stantia . 149

Cap. XXXIII. De Modestia . Munus  
duplex Studiositatis . Quæ regula in  
usu Entrapelia seruanda . 151

Cap. XXXIV. De Humilitate : In quo



166

## INDEX.

*consistat. De cognitione sui. Veri humilis characterismus.*

154

**Cap. XXXV . De statu perfectorum.**

*Imago viri perfecti, Finis vita perfecta, unio cum Deo,*

153

# FINIS.

PRINCIPIA

*ET*

DOCUMENTA

VITAE CHRISTIANAE



TRINITY

DOCTRINE

AND

PRINCIPIA  
ET  
DOCUMENTA  
VITAE CHRISTIANAE.

---

ELECTIS DEI

*Per Vniuersum Orlem Dispersis*


IOANNES

*Miseratione Diuina,*

Tituli S. Bernardi ad Ther-  
mas S. R. E. Presbyter

CARDINALIS BONA

*Gratiam, & Pacem quæ superat  
omnem sensum.*

 Vnc Libellum Vobis  
offero, qua par est ve-  
neratione, felices ani-  
mæ, vasa honoris, &  
misericordiæ, genus electum,  
gens sancta, Filij Dei destinati  
A ad



ad gloriam ante mundi constitu-  
tionem , qui pretioso sanguine  
Christi redempti, & à servitute  
peccati dono gratiæ ipsius libe-  
rati , ignominiam crucis non  
erubescitis. Vobis enim datum  
est nosse mysteria regni cœlo-  
rum , qui non ex sanguinibus,  
neque ex voluntate carnis, neque  
ex voluntate viri, sed ex Deo  
nati estis. Voselegit Pater cœ-  
lestis in partem sortis Sancto-  
rum, vt eissetis sancti, & imma-  
culati in conspectu eius in cha-  
ritate, in quo prædestinati estis,  
non secundum opera vestra , sed  
secundum propositum volunta-  
tis eius. Pro Vobis Dei Filius  
oravit, cùm transiturus de hoc  
mundo ad Patrem dixit: *Mani-  
festavi nomen tuum hominibus ,  
quos dedisti mihi de mundo . Tui  
erant , & mihi eos dedisti . Ego  
pro eis rogo , non pro mundo rogo ,  
sed pro his , quos dedisti mihi, qui a  
tui sunt . Pro mundo autem non  
ora.*

orauit, quia omne, quod est in mundo, concupiscentia carnis est, & concupiscentia oculorum, & superbia vitæ, quæ non est ex Patre. Ideò non audiunt verba vitæ, qui de mundo sunt; & si audiunt non intelligunt, quia animalis homo non percipit ea, quæ sunt Spiritus Dei. Et Christus quidem lux vera est, quæ illuminat omnem hominem venientem in hunc mundum, sed mundus eum non cognouit, nec videt eum, nec scit eum, nec spiritum veritatis potest accipere. Hoc est autem iudicium, & causa damnationis reproborum, quia lux venit in mundum, & dilexerunt homines magis tenebras, quàm lucem: erant enim eorum mala opera, & omnis qui malè agit, odit lucem. Quòd si in vita, & prædicatione sua Christus lux fuit, præcipuè tamen vniuerso mundo in cruce resplenduit: lignum enim illud



in quo erant fixa membra morientis, etiam cathedra fuit docentis. Audiamus ergo quid nos doceat. Id nimirum docet moriens, quod docuerat viuens : *Qui non baiulat Crucem suam, & venit post me, non potest meus esse discipulus.* Crucem igitur amplecti, & Christi sequi vestigia salus nostra est : in cruce plenitudo meritorum reperitur : & hæc Christianorum sublimior philosophia, scire Christum, & hunc crucifixum. Atque utinam hæc Principia, & Documenta Vitæ Christianæ legentibus aperiat Deus cor ad intelligendum, dispellenstenebras ignorantiae, & sanans animæ languores, ut erepti de potestate tenebrarum ad agnitionem veritatis perducantur. Huius rei gratia Deum oro, ut det illis virtute corroborari per spiritum eius in interiorem hominem, ut charitas in eis magis, ac magis abundet, ut sint  
fin.

sincerī , & sine offēsa , repleti<sup>s</sup>  
fructu iustitiæ , Deo per omnia  
placētes sine querela , & sine re-  
prehensione . Hoc votum meum  
pro illis est: pro me autem Deum  
precor , vt mentem meam lumi-  
nis sui claritate perfundat , &  
meam imbecillitatem brachij sui  
potentia confirmet , nè , qui alijs  
prædico , moribus doctrinæ re-  
pugnantibus , reprobus efficiar .  
Vos etiam rogo amici Dei , &  
oues pascuæ eius , memores mei  
estote in orationibus vestris , vt  
quod hæc paginæ docent , operi-  
bus comprobem , meisque legi-  
bus obtemperem , eo vires lar-  
gente qui dixit: *Sine me nihil po-*  
*testis facere:* qui cum Patre , &  
Spiritu sancto vnus est Deus ;  
vnus est Dominus , gloriosus , &  
superexaltatus in sæcula . *Amen.*



<sup>6</sup>  
P R I N C I P I A  
E T  
D O C V M E N T A  
V I T A E C H R I S T I A N A E .

P A R S I .

De Vita Christiana, eiusque  
fine, & officijs.

---

§. I.

*De tribus generibus Chri-  
stianorum.*



Vm omnem Chri-  
stianorum multi-  
tudinem in Catho-  
lica Ecclesia vi-  
uentium, eorum-  
que mores, & in-  
stituta veluti è spe-  
culo prospicio, tria  
quasi eorum gene-  
ra mihi videor̃ deprehendisse. Vnum  
est eorum, qui Christi doctrinam, &  
exem-

exempla in spiritu, & veritate sectantes, se re, & nomine Christianos esse perpetua, & exactissima Evangelicæ perfectionis exercitatione ostendunt: Deo enim seruientes, & in lege eius die, ac nocte meditantes, carnem suam cum desiderijs, & concupiscentijs crucifigunt, nullis aduersitatibus victi, nullis prosperitatibus deprauati. In hoc autem genere nonnulli eminent, quorum virtutes vltra humanam conditionem assurgunt. Seruant siquidem continentiam vsque ad tenuissimum victum, & perpetuum ieiunium: puritatem custodiunt vsque ad cuiuscumque, etiam licitæ delectationis contemptum: patientiam exercent vsque ad cruces, & flammæ: seipsum abnegant vsque ad omnimodam abiectiõnem, & odium sui: diuitias spernunt vsque ad patrimonia distributa pauperibus: Deum diligunt vsque ad supremum gradum, qui in hac vita haberi potest: omnes denique virtutes in gradu heroico possident, ita vt mirentur cæteri, qui eos vident, & fateantur imbecillitatem suam, quia ad tantam perfectionem peruenire non possunt. Sed horum numerus ad paucissimos redigitur, & vulgò ignotos, qui sibi, ac mundo mortui, & crucifixi vitam degunt absconditam cum Christo in Deo.

Alterum illos complectitur, qui or-



thodoxa fidei professione contenti his rebus dumtaxat, quæ foris apparent, Christiani hominis officia contineri arbitrantur; timentes quidem Deum, sed, & idolis suis seruientes. Ad Sacramenta frequenter accedunt, sed tanta animi remissione, & socordia, ut ex frequentia nihil proficiant; à grauioribus peccatis abstinere satagunt, leuiora negligunt: exteriores Religionis actus non omittunt; sed terrenis affectibus immerfi, sibi que semper, & proprijs commodis addicti, quid sit vita interior, quid perfectio Christiana, quid ascensus mentis in Deum, quid abnegatio, rerumque omnium abdicatio, sine qua neminem posse suum esse discipulum toties Christus docuit, aut prorsus ignorant, aut discere nolunt: & si quis eis sanctioris vitæ documenta proponat, illa ad Monachos, & ad Anachoretas ablegant, stulto, & lachrimabili errore decepti.

Tertium genus illos omnes comprehendit, qui ideo Christiani dicuntur, quia à Christianis parentibus orti, & aqua baptismatis regenerati, inter Christianos commorantur: moribus autem deteriores sunt infidelibus, improbi, sceleribus pleni, abominabiles, quorum immensa multitudo est.

## §. II.

*Tertium genus Christianorum  
describitur.*

**H**I sunt qui ore Deum fatentur, factis negant : corpus enim suum, eiusque commoda nimis amantes, & sæculi legibus pertinaciter adherentes, contra Euangelicam veritatem ita se obdurant, ut se esse Christianos penè erubescant. Fouent quotidè peccata sua, & flagitijs in consuetudinem versis, etiam verecundiam perdiderunt. Nihil sapiunt nisi terram, bonaque, & mala solius corporis voluptate perpendunt, & sic omnes vitæ suæ actus disponunt, ut veluti bruta animalia corporis sensibus obsequantur. Maximum bonum iudicant opes, quasi bonis artibus nequeunt, malis assequi student. Nihil illis turpe, nihil indignum, dummodo pecunijs affluant, & dignitatibus, quibus ad iniuriam Creatoris sacrilegè abutuntur; & quod olim de quibusdam Græcis dictum legimus, ædificant quasi semper victuri, viuunt quasi altera die morituri. Hæc autem faciunt, quia verbis domini non credunt, & humanæ conditionis, obliti longam sibi anno-  
rum



rum seriem pollicentur. Quiescunt in rebus transeuntibus, quæ rursum ab alijs occupandæ sunt, nihil solliciti de permanentibus, quia de Æternitate non cogitant. Torquet illos ambitio, dissoluit libido, inflat superbia, lacerat invidia, agitant cupiditates, & iustitiæ fastidio laborantes, sic Dei mandata auersantur, ut ferè etiam execrentur. Clamat Christus beatos esse pauperes, beatos qui lugent, qui persecutionem patiuntur: isti ex aduerso beatos illos dicunt, qui diuitijs ad satietatem abundant, qui super alios dignitate eminent, quos omnes venerantur. Edixit ille suum Discipulum esse non posse, qui non renuntiat omnibus quæ possidet: isti, quæ habent, cum amore retinent, cum dolore amittunt: imò, & aliena concupiscunt, & si nemo prohibeat, cum iniuria rapere parati sunt. Aliqui etiam Ecclesiæ addicti, qui solum Christum partem suam esse professi sunt, suæ promissionis immemores, nummos non cessant nummis addere, possidentes sæpenumero sub Christo paupere quæ sub locuplete mundo non habebant. Præceptum Domini est, ut diligamus inimicos nostros, atque his, qui nos oderunt beneficia rependamus: isti, & odio habent, & contumelia afficiunt, & si factis nequeunt, saltem animo offundunt. Iubet ille:

vt auferenti tunicam dimittamus, & pallium; vt dexteram maxillam percutienti sinistram prebeamus: quis est qui obtemperet: imò quis est qui hoc siue mandatum, siue consilium non contemnat, non irrideat? Percurrat qui voluerit Christi Euangelium, eiusque sectatores recenseat, paucissimos reperiet, qui ad eius præscriptum uiuant, qui ipsum, qua par est æstimatione, & veneratione prosequantur. Sed nec legere, nec audire dignantur, & iniquas mundi fabulationes, atque insanias falsas Verbo Dei anteponunt, vel ex hoc ostendentes se ad illos pertinere, qui Verba Dei non audiunt, quia ex Deo non sunt. Cum sit igitur hominis Christiani Deo fideliter credere, eius consilijs obsequi, eius parere mandatis: sit absque dubio, vt qui hæc spernit, & conculcat, Christianus non sit: fides enim sine operibus mortua est, nec quidquam prodest magni nominis prærogatiua, si mores illi, & officia non consentiunt. Inter Christianum, & infidelem non sola fides discrimen ponere, sed vita etiam, & mores debent, vt vera Religio à falsa operibus distinguatur. Qualis enim fides illorum esse potest, qui sic Deo credunt, vt eius mandata contemnant? Similes damoni isti sunt, qui credit, & contremiscit: atque vtinam deterio-




res non essent, nam dæmon credulitatem habet, & timorem: hi fidem iasant, timorem non habent.

### §. III.

*Peccatum Originale causam esse  
omnium malorum.*

**C**Ausam huius prauitatis nemo potest ignorare, cui nota sit primi hominis præuaricatio. Amissa enim iustitia originali in tot mala incidit vitiatæ naturæ massa damnata, ut eorum multitudo omnem vincat eloquentiam. Hinc vita traducitur plena laboris, & doloris, plena vitijs, & iniquitatibus, suoque pondere proclius ad malum. Hinc horrenda profunditas ignorantæ, quæ mentem nostram tenebrosa quadam caligine inuoluit: hinc cæca, & indomita concupiscentia, quæ animam deprimit, & affigit humi. Hinc Auersio à Deo, & amor rerum pereuntium, atque ex hoc mordaces curæ, insania gaudia, lites, discordiæ, rixæ, hæreses, sacrilegia, infandæ libidines, ac totiùs ferè humani generis æterna damnatio. Illa siquidem fuit impiæ rebellionis iustissima poena, ut, qui propriâ voluntate in superbiam elatus, Deum deseruit, ab

eo desertus sit: & qui libero arbitrio  
benè uti noluit, cum posset: iam ipso  
ad bonum uti, & Deum diligere sicut  
oportet, aut credere in Deum, aut ope-  
rari propter Deum, aut quæ recta sunt,  
cogitare nequeat, nisi gratia, & mi-  
sericordia diuina ipsum excitet, & præ-  
ueniat. Homo igitur sibi relictus amo-  
ris sui pondere ad se ipsum conuerti-  
tur, sibi que soli incubans, in se, tan-  
quam in centro requiescit. Atque uti-  
nam omnes Christiani hanc veritatem  
benè perciperent: nam si se captiuos  
esse sub lege peccati, & ad omne  
bonum ineptos agnoscerent, ab eo  
utique auxilium continua, & feruen-  
ti oratione peterent, qui operatur in  
nobis, & velle, & perficere: & à quo  
omne lumen, & robur, & omnis  
sufficientia nostra procedit. Sed iacent  
plerique in profundo sepulti, & mise-  
rando errore delusi, suam cœcitatem,  
suosque languores amant, & se sanos  
existimant, quia nesciunt se ægro-  
tare.





## §. IV.

*Occasio, & scopus huius  
Libelli.*

**H**Æc cùm sæpius mente reuoluerem, vitæque transactæ perditos dies in amaritudine animæ meæ cogitarem, dulplex me cura inuasit, quarum vna præteritum tempus, altera futurum respiciens, de vtroque anxium, & sollicitum reddidit. Nam si dies antea actos simul adesse iubeo, & serium de ijs examen instituo, horrore mihi sunt tot Diuinæ legis præuaricationes, & toties violata Fides, qua Christo in Baptismate nomen dedi, abrenuntians Sathanæ, cunctisque operibus, & pompiseius: pudetque me gratiæ Dei infidelem fuisse. Si verò mentis obtutum in ea figo, quæ ventura sunt, Dei tremenda iudicia, expauesco, & veniæ, ac salutis incertus totis artibus contremisco. In his igitur angustijs constitutus, statui, Deo opitulante, mihi ipsi primùm, tum alijs, quos eadem calamitas premit, efficaciter succurrere, & remedia præscribere, quæ semper in promptu sint, vt imbecillitas memoriæ assidua lectione reparetur, viamque perfectionis arripere cupientibus

bus proluxa inquisitionis labor absit. Nam quia omnis disquisitio veritatis sit ex quibusdam principijs, quæ à Philosophis Axiomata, à Medicis Aphorismi dicuntur, quibus præcipuarum rerum compendium, ac veluti medulla continetur; propositum mihi est in hoc Libello, quidquid de Vita sanctè instituenda in sacra primum Scriptura, tum in Codicibus sanctorum Patrum, & piorum Scriptorum diffusè legitur, ad certa quædam, & magis necessaria Vitæ Christianæ Principia restringere, quæ brevia sint, & concisa, & paucis multa comprehendant. Porro hoc vnum est necessarium, à quo summa rerum, vitaque beatæ tota ratio dependet, scire quid sit Christianè viuere. *Quid enim prodest homini, si mundum uniuersum lucretur, animæ verò suæ detrimentum patiatur? Aut quam dabit homo commutationem pro anima sua? (Matth. 16. 26.)* Quid verò peruersius, magisque ipsanum, aut dici, aut fingi potest, quàm Christiani nomine gloriari, vitamque prorsus alienam à Christi doctrina, & exemplis instituere? Vanum est nomen, cui vita non congruit.



## §. V.

*Cur Vita Christiana documenta multi  
discunt, pauci exequuntur.*

**H**Æc autem Præcepta facile possunt  
omnes legere, discere, & me-  
ditari; sed quod valde dolendum est,  
eorum germanam vim, & notionem  
pauciassequuntur. Facile omnes agno-  
scimus iter ad Cœlum parandum esse,  
abnegatione, ieiunijs, vigilijs, car-  
nis castigatione, multisque tribula-  
tionibus, sed in actionibus nostris  
aliter sentire videmur. Facile dici-  
mus, oportere Christianum, calumnias,  
persecutiones, tormenta, & ipsam  
mortem libenter pati: sed cùm hæc  
mala proxima sunt, cùm vitæ peri-  
culum imminet, tunc caligo mentem  
obumbrat, & quod antè dilucidum  
videbatur, incredibili obscuritate cir-  
cumfufum apparet. Humiles sumus,  
cùm à nemine vilipendimur: patien-  
tes, cùm nihil molestiæ occurrit.  
Documentis Vitæ Christianæ assenti-  
mur, quando nos non attingunt: cùm  
verò ad nos pertinent, tunc irrepunt  
terrenam cupiditatum illecebræ, men-  
temque confundunt: & ea in mol-  
liorem sensum, nobisque contro-  
diorem

diorem interpretamur. Latet enim veritas caligine obuoluta, eamque oderrunt homines ob insitam illi austeritatem, quam natura nostra peccato vitata pati non potest: & quia virtutibus amaritudo, vitijs voluptas admixta est, illa offensi, hac deliniti præcipiti cursu in vitia ruunt, & posthabita veritate, mendacium amplectuntur. Quod si aliquando Præceptores audiunt, qui ipsam veritatem proferant, ac veluti oculis exponant, quamvis agnoscant se in tenebris, & umbra mortis ambulare, & aliquo modo ad lucem aspirare incipiant, in suas nihilominus tenebras relapsi, oculos claudunt, ne oblatum lumen aspiciant, similes dormientibus, qui expergisciconantur, sed alto sopore demersi, protinus in somnum remerguntur. Nemò igitur mirari debet, si multa proponimus, nihil exequimur: tum quia difficultates, quæ in bonis actionibus solent occurrere, non prævidemus, illisque apparentibus retrocedimus, tum quia magis in proprijs viribus, quàm in Dei adiutorio confidimus; & ideo ingruente tentatione deficimus, ut discamus non nostræ virtutis esse, sed Diuinæ misericordiæ, quod vincimus: tum quia denique multum speculationi, parum affectui incumbimus, & leges bene viuendi in



doctrina potius, quàm in conscientia habere volumus, scientiam Diuinam studiosè inquirentes, non vt mores habeamus quos illa instituit: sed vt ad hominum laudes per eius ostentationem perueniamus. Inanis autem labor est sapientiam discere, & insipienter viuere.

## §. VI.

*Regulas Euangelica perfectionis non  
solis Religiosis, sed omnibus  
Christianis traditas esse.*

**Q**Via plurimi sunt, qui tradita à Christo Christianæ perfectionis documenta: nec discere, nec seruare volentes, ne illa temerè abiectis videantur, ad illos dumtaxat spectare asserunt, qui claustris inclusi à sæculis alieni sunt: ostendam euidenter quàm sit inanis, & falsa eorum persuasio, vt, hoc errore sublato, veritas patefacta clarescat. Verissimum quidem est duplici statu Christianorum vitam distinguere, mundano, & religioso: vterque tamen, diuerso licet tramite, ad eundem terminum tendit: & quod attinet ad praxim virtutum, ad mundi contemptum, ad paupertatem spiritus, ad amorem Crucis, par vtriusque  
con.

conditio est, hoc solo intercedente discrimine, quod Religiosi solemnum votorum, ac regularum vinculis deuincti, strictiori iure, quàm mundani ad perfectionem tenentur: in reliquis vna, & eadem vitæ ratio ab vtriusque requiritur, vnum, & idem Euangelium omnibus prædicatum est. Cumque Deus nihil præcipiat, nisi Charitatem, nihil prohibeat nisi cupiditatem, nulla in his differentia, nulla exceptio personarum reperitur. Præcepit Saluator noster, ne quis verbum otiosum loquatur, rationem de illo redditurus in die iudicij, ne quis irascatur, ne quis concupiscat, nec vllam videmus positam esse distinctionem inter Monachos, & coniugatos. Simili modo cum dixit beatos esse qui lugent, infelices qui rident: cum docuit, nos oportere semper orare, omnibus renuntiare, vitam odisse, nos ipsos abnegare, iniurias patienter ferre, intrare per angustam portam, nullum certè hominum genus exclusit. Paulus item Apostolus, cum omnibus Christianis etiam coniugatis, filiosque nutrientibus scriberet, nonne ab illis omnem exigit vitæ Monasticæ disciplinam? *habentes*, inquit, *alimenta*, & quibus regamur his contenti simus (1. Tim. 6. 8) Quid amplius ab Anachoretis requireret? Petrus quoque, & Iacobus Apostoli,



nonnè ad omnes Christi fideles scribebant, cum eos hortabantur, ut essent sancti, integri, perfecti, in nullo deficientes, ( 1. Petr. 1. 15. Iac 1. 4. ) Christus denique cum dixit: *Estote perfecti, sicut, & Pater vester cœlestis perfectus est* ( Matth. 5. 48. ) sermonem habuit ad omnes in se credentes, quibus altissimum Sanctitatis scopum præfixit, ut omnes qui per adoptionem Filij Dei nominamur, & sumus, Patris perfectionem æmulemur. Magna itaque cunctis Christianis sanctitatis necessitas indicta est, ne à paterna hereditate tãquam degeneres excludantur.

## §. VII.

*Huius Libelli utilitas, & exhortatio ad perfectionem.*

**I**Deò contemptis omnibus, quæ bona mortales putant, huic soli curæ incumbendum est, ut per Christi vestigia ad Euangelicæ perfectionis culmen properemus. Ad hoc referuntur quæcumque in hoc Libello collecta sunt, ut superatis sensuum præstigijs, & veritate comprehensa, quasi in Regionem originis nostræ reuertamur, de vitijs triumphaturi, & in perpetuum regnaturi, Filij huius sæculi  
 † per-

persuadere conantur , perfectionem rem difficillimam esse , nec posse in hoc mundo inueniri , vt segnus effectus homo quærere non audeat , quod se consequi posse desperet . Sed volenti nihil difficile , & quidquid arduum est , gratia Dei facile reddit . Tanta est autem pulchritudo iustitiæ , tanta iucunditas æternæ lucis , tantus splendor incommutabilis veritatis , vt si vnus tantum diei mora in ea manere liceret , innumerabiles huius vitæ anni pleni delitijs , & omni affluentia temporalium bonorum , meritò contemnerentur . Scriptum est enim : *Quia melior est dies vna in atrijs tuis super millia* ( *Psal. 83.* ) Nemo autem mirari debet , si quæ aliquando in hoc tractatu repetita occurrent ; connexa sunt enim virtutum documenta , & hæc est vis veritatis , vt quo propius ad ipsam accedimus , eò frequentius in eandem incurramus . Si quæ verò aspera , & difficilia , si quæ grauiora , & humanæ fragilitatis vires excedentia videantur , meminisse iuuabit regnum cœlorum vim pati , nec esse condignas passionem huius temporis , quamuis vnus omnes sustineat , ad futuram Gloriam , quæ reuelabitur in nobis . Brevis labor est , merces æterna .



## 9. VIII.

*Quàm necessaria sit Christiano ultimi  
finis consideratio .*

**N**Ec verbis exprimi , nec mente concipipotest , quanta sit inter Christianos ultimi finis ignorantia . Si nulla esset æternitas , si nihil post hanc vitam sperandum , aut timendum foret , numquid aliter viueremus ? Paucissimi sunt , qui seriò considerent , hoc vnum sibi , & grauissimum negotium in hac vita peragendum esse , ad quod omnia dirigere , cui totis viribus incumbere oportet , vt quisque , scilicet finem suum consequatur , qui propter se appetitur , & non refertur ad aliud , de quo Philippus Apostolus loquebatur , cum dixit : *Ostende nobis Patrem , & sufficit nobis* ( Ioan. 14 8. ) Finis enim , qui est Deus , eiusque clara visio sufficit nobis , quia eius non erit finis . Cætera nugæ , & vanitates sunt , & afflictio spiritus . Docet nos corporis figuratio ad quid nati simus . Erecto enim vultu creauit nos Deus , vt cælum aspiciamus , vnde origo nostra , vbi patria est . Plerique tamen pecudum more in terram proni nihil quærunt , nihil sapiunt nisi terram ; ac veluti lethargo

op.

oppressi vix ad magnos clamores, atque etiam admoto igne., caput attollunt. Tum paucis verbis imperfectè prolatis rursus obdormiunt, & verba salutis, nec audire volunt, nec audita percipiunt. Verbum Domini est: *Quarite primum regnum Dei, & iustitiam eius, & hæc omnia adiicientur vobis* ( *Matth. 6. 33.* ) Nos autem de regno Dei nihil solliciti, pecuniam primum quærimus; & sæculi dignitates, atque voluptates: & huic soli curæ intenti sumus. Ille docuit nos, vnum esse necessarium ( *Luc. 10. 42.* ) nos in multa distrahimur, quæ nihil aliud sunt, quàm impedimenta salutis. Ait ille, vt eadem hominibus faciamus, quæ nobis volumus ab illis fieri ( *Matth. 7. 12.* ) nos ex aduerso ea facimus alijs, quæ nolumus ab illis pari. Ille dixit: *Nolite iudicare,* ( *Matth. 7. 1.* ) nos aliorum seuerissimi iudices. In fratrum oculis festucas arguimus, trabes in nostris non videntes. Præcipit ille, vt ipsum toto corde, & super omnia diligamus ( *ibid. 22. 37.* ) nos opes, & voluptates plusquam ipsum amamus, præferentes ei quidquid naturæ deprauatæ errores fouet, quidquid blanditur concupiscentiæ. Inanis igitur est, quod ad nos attinet, prædicatio crucis, inutilis incarnatio Verbi, inefficax virtus Sacramentorum, quandoquidem ita viuimus, ac



si nullam Dei, & vltimi finis notitiam haberemus . Cùmque vita cuiusque animalis in operatione sibi congrua consistat, nostra autem propria operatio sit cognitio , & amor Dei , quidquid operamur huic fini conueniens, salutare est : quidquid extra illum, inutile , & vanum : quidquid contra illum, perniciosum .

## §. I X .

*Cùm omnes velint esse beati, cur non omnes beati sint .*

**O**Mnium qui ratione vtuntur certa sententia est , velle homines beatos esse . De ipsa autem beatitudine multæ , & magnæ controuersix excitatæ sint , in quibus Philosophi studia sua , & otia contriuerunt , vt discerent , quæ sit vita beata, cuius appetitio Christianis, & infidelibus, sapientibus , & insipientibus communis est . Sed in quo vera beatitudo consistat, soli Christiani norunt , qui fide credunt fontem totius felicitatis , & finem omnium appetitionum Deum esse, qui est summum bonum, & finis vltimus, quem super omnia amare debemus, vt in eius fructione quiescamus . Satis autem

autem deplorari non potest innumera-  
bilitum Christianorum cœca perversi-  
tas, qui cùm beatitudinem vehemen-  
ter exoptent, nihil tamen agunt, quo  
illam adipisci valeant: ità enim de-  
luditur eorum mens, falsa quadam  
felicitatis imagine, vt præsentium sua-  
uitate illecti nihil appetant, quod sen-  
sum excedat. Ideò beati esse volunt,  
nec possunt, quia actiones suas ad fi-  
nem vltimum dirigere nolunt: ex quo  
fit, vt miseri sint, non quòd velint  
miseri esse, sed quoniam ea volunt,  
ex quibus ineuitabilis miseria sequi-  
tur, ipsis etiam inuitis. Sicut in cir-  
culo quantumuis amplo vnum est  
medium, quod centrum vocant, ad  
quod omnes lineæ vergunt, & quam-  
uis circuli ambitus in partes innume-  
rabiles secari queat, nihil tamen ve-  
rè est, præter illud vnum, quod qua-  
si quodam æqualitatis iure omnibus  
dominatur: ita animus vnum Deum  
semper quærere, & ad illum tende-  
re debet, à quo si recedit, multi-  
tudine obruitur, quæ ipsum vnum  
inuenire non sinit. Hoc vnum à no-  
bis exigit Deus, quia hoc solum ne-  
cessarium est. Cætera omnia si desint;  
nihil necessarium deest, quandoqui-  
dem, nec quod viuamus necessarium  
est. Quod si vita necessaria non  
est, multò minus quæ ad illam  
spe.



spectant. Qui autem viuit necessitate officij, vni Deo viuere, & seruire debet. Ita enim in hoc mundo constituta est rationalis creatura, vt si conuertatur ad bonum incommutabile, fiat beata, si ab eo auertatur, misera sit.

## §. X.

*Omnia ad Deum referenda esse pura  
intentione.*

**C**Um omnes in hoc mundo peregrinifimus, & viatores, qui ad patriam pergimus, necessarium nobis est indefinenter progredi, ac serio disquirere quò tendamus, quo fine, qua intentione operemur, & ad quid præsentibus studijs spectemus. Homo enim operatur propter finem, & quò purior est operantis intentio, eò perfectius est opus. Bonum opus intentio facit, intentionem dirigit fides. Impiorum, & reproborum est illa vox: *Ergo fruamur bonis quæ sunt* ( Sap. 2. 6. ) nam Deo frui, creaturis vti debemus. Et omnes quidem creaturæ, quantum est ex parte Dei, semitæ sunt, & modi, quibus ad ipsum perducimur: malitia verò nostra impedimenta fiunt, quibus ab eodem auertimur, & à scopo abducimur: quoniam, vt ait Sapiens: *Creatura Dei in*  
*odiam*

odium facta sunt, & in tentationem animabus hominum, & in musculis pedibus insipientium ( Sap. 14. 11. ) Insipientium, inquit, qui Deum ducem non sequuntur, qui ab eius lumine mentis oculos auertunt, & decus creaturarum amantes, in umbra, & obscuritate perambulant, eò languidiores ad perficiendam Dei lucem effecti, quò magis umbræ inhærent. Quod si omnes creaturæ ad hoc conditæ sunt, ut ijs utamur ad finem ultimum consequendum, auellenda ab illis affectio est, & ad Deum transferenda, qui finis est. Etenim finis appeti, & amari debet sine fine, & termino, quia eius bonitas summa est, & independens: illa verò, quæ ad finem perducunt, catenâ amantur, quatenus ad ipsum finem consequendum iuuant, à quo eorum bonitas pendet. Christiani igitur hominis est, quidquid cogitat, quidquid loquitur, quidquid agit, ad Deum referre, non ore dumtaxat, aut minus feruida spiritus applicatione, sed toto animi conatu, & affectu à rebus terrenis prorsus auulso: nam sæpè decipimur specie recti, & relabimur in nos ipsos, nostra potius commoda, in ipsis etiam spiritualibus exercitationibus, quàm Deum quærentes. Ideò Scriptura dicit arctam, & difficilem esse viam salutis, quia natura



tura corrupta Diuinis rationibus, ac pura intentioni repugnat, & ad se omnia refert: cum autem hæc repugnantia assiduo vsu, & delectatione Diuinæ legis superata fuerit, lata fit via, laucia mandata, iugum suauæ.

## §. XI.

*Vnde proueniat quòd plerique à fine  
a'errant.*

**P**Ræclarè, & ex alta sua sapientia mortalium Sapientissimus dixit: *Stultorum infinitus est numerus*, (Eccl. 1. 15.) Maxima enim, ac penè infinita hominum turba, intolerabili, ac perpetuis lacrymis deploranda insania transigit in mugis dies suos, carnem spiritui, tempus æternitati, terrena Diuinis præponens: donec miserabilis vitæ actio in horribilem mortis tragœdiam desinit, & in puncto ad inferna descendunt. Si de lite vincenda, de acquirenda possessione, aut de consequenda dignitate sermo sit: nulli parcitur labori, exhauritur ærarium, euoluuntur libri, prisca monumenta excutiuntur. At cum agitur de Cœlesti regno, de sempiterna beatitudine adipiscenda, dormiunt omnes, nemo ex-  
clta...

citatur, nulla diligentia, nulla cura adhibetur. Pro his quæ corpus afficiunt, & ledunt, cuiusmodi sunt santes, sitis, frigus, æstus, dolores, infirmitates, iensa habemus infallibilia, ex quibus fit, ut omne studium nostrum, omnisque industria in his evitandis continuo occupetur. Ad animæ autem famem, frigus, ægritudinem, & alia mala, omni prorsus sensu caremus, ac si pars hominis nobilior, & excellentior, qua vivimus, qua ratiocinamur, qua similes Angelis sumus, aut omnino non esset. Vincit nimirum, & prævalet pars animalis, & hæc fragilis vita plus diligitur, quàm sempiterna, nec in alio omnis nostra sollicitudo attentius occupatur, quàm ut homo brevi moriturus aliquantò serius moriatur. Provenit hoc, primum ex crassa, & supina ignorantia, siue potius ex inadvertentia: nesciunt enim plerique, aut non considerant, ad quid conditus sit homo, quem sibi debeat in omni parte vitæ suæ scopum præfigere, & qua via ad illam possit pertingere, sicut scriptum est: *Desolatione desolata est omnis terra, quia nullus est qui recogitet corde* (Jerem. 12. 11.) Provenit ex multitudine, & saevitia hostium in nos irruentium, quorum laqueos nemo potest evadere, nisi à Domino exercituum conterantur.

Cin-



Cingunt enim nos , & obsident caro fragilis , mundus blandiens , & agmina dæmonum insidiantium . Prouenit ex defectu luminis , cuiusin mundo profunda nocte sepulto maxima inopia est , nec illud in oratione ab eo exquirimus , qui solus potest , discussis tenebris , mentem nostram illuminare . Prouenit tandem ex segnitie , & inconstantia , quia virtus in desiderio est , & non in opere : & cum ad praxin veniendam est , difficultate territi recedimus . Et omnes quidem ad Christum peruenire vellent , sed post illum ire nemo vult : eo frui vellent , sed non imitari : ipsum assequi desiderant , sed non sequi . Vellent lucrum sine labore , coronam sine certamine . Placent præmia , displicet lucta .

## § XII.

*Decipimur specie recti .*

**O**Mnis mundi felicitas , & quidquid vulgus amat , ac plurimi æstimat , instar picturæ est , quam si quis ad falsum , & exiguum lumen præsentis temporis , quali ad lumen lucernæ intueatur , speciem aliquam pulchritudinis habere videtur , qua allicit ; & trahit ad se : sed si ad lucem

cem æternitatis , quasi ad radios fulgentissimi Solis introspeciat , clarissimè perspiciet nihil aliud esse ; quàm deformem , & vix adumbratam imaginem , & incompositam linearum confusionem . Obscura nimirum est oculis mundi lux Euangelij , quæ in tenebris lucet , sed tenebræ eam non comprehendunt . Hæc sola nos illuminat , vt , quid intersit inter bonum , & malum , inter verum , & apparens , discernere , & pretiosum à vili separare valeamus . Per hanc veritatem cognoscimus , quæ permanet in æternum , quæ habitat in interiori homine , instruens nos non hære in pulchritudine creaturarum ; sed earum nitorem ita percurrere , vt ad rerum omnium Conditorem per amorem recurramus . Hæc docet nos soli Deo adharere , omnemque fiduciam in ipso ponere , non in principibus , non in amicis , nec etiam in fratribus , quia , cùm singuli propria principia , & fines habeant , proprioque commodo studeant , tamdiù nobiscum erunt , quamdiù nos vtilis credent ad proprios fines consequendos : cùm verò ex nobis nullum emolumentum sperabunt , procul à nobis recedent . Cauendum igitur , ne species decipiat nos , ne solatium , & felicitatem quæramus in creaturis quæ non sunt , nec

pæc-



pretium habent nisi ab errore vulgi, & ab ignorantia, & cœcitate nostra, relicto Deo bonorum omnium fonte, qui solus verè est, & extra quem, nec quies, nec pax reperitur. Infelicitissimus homo est, qui ab eo recedit, qui summus est.

## §. XIII.

*Humana vitæ cursus, & per-  
uersitas.*

**H**Oc circulo humanæ vitæ cursus irrequieta vertigine perficitur, & circumuoluitur. Edunt homines, bibunt, dormiunt, rursusque surgunt, ut iterum gula, & somno indulgeant. Opes congregant, & non est finis acquisitionis eorum. Iucundè viuere volunt, tardiùs mori. Inter baptismum, & extremum halitum, congeries quædam, & confusio intercedit Sacrarum, & profanarum actionum, Sacramentorum, & criminum, & Confessionum, & relapsus. Nulla dies sine labe transigitur, omnesque passim in incertum currunt absque vlla sui finis consideratione. Et omnes quidem currunt, sed pauci omninò sunt, qui perueniant ad meram. Non enim considerant, qualis in Cœlo gloria parata sit illis, qui triumphato sæculo, Christi fidem,

&

& legem custodiunt. Fecit Deus mundum, & in eo creauit hominem ad imaginem, & similitudinem suam, tribuens illi intellectum, vt Factorem agnosceret: voluntatem, vt diligeret: memoriam, vt memor esset mandatorum ipsius ad faciendum ea: sensus ad seruiendum ei: linguam ad enarrandas, & decantandas laudes eius. Vniuersa autem, quæ in mundo sunt, propter hominem condidit, eique cuncta subiecit, vt ipse Creatori subiectus, rebus omnibus ad salutem suam, & ad Dei gloriam vteretur. Sed voluptatum illecebris deprauati mortales ad infima deprimuntur, Deique donis tam interioribus, quàm exterioribus, scientijs, diuitijs, honoribus, ipsaque valetudine, & vita, non nisi ad commoda corporis, & ad iniuriam Creatoris vtuntur: quibus si rectè vterentur, ornamentum animi forent, vitæ præsentis subsidia, & ad finem vltimum consequendum aptissima instrumenta. Tanta est hominis peruersitas, & malitia, vt in sui perniciem conuertat, quæ sibi à Deo tradita sunt ad perpetuam Beatitudinem comparandam.



## §. XIV.

*Via recta ad finem est , vt quisque  
suam Crucem ferat .*

**D**Ebet omnishomo , vt finem suum citius consequatur , vitam suam dirigere secundum rationes æternas , & per viam statui suo conuenientem ad propositam sibi metam properare . Sed non omnes hoc seruant : plurimi enim stulto errore delusi viam ad finem proprio arbitrio præscribunt , illam deferentes , quam Diuina prouidentia vnicuique destinauit . Sicut Princeps militiæ Regis Syriæ , nomine Naaman , quamuis optaret à lepra sanari , remedium tamen facillimum ab Elizæo præscriptum recusabat , illud præferens , quod ipse sibi finxerat , solo Prophetæ tactu se sanandum putans ; iamque iratus lepram suam secum ferens recedebat : nec vnquam curatus fuisset , nisi postmodum serui fidelis admonitione sapientior factus , indicatum à sancto viro remedium adhibuisset . Ira plerique propriam sibi semitam sternunt , qua perueniant ad finem , multa decernentes à proprio statu , & instituto aliena , quibus exequendis , vel facultas deest , vel occasio , vel obstant , quæ  
præ-

prætermitti nequeunt, quotidianæ occupationes. Ex quo fit, ut semper in desideriis sint, & nihil unquam, quod ad finem obtinendum proffit, operentur. Via autem brevis, & expedita illa est, quam Christus ostendit dicens, ut, qui vult ipsum sequi, accipiat, & ferat crucem suam: suam inquit, non alienam: à Deo acceptam, non à se inuentam: non quæ temerè vsurpetur, & vires excedat: sed quam parauit Diuina sapientia, quæ simul ferendi vires subministrat. Cauendum igitur primò, ne mens aberret à fine, quem qui nescit, illa quoque ignorat, quæ ad ipsum perducunt. Tum cognito fine, quoniam diuersæ occurrunt semitæ ad ipsum pergere volentibus, illa præferenda, & eligenda, quæ proprio statui conueniat, ut quisque, videlicet crucem suam, ferat, sicut Dominus præcepit. Porro crux singulorum hæc est, officio suo exactissimè fungi, aduersitates quotidie occurrentes patienter ferre, & ad perfectionem sui status, nulla prætermissa occasione, se ipsum erudire. In omni loco, & statu Christianam perfectionem consequi licet, & peruenire quò tendimus, si in vocatione sua quisque permaneat.



## §. XV.

*Conditiones ultimi finis, & cur ab illo  
plerique aberrant.*

**V**Ltими finis duæ sunt conditiones, quod sit bonum perfectum, & quod sit per se sufficiens, ita ut vitam prorsus tranquillam, nullòque exteriori bono indigentem reddat, atque omnem motum terminet naturalis desiderij, etiamsi solum possideatur. Quicumque enim indiget, illud, quo indiget, adipisci desiderat: qui autem aliquid desiderat, non quiescit, donec illud consequatur. Hæ verò conditiones in solo Deo reperiuntur, qui summum, & perfectissimum bonum est, & solus potest omne desiderium nostrum explere. *Satiabor*, inquit Propheta, *cum apparuerit gloria tua.* ( *Psalms* 16. 15. ) Verumtamen humani generis vitium execrabile est, ut summum bonum illud esse definiat, quod præ cæteris ita diligit, ut ab eo amoveri non possit, quamvis propriæ conscientiæ iudicio id malum esse non ignoret. Tanta vis est peruersi animi, ut nec alieno, nec proprio iudicio acquiescat. Ideò plurimi sunt, qui aut veri finis ignorantia, vel per

peruersæ voluntatis vitio, falsa potiùs bona quàm vera sectantis, à summo bono aberrant, nec ipsum vnquàm assequuntur. Hi semper miseri, & detestabiles rerum ordinem turbant, atque confundunt, à Deo auersi, & creaturis tamquàm vni adhærentes: sub sensibus esse delicias computant, tenebras amant, quibus inuoluuntur, corpus mortis quod gestant, laqueos inter quos ambulant, locum afflictionis quem inhabitant, nec horribilem iudicis sententiam aduersùs sui finis desertores pertimescunt: *Ambulant, sicut ait Apostolus, in vanitate sensus sui, tenebris obscuratum habentes intellectum, alienati à vita Dei per ignorantiam, quæ est in illis, propter cecitatem cordis ipsorum: qui desperantes semetipsos tradiderunt impudicitia, in operationem immunditiae omnis, in auaritiam (Ephes. 4. 17.) æstimant lusum esse vitam nostram, & oportere vnde cumque etiam ex malo acquirere (Sap. 15. 12.) fitque sæpius Diuino iudicio, vt, dum nequiter viuunt, illud demùm perdant, quod salubriter credunt, similes insipientibus, qui dicunt in corde suo: Non est Deus. (Ps. 13.) Fontem huius peruersitatis iam supra indicaui, nec vnquàm satis commemorabitur, etiamsi milies repetatur. Peccauit Adam, &*



non solum iustitiam quam acceperat ,  
 sed scientiam quoque boni perdidit ,  
 totamque propaginem in se tanquam in  
 radice vitiauit . Hæc autem corruptio  
 immenso pondere hominem grauat ,  
 magnoque impetu inclinat , & vrget  
 ad carnis voluptates , ad effrænam sen-  
 suum licentiam , ad exercendam su-  
 per alios potestatem , ad sui , rerumque  
 suarum æstimationem , ad otium , &  
 fugam laboris . His accedit in intelle-  
 ctu obscuritas , ignorantia , falsa re-  
 rum apprehensio , incerta iudicia ,  
 errores , mendacia , & à serijs cogi-  
 tationibus auersio : in voluntate in-  
 firmitas , veri boni neglectus , & lan-  
 guor , atque inertia ad resistendum  
 prauis motibus , appetitus rebus ca-  
 ducis semper affixi . Idcirco de viro  
 iniquo scriptum est : *Non est Deus in  
 conspectu eius , inquinata sunt via illius  
 in omni tempore ( Ps. 9. )* Ignorato au-  
 tem Deo , cui debent cuncta seruire ,  
 veræ etiam virtutes ignorantur , quæ  
 finibus non officijs , à vitijs discernun-  
 tur . Anima verò ab hac diabolica ca-  
 ptiuitate , & à miserrima seruitute pec-  
 cati per gratiam I E S V C H R I S T I  
 Saluatoris nostri liberata , Deo firmiter  
 adhæret , in quo omnia reperit , quæ  
 ab hominibus desiderari possunt , sum-  
 maque pace , & tranquillitate in ipso  
 quiescit , nihil quærens , nihil optans  
 extra

*extra ipsum: Nimis enim auarus est  
cui Deus non sufficit.*

§. XVI.

*Alia assignatur causa ob quam multi  
vltimum finem non  
assequuntur.*

CVM rationi consonum sit, idque  
omnes fateantur, futura præsen-  
tibus, Diuina terrenis, perpetua breui-  
bus anteponenda esse: satis intellectu  
difficile est, cur plerique mortalium,  
qui corde hoc credunt, & ore prædi-  
cant, factis tamen negent: in actibus  
quippe, & negotijs carnalis vitæ occu-  
pati, augere redditus, agros colere,  
pecuniam vndecumque congregare,  
dignitates consequi totis viribus stu-  
dent: in reliquis sic verè se habent, ac  
si sensu, & intelligentia carerent. Si  
de Deo, de Vita æterna, de Christiana  
perfectiōe sermo habeatur, vel quæ  
dicuntur non percipiunt, vel statim  
obliuiscuntur, quia res caducæ, &  
temporales, quæ sensibus subiectæ  
sunt, mentes eorum magis percellunt:  
& licet interdum quotidiana experien-  
tia urgente videant, & probent, hu-  
mana omnia fugacia esse, ac tenui  
filo pendentia: protinus tamen sensibus



cedunt, ad ea redeunt, quibus dudum assueti sunt. Huius autem infelicitatis causam potissimam esse diximus primi Parentis prævaricationem, ex qua velut riuuli ex fonte, ignorantia, inopia lucis, tentationes, & inconstantia emanarunt. Nunc verò alia occurrit sedulo considerata imbecillitas; scilicet spiritus nostri non percipientis, quæ sunt Spiritus Dei, & res etiam terribiles languide, & confuse concipientis. Peccati sceditas, mortis amaritudo, tremendum Dei iudicium, æternum gehennæ incendium leuiter apprehendi solent, ut sunt quædam verba in auribus sonantia, quæ vim nullam habent salutare: motus excitandi. Illam videlicet, eamque minimam partem propositæ rei apprehendimus, quæ sensum percellit, reliqua non attendentes, quæ mentem excitare, & afficere queunt. Sic in peccato eadem taxat prospicimus, quæ temporaria sunt, multoque magis displicet nobis propriæ dignitatis, & existimationis diminutio apud homines, quàm Dei offensa, & reatus interminabilis poenæ. Sic hominis morientis sola symptomata consideramus, quæ foris apparent, ea omittentes, quæ ipsi morti connexa sunt, & ad animam spectant. Iudicium, & gehennam, quia à sensibus remota sunt, ita percipimus, ac si ad nos nullo modo

modo pertinerent. Rerum autem, quæ sensibus iucunda, & grata sunt, solam superficiem, qua placent, intuemur, & deplorabili amentia nos felices arbitramur, dum illis momento fruimur, futuri in æternum infelicissimi. Animam esse immortalem nemo ignorat, multique Philosophi doctissima nobis de eius immortalitate Commentaria reliquerunt, sed de futuro statu animæ suæ post mortem nemo recogitat, nemo sollicitus est, ac si cum corpore interiret. Plerique enim, nec ex fide, nec ex ratione viunt, sectantes temerè quæ sensus appetunt, & ea fugientes, quæ illis molesta sunt, ac si in hac vita nihil aliud agendum sit, nihil in altera timendum.

## §. XVII.

*Filij Dei sumus, & eius Spiritu vivendum nobis est.*

**S**I quis hoc animo percipere posset, ac iugiter meditaretur se filium Dei esse, pretioso Christi Sanguine redemptum, & in spem Vitæ æternæ regeneratum, hanc solam nobilitatem in pretio haberet, nihilque terrenum sapiens, sola æterna, ac Diuina mente reuolueret, & ad Patrem semper aspirans sic vitam instituere satageret, ut  
talem



talem filium decet. Sicut in theatro, qui Regis personam agit, tametsi actio illa inanis sit, & ad vanam otiosæ plebis delectationem inuenta: seriò tamen curat, ne quid agat, aut dicat, quod Regis dignitatem dedecet: quantò magis Christiani, qui mortem Domini annuntiant, donec veniat, totis viribus eniti debent, ne quid Christo indignum in verbis, & operibus suis appareat? Quemadmodum Pictor, ut præclarum opus efficiat, nunquam ab exemplari, quod sibi imitandum proposuit, oculos, & mentem auertit; ita Christianus in omni actione, & sermone perfectissimam Christi vitam, & mores tanquam prototypum numeris omnibus absolutum sibi ante oculos ponere, & sic operari, sic loqui, sic viuere debet, ut nunquam ab eius exemplis declinet. Qui enim dicit se in Christo manere, debet, sicut ille ambulauit, & ipse ambulare. Spiritus, qui dominatur in nobis, spiritus Adæ est, per quem redacti in seruitutem diaboli nobis ipsis, propriisque commodis firmiter adhæremus. Quia verò natura filij iræ sumus, si ipsam naturam sequimur, omnia opera nostra ex voluntate Satanae, qui nos durissima seruitute premit, perficientur. Ab hac autem captiuitate Christi Sanguine liberati,

berati , ex gratiæ principijs operari debemus , eiusque corpori inhaerere , cuius membra facti sumus . Adam primus homo de terra terrenus fuit : Christus secundus homo de cælo cælestis . Igitur sicut portavimus imaginem terreni , portemus , & imaginem cælestis ( 1 Cor. 15. 47. ) sollicitè cauentes , ne , qui Christiani dicimur , tanti nominis dignitatem prauitate nostra perdamus . Si quis spiritum Christi non habet , inquit Apostolus , hic non est eius ( Rom. 8. 9. ) Ille autem spiritum Christi habere dicitur , cuius vita interior , & exterior vitæ Christi similis est , qui ad eius exemplar mores suos componere , atque ita loqui , & operari studet , sicut locutus , & operatus est Christus . Idem alibi monet , ne ambulet homo secundum hominem , ac si diceret : noli ambulare secundum hominem , sed secundum eum , qui fecit hominem : noli deficere ab eo , qui fecit te , vt spiritu eius imbutus , filius Dei efficiaris . Filius autem Dei esse non potest , qui à spiritu Christi alienus est .



## §. XVIII.

*Iustus ex fide vivit.*

**Q**UOD radix arbori, quod fundamen-  
tum ædificio, quod riuulis fons,  
id vitæ Christianæ, cæterisque virtuti-  
bus est fides, sine qua impossibile est  
placere Deo. Ideò ab illa Christia-  
næ institutionis exordium sumendum  
est: dicit enim Scriptura: *Iustus ex  
fide vivit* ( Rom. 1. 17. ) Quæ de sa-  
pientia, eiusque laudibus, & excellen-  
tia magnificis verbis in sacris Libris  
scripta sunt, ( Sap. 7. Iob. 28. ) ad fi-  
dem pertinere, & res ipsa docet, &  
omnium sapientum consensu euincit.  
*Omne durum in comparatione illius arena  
est exigua, & tanquam lutum æstimabi-  
tur argentum in conspectu illius. Infini-  
tus thesaurus est, quo qui vti sunt, par-  
ticipes facti sunt amicitia Dei. Eman-  
tio est claritatis omnipotentis Dei, candor  
lucis æternæ, speculum sine macula maie-  
statis Dei, & imago bonitatis illius. Hæc  
docet nos, omnem veritatem osten-  
dens animæ quid sectari, quid dili-  
gere, quid fugere debeat. Docet nos  
bona huius mundi mala esse, & ma-  
la bona, si patienter tolerentur. Do-  
cet*

cet contemni oportere quidquid corporis oculis cernitur, quidquid sensus attingit. Ab illa discimus Deum, & nos ipsos cognoscere, in qua motitia, falsus, & perfectio nostra consistit. Ipsa ab erroribus insanæ multitudinis ereptos, vera nos Sapientia imbuit, & in auram veræ libertatis à sæculi captivitate educit. Discrepant toto cœlo mundi huius, & fidei principia: cumque Christus, à quo fidem accepimus, falli non possit, hinc evidenti conclusione deducitur, oportere nos ex fide vivere, eiusque principia sequi, falsam verò, & perniciosam mundi doctrinam detestari. Aduertendum tamen, & solerter considerandum est, nullam in nobis venam esse, nullam facultatem, quæ non impellat ad principia fidei destruenda, & euertenda. Summum hominis studium, summa cura hæc est, in hoc sæculo commodè vivere: de æternitate altum silentium, nulla cogitatio. Ad hoc maximum malum infelices mortales adigit spiritus Adæ, & concupiscentia, quæ regnat in mortali corpore. Qua de causa gemunt omnes electi Dei dicentes: *Non quod volo bonum hoc facio, sed quod nolo malum hoc ago. Infelix ego homo, quis me liberabit de corpore mortis huius? (Rom. 7.)* Respondet autem Apostolus: *Gratia Dei per IESUM CHRISTUM.*

Gra.



Gratia enim liberat nos à cœcitate, & ab infirmitate, vt videamus quæ recta sunt, & ad ea peragenda roboremur.

## §. XIX.

*Fundamentum Vitæ Christianæ abnegatio sui, rerumque omnium abdicatio.*

**M**agna fidei potentia est, quæ cum sit immobilis, immutabilis, inconcussa: similem sibi Christianum efficit, qui ex nuda, & simplici fide viuit, & operatur. Nihil enim videt, nihil optat nisi Deum, & in eo placidissima tranquillitate quiescit, quia ipse solus lux eius, & dulcedo est, & omnium rerum plenitudo. Nullam autem in hoc mundo delectationem habet, nec in filiis hominum sperat, in quibus non est salus; nam cum omnia, quæ sub cœlo sunt, fluxa, & caduca sint, qui ipsis innititur, cum ipsis pariter labitur: qui verò nititur immobili, non mouetur. Sicut Beati omnia vident in Verbo, sic nos debemus in fide omnia intueri, ita vt vita nostra nihil aliud sit, quàm viua imago fidei: eiusque veritatis expressio: nec in vlla re gloriemur, nisi in Cruce Domini nostri IESU CHRISTI, quæ

quæ ab aſſeculis mundi ignominia iudicatur. Primus homo in ſtatu innocentia finem vltimum conſequi poterat innoxio, & legitimo uſu deliciarum, quas illi Deus parauerat in Paradifo voluptatis. Poſtquam verò deſeruit Creatorem, totumque genus humanum, antequam gigneret, peccato infecit, aliam ad conſequendum finem Diuina Sapientia viam adinuenit, viam ſcilicet crucis, & abiectio- nis, per quam Chriſtus inceſſit, & quam omnibus indixit, prædicans ab- negationem, rerumque omnium ab- dicationem: *Siquis vult, inquit, poſt me venire, abneget ſemetipſum, & tollat Crucem ſuam quotidie, & ſequatur me.* (Luc. 9. 23.) Item, qui non odit Patrem ſuum, & Matrem, & Vxorem, & Filios, & Fratres, & So- rores, adhuc autem, & animam ſuam, non poteſt meus eſſe diſcipulus. Et qui non renuntiat omnibus quæ poſſidet, non poteſt meus eſſe diſcipulus (Luc. 14. 26. 33.) Hoc eſt fundamentum vitæ Chriſtianæ, hæc ſupereminens ſcien- tia Chriſti, dura, & contraria Spiritui huius mundi. Hæc ſumma vitæ beati- tudo, hæc altiffima Philoſophia, terræ ſapientibus ignotâ, ſcire, & ſequi Chriſtum, & hunc crucifixum: ſe- ipſum odiſſe, & quidquid mundus amat, ac magni æſtimat, diuitias, hono-



honores, voluptates, & vice versa, amare quæ ille odit, paupertatem, dolores, sui contemptum, ærumnas, tribulationes. Magna autem gratia est necessaria, ut hoc principium rectè intelligatur, major ut delectet: maxima, ut operibus comprobetur.

## §. XX.

*Insania hominum, qui spontè damnari volunt.*

**C**UM æterna supplicia illis dumtaxat destinata sint, qui ad illa damnari volunt, sibi que locum in ijs præparant spontè peccando: æterna quoque gaudia omnibus volentibus parata sint: quis non crederet vacuum esse infernum, cœlique regnum plenissimum, & infinita multitudine refertum? Quis enim sibi persuadere poterit reperiri hominem tantæ dementiæ, qui velit in perpetuum miser esse, cum facile possit æterna beatitudine frui: è contrariò tamen paucissimi sunt, qui regnum cœlorum consequantur. Damnatorum verò tanta est turba, ut illorum comparatione, electorum numerum exiguum esse Scriptura nos doceat: dicente Christo, cum de his loquitur: *Nolite timere pusillus grex* (Luc. 12. vers.

32. Quæ est igitur tanta hominum in-  
fania, ut potius miseri in æternum,  
quàm fælices esse velint? Quis in ar-  
dentissima siti labris poculum admo-  
ueret, si vel leuissimam suspicionem  
haberet admixti veneni? & tamen  
passim committuntur peccata, quibus  
luendis æternum ignem succensum es-  
se, non suspicio, non opinio, sed fi-  
des certissima est. Tam horribilis  
dementiæ causam veræ fidei defectui  
plerique adscribunt, quod licet in  
multis verissimum esse certà expe-  
rientia constet; hoc tamen in plu-  
rimis defectui attentionis, & conside-  
rationis tribuendum videtur. Qam-  
uis enim credant infernum esse,  
neminemque damnari, nisi in hac  
vita volens, & lubens locum sibi  
in tormentis peccando præparet; hu-  
ius tamen veritatis statim obliuiscun-  
tur, siquidem fantasia bono sensibili  
affixa, sensuumque voluntate obbru-  
tescens, omnem aditum claudit futu-  
rorum considerationi, nec finit intel-  
lectum aduertere, in quam horren-  
dā perpetuòque duraturam amaritu-  
dinem carnis delectationes desinant, &  
quàm facilè nobis sit in huius vitæ mo-  
mento futuram calamitatem euadere,  
& gaudia sempiterna adipisci. Atque  
utinam hæc homines scaperent, & intelli-  
gerent, ac nouissima prouiderent: nam



cum proprium sit hominis cogitare, & meditari, ordo cogitationis est, ut in suo fine cognoscendo mens ante omnia occupetur. Omnem errorem, & ignorantiam superat, negligere hominem salutem suam.

## §. XXI.

### *Character veri Christiani.*

**H**omo Christianus est, qui Christum fidem, & legem proficitur, eiusque vitam, & virtutes imitatur. Hoc nimirum à nobis exigit Christianæ fidei professio, ut omnia terrena transcendentes vivamus vita diuina. Apparuit (Ad Titum 2. 11.) inquit Apostolus, gratia Dei Salvatoris nostri omnibus hominibus erudiens nos, ut abnegantes impietatem, & secularia desideria, sobriè, & iustè, & piè vivamus in hoc saculo; expectantes beatam spem, & aduentum gloria magni Dei, & Salvatoris nostri Iesu Christi, qui dedit semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum. Sicut doctor vocari nequit, qui literis præditus non est: nec exercitum ducere potest, qui nescit ar-

ma tractare : nec artificis nomen assumit , qui artis peritiam non habet : ita Christianus dici non potest , qui Christi sectator non est . Veri ergo Christiani sunt , qui abnegatis sæculi desiderijs , Deum solum amant totis viribus , tota virtute , ac proximum in Deo , & propter Deum , nihil in eo querentes nisi Deum , & nemini se præferentes , quia in generatione gratia omnes æquales sunt : qui sobriè , & iustè viuentes , ita in cunctis se gerunt , vt nihil in eis appareat , quod possit offendere intuentes : qui bonis exterioribus , sicut agri pharmaco vtuntur , nihil appetentes , quod ab alio possit auferri . Qui nemini placere appetunt , nemini timent displicere , nisi Deo . Qui corpus suum oderunt tamquam corpus peccati , ipsumque iugiter castigant , ne insolescat . Qui firmam in omnibus constantiam seruant , & vniuerso mundo celsiores , nullis minis , nullis persecutionibus , aut contumelijs terreri possunt , aut commoueri : qui tam in prosperis , quàm in aduersis eadem fruuntur mentis serenitate , nec vnquam à lumine veritatis recedunt : qui desiderio futurorum damnant præsentia , & ex Fide , Spe , & Charitate viuentes , credunt quod nondùm vident , sperant quod nondùm tenent , optant quod



nondùm possident: qui Deum ita amant,  
 ut nullum pro illo laborem, nullum  
 periculum subterfugere parati sint,  
 etiamsi nullum pro eius gloria cer-  
 tantibus præmium propositum esset:  
 qui Diuinæ misericordiæ, & propriæ  
 conscientiæ fiducia regnum Dei ex-  
 pectantes, dicere possunt cum Apo-  
 stolo: *Bonum certamen certavi, cursum*  
*consummavi, fidem servavi: de reliquo*  
*reposita est mihi corona iustitiæ, quam*  
*reddet mihi Dominus in illa die iustus*  
*iudex* ( 2. Tim. 4. 7. ) Gaudent, cum  
 digni sint pro nomine IESU con-  
 tumeliam pati, eumque diem se per-  
 didisse credunt, in quo nihil pro Chri-  
 sto passi sunt. Eorum gloria, felici-  
 tas, sapientia in his consistit, quæ à  
 mundo ignominia, miseria, & insa-  
 nia æstimantur. Carnalis prudentiæ  
 falsa principia detestantur: oportere  
 nimirum diuitijs affluere, à nemine  
 sperni, super omnes eminere: fidei  
 verò veritates sectantur docentis opes  
 contemnere, abnegare seipsum, &  
 in nulla se gloriari, nisi in cruce Do-  
 mino nostri IESU CHRISTI. De-  
 nique in omni vitæ ratione ita se ge-  
 runt, ac si omnis eorum sermo, &  
 operatio clamarent: *Regnum meum non*  
*est de hoc mundo* ( Ioan. 18. 36 ) Alta  
 quidem, & difficilia hæc sunt, sed  
 regnum Dei vim patitur, idque om-  
 ni

niconatu dignum est, quod nos, nisi à vim inferentibus possidetur.

## §. XXII.

*Quomodo debeat Christianus opera sua perficere.*

**D**Ebet Christianus omnia opera sua in pace, & mansuetudine perficere, & ad omnes rei, vel negotij circumstantias attendere, & ad locum, ad tempus, ad personas, & præcipuè ad finem. Cauebit autem à præcipiti celeritate, quæ repentino potius naturæ impetu, quàm ratione, & Diuinæ gratiæ motione ad agendum impellit. Cauebit ab inconstantia, & leuitate animi ad diuersa, & inuilia facilè euagantis, vt præsentior sibi sit, & aptior ad Dei illustrationes recipiendas, quibus statim, & alacriter parebit. Quidquid sibi agendum erit, seriò aduertet, ne animo præoccupato aggrediat; alioquin in rebus discernendis cœcutiet, & multa illi excident, de quibus meritò accusari poterit, & reprehendi. Cuiusque actionis initio opem, & lumen à Deo petet: tum sedulò examinabit, quam partem in illa habeat Deus, quam ipse sibi vindicet. In progressu animaduertet, ne delectatio, &



complacentia mentem alliciat, & à proposito fine amoveat: in fine cauebit ne sensim subrepens inanis gloria, quidquid benè peractum est, vitiet, & contaminet. Hoc autem præcipuè fixum animo habebit, ne hominum laudes, sed Dei gloriam quærat, & ad nihilum suum respiciens elatas cogitationes in semine suffocabit. Nulli negotio externo se ingeret, nisi vocatus à Deo. Tunc verò prompto animo obediens optans anathema esse à Christo pro fratribus suis: huius enim vitæ perfectionem non in Dei fruitione sitam esse scit, sed in eius voluntate adimplenda. Nihil super vires aggredietur, rebusque gerendis affectum, & mentem non applicabit, ultra quam necessarium sit, ut inde nihil depereat libertatis, & pacis. Omnis commotio, & effusio ad exteriora spiritum Dei extinguit, & animi serenitatem obnubilat. Sicut Angelus Tobia comes nullum officium prætermittebat hominis mercede conducti, semper tamen cum Deo erat: ita vir probus humanis quidem negotijs attendit, atque ijs interdum, sicut, & cæteri absorberi videtur, sed cor eius cum Deo manet: & si corpore versatur in terris, mens tamen in coelis est ubi meliori sui parte ab omni terræ affectione liber commoratur,

## §. XXIII.

*Debent opera bona propria vocationi  
conuenire.*

**N**ihil interest inter negotia, ad quæ obeunda ratione proprii status, & conditionis quisque tenetur, & maximum negotium æternæ salutis: nemo enim certius salutem suam operari potest, quàm si officio suo benè fungatur. Subtilissimum nostræ perfectioni laqueum tendit Sathan; cùm desideria in nobis excitat magnarum rerum alio loco, & in alia vocatione agenda- rum: spiritum enim occupant, & mentem distrahunt, ne rei attendat, quæ præ manibus habetur; & quæ ad proprium munus pertinet. Maximoperè hallucinatur, qui statu vitæ iam prudenter electo locum aptiorem Deo seruiendi in alio vitæ genere sibi fingit, & quærit. In suo siquidem munere explendo segnis nihil agit vbi est, dum multa, & magna molitur vbi non est. Cùmque perfectio vitæ Christianæ à singularum actionum bonitate, & rectitudine pendeat, ingentem illi obicem ponunt, qui quotidianas exercitationes, quas proprii officij ratio ab illis exigit, negligenter, & oscitanter pe-



ragere consueverunt, quia nimirum ubi non sunt, ibi animus eorum est. Horum vita continuum bene viuendi exordium est; multa decernunt, nihil exequuntur; frondibus abundant, fructibus carent; quia ad instar arboris sapius translatae, nullo stabili loco radices figunt.

## §. XXIV.

*Quomodo Christianis viuendum sit.*

**I**Ta Christianis viuendum est, ut ab illecebris ventris, & gulæ, ab immodesto corporis cultu, ab inanibus ludorum negotijs, à torpore pigritiæ, ab honorum ambitu, à laudis cupiditate, ab amore pecuniæ abstineant. Iram omninò pellant, & alteri non faciant quod pati nolunt. Nihil remissè agant, nihil audacter, nihil fictè, aut per simulationem. Quodcumque officium vitæ Christianæ, quæcumque exterior virtutis exercitatio, si careat interiori spiritu, & veritate, nihil aliud est, quàm hypocrisis, & actio scenica. Solent nonnunquam viri nefarii præclara sanctorum gesta in theatro repræsentare. Hic Martyris constantiam, ille Virginis modestiam, aut Apostoli, vel Christi heroicos actus egre-

egregiè simulant; sed actione peracta, alienam personam deponunt, suamque turpem, & impurissimam suscipiunt. Simili modo, qui opera exteriora in solam speciem, & inanem ostentationem exercent, veluti histriones sunt, & scenici iaculatores, qui omni virtute, & sanctimonia destituti, viri sancti personam in scena gerunt, quorum vita, & mores nihil aliud quàm fabula sunt. Ideo pauci ad Christianæ perfectionis fastigium pertingunt, quia opera sua in spiritu veritatis non perficiunt. Prævalent Christi exemplis, & præceptis falsa mundi axiomata, & communes virtutum notiones à natura insitæ peruersis hominum opinionibus deprauatæ ad vitia detorquentur. Cum ergo inter homines falsis doctrinis imbutos viamus, debet quisque in seipsum crebrò inquire, an, & ipse ignoret quæ recta sunt, & an rectè fungatur officio suo. Via veritatis vna est, & immutabilis, per quam qui recto tramite cupit incedere, non terram intueri debet, sed cælum; non homines sequi, sed Deum; qui Via, Veritas, & Vita est.



## §. XXV.

*Opera exteriora spiritu interiori  
animanda.*

**C**Auendum, ne sensus in actionibus nostris primam sibi sedem usurpent, inde etenim omnia mala emergunt. Sensuum occasus veritatis exortus est. Ideò vix possumus nobis ipsis polliceri aliquid nos egisse, quod omni ex parte bonum fuerit, quia licet gratia impellente, & cooperante, multa propter Deum operari cæperimus, non sumus gratiæ fideles, statimque labimur ad nos ipsos. Episcopo Sardis dictum est ab Angelo: *Non inuenio opera tua plena coram Deo meo (Apoc. 3. 2.)* Nam preces, ieiunia, eleemosynæ, & alia eiusdem generis opera plena sunt coram hominibus, qui solam faciem vident, sed vacua coram Deo, qui intuetur cor, nisi pura, & simplici intentione Diuini beneplaciti perficiendi, & spiritui interiori impleantur. In Euangelio decem Virgines commemorantur, quarum quinque fatuæ exclusæ sunt à nuptijs, non defectu virginitatis, aut lampadarum, siue operationum, sed quia defecit oleum bonæ intentionis, & sanctorum affectionum. Idem nobis eueniet,

niet, nisi opera nostra spiritu interiori, & Dei amore animentur, vt placeant Deo. Vita exterior apud omnes Christianos eadem est, sed sicut horologij extrema facies ab interioribus rotis pendet, & ab intima corporis constitutione viuidus color procedit: ita boni à malis ex interiori spiritu discernuntur. *Regnum Dei intranos est.*

## §. XXVI.

*Operum perfectio vnde oritur.*

**S**Icut qui multum comedunt semper viribus imbecilles sunt, corpore malè affecto, & ad extremam maciem redacto: quia nimirum stomachi suimensuram ignorantes, plus illi ingerunt, quam ferre possit: alij ex aduerso frugali mensa contenti, quia cibum exiguum sumunt, & qui facile digeritur, validis semper viribus sunt, & ad extremam senectutem incolumem vitam producunt. Ita nonnulli, quamuis multa peragant opera bona, nihil ferè in via Christianæ perfectionis proficiunt, quia videlicet præposito cursu ambulantes, tunc se maximè progredi putant, cum plura, quamuis remissè, & segniter operantur, cum potius eniti debeant, vt ea  
quæ



quæ agunt feruentius indies, & perfectius peragant: in hoc enim operandi modo perfectionis incrementum consistit, non in tepida operum congerie, & multiplicatione. Alij vetò parùm operantur, & in Amore Dei plurimùm crescunt, quia quæcunque faciant, etsi minima, & pauca sint, maiori semper feruore, ac puriori intentione perficere student: atque ita se gerunt in omnibus operibus suis, vt in fine singulorum magnum illud verbum Christi in cruce pendentis non immeritò usurpare queant: *Consummatum est. Ioan. 19. 30.* Perfeci quod Deus à me in hoc opere exigebat, feruenter, & quantum imbecillitas mea cognouit, & potuit, sine imperfectione, quantum scilicet, & velle, & operari ille dedit mihi, qui dixit: *Sine me nihil potestis facere Ioan. 15. 5.* Eadem ratione sic quamlibet diem transigunt, vt nocte adueniente possint fidenter dicere: *Consummatum est.* Sic denique vitam instituunt, vt eius cursu peracto, verè affirmare queant, se omnia consummasse, quæ Deus illis præceperat. Qui sic viuit, Christianè viuit, nec timebit in die mala.

## §. XXVII.

*Præsentia Dei utilitas.*

**N**Ullum præstantius documentum ad quælibet opera exactè perficienda, quàm Deum in singulis rebus intimè præsentem intueri, qui eismo- tum, & vitam, & esse largitur, & omnia in omnibus operatur. Hæc nobis necessitas indicta est, omnia opera nostra optimè peragendi: quia, Dei obtutum intimos quosque recessus penetrantem effugere nunquam valemus. Ipse nos replet, in quo vivimus, mouemur, & sumus: nec vnquam nos deserit, nisi ab ipso auersi ad creaturas conuertamur. Hæc autem sunt veteris Adæ corrupta semina, quæ in nobis vigent, praua scilicet affectio ad sensuum illecebras, quibus à Dei præsentia mens euocatur. Si enim ab amore creaturarum liberi essemus, Deum procul dubiò in omni loco præsentem cerneremus; quemadmodum Christus spondit dicens: *Beati mundo corde, quoniam ipsi Deum videbunt. Matth. 5. 8.* Verè magna, & inexplicabilis est multitudo diuinæ dulcedinis, quam Deus abscondit timentibus se: sed reuera abscondita est, & illi soli



foli eam percipiunt , qui vident , & gustant quam dulcis est Dominus . Neque enim satis est habere thesaurum , vt quis diues sit , sed scire insuper debet , se illum possidere , eiusque pretium , & vsum agnoscere . Nos autem in nobis thesaurum habemus immensum , & inestimabilis pretij , summum , & infinitum bonum : cur ipsum negligimus , & post atomos apparentium bonorum currimus , quæ sitim nostram explere non possunt ? *Filij hominum usquequò graui corde ? Vt quid diligitis vanitatem , & quaritis mendacium ( Psalm. 4. 3. )* cum Deo præsentem omni momento frui possitis ? Diuites sumus , & nescimus . Beatorum spirituum felicitatem prægustare possumus , & non curamus : quia nimirum parti inferiori , ac sensibus iugis Dei præsentia molesta , & grauis est , & vim , quam patiuntur , conantur excutere , & partem superiorem ad se trahere . Et quia Diuina consolatio aliquando subtrahitur , ad terrenam protinus labimur , nisi per fidem Deum præsentem intueri , & cum eo intimo affectu miscere colloquia satagamus . Hoc documento ipsemet Deus patrem credentium Abrahamum ad perfectionem erudiuit dicens : *Ambula coram me , & esto perfectus ( Gen. 17. 1. )* David quoque in psalmo ait , *Prouidebam Do-*  
*minum*

minum in conspectu meo semper , propter hoc latatum est cor meum. ( Psalm. 15. 8. ) Iugi enim lætitia fruitur , qui fontem omnium bonorum præsentem habet.

## 9. XXVIII.

*Cur difficilis videatur Sanctorum imitatio.*

**A**D exempla Sanctorum vitam, mores, & actiones nostras componere difficillimum arbitramur, quia ipsos mente concipimus quasi homines, alterius naturæ exutos corpore, cœlestis patriæ possessione beatos, ubi nemo irascitur, nemo concupiscit, nemo tentatur: ubi pax summa, lætitia innarrabilis, lux splendidissima, & status omnium bonorum aggregatione perfectus. Sed si reuera, uti par est, illorum cupimus sequi vestigia, aliter considerandi sunt. Homines enim mortales fuerunt similes nobis, eadem corporis sarcina onusti, eadem tabe carnalis concupiscentiæ infecti, iisdem malis, & periculis obnoxij: & nihilominus per fidem vicerunt regna, operati sunt iustitiam, & fecerunt mirabilia in vita sua. Helias & Iacobus Apostolus scribit ( Iac. 5. 17. ) *Quia homo erat similis nobis passibilis, & oratione*



*ratione oravit, ut non plueret super terram, & non pluit annos tres, & menses sex: & rursum oravit, & cælum dedit pluuiam, & terra dedit fructum suum. Idem de alijs dici potest, quorum insignem sanctitatem, & heròica gesta miramur, nobis enim similes, & ex eodem luto compacti, atque iisdem tentationibus, dum in hac terra essent, expositi fuerunt: sed infinito propè interuallo à nobis disiuncti, in hoc dissimiles inuenti sunt, quod carnis fragilitatem, mundi superbiam, dæmonum insidias, inuicta animi virtute superarunt. Quid igitur tergiuersamur? Facile est volentibus eorum opera imitari, si exuto desiderii veterino non nostris viribus, sed ope diuina confisi ad illud sanctitatis fastigium conemur ascendere, ad quod ipsi feliciter peruenerunt. Magna pars sanctitatis est, eius efficax desiderium.*

## §. XXIX.

*Omnia ad gloriam Dei referenda.*


**S**ententia Apostoli est, omnia opera ad Deum, eiusque gloriam referenda esse, ut veræ virtutis rationem consequantur: *Sine, inquit, manducatis,*

*eat*is , *siuè* bibitis , *siuè* aliud quid facitis , omnia in gloriam Dei facite 1. Cor. 10. 31. & alio loco : omne quodcumque facitis in verbo , aut in opere , omnia in nomine Domini **I E S V C R H I S T I** gratias agentes Deo , & Patri per ipsum Col. 3. 17. Quidquid enim boni à nobis fit , quod non fit propter Deum , & si officio videatur bonum , deficiente tamen recto fine , malum est : finibus enim , non officijs virtutes à vitijs discernuntur. Est autem officium id quod faciendum est . Quod si rebus creatis inhæremus , & ipsas propter se diligimus *siuè* vltiori relatione ad Deum , damnata cupiditas est , dicente Ioanne Apostolo : *Nolite diligere mundum , neque ea , quæ in mundo sunt* 1. Ioan. 2. 13. Ratio est , quia in hoc mundo tanquam peregrini sumus , & viatores , qui ad patriam pergimus : creaturis autem vti debemus tanquam vehiculis , quibus recto itinere , eò scramur , quò tendimus . Deus verò diligendus est propter se ipsum , quia summum bonum est , & finis vltimus , in quo solo , requies , appetitus , securitas fruitionis , & tranquillissimum gaudium inuenitur. Hunc finem si quis ignorat , rectè quoque viuendi rationem ignorat. Cognito autem rerum omnium fine , iam scimus quò dirigendæ sint actiones nostræ , & quò omnium

E      virtu-



virtutum officia referri debeant . Hinc Theologi , licet vnanimi consensu asserant , quasdam actiones humanas nec bonas ex se , nec malas esse , quales sunt ambulare , comedere , dormire : docent tamen , eum peccare , quire ipsa dormit , edit , ambulat , & hæc non refert ad vltimum finem , quia deficiat à prima , & vniuersali regula humanarum actionum , quæ est idem finis , ad quem quidquid agimus dirigere oportet . Et hoc est quod Dominus dixit : *Lucerna corporis tui est oculus tuus . Si oculus tuus fuerit simplex , totum corpus tuum lucidum erit . Si autem oculus tuus fuerit nequam , totum corpus tuum tenebrosum erit . ( Matth. 6. 22. )* Oculus iste intentio est , qua quisque peragit opus suum , quæ quidem intentio si non fuerit recta , totum opus tenebrosum erit . Non est autem recta operantis intentio , nisi quidquid agit ad summum bonum , veluti ad fontem refundat . *Omne bonum desursum est , & quidquid ab illo deflectit malum est .*



## §. XXX.

*Radix omnium malorum est  
amor sui.*

**P**ostquam primus hominum parens se ipsum immoderatè amans in grande illud peccatam lapsus est, per quod totum genus humanum morti, ignorantiae, & concupiscentiae obnoxium generatur, & nascitur, tanta caligine natura nostra repleta est, tantoque pondere ad terram allisa, ut Deo relicto in seipsam deflexerit, & amisso sensu spiritualis iucunditatis ad sensum voluptates effusa sit. Hinc dira tyrannis orta est, quam pessimus virtutum omnium hostis amor sui in omnes exercet, cuius imperio obsequentes nihil in nostris operationibus quarimus, nisi commoda, honores, & delicias. *Legi enim Dei caro non est subiecta, neque enim potest (Rom. 8. 7.)* sicut ait Apostolus: omnes liquidem eius instinctus, & motus ad peccatum impellunt, & in horribili damnationis statu nos constituunt. Nihil verò commodis nostris magis aduersatur, quàm proprius amor, qui ad ea quærenda tanto nos ardore impellit. Cum enim Deus omnia referri ad se tanquàm ad vlti-



mum finem præceperit, qui se in om-  
 nibus, & suam vtilitatem respicit, ni-  
 hilcertè ex operibus suis refert, quod  
 sibi vtile sit ad vitam æternam prome-  
 rendam: ergò, vt ibidem infert Do-  
 ctor gentium: *Debitor es summus non  
 carni, vt secundum carnem, viuamus.  
 Si enim secundum carnem vixeritis, mo-  
 riemini: si autem spiritu facta carnis si  
 mortificaueritis, uiuetis.* Ad hoc urget  
 nos Christiana religio, vt, sicut ex-  
 hibuimus membra nostra seruire im-  
 munditiæ, & iniquitati ad iniquita-  
 tem, ita ipsa exhibeamus seruire iu-  
 stitiæ in sanctificationem. *Sancti eri-  
 tis, dicit Dominus, quia ego sanctus  
 sum* ( *Leuit. 11. 45.* ) Amor sui, &  
 propensio ad propria commoda impe-  
 dit intellectum, ne principia, & do-  
 cumenta Christianæ vitæ percipiat. Quis  
 enim poterit amanti se ipsum persuadere  
 omnia, quæ diligit mundus, vana ef-  
 se, & nullius momenti: honores, &  
 dignitates nihil aliud esse, quàm splen-  
 didam seruitutem, & afflictionem spi-  
 ritus: viri fortis, & magnanimi esse,  
 ignoscere inimicis, & his qui oderunt  
 nos benefacere: fatius esse, diuitias  
 spernere quàm habere: gloriosius esse  
 propter Deum subesse, quam dominari:  
 laudabilius vincere se ipsum, & coer-  
 cere appetitum, quàm munitissimas ar-  
 ces expugnare? hæc sanè dura videntur,

& incredibilia diligenti se ipsum, quia immoderato sui amore, quasi vinculis, & catenis inextricabilibus terræ affixus, solis terrenis commodis, ac delectationibus alligatur. Filij autem Dei spiritu Dei aguntur, ut non secundum carnem, sed secundum spiritum vivant. Quod si quædam opera carnis faciunt, ex quibus expediri in hac mortalitate non possunt, ad eas se duci non sinunt ex proprio sui amore, sed ex principio supernaturali, praua desideria continua carnis maceratione coercentes. Aiunt sui amatores, discretionem in his, quæ ad corpus spectant, necessariam esse: sed illa optanda, & adhibenda, quæ de cælo est: nam prudentia carnis mors est.

## §. XXXI.

*Amor sui Babylonem adificauit.*

CONSTITUIT Deus hominem in paradiso, sed ab Adamo, in quo omnes peccauimus: à paradiso in hunc mundum: à Ierosolymis in Babylonem: à patria in exilium: à libertate in seruitutem: ab integritate in corruptionem: à vita in mortem translati sumus. Sic collapsi à veritate in vanitatem, non solum similes euasimus vanitati, sed ut ait psalmus: *Vniuersa vanitas omnis*



*homo viuens* ( *Psal.* 38. 6. ) Vanus est enim secundum corpus, quod in corruptionem, & in mortem desinit; vanus secundum animam, quæ seruiens iniquitati se ream mortis æternæ facit: vanus quo ad exteriora, quæ pereunt, & in morte relinquenda sunt. Hanc tamen vanitatem ardenti amore prosequimur, hæc mendacia sollicitè quærimus, quæ infinitis erroribus nos implicant, & ex ciuibus supernæ Hierusalem, ciues efficiunt diabolicæ Babylonis. Has duas ciuitates duo amores fecerunt: nam ciuitatem Dei Hierusalem fecit amor Dei vsque ad contemptum sui: Sathanæ verò ciuitatem, quæ Babylon dicitur, facit amor sui vsque ad contentum Dei. Iter ad hanc spatiosum est, & breue: iter ad illam arctum, arduum, & longum: facilius enim est in terram labi, & in infernum descendere, quàm ad cælum eleuari. Se ipsum igitur quisque discutiat, & videat quid amet, nam si Deum amat, & se ipsum spernit, cælestis Hierusalem ciuis est: si autem se impensius amat, ad Babylonem spectat, è qua nobis exeundum esse clamat Scriptura dicens: *Egredimini de Babylone* ( *Isai.* 48. 20. ) & alio loco, *Recedite de medio Babylonis* ( *Ierem.* 50. 8 ) Psalmista quoque ait, *Filiæ Babylonis misera, beatus qui tenebit, & allidet parvulos tuos ad patrem* ( *Psal.* 136. 8. )

Tunc

Tūc autem eximus de Babylone, cum à confusione vitiorum recedimus: tunc paruulos Babylonis, malas scilicet cupiditates, ad petram allidimus, cum Christi amore noxia desideria excidimus, & superamus. *Amor sui mors anima est, amor Dei vita: non ergo se amat, qui se amando vitam perdit.*

## §. XXXII.

*Omnes seipfos querunt etiam in rebus sanctis.*

**H**oc certè mirabile est, quod cum tanta diuersitas hominum, humanarumque pro pensionum sit; omnes tamen vnanimiter in hoc conueniunt, quòd nemo sibi vilis est, nemo alteri cedere, aut subijci vult, nec quisquam est adeò abiectæ conditionis, quā non putet se aliquid esse, & apud alios in pretio haberi non desideret. Omnes cupiunt super alioseminere, omnes ignorent sibi, alijs numquam: opiniones suas pertinaciter omnes sustinent, res suas admirantur: proprias tantum ad inuentiones, & placita probant, aliena reiiciunt: ignorantiam suam instar sapientiae ostentant, & cum nihil sciant, nihil se ignorare arbitrantur. Vitia quæ habent, tegunt, & iustitiam simulant

E 4      quam



quam non habent, frustra reclamante conscientia. Sed multò mirabilius est, quod ipsi etiam viri probi, qui nihil aliud quærere videntur quàm Diuinum beneplacitum, eiusque gloriam, & honorem, occulto tamen, & aliquando vix perceptibili corruptæ naturæ instinctu in se ipsos diffluunt, operantes quod bonum, & iustum est, non vt placeant Deo, sed vt ea mentis iucunditate fruantur, quæ ex bonis operibus emanat. Quem laqueum viris spiritualibus eò subtilius amor sui tendere solet, quò res sanctior, & melior est. Quid tam sanctum quàm Dei mandatis obedire, Scripturas legere, in Ecclesia prædicare, frequentare Sacramenta, & ad altare Domini ministrare? Hæc autem cupiditas laudis inquinare solet, & nisi cor suum omnidiligentia custodierit homo, omnis labor eius irritus est. *Si linguis hominum loquar, & Angelorum, inquit Apostolus, 1. Cor. 13. 1. charitatem autem non habeam, factus sum velut æsonans, aut cymbalum tinniens. Et si quis distribuerit in cibos pauperum omnes facultates suas, & tradiderit corpus suum, ita vt ardeat, nisi hoc purè fiat ob amorem Dei, nihil prodest. Si mili modo Aggeus Propheta ait, Agg. 1. 6. Comedistis & non estis satiati: bibistis, & non estis inebriati: & qui mercedes congregauit, misit eas*

*eat in sacculum pertusum*, quia nimirum nihil profunt opera bona, cum quis seipsum in illis quærit, & non Deum. Cum igitur naturæ semper, & ubique seipsam quærentis fraudes, & doli subtilissimi sint, omnes animi recessus perscrutari, & sollicitè cauere debemus, ne in principio, medio, & fine actionum nostrarum, aliqua ratio se immisceat proprii emolumenti, quantumuis sancta, & honesta videatur. *Vita Christiana disciplina hæc est, non querere, nec amare nisi quod Dei est, & odisse quod proprium est.*

## §. XXXIII.

*Quæ scire debeat omnis Christianus.*

**S**Cire debet omnis Christianus, quæ sint præcepta Diuina, & humana, ad quæ seruanda quisque tenetur. Diuina sunt illa, quæ in Decalogo continentur; itemque præcepta Fidei, Spei, & Charitatis. Fides obligat omnes ad ea credenda, quæ singulis fidelibus in Symbolo proposita sunt. Spe vitam æternam, & quæ ad eam obtinendam sunt necessaria, nos consequi posse confidimus **DEI GRATIA**, & nostra cooperatione:



ne: quæ omnia à Deo petimus, cum Dominicam Orationem recitamus. Charitatis lege obstringimur Deum diligere super omnia, & proximum sicut nos ipsos. His virtutibus perficitur homo: nam fides mentem illuminat, & dirigit, Spes voluntatem ad Deum erigit, Charitas nos Deo vnit. Est etiam præter prædicta præceptum sumendi Baptismum, & Eucharistiam, ac confitendi peccata, licet de his nihil Ecclesia præciperet. Nisi enim quis renatus fuerit ex aqua, & Spiritu sancto, non intrabit in regnum Dei: (*Ioan. 3. 5.*) & nisi manducauerimus Carnem Christi, & biberimus eius Sanguinem, non habebimus vitam in nobis. (*Ioan. 6. 54.*) Pœnitentia autem à Deo illis parata est, qui Baptismalem innocentiam superuenientibus culpis perdiderunt. Sunt denique humanæ leges ab Ecclesiastica, vel sæculari potestate sanctæ, quas nosse oportet, ut illis, quæ par est humilitate pareamur. Verum ad hæc præstanda nemo idoneus esse potest, nisi ab eius mente ignorantie tenebras lux vera discusserit: sicut scriptum est. *Beatus homo, quem tu erudieris Domine, & de lege tua docueris eum* (*Psal. 93. 12.*) Homo enim post peccatum sedet in tenebris, & in umbra mortis, bonumque, vel malum non ex regula veritatis, sed ex sua cupiditate

ate metitur. Diuinum igitur auxilium implorandum est , vt qui iussit quod vult , det nobis quod iubet , dispelle nscaliginem , & sanans languorem : expellens cupiditatem , & infundens charitatem , quoniam finis præcepti est Charitas : & qui verè Deum amat , omnibus mandatis eius sine exceptione obsequitur .

## S. XXXIV.

*Interioris , & exterioris hominis differencia .*

**N**On de hoc tempore , non de hoc mundo Spes nostra est : neque ad præsentis vitæ bona , neque ad eam felicitatem , quam plerique mortalium festinantur , conditi sumus , sed ad æternam , quam Deus promisit , & homo nondum capit : sicut scriptum est , *Quod oculus non vidit , nec auris audiuit , nec in cor hominis ascendit , quæ preparauit Deus ijs , qui diligunt illum* ( 1. Cor. 2. 9. ) Cum igitur ad gloriam sempiternam ab origine mundi nobis paratam , destinati simus , error grauissimus est , non æternis sed humanis rationibus in nostris operationibus duci , vitamque instituere , non gratiæ Diuinæ instinctu , sed ex principijs naturæ . Felices sunt qui  
inti-



intima penetrant, qui cum Deo intus morantur, & nulla affectione foris tenentur. Hi sunt homines interiores, qui ad arcana Dei percipienda disponunt se, & eum in se loquentem audiunt. Qui verò rebus exterioribus mouentur, qui libenter rumores audiunt, qui theatra auidè spectant, licèt honestas fatagant vanitatis suæ causas prætexere, diuisi sunt, interiores non sunt, sibi adhærent, non Deo; delicias mundi quærunt, non cœli. Lumen quippè illis deest ad rerum diuinarum notitiam necessarium, quia eas nunquam, vel rarò, & obiter meditantur: vnde fit, vt de bonis æternis parùm solliciti in vanitate sensus sui ambulent, (Ephes. 4. 17.) sicut ait Apostolus, alienati à vita Dei per ignorantiam.

Quò magis enim proficit homo in prudentia carnis, eò magis ignorat, quæ Dei sunt: tantùmque detrahitur Diuino amorì, quantum impenditur creaturis.

## §. XXXV.

*Quam pernicijsum sit falsas rerum ideas mente concipere.*

**S**apiens est, qui suis momentis ponderat res, & æstimat pro vt sunt, non sicut prædicantur, & æstimantur ab hominibus. Quælibet enim res duas veluti

veluti facies habet, vnā verā, alterā fucatā, & apparentem. Vera est, quæ diuinis rationibus, & ideæ in mente Dei existenti conformis est: altera secundū ideas, & affectus hominum, & secundū prauas amoris proprii præscriptiones efformatur. Sic Episcopatus, vti hoc vtar exemplo, secundū verā, & diuinā ideā, est ouis Angelicis humeris formidandā, & seruitus quā tenetur Episcopus animarum salutē consulere ad præscriptum Diuinarum, & Apostolicarum institutionum, strictissimā de illis rationem Deo redditurus in die iudicij. In ideā autem hominum Episcopatus est dignitas, ad quam qui promouetur, gradum conspicuum in Ecclesia obtinet, diuitias adipiscitur, & ab omnibus honoratur. Vndē fit, vt, qui Episcopatum respicit secundū verā ideā, timeat, fugiat, & oblatum constanter recuset: qui verō ipsum desiderat, & omni conatu consequi nititur, falsas hominum ideas in mente habet, se ipsum quærens, non Deum. Idem de alijs gradibus, & dignitatibus tam Ecclesiasticis, quā mundanis dicendum est: atque hinc oritur totius orbis, omniumque ordinum peruersitas, & perturbatio, quod veras rerum ideas, & definitiones plerique ignorant, & huius mundi tenebris, ac præstigijs assueti veritatem odebunt,



runt, nec idoneæ sunt ad Diuinum lumen recipiendum, quod non nisi mundis corde communicatur. Vocabula vsurpantur heroicis Sanctorum virtutibus, Christique Sanguine consecrata: & hi quidem Episcopi, illi Sacerdotes, aut Diaconi, quidam Monachi, & Religiosi, alij Reges, & Principes, & iudices populi: omnes autem Christiani nuncupantur: sed quale sit horum nominum pretium, quæ vis, & significatio, quibus virtutibus excellere debeant qui in prædictis gradibus sunt constituti, quæ singulorum idea sit, quæ leges, quæ officia, quæ definitio, nemo scit, nemo inuestigat: rebusque neglectis sola remansit titulorum maiestas, & rerum vmbra, ac inanis imago. Nemo se talem exhibet, qualis dicitur, nemo sequitur Christi vestigia. Hoc autem malum operatur in nobis amor sui, vitium pessimum, & subtilissimum, quod vix peritissimi agnoscunt, vix sanctissimi vincunt. Bona verò, & mala huius vitæ, si veras eorum ideas respiciamus, vix vllum discrimen admittunt, vtraque enim vana sunt, & momentanea, & quasi nihilum computantur. Ideò Dauid vir secundum cor Dei solam æternitatem mente versabat dicens: *Cogitavi dies antiquos, & annos æternos in mente habui* (Psal. 76. 6.) Et Filius eius

cius Salomon omnium mortalium sapientissimus recensitis omnibus, tam bonis, quàm malis huius vitæ exclamat, & concludit : *Vanitas vanitatum , & omnia vanitas.* ( Eccl. 1. 2. )

## §. XXXVI.

*Tria Christiano necessaria : ut sibi attendat : ut tempus benè expendat : ut rectè utatur Sacramentis .*

**F**idelitati, quam Deo debemus, tria præcipuè sunt necessaria. Primum est iugis attentio ad nos ipsos, & ad ea, quæ operamur, cuius defectu à recto tramite aberrantes per inuia, & aspera proficiscimur, nostramque felicitatem quarimus ubi non est, & si ab alio ostendatur, non credimus. Vsu rationis homo à feris, fide ab infidelibus distinguitur. Cum ergo temerè, sordidè, inconsideratè, ventris, vel gloriæ causa, & cum impetu aliquid agit, perit hominis officium, & ad feras declinat. Cum verò propter se, & sua commoda ad agendum mouetur, cum infidelibus computatur. Sicut artem perficiunt opera, quæ secundum artis præscriptum fiunt : ita hominem fortem, iustum, modestum, prudentem.



dentem faciunt opera , quæ fortiter , iustè , modè , prudenter fiunt .

Secundum est, bonus temporis usus, à cuius momento pendet æternitas. Mo-  
nent Philosophi , solam rerum salu-  
brium notitiam viro sapienti non suf-  
ficere , sed studium etiam necessarium  
esse , nec permittendum , vt vlla exer-  
cendæ virtutis occasio elabatur. Volat  
enim irreuocabile tempus , & quod  
inutiliter transigitur , nemo restituere  
potest. Volat tempus , & non aduertit  
insipiens quid amittat. Iuuat nimirum  
confabulari , & genio indulgere , do-  
nec transeat dies : & sic teritur tempus  
acceptabile , sic dies , & horæ prætere-  
unt , quas ad veniam obtinendam , ad  
acquirendam gratiam , ad promeren-  
dam gloriam misericors Deus indulget .  
Quòd si de verbo otioso , quod nullam  
scilicet rationabilem causam habet , ra-  
tionem reddituri sumus , quantò magis  
de tempore inutiliter transacto ?

Tertium est, rectus usus Sacramento-  
rum Pœnitentiæ , & Eucharistiæ , ex  
quorum frequentia parum proficimus ,  
quia frigide , ac sine præuia disposi-  
tione ad ea accedimus . Proprij verò  
illorum fructus sunt , si ex Pœniten-  
tia crescit in nobis humilitas , & amor  
propriæ abiectiōis : ex Eucharistia sua-  
uitas , & mansuetudo erga proximum ,  
& amor erga Deum ; Sicut auarus  
diu

diu noctuque diuitijs inhians, nihil cogitat nisi lucrum, & pecuniam: ita qui sapius hæc Sacramenta suscipit, sicut oportet, semper ad Deum anhelat, nec aliud potest sine ingenti molestia cogitare. *Vita perfecta fundamentum hoc est, omnimoda abstractio à rebus omnibus, quæ Deus non sunt.*

## §. XXXVII.

*Pœnitentiam omnibus Christianis necessariam esse.*

**O**Mnis Christianus sic viuere, sic mori debet, vt continuo luctu, & squalore ostendat, se pœnitentem esse, qui pro peccatis commissis satisfacere satagit, & ab omni labe purgari. Hoc initium fuit, hæc summa Euangelicæ prædicationis: Fuit Ioannes in deserto baptizans, & prædicans baptismum pœnitentiæ in remissionem peccatorum. (Mar. i. 4.) Ipse met IESVS, Dux, & legifer noster, cum se primum hominibus manifestauit: Venit in Galilaam prædicans Euangelium regni Dei, & dicens quoniam impletum est tempus, & appropinquauit regnum Dei: pœnite mini, & credite Euangelio. ib. 14. Et alius Euangelista ait: cepit IESVS prædicare



& dicere, *pœnitentiam agite: appropin-*  
*quavit enim regnum cœlorum.* ( *Matt.*  
 4. 17. Præmissa est pœnitentia, tan-  
 quam dispositio ad suscipiendum E-  
 uangelium, ut anima ab omni ma-  
 cula emundata, idonea fieret ad gra-  
 tiam Dei recipiendam, quæ in male-  
 uolam animam non intrat, nec habitat  
 in corpore subdito peccatis. Sacrificium  
 placabile, & Deo gratum est, cum  
 homo resipiscens se deliquisse fatetur,  
 & agnoscens iniquitatem suam, ve-  
 niam contrito corde à Deo postulat,  
 quem offendit. Hoc maximum peccati  
 malum est contemptus Dei: nam qui  
 peccat, Deum spernit, & odit, cuius  
 flagitijs, & perversitatis causa est de-  
 fectus Fidei, & considerationis. Quis  
 enim tantæ dementiæ, & temeritatis  
 foret, ut legem Dei violare, & tran-  
 sgrederi auderet, si verè crederet, & in-  
 telligeret, quid sit Deus, & quid sit ip-  
 sum offendere, cuius summa bonitas,  
 infinita potentia, & tremenda maiestas.  
 Ad hanc abyssum profundissimam mi-  
 seriarum nos culpa originalis deiecit,  
 ut secreta quadam auersione, velut  
 insani, fugiamus à Deo, ipsoque de-  
 relicto, in quo sunt omnia bona, volu-  
 temur in coeno, fluxis, & fucatis bonis  
 adherentes. vel quia latet veritas, vel  
 quia compellit infirmitas. Quanta sit au-  
 tem, & quam deplorabilis hæc cœcitas,  
 nemo

nemo comprehendere potest, nisi attentius meditetur, tantam esse peccati malitiam, ut sola vnigeniti Filij Dei acerbissima passione, & morte expiari potuerit. Si igitur hoc verè credimus. si peccata nostra, eorumque gravitatem perpendimus, ita dies nostri cum dolore, & mœrore transigendi sunt, ut ostendamus, nos veluti reos esse, qui omni momento suæ damnationis sententiam præstolantur. Facile omne peccatum à Deo condonatur, cum pœnitentia, & meliori vita corrigitur.

## §. XXXVIII.

*Signa, & fructus vera pœnitentia.*

**N**Vnquam poterunt evitari peccata, nisi sit in anima ingens eorum horror, & odium: nec diuturna erunt opera pœnitentiæ, nisi sit in anima ardens desiderium acquirendæ perfectionis. Ad Sacramentum autem pœnitentiæ nunquam accedendum est, nisi præter contritionem, & voluntatem non amplius peccandi, aliquod semper speciale peccatum, præcis omnibus eius occasionibus, deponatur. Et hoc erit præcipuum confessionum emolumentum,

F 2 facere



facere fructus dignos poenitentiae, omnem scilicet Dei offensam detestari, tremendum eius iudicium perhorrescere, seipsum cum rubore, & confusione arguere, ad omnem satisfactionem se paratum exhibere, omnem appetitum Diuinæ legi contrarium coercere, omnia peccandi pericula euitare, humilitatem, sui que contemptum libenter amplecti, conscientiam suam frequenter discutere, & omnes eius sinus ac latebras diligentissimè perscrutari: eradicare, destruere, eueilere ab anima quod prauum est: tum in ea serere, plantare, ædificare quod sanctum, & perfectum est. Qui hoc spiritu imbutus est, peccata sua ante oculos habet, aliena post tergum: de suis dolet, aliena non respicit: sua castigat, aliena excusat. Pericula timet, in quibus versatur, quæ multa sunt, & assidua obseruatione præcauenda. Semper enim ad malum impellunt arcta societas, & inuitabilis necessitudo cum rebus, & personis, quæ ad peccandum alliciunt: habitus vitiosi dudum contracti, & procliuitas ad lapsum, quæ multò maior est, quàm homines communiter credant: nam cum naturæ congenita sit, se blandè, ac frandulenter in animum insinuat, rationis debile lumen obscurat, ipsamque conscientiam suffocat, & sopit, ne vlllo peccati sensu

tangatur: atque ita fit, ut multa quotidie perpetrentur, quorum sensum adimit affectus, qui in ipsa precipitat, & notitiam eorum tollit ipse usus maiorum. Hoc videlicet habet infelix consuetudo peccandi, ut, quanto amplius quisque delinquit, eo magis mentis intuitus obscuretur.

## §. XXXIX.

*Peccata leviora, & vitia quomodo corrigi, & extirpari debeant.*

**P**eccata leviora, quæ venialia dicuntur, quam facile perpetrantur? Nemo tamen ignorat hæc levia non esse, quæ Deum magnum offendunt, ac propterea acerbissimis poenis in altera vita expianda sunt. Quia verò ab his omnibus sine speciali Dei gratia nemo potest abstinere: omni saltem conatu eniteudum est, ut eorum numerus quotidie minuat, & vnumquodque contrariæ virtutis studio sigillatim exterminetur. Sicut grassante pestilentia, non solum homines lue infecti, sed illorum quoque supellex, & quidquid ad illos spectat, sollicitè evitantur, ne alios pestilenti morbo inficiant: ita cum agitur de peccatis, tametsi le-



uioribus, non ipsa solum timere, & fugere oportet: sed quidquid ad illa inducit, vel ex eis oritur, ne mortiferum virus in incautos spargant. Omni ferè momento subtilissimæ sese insinuant diuersæ occasiones curiositatis, loquacitatis, scurrilitatis, iræ, contentionis, impatientiæ, euagationis, & aliarum eiusdem generis culparum, & imperfectionum: & quia istæ nedum euitari, sed vix percipi possunt, hoc omninò curandum est, vt saltem ex animo omnis erga illas affectus, nequidquam reluctante natura, euellatur: alioquin permanente erga illas affectu, nec emendari vnquam poterunt, nec remitti, etsi centies Ecclesiæ clauibus in Sacramento poenitiæ subijciantur. Scio quidem, de his leuioribus noxis scriptum esse: *Septies cadit Iustus*: verumtamen ipse vir iustus sic viuit, vt in eas nunquam labatur, nisi ex fragilitate, vel subreptione. Quod verò attinet ad vitia, qui cupit ea radicitus extirpare, debet in primis cum prauus motus excitatur, ipsum coercere, tum actum contrariæ virtutis elicere: vt, si quis iniuria afficiatur, primò quidem iræ motum frænabit, tum actum eliciet patientiæ, & humilitatis, gaudens se pati quod meretur, idque sæpius sibi contingere optabit: mox illum sincerè diliget, qui

con.

contumeliam irrogauit, eique alacriter beneficium rependere paratus erit, quoties sese occasio obtulerit: neque enim sufficit declinare à malo, nisi quis studeat, & bene operari: nec seruus benè mereri de domino suo censendus est, quia nec verbera illi, nec contumelias infert, nisi quoque fideliter illi seruiat, & iussis eius exactè obtemperet. Et in hoc multi falluntur, qui salutem suam in tuto positam arbitrantur, quia putant se nihil malì operari, omittentes interim, quæ officij sui sunt, & virtutis studium negligentes: *Declina à malo, ait Psalmus, & fac bonum: (Psalm. 36. 27.)* vtrumque enim necessarium est, & mala non perpetrare, & quæ ad munus proprium spectant, non omittere,

## §. XL.

*Viros Ecclesiasticos, & Religiosos  
strictius teneri ad per-  
fectionem.*

**Q**uamuis norma, & institutio Christianæ perfectionis vniuersis Christi fidelibus tradita sit, non solis Religiosis, vt suprà ostendimus, nemo tamen inficiari potest, quin strictius



ad eam teneantur, qui se voto solemn-  
ni, vel in Religione approbata, vel in  
statu Clericali Domino consecrarunt.  
In his siquidem statibus constituti, non  
solum seipsum sanctificare, sed reli-  
quos quoque fideles verbo, & exemplo  
instruere, illuminare, & ad salutem  
perducere debent. Nihil in hoc negli-  
gendum, nam parua remissio maxima  
iactura est. Ideò ita eos vivere, ita  
virtutibus incumbere oportet, ita  
cum ceteris hominibus se gerere, ut  
ab eorum colloquio, & consortio reuer-  
tantur percutientes pectora sua, & di-  
centes: verè Filij Dei sunt isti. Sicut  
vir religiosus cuiuscumque dominij se  
incapacem fatetur ob votum paupertatis:  
ita iudicare debet, appetitum  
suum, & voluntatem non esse in sua  
potestate propter votum obedientiæ,  
nec illis posse pro suo arbitrio uti.  
Ille autem verè pauper, & obediens  
censetur, qui se rebus omnibus etiam  
ad vitam necessarijs libenter, & lato  
animo exuit: qui ad omnem Superio-  
ris nutum, siue grata, siue molesta  
præcipiat, semper obedire paratus est.  
At è contrario, qui ob rerum penu-  
riam tædio afficitur, & murmurat,  
qui mandatis inuitus patet, religio-  
sus non est. Neque enim in alio, ut  
ita dicam, elemento vivere debet,  
quàm in sui contempu, & abiectioe,  
rerum.

rerumque omnium abdicatione, ut Christo conformis sit, qui nihil posidens in hoc mundo factus est Patri obediens usque ad mortem. Quid prodest Christi Domini, Sanctorumque gesta legere, & celebrare, si ea siclegimus, & laudamus, ac si ad nos nullo modo pertinerent. Hæc nobis proposita sunt, ut adeorum normam, & typum vitam nostram instituamus. Nihil Religioso perniciosius, quam securitas, & libertas, cum omnia ei ad nutum eueniunt, omnia fiunt prout vult. Dicebat quidam vir sanctus, nullum esse religiosum in Cœlis, qui non fuerit martyr in terris: vita quippè religiosi ad præscriptum suæ Regulae strictè viuentis incruentum martyrium est. Causa verò potissima, ob quam plerique in Religione irregulariter viuunt, ex defectu considerationis oritur, quia nec perpendunt, nec penetrant, quanta sit Status regligiosi sublimitas, & quam noxia sit omnis vel minima regularis disciplinæ relaxatio. Hinc verò paulatim provenit propriæ vocationis obliuio, orationis, atque aliarum exercitationum ommissio: tum varijs subtilitatibus, & argumentis, quæ à proprio amore suggeruntur, disciplinæ contemptum excusare nituntur: & quia interiori spiritus suavitate destituti sunt, solatium foris quaerunt.



quærunť à creaturis. Pauci sunt, qui in simplicitate cordis sui per spinosa crucis itinera Christum sequantur. Turba verò errantium maxima est, unde licitum quodammodo fit, quod plerique faciunt. Cauendum igitur, ne multorum exempla nos perdant desperatæ enim dementiæ est, hominem tepidum, & imperfectum in eo statu securè viuere, in quo viri sancti cautè incedentes vix tramitem tenuerunt.

## §. XLI.

*Religiosi suæ vocatiõnis immemores describuntur.*

**N**ON consistit Spiritus religiosus in exteriori specie, & in habitu, ac corporis compositione: sed in spiritu humilitatis, & in interiori cum Deo occupatione. Quia verò infirmitas humanæ naturæ eundem semper rigorem seruari non patitur, hinc fit, ut sensim defluat, & ad propria commoda quærenda ruat: ex quo sequitur, ut omnis religio quantumvis optimè instituta, à primæua puritate, & feruores recedens, per quosdam vix perceptibiles gradus ad humanum, & politicum viuendi modum dilabatur. Ideò  
tam

sam religiosi, quàm clerici omnino ficti sunt, habitu quidem Ecclesiastici, moribus autem deteriores, quàm filij huius sæculi. Toti sunt in apparatu verborum, & cæremonijs, in procurandis dignitatibus, in aucupanda magnarum beneuolentia, in cumulandis diuitijs. Mille habent diuerticula, vt suos distortos fines consequantur, & publico Ecclesiæ bono priuatas utilitates anteponant. Habitant in domo Dei, patri cœlesti prorsus degeneres, & serui Dei dicuntur, cuius mandatis non obediunt. Vitam ducunt omni solitudine vacuam, de Christi patrimonio viuentes, atque amplis redditibus dotati sunt, vt Deo, & Ecclesiæ deserviant: nihil tamen totius anni decursu agunt, quod vnus diei alimoniam mereatur. Nunquam desunt illis verba, vt tota die inutiliter cum hominibus sermones misceant: muta verò sit lingua, deficit sermo, vt vel modico tempore de Deo, vel cum Deo loquantur. Alij verò sunt, qui auersi à propria vocatione, in qua permanendum esse Apostolus monet, ad alium statum quasi perfectiorem aspirant; cùmque mores mutare deberent, hanc mutationem differunt, donec sint in alio loco, ad quem nunquam peruenient. Somnia vigilantium ista sunt, & subtilissima diaboli tentatio, nam  
coelum



cœlum non animum mutant, qui per loca diuersa vagantur. Difficile est, ut in alio loco laudabiliter uiuat, qui se, & sua vitia secum portat.

## §. XLII.

*Oportere Religiosum à mundo alienum esse.*

**T**Vnc Religiosus sperare poterit, se initium aliquod perfectionis habere, cum ipsum homines oderint, & despexerint. Vnusquisque enim sibi dissimiles odit, & Christus Discipulis suis dixit; *Si de mundo essetis, mundus quod suum erat diligeret: quia verò de mundo non estis, sed ego elegi vos de mundo, propterea odit vos mundus ( Ioan. 15. 19. )* Quòd si religiosus de mundo non est, ita vitam in Monasterio instituere debet, ut modo viuendi ostendat, se statum pœnitentiæ profiteri ad expianda peccata, quæ olim in mundo perpetrauit. Quò magis autem à mundi actibus alienus fuerit, eò citius ad apicem perfectionis perueniet, & quò minùs inter gentes versabitur, eò maiori pace, & animi libertate fruetur. Facile transitur ad plures, & prauorum exempla sensim bonos ad similia disponunt, *Commisti sunt inter gentes,*

gentes , & didicerunt opera eorum , & serui-  
erunt sculptilibus eorum ) Ps. 105.  
35. ) & facti sunt sicut populus , ita , &  
Sacerdo ( Isai. 24. 2. ) Nimia quoque  
familiaritas , & assidua cum hominibus  
consuetudo fastidium gignit , occulta  
vitia detegit , contemptum parit : &  
feruorem deuotionis extinguit . Nemo  
mittens manum suam ad aratrum , &  
respicens retrò , aptus est regno Dei ( Luc.  
9. 62. )

## §. XLIII.

*Arguuntur qui regimen animarum  
ambiunt .*

**M**agna temeritas Ecclesiasticorum  
est , qui , cum viribus careant,  
ad onus pastorale ferendum , illud ta-  
men anxie quarunt , & se illi spontè  
subijciunt , non vocati à Deo , sed spi-  
ritu elationis impulsì : non vt gregem  
pascant , sed vt ipsi pascantur : non vt  
regant , sed vt dominantur . Res pla-  
nè horribilis ac , deploranda est , quòd  
regimen animarum plurimi ambi-  
unt , sed nemo considerat , quanti mo-  
menti sit fideiussorem Deo esse pro  
animabus Christi sanguine redem-  
ptis : atque onus accipere vsque ad cœ-  
li valuas portandum sub poena æter-  
næ



nã damnationis, si illud culpabiliter  
 excutiant. Vt autem suæ superbix ve-  
 lamen obtendant, libenter arripiunt  
 quod ait Apostolus: *Qui Episcopatum  
 desiderat, bonum opus desiderat* 1. Tim.  
 3. 1. nec tamen aduertunt, quòd lau-  
 dato desiderio id, quod laudauerat,  
 in terrorem protinus vertit subdens,  
*oportet autem Episcopum irreprehensi-  
 lem esse, sobrium, prudentem, ornatum,  
 pudicum, hospitalem, doctorem, mode-  
 stum*. Et quis est tanta præditus san-  
 ctitate, vt possit se in omnibus irrepre-  
 hensibilem exhibere? Merito igitur Pa-  
 storale officium ars artium dicitur, &  
 onus Angelicis humeris formidan-  
 dum. Quantum enim iudicij requi-  
 ritur ad regendos homines, quorum  
 mira diuersitas, incredibilis incon-  
 stantia, nulla sinceritas? Quantum  
 luminis ad occulta cordium penetran-  
 da, quod Dei proprium est, & ad in-  
 tentiones discernendas? Quantum pru-  
 dentix ad diuersorum propensiones di-  
 gnoscentas: quantum diligentix,  
 vt abstrahatur anima à peccato: quan-  
 tum industriæ ad obstandum tenta-  
 tionibus: quantum solertix ad auer-  
 tendas malorum occasiones: quan-  
 tum scientix ad moderandam con-  
 scientiam: quantum fortitudinis ad  
 coercendos peccatores: quantum vir-  
 tutis ad resistendum aduersarijs: quan-  
 tum

tum patientiæ in tolerandis imperfe-  
ctis: quantum constantiæ in bonis pro-  
mouendis: quantum denique habili-  
tatis ad omnia iustitiæ munera exer-  
cenda? Hæc omnia sine speciali Dei  
gratia vix possunt in vno homine repe-  
riri: ac proindè animarum cura sine  
manifesta Dei vocatione acceptanda  
non est: tum diù considerandum  
quid valeant humeri, quid ferre re-  
cusent. *Non debet præesse, qui non potest  
prodesse.*

## §. XLIV.

*Omnibus Christianis necessariam esse  
Orationem.*

**T**anta est necessitas Orationis, ut  
fidei dogma sit, neminem sine  
illa Salutem consequi posse. Quis enim  
potest Deum vocantem sequi, nisi dono  
gratiæ adiuuetur? Eius autem auxilium  
quis potest sine oratione promereri?  
Idcirco docet Scriptura, oportere sem-  
per, & sine intermissione orare *Luc.*  
*18. 1. 1. Theff. 5. 17.* quia semper, &  
in omnibus auxilio Dei indigemus.  
Semper autem orat, qui certa orandi  
tempora nullo vnquam die præmit-  
tit. Semper orat, qui omnia quæcun-  
que agit purissima intentione ad Deum

re-



refert : oratio enim nihil aliud est ,  
quam eleuatio mentis in Deum . Sem-  
per orat , qui efficax orandi desiderium  
in corde iugiter conseruat , nam ipsum  
desiderium oratio est . Benè orat qui  
benè viuit . Nemo vitiosus , nemo im-  
pius , nemo desertor fuit , qui non priùs  
omne orandi studium abiecerit . Ora-  
tio canalis est , per quem fluunt in ani-  
mam riuuli Diuinæ gratiæ : ea deficien-  
te arescit anima , & sensim perit . Nec  
sufficit , aliquot preces voce tantum  
absque vlla attentione , & reuerentia ,  
vt plerique faciunt , persolvere : nam  
de his conqueritur Deus dicens : *Popu-  
lus hic labijs me honorat , cor autem eorum  
longè est à me . Isai . 29 . 13 . Matth . 15 . 8 .*  
Et qui sic orat , non euadet Prophetæ  
comminationem , canentis : *Oratio eius  
fiat in peccatum Psal . 108 . 7 .* Mendacia  
sunt , & inania verba , cùm quis scelus  
operatur , & psallit Deo , *Iniquitatem  
odio habui , & abominatus sum Psal . 118 .*  
Totus in patinis est , & dicit *Oblitus  
sum comedere panem meum Ps . 101 .* & ri-  
det tota die , vanisque gaudijs diffluit ,  
& ait : *Euerunt mihi lacrymæ meæ panes  
die ac nocte ( Psal . 41 . 4 . )* Mandatis Dei  
non paret , & psallit : *Maledicti qui de-  
clinant à mandatis tuis Ps . 118 .* Execra-  
biles sunt huiusmodi orationes , iram  
Dei erga orantem prouocant , & duris  
supplicijs castigari merentur . Nemo  
autem

autem Christiani nomine dignus est ; nisi saltem bis in die , mane cum surgit & vespere antequam cubitum eat , mentem ad Deum eleuet , & aliquo spatio temporis feruenter oret , vt tantumdem diei reficienda animæ tribuatur , quantum corpori nutriendo impenditur. Nec vnquam dimittenda , aut diminuenda oratio , quamuis aridi in ea , & omni consolatione , ac spiritus suauitate qui orat destitutus sit : vera enim deuotio & solida animi iucunditas non in feruoris affluentia , non in sensibili dulcedine , non in mollibus quibusdam affectibus , & lacrymis consistit : nam etiam Turcæ , & alii infideles in suis precibus & sacrificiis hæc interdum experiuntur : sed in prompta voluntate seruiendi Deo , & à peccatis abstinendi . *Quæ Dei sunt non sensu , sed sola fide percipiuntur .*


## §. XLV.

*Quæ dispositio ad orandum requiratur .*

**M**ulti sunt qui methodum & regulas perquirunt , quibus discant orare Deum , ac si oratio veluti ars quædam , & opificium foret , quod certis quibusdam legibus contineretur. Non damno præcepta orandi à sanctis



& pijs viris præscripta , sed sola non  
sufficiunt , nisi adsit continua cordis ,  
& sensuum custodia , sine quâ Spiritus  
orationis haberi non potest . Cor  
enim tota die dispersum , & dissipatum ,  
& in vanis hominum fabulationibus  
occupatum , quomodo poterit in oratione ad Deum accedere , &  
de maximo salutis negotio cum illo  
agere ? Magna hæc hominum illusio  
est existimantium , se posse brevissimo  
horæ interuallo rem hominiter-  
reno difficillimam peragere , à qua  
tota die alieni fuerunt , & de qua antea  
nec quidem cogitarunt . Oratio mentem  
requirit puram , & à rerum terrenarum  
imaginibus liberam , vt soli Deo vacare possit . Nulla ad eam  
magis idonea dispositio , quàm integritas  
vitæ , & morum innocentia . Qui eius  
studio incumbere , & in eo progredi cupit ,  
tanti debet cœlestia æstimare , vt terrenis  
veluti mortuus sit , nullumque in eis  
solatium inueniat . *Bona est oratio , quam fides , & humilitas  
comitantur .*



## §. XLVI.

*Cur multi ex oratione nihil proficiant.*

**P**AUCI sunt, qui ex oratione, & meditatione fructum percipiant, quia rebus, quas meditantur, contrariam dispositionem, & sensum habent: nec se offerunt Deo tanquam victimam, & holocaustum ad omne eius beneplacitum perficiendum. Ipsum quidem precantur, ut eos doceat cognoscere, & facere voluntatem suam: sed nihilominus contra Dei voluntatem multa operari non cessant, quia duplicis cordis sunt: vnum Deo expandunt in oratione, alterum sibi reseruant, nec dicunt cum Propheta: *In toto corde meo exquisiuit te* (Ps. 118.) Alij spiritu curiositatis, & superbiæ impulsī sublimioribus speculationibus occupantur, quæ ad vitia cognoscenda, & eradicanda parum, vel nihil conferunt: & si aliquando voluntatem excitant ad gemitus, & suspiria, ea tamen suauitate statim euanescente impatientes remanent, sui consilij tenaces, refractarij, ac ijsdem semper vitij irriti. Atque hinc fit, ut repentinæ conuersiones ex vehementi commotione prouenientes, ut plurimum non durent: quia cessante illa vi, quæ volun-



untatem quodammodò rapuit, ipsa quoque moti definit, & homo ad vitia, quibus affuevit, relabitur. Alii instinctu propriæ delectationis ad orationem accedunt tanquam ad fontem suauitatis, non Deum, sed se ipsos querentes, ut spiritalis dulcedinis vbertate reficiantur. Alii orationis emolumentum ex veri, & falsi notione metiuntur, & hi omnino sibi imponunt, quia multa discere in oratione, & nihil operari, magna diaboli deceptio est. Nihil homini prodest oratio, quamvis ad cœlum rapiatur, & audiat arcana verba, quæ non licet homini loqui, nisi exuto spiritu mundi sentiat in se augeri promptam erga Deum voluntatem. *Bene orat, qui nihil scire, nihil habere desiderat, nisi Christum, & hunc crucifixum.*

## §. XLVII.

*Nunquam studium orationis omit-  
tendum*

**E**RROR communis est, meditationem rem difficillimam esse, cum tamen nemo sit, qui non quotidie meditetur. Quid est enim meditari, nisi rem aliquam mente revolvere? Hoc autem continuo facimus à mane usque ad vespe.

peram: sed ut plurimum noxia & varia  
meditamur. Curigitur mysteria Fidei,  
& quæ salutis nostræ sunt, non medita-  
mur? His iugiter occupari mens nostra  
facillimè posset, si eam auertere à rerum  
terrenarum curis conaremur. Hac de  
causa ad orationis studium inepti sumus,  
quia sensibus mori, & Christi crucem,  
atque ignominiam amplecti nolumus.  
Sapè etiam orationem omittimus, ut  
bonis operibus extrinsecus incumbamus  
ex quibus nullus vel exiguus provenit  
fructus, quia lumine destituimur ad be-  
nè agendum necessario, quod non nisi  
in oratione percipitur, & illa peragimus  
extra ordinem supernæ gratiæ, nostro  
potius, quam divino impulsu. Maximus  
autem error est intetiora propter exteriora  
negligere. Sicut corpus quotidiana  
destitutum alimoniâ paulatim deficit,  
& perit: ita languet anima, ac veluti exa-  
nimis fit, nisi oratione, quæ cibus ipfius  
est, singulis diebus nutriatur. Cibo  
autem indiget eò frequentiori, quò plu-  
ra ac majora habet contraria, quàm cor-  
pus. Ipsam enim tum ea omnia per con-  
sensum vexant, quæ corpori molesta  
sunt, frigus, æstus, ægrotudo, fames,  
sitis, & alia eiusdem generis: tum cor-  
pus ipsum, & sensus, concupiscentia,  
dæmon, & mundus. Cùm autem ora-  
mus, Deum quærere, & innocare debe-  
mus in penetralibus animæ, in in-



terriori homine, in quo ipse habitat, sicut in templo suo. Quare verba sonantia ad orandum necessaria non sunt, sed in spiritu, & veritate Deum orare, & adorare oportet. Conceptis verbis preces effundere illis necesse est, qui nesciunt in abdito mentis cum Deo loqui, & ea quibus indigent proprio sermone exprimere. Publicæ item Ecclesiæ preces voce, & cantu promuntur, ut audiant fideles, & ædificentur, votisque consentientibus eleuentur in Deum. Cæterum: *Templum Dei, & locus orationis nos ipsi sumus, & regnum Dei intra nos est.*

## §. XLVIII.

### *Conditiones bonæ Orationis:*

**V**T perfecta sit oratio, qua aliquid à Deo petimus, debet orans solius Dei amore ad id quod postulat excitari. Quamuis enim res ipsa bona, & amabilis sit, tutius tamen, & perfectius est eam petere, & amare, quia Deus vult, ne sub velo bonitatis rei, lateat perniciosus amor sui. Basis orationis Fides viua est, & præsentia Dei, ad quem accedendum cum simplicitate, sicut infans ad vbera matris fertur nihil discernens. Qui, dum orat, se orare considerat,

derat, non est perfectè attentus orationi, mentem enim, & intentionem à Deo diuertit, quem orat, vt attendat orationi, qua orat. Et sic sæpe contingit, vt incidat in distractiones, cum eas nititur euire. Ideò in oratione valde commendatur simplicitas, quacunque aliena consideratione sublata, feruentius siquidem orat, qui nescit se orare, soli Deo attendens quem orat. Nulli autem euagationi obnoxia mens erit, quæ Deum semper præsentem habuerit. Nam quò euagari poterit, quæ se totam in oceanum immensæ Diuinitatis immerferit? Quòcumque se vertat, inde numquam emerget. Quod si Deo permittente multæ contingant distractiones, non erit oranti inutilis oratio sua, si in illis expellendis strenuè dimicauerit. Aderit Deus decertanti, quamuis procul videatur abesse. Faciliùs tamen vincuntur auertendo ab eis mentem, easque spernendo, quàm contra pugnando: ea enim pugna sæpè fit, vt fortius animo imprimantur, & magis infestæ sint. *Oratio arida, & expers omnis consolationis eò gratior est Deo, quò minus grata natura est.*



## §. XLIX .

*Gratia, & modus Orationis duplex .*

**S**icut viatores, dum iter agunt, semper locum in mente habent, ad quem proficiscuntur; ita qui orant, ad finem orationis, qui est unio cum Deo, animi intentionem indefinenter dirigere debent, eo sibi præfixo scopo, ut sublati impedimentis ad eam unionem disponantur. Inanis est orantium labor, si aliud in oratione exquirunt. Cum verò duplex sit oratio, una communis, quæ conatu & industria nostra fit, præveniente tamen, & cooperante gratia Dei, nemo enim, ut docet Apostolus ( 1. Cor. 12. 5. ) potest dicere Dominus I E S V S, nisi in Spiritu sancto: altera singularis & infusa, quæ non est in potestate nostra, sed à Deo infunditur, quibus & quando vult: utraque sanè desiderari, & peti ab illo potest qui facit nos quærere ut inueniamus, petere ut accipiamus, pulsare ut aperiatur nobis: soli tamen meditationi modo communi, & consueto vacandū est, nisi quis Diuina inspiratione, & vocatione ad altius orationis genus eleuetur. Gratia autem meditationis nihil aliud est, quàm facilitas mentem ad  
Deum

Deum elevandi, sanctos affectus concipiendi, & effundendi cor suum ante conspectum Domini Dei sui. Hanc Deus humilibus largiri solet, qui non confidunt in virtute sua, eiusque opem implorant, ut, à quo datur orandi præceptum, ab ipso petatur auxilium, quia omne datum optimum, & omne donum perfectum desursum est descendens à patre luminum. Ideò incipienda est oratio à confessione nostræ impotentiae, & fragilitatis, à detestatione peccatorum, quia iustus initio orationis accusator est sui, & à rectitudine intentionis, nullo sibi proposito fine, nisi adimplendæ Divinæ voluntatis, de qua dicit Apostolus: *Hæc est voluntas Dei sanctificatio vestra* ( 1. Thess. 4. 3. ) Quia licet orat, Divinæ misericordiæ ostium contra se claudit.

## §. L.

*Fons Omnium bonorum oratio.*

**Q**UOD de Sapientia scriptum est, hoc verè de oratione dici potest: *Super salutem, & speciem dilexi illam, & proposui pro luce habere illam: quoniam inextinguibile est lumen illius. Venerunt item mihi omnia bona pariter cum illa*



& innumerabilis honestas per manus illius,  
 & latatus sum in omnibus, quoniam an-  
 recedebat me ista, & ignorabam, quo-  
 niam horum omnium mater est. Infinitus  
 enim thesaurus est hominibus: quo qui usi  
 sunt, participes facti sunt amicitia Dei.  
 Sap. 7. Oratio quippe fons gratiæ est,  
 virtutum parens, mentis illuminatio,  
 mœrentium consolatio, lætantium iu-  
 cunditas, cibus animæ, omniumque bo-  
 norum origo, & custodia. Hæc iram  
 Dei placat, veniam peccatorum impe-  
 trat, expellit vitia, liberat à periculis,  
 & Diuini amoris in nobis ignem accen-  
 dit. In ea omnium virtutum actus exer-  
 centur. Prima verò ante omnes occur-  
 rit Fides: nemo enim oraret, nisi cre-  
 deret Deum esse præsentem, & preces  
 clamantium ad se audire, easque posse,  
 & velle, si iustè petimus, exaudire.  
 Spes erigitur, quia maximam in Dei  
 ope, & misericordia fiduciam habemus.  
 Charitas excitatur Diuinæ bonitatis  
 consideratione, quæ vrget nos ad ipsum  
 super omnia diligendum. Per eam di-  
 scimus adimplere omnem iustitiam, &  
 iustorum prudentià omnia perpendere.  
 Fortitudo exercetur, quia orans firmi-  
 ter statuit seruire Deo, & pro eius amo-  
 re aduersa omnia tolerare. Temperan-  
 tiæ actus eliciuntur, quia mens orantis  
 à terrenis, & corporeis abhorrens, cæli  
 delicias degustat. Dona quoque Spiritus  
 san.

sancti vim suam exerunt, quia intellectus de æternis illuminatur, Dei sapientià fruitur, ipsique Deo appropinquans omnes creaturas scientiæ dono pro nihilo habet: tum luce vberiori perfusus in rerum agendarum dispositione per donum consilij non fallitur: ad orandum pro alijs pietate impellitur: Divinæ Maiestatis celsitudine apprehensa eiustimorem concipit, & ad multa pro Christo toleranda fortitudine roboratur. *Multis ergò virtutibus fulget, qui multum orationi incumbit.*





## P A R S II.

De moderandis animi affectionibus,  
& de studio virtutum.

## § I.

*Quarendæ veritas, fugiendæ  
vanitas.*

**V**eritatem omnes desiderant, omnes commendant, sed ubi ea sit, pauci cognoscunt: nam si scirent ubi esset, nihil amplius quærerent, nihil præter illam amarent. Et quidem in rebus mortalibus eam non esse evidens est. Quidquid enim in aliquo loco est, nullo modo permanere potest, si illud, in quo est, non permaneat: mortalia autem esse desinunt, quia intereunt, ac propterea in illis non est veritas. Quarendæ igitur est in rebus immortalibus, quæ verè sunt, & in æternum futuræ sunt: quarendæ in virtute, quæ nihil aliud est, quàm æqualitas vitæ in omnibus veritati consentiens, exclusa vanitate, & rerum pereuntium cohibito appetitu. Veritati enim congruit homo, cum animi motus ratio regit, & spiritus Dei in eo dominatur.

Quod

Quod si cupiditatum tyrannico imperio sublit, à veritate in vanitatem defluit, & varijs, ac contrarijs perturbationibus agitatur, hinc timore, inde desiderio, hinc anxietate, inde inanilætitia: hinc rei amissæ dolore, hinc ardore adipiscendi quæ non habet; hinc acceptæ iniuriæ cruciatu, inde studio vindicandæ. Hi sunt videlicet omnium malorum fontes, quæ miseriam vexant, vanitas, & voluptas. Oriuntur ex vanitate eorum omnium, quæ propriam excellentiam fouere possunt, ardentissimum desiderium, magna sui æstimatio, aliorumque contemptus, & auersio à veritate. Ex voluptate propensio illa procedit, qua fertur homo ad cibum, & potum, ad ludos, & relaxationes, & ad reliqua omnia, quæ corpori, & spiritui rebus terrenis occupato grata, & iucunda sunt. Hinc euagatio continua, & cordis effusio ad exteriora, quibus anima Deo vacua implere se studens, tota est in nugis, & vanitatibus mundi, quærens homines, cum quibus recreetur, & confabuletur, & à quibus laudetur in desiderijs, & vanitatibus suis. Hæc verò sunt, quæ homini carnali exosam reddunt Diuinam Legem, & Euangelicam perfectionem. Euangelium siquidem nihil magis cōmēdat, quàm humilitatē: at natura corrupta sēper inclinat superbiam



biam: Euangelium prædicat poenitentiam, à qua homo maximè abhorret. Fides igitur est necessaria, quæ docet nos omnem veritatem; & hæc est victoria, quæ vincit mundum, Fides nostra. Filius Dei Patri consubstantialis, ut amorem nostrum à rebus terrenis avellendum esse doceret, fidem prædicationi suæ altissima virtutum exercitatione conciliauit. Diuitias homines appetunt: pauper esse voluit: honoribus, & imperijs inhiant; abscondit se ne fieret Rex: contumelias intolerabiles esse arbitrantur: omne genus iniuriarum sustinuit: calumnias detestantur: innocens damnari voluit. Vita eius disciplina morum fuit, nec vllum à nobis peccatum committi potest, nisi cum appetimus quæ ille contempsit: aut ea fugimus, quæ ille sustinuit. *Stultus igitur est, qui vitam beatam in ijs positam putat, quæ spernenda esse Christus docuit.*

## §. II.

*Quanti momenti sit ad Christianam perfectionem nihil vel minimum negligere.*

**I**Deò pauci ad perfectionem Christianæ vitæ perueniunt, quia maioribus vitis

vitijſiam ſuperatis ſibi vim inferre no-  
lunt , vt minoribus reſiſtant , quibus  
quotidie infeſtantur . Senſim ad graui-  
ores lapſus diſponitur , qui ſegniseſt in  
minimis , & minutiffimis præcauendis :  
maiora enim vitia , & extrema vel pri-  
mo aſpectu horrorem incutiunt , in mi-  
nora faciliùs labimur . Non ſolent ho-  
mines adeò inſanire , vt vnadie omnes  
facultates ſuas diſſipare , & prodigere  
velint , ſed paulatim hoc fit . Hæc mo-  
dica , inquiunt , impenſa eſt , non mi-  
nuit patrimonium , vix aliquid è cu-  
mulo detrahitur , adhuc ærarium inte-  
grum manet . Tum de alijs expenſis eo-  
dem modo argumentantur , donec ,  
quod ſingulæ non perfecerunt , omnes  
ſimul perficiunt , & qui diues erat ,  
mendicus fit . Idem accidit in vſu cibi ,  
& potùs : hoc parùm eſt , nocere non  
potèſt , temperantiæ metam non tran-  
ſgreditur : atque ita paulatim ex mini-  
mis congeries fit , donec ſtomachoplus  
ingerimus quàm ferre poſſit , & in gra-  
ues , ac ſæpè incurabiles morbos incidi-  
mus . Magnæ occaſiones ſeruiendi Deo ,  
actusque heroicos virtutum exercendi  
rariffimæ ſunt : parux autem ſingulis  
pene momentis occurrunt : idcirco  
oportet ad minima quæque attendere ,  
ſingulos cordis motus obſeruare , mi-  
nuta quælibet deſideria vincere , pro-  
pria voluntati reſiſtere , & noxium ſui  
amo-



amorem exterminare . Nemo repente  
 fit rualus , sed ut ait Sapiens : *Qui sper-  
 nit modica paulatim decedit* ( Eccl. 19. 1. )  
 Omnis consolatio , quæ à creaturis acci-  
 pitur , quantumvis innocens , & exigua  
 videatur , Diuinam semper excludit :  
 qui verò se subtrahit ab amicorum con-  
 suetudine , à vanis colloctionibus ,  
 ab omni exteriori solatio , solo Chri-  
 sto contentus , qui reuerà solus sufficit ,  
 ineffabili gaudio in ipso , & per ipsum  
 fruitur . Sicut expulso à quolibet loco  
 vno corpore aliud subintrat , ne detur  
 vacuum , ut docent Phyfici : ita anima ,  
 quæ omnia creata , atque omnem sui  
 amorem à se expellit , Deo protinus  
 repletur , in quo reperit omne bonum .  
 Verumtamen prauus habitus ab infantia  
 contractus nos terrenis delectationibus  
 affigit , quæ præsentibus sunt , & sensus  
 percipiunt : nec finit ad diuina , & su-  
 pernaturalia assurgere , & ijs delectari ,  
 quia sunt remotissima à sensibus , nec nisi  
 per fidem cognoscuntur . Ideò voluta-  
 mur in carne , & sanguine , nec vnquam  
 extra nos prosumus , semper instabiles  
 futuri , donec tandem reiectis terrenis  
 consolationibus quiescamus in Deo , qui  
 est pax nostra , & gaudium nostrum ,  
 æternumque omnium finis , & centrum .

## §. III.

*Omniſus Chriſtianiſus neceſſaria crux,  
& abnegatio.*

**T**Ota vita Chriſtiani crux eſſe debet,  
& abnegatio: nemo autem crucis  
dulcedinem, & ſuauitatem nouit, niſi  
qui illam intimo animi ſenſu deguſta-  
uit. Norunt experti, quanta iucun-  
ditate ſit plena; nam ſi modico tempo-  
re illis ſubtracta diuina diſpoſitione fue-  
rit, contriſtantur, & incidunt in ama-  
ritudines amariffimas. Et mundus qui-  
dem falſo iudicio homines iuſtos exiſti-  
mate eſſe infelices, quia pauperes, affli-  
cti, & vulgo deſpecti ſunt: ipſi verò ſe  
beatos putant, & in cruce glorientur,  
quoniam ſibi e. animi ſententia omnia  
contingūt Si pauperes ſunt, hoc volunt:  
ſi afflicti, afflictione latantur: ſi à cæ-  
teris ſpernuntur, ſperni deſiderant. Nulli  
autem beatioreſ ſunt, quàm qui habent  
quod volunt. Impij verò, qui turpia,  
& obſcœna feſtantur, tametſi vulgi opi-  
nionem beati cenſeantur, quia habent  
quod volunt, reuerà tamen miſeri ſunt,  
quia quod volunt nolle deberent. In  
cruce, & abnegatione præcipuè conſiſti-  
religio Chriſtiana, & qui aliter Chriſti  
doctrinam amplectitur quàm propoſi-



to crucis mysterio , ab Euangelij scopo longius aberrat. Multa Christus occultauit Apostolis, quæ tunc portare non poterant: sed ipsis adhuc infirmis, & nondum intelligentibus quæ dicebantur, se gentibus tradendum ad illudendum, & crucifigendum apercè, & palam prænuntiauit. Paulus recens conuersis lac potum dedit, non escam, cuius nondum capaces erant: Christum tamen prædicabat crucifixum, Iudæis scandalum, gentibus stultitiam: & cum multa sciret, se nihil scire professus est nisi Christum, & hunc crucifixum. Vetus Ecclesia plura fidei mysteria Catechumenis occultabat, sed nunquam crucem Christi. Ideò frons Christiani cruce signatur, ne quiseius ignominiam ernbescat. Absit Christiano in aliquo gloriari, nisi in cruce Domini N. I E S V CHRISTI, qui factus est nobis sapientia à Deo, & iustitia, & sanctificatio. Ipse per crucem redemit nos, nec quisquam potest redemptionis fructu potiri, nisi per crucem. Hinc necessitas indispensabilis orta est abnegandi seipsum, quod qui præstare recusat, Christi discipulus esse non potest. *Siquis, inquit, venit ad me, & non odit patrem suum, & matrem, & uxorem, & filios, & fratres, & sorores, adhuc autem, & animam suam, non potest meus esse discipulus. Et qui*

qui non baiulat crucem suam, & venit post me, non potest meus esse discipulus (Luc. 14. 26.) Et apud alium Evangelistam ait: Si quis vult post me venire, abneget semetipsum, & tollat crucem suam, & sequatur me (Matt. 16. 24.) Qui enim voluerit animam suam saluam facere, perdet eam: qui autem perdiderit animam suam propter me, inueniet eam. Non dixit abnegandam dumtaxat esse superbiam, crapulam, ebrietatem, luxuriam, diuitias, possessiones, & alia, quæ extraneos sunt: nam hoc vti- que tolerabile foret: sed iubet etiam ut abnegemus nos ipsos, proprios scilicet affectus, & quidquid suggerit, & operatur in nobis spiritus Adæ. Hæc omnia prorsus à nobis reuellere, ac reijcere debemus, & carnem nostram crucifigere cum vitijs, & concupiscen- tijs suis, vitamque Christi crucifixi in nobis exprimere. Durus est hic sermo carni, & sanguini, sed in hoc Christi fides, in hoc salus nostra consistit.

## §. IV.

*Fundamentum vite Christianæ  
est abnegatio.*

**A**bnegatio primus lapis est spirituali  
ædificio sternendus. Quid enim  
H 2 pro-



profunt altæ de Deo, rebusque diuinis  
speculationes, quid dulcia cum Deo  
colloquia, quid virtutum exercitationes,  
si nos ipsos in his quærimus, & in su-  
perbiam elati nos colimus velut idolum,  
& pharisaico fastu cæteros aspernamur?  
Sapientior est omnibus Philosophis,  
qui se stultum credit: gloriosior cunctis  
Regibus, qui se omnibus inferiorem  
putat. Salus, virtus, & perfectio no-  
stra non in sublimitate sermonis, non  
in signis, & mirabilibus: sed in cruce,  
in abiectiōe, & in improbris Christi  
sita est: nec ullus vnquam poterit, aut  
salutem consequi, aut virtutem adipisci,  
aut perfectus esse, nisi abneget semeti-  
psum, & resecatis omnibus vitijs ad ex-  
emplar se conformet, quod Christus cru-  
ci affixus nobis ostendit. Aduertendum  
tamen est, quod sicut Simeon Cyrenæus  
crucem portauit post IESVM, sed mor-  
tuus in ea non est: ita multi crucem  
asperrimam portant, qui sibi adhuc  
viuunt, & ex proprio sui amore, non  
purè propter Deum patiuntur. Quis cre-  
deret amorem sui in cruce locum habe-  
re, à qua tantoperè natura abhorret?  
Et nihilominus non pauci reperiuntur,  
qui duram crucem amplectuntur, vt de  
pœnis suis glorientur, & ab hominibus  
videantur. Hi sanè crucem portant, sed  
nolunt cum Christo crucifigi: se ipsos  
excruent, sed nihil inde merentur, imò  
bono-

bonorum omnium iacturam faciunt ; Solent plerique conqueri, res, & negotia eos impedire, ne interiori pace fruantur : at reuerà quidquid obsistit mentis nostræ tranquillitati, à nobis ipsis procedit, quia inito fœdere cum proprijs sensibus hoc vinculum dissolui non patimur, ea omnia fugientes, quæ proprijs commodis aduersantur . Hoc est bellum intestinum, & turbulentum, quod inter rationem, & appetitum iugiter erit, donec pars inferior parere, & subijci didicerit . Si quis amicum haberet summa sibi necessitudine coniunctum, cuius præsentiane vno quidem momento carere posset, cum quo edere, dormire, confabulari soleret : ab aliquo autem fide dignissimo moneretur, hunc perfidum proditorem esse, qui mortem illi dolose tentaret inferre: omnis amor protinùs in odium, & in implacabilem inimicitiam conuerteretur . Porro hic amicus caro nostra est, cui blandimur, quam fouemus, cuius desiderijs obsequimur : & hæc sub specie amicitia nos decipit, & vitam nobis non corporis aliquando morituri, sed animæ eripere conatur . Non sunt nobis fingenda prælia, & decernenda certamina cum absentibus & longè distantibus aduersariis : sed cum hoste domestico quotidie decertandum, qui salutis nostræ semper insidiatur . Tollat homo



*seipsum à se, & nullum habebit in via salutis impedimentum.*

§. V.

*Quomodo aduersus vitia, & prauas affectiones pugnari oporteat.*

**A**ttendendum solerter quid diligamus, quid metuamus, vnde gaudeamus, & contristemur: totum enim cor nostrum in his quatuor affectionibus est: & tunc ad Deum toto corde conuertimur, cum nihil omnino diligimus, nisi ipsum, aut propter ipsum: cum nihil nisi eum, aut propter eum timemus: cum non nisi secundum ipsum aut dolemus, aut latamur. Hi motus animi cum non reguntur, nos similes faciunt omni generi bestiarum: cum autem reguntur, omnino mansuescunt, & nos similes Angelis efficiunt. Hæc est nimirum beata hominis vita, cum omnes affectus eius rationi, & veritati consentiunt, & tunc vocantur gaudia, & amores sancti: si verò non consentiunt, dissipant mentem, & vocantur libidines, & perturbationes. Monstra sunt quæ vinci, & edomari non possunt, nisi continuo aduersus ea decertemus. Nec satis est in vniuersum, ac veluti acervatim actus elicere, quibus mores corrigere,

gere, prauosque affectus coercere discernamus: in hoc enim generali apparatu pugnae, castigationis, abnegationis, & separationis ab omni solatio creaturarum, natura nostra ad malum prona nihil reperit, quod ipsam vexet, licet arma contra illam expedire videamur, ac propterea huiusmodi decretis non contradicit, imò virtutis eo modo, & quasi in idea conceptae pulchritudine delectatur, ipsam probat. & laudat, ipsique infideles, & Philosophi eam sic amplexi sunt. Inde multi decepti de vitiorum victoria inaniter gloriantur, quia bonis desiderijs naturam repugnare non sentiunt: at cum inito singulari certamine non vitia generatim, sed vnum peculiariter aggrediuntur, cum prauum affectum insurgentem viriliter expugnare nituntur, cum aliquid quantumvis minimum tolerandum occurrit: tunc demum apparet quam vanae fuerint, & debiles praconceptae deliberationes. Singulas ergo, & peculiare occasiones, quae nunquam desunt, abnegandi seipsum, & prauas affectiones coercendi, obseruare oportet, & in his se fortiter gerere: nam sic animi motus sub rationis imperio reguntur, sic vitia eradicantur. Hoc autem fieri nequit sine contentione infatigabili, quae semper operetur: sine profunda attentione, quae omnia penetrer, & perscrutetur



vsque ad radices: sine perpetua violentia, quæ fixas cordi affectiones euellat. Motus enim voluntatis nostræ in Deum, utpotè contrarius inclinationi deprauatæ naturæ, violentus est, & nisi subinde noua vis illi imprimatur, statim ad nos ipsos descendimus motu, qui infirmæ voluntati naturalis est. Sicut autem noxiæ, & inutiles herbas in areolis hortorum impedire ne crescant, & radicitus euellere possumus; numquam tamen efficiemus, ne iterum sua sponte nascantur: ita nonnumquam contingit, affectiones nostras eo nos studio moderari, ut naturam mutasse videamur. Verùm quidquid curæ ac diligentia ad hanc rem adhibeamus, semper natura in suo fundo corrupta est, aliosque motus inordinatos producit, ex quo sequitur, à studio mortificationis numquam cessandum esse, numquam arma deponenda. Quod si quis aliquando Deo iuuante heroicum virtutis actum vel semel elicuerit, hic solus sufficiens est ad omnem naturæ repugnantiam deinceps superandam, & ad veram animi libertatem consequendam. Quidam viri sancti cum semel deuicta naturæ contumacia vlcerosi saniem lambere, & sugere ausi sunt, omne postmodum morborum genus non solum sine stomachi fastidio, sed hilari etiam ac propenso animo

animo contrectarunt. Tanti refert  
se mel heroico actu vicisse se ipsum.

## §. VI.

### *De sensuum exteriorum moderatione.*

**Q**uia solet vitij via per oculos aperi-  
ri, eos omninò auertere oportet  
ab omni, vel momentaneo cuiusque  
rei aspectu, quæ ad peccandum allice-  
re, vel à perfectione retrahere possit,  
ea prorsus accuratione, ac celeritate,  
qua quis à loco morbofo, & pestilenti  
recedit. Triplex autem est oculus, quo  
res creatæ conspiciuntur. Primus est  
animalis, cùm sola sensibili rei pul-  
chritudine, & elegancia homo delecta-  
tur, & in ipsa exteriori specie immora-  
tur, nec aliud considerat. Secundus  
est philosophicus, cùm ex rei visæ sym-  
metria, & concinnitate, discendi cu-  
piditate intellectus excitatur ad eius  
naturam, & proprietates inuestigan-  
das. Tertius est Christianus, cùm à vi-  
sione creaturarum mens eleuatur ad  
Creatorem eiusque amore succenditur.  
Isto oculo vir fidelis res omnes intuetur  
per hæc v. sibilis ad Deum inuisibilem  
arsurgens, qui est vera pulchritudo, à  
qua veluti à fonte omnes riuuli creatæ  
pulchritudinis emanant, quia ipse est  
qui verè est, in quo res omnes verè  
sunt:



sunt . nam in se ipsis vmbra sunt , & deficient , ac propriè non sunt . Omnium autem sensuum vita à re ipsis obiecta dependet , sicut vita corporis ab anima . Oculorum enim vita in rerum visione consistit : vita aurium in harmoniæ , & vocum auditu : & cum videlicet visus in aspectu rei pulchræ delectatur , & auditus complacet sibi in vocum , & organorum concentu . Ex hoc autem consequens fit , vt sensuum mors nihil aliud sit , quàm separatio ab his , in quibus eorum vita subsistit . Nihil verò perniciosius vitæ Christianæ , quàm vita sensuum : nam cum animæ facultates imaginationi , hæc sensibus corporis , nexu ferè indissolubili colligatæ sint , commota à sensibus phantasia potentias rationales inficit , & immutat , trahitque voluntatem , vt prauistandem delectationibus assensum præbeat : quod malum aliter euitari nequit , nisi sensus à noxijs voluptatibus retrahantur . Porro mors sensuum , de qua sermo est , duplici modo contingit , physicè , & moraliter . Physicè cum sensus omninò à suo obiecto remouetur , vt cum oculi ab omni etiam innoxia pulchritudine auertuntur , aures clauduntur quibuscumque sermonibus , & concentibus delectabilibus : moraliter cum sensus non à re ipsa , sed à rei fruitione diuellitur ,  
quando

quando scilicet oculus videt, auris audit, sed à rebus visis, & auditis omnis complacentia remouetur. Prima mors, siue separatio securior, & faciliore est, dummodo discretionem regatur: facilius est enim omnem prauæ delectationis occasionem euitare, quàm moderationem in ea seruare. Altera graui periculo exposita est, quia sensuum illecebræ magnam vim habent, & ob consensum, ac sympathiam potentiarum, facillimè animam deprimunt ad carnales oblectationes. Et quia ferè cum lacte sensibus blandiri didicimus, licèt postea agnoscamus quàm fluxæ sint, & vanæ eorum delectationes, & quàm graua inferant animæ detrimenta: manent tamen de illis præconceptæ notiones, & fixæ potentijs imagines, donec longo meditandi vsu, actibusque contrarijs paulatim euanescent, & solida Christianæ vitæ principia menti inseruntur. Spiritus est Deus, actusque purissimus, ad quem pertinere nemo potest, nisi nubes phantasmatum dissipentur, ipsumque corpus, & sensus continuo vsu mortificationis spirituales quodammodò efficiantur.



## §. VII.

*De pugna aduersus gulam, &  
carnem.*

**O**Mnia bona exteriora, omnem facultati pompam, omnem voluptatem deferere, & coercere, homini Deum timenti, studioque virtutum sedulò incumbenti non est difficile; at alimenta corpori subtrahere nemo potest: reficiendum enim est edendo, & bibendo, & quotidie vrget ista necessitas. Sed quia hæc ipsa sua vis est nobis, aduersus hanc suauitatem pugnandum est, ne insidietur concupiscentia, & quod salutis causa facere cogimur, transeat in voluptatem, quæ plerumque præire conatur, cum sequi debeat. Naturali indigentia pauca sufficiunt, sed quod illi satis est, delectationi parum est. Sæpè nescimus vtrum subsidium petat in euitabilis corporis cura, an fallacia concupiscentia nos decipiat, & in hac incertitudine hilarescit infelix anima, ut salutis obtentu intemperantiam excuset. His temptationibus, quia quotidiana sunt, quotidie resistendum, & ea moderatione alendum corpus, ne metam necessaria nutritionis excedamus.

Nj.

Nihil salubrius animæ , & corpori ,  
quàm parca , modesta , & frugalis men-  
sa . Pravas affectiones facile modera-  
tur , qui cibi , & potus abundantia fo-  
mitem illis non subministrat . Lautio-  
res epulas , & conuiuia appetere , de  
illis loqui , ea meditati hominum est ,  
qui terrena sapiunt , & quorum Deus  
venter est . Christianus verò , vthomi-  
nem poenitentem decet , nec quidem de  
cibo cogitat , nisi urgente necessitate :  
tum ad mensam ea animi præparatione  
accedat , ac si solo pane vesci , & aquam  
bibere deberet : ex quo fit , vt sit illi sua-  
vissimum quidquid superadditum fuerit .  
Id autem facile quisque seruabit , si San-  
ctorum ieiunia , ac ferè incredibilem ab-  
stinentiam mente reuoluat , & sibi Chri-  
stum imitandum proponat , felle , &  
aceto potatum . Animus ad hæc inten-  
tus non attendit ad eîcas . In pugna ve-  
rò aduersus carnem remouenda primùm  
est omnis tentationis occasio , seruata  
in omnibus modestia , & seueritate ,  
omniumque sensuum continentia .  
Omnium deinde mulierum euitan-  
dum consortium , quoniam magna in  
diuerso sexu vis fomitis est , & ad id  
vterque fertur , ad quod prouocat  
lex naturæ : etiam si pars superior con-  
tradicat : nam menti infigitur corpo-  
ralis figura , & sæpe recurrit influens  
cordi insanabile vulnus , *Cauendum*  
*deni-*



denique, ne nimia nos fiducia decipiat,  
nam qui non timet, iam lapsus est.

## §. VIII.

*De malis lingua, & de bono  
silenciij.*

**D**ifficile est paucis explicare quot  
mala, & damna ex lingua pro-  
ueniant. In multiloquio non deesse  
peccatum, Spiritus Sancti sententia est  
( *Prov. 10 19.* ) loquacitas enim fons est  
vitiatorum, indicium ignorantia, argu-  
mentum stultitia, feruoris extinctio.  
Omnis ferè sermo ex superbia procedit,  
nam loquimur, vt doceamus, vt nos  
sapientes esse, & prudentes ostenda-  
mus. Sibi quisque persuadet se multa  
scire, quæ libenter effutit, vt aliquid  
esse videatur. Sicut aer corruptus sen-  
sim attractus inficit corpus, ita loqua-  
citas animam vitiat, eiusque robur  
eneruat. Inde enim proueniunt disso-  
lutiones, querelæ, detractiones, men-  
dacia, rixæ, scurrilitates, & omnia  
mala. Frustrà laborat, vt donum ora-  
tionis, & internam pacem obtineat,  
qui frænum, & custodiam ori suo non  
ponit. Frustra satagit proprios emen-  
dare defectus, qui aliorum censor est.  
Hoc laqueoplerique inuoluuntur: alios  
repre-

reprehendunt, sibi adulantur: alios deprimunt, se, & sua iactanter extollunt. Pauci admodum sunt, qui huic vitio renuntient, qui vitam suam ita irreprehensibilem exhibeant, ut non libenter alienam reprehendant. Tanta nimirum huius mali libido mentes hominum inuasit, ut illi etiam, qui ab alijs vitijs longius recesserunt, in hoc, veluti in extremum diaboli laqueum infelicititer incidant. Docuit me vir magnus, numquam se vidisse hominem loquacem in bonis operibus perseverasse. Magna itaque res est taciturnitas, per quam ab hominum consortio recedentes discimus cum Deo miscere colloquia. Lingua enim in vanum silet, nisi Spiritus cum Deo loquatur. Omnia quæ patimur, calumnias, persecutiones, infirmitates, & animi afflictiones, silentium sanctificat: nam qui hæc tolerat, & tacet, sacrificat Deo corpus, animam, existimationem, facultates, & omnia bona sua: tum Christum imitatur, qui quasi agnus coram tondente se obmutuit, & non aperuit os suum: liber denique ab omni perturbatione, tranquilla fruitur sui ipsius possessione. Est quidem nonnunquam sui defensio necessaria, sed ingens cautela adhibenda, ne Christianæ modestiæ, & humilitatis moderamen excedatur. Vix autem accidit casus, in quo quis tueri  
famam



famam suam teneatur, nisi aut munus publicum gerat, ad quod exercendum redderetur inhabilis, si bonum eius nomen per calumniam denigraretur: aut cum vni impositum crimen in aliorum dedecus vergit, quibus prospiciendum sit: aut cum quis à legitimo superiore de veritate interrogatur. Rebus in cæteris consultius est tam lingua, quam animo tacere, neque enim prodest exterior taciturnitas, si intus commoti affectus tumultuantur. *Obmutui*, ait Propheta, & *filii à bonis* (Psal. 38.) Quod si à bonis sermonibus abstinere interdum oportet ob silentij præstantiam, quanto magis à noxijs, & inutilibus? *Sapientissimus est, qui scit tacere, difficilius etenim est nosse tacere, quam loqui.*

## §. IX.

*De bona, & mala delectatione, & de illorum infelicitate, qui præpostero fine virtutem colunt.*

**N**ihil naturæ rationali verè, & ex se delectabile est, nisi vita secundum virtutem: quæ enim vulgo delectabilia videntur, veram, & solidam delectationem non habent, quia sibi inuicem

cem aduersantur, & quod vni placet, alteri displicet: quod vni dulce, alteri amarum videtur. Sic prodigus in estu-  
sione pecuniæ, auarus in ea custodien-  
da, & conseruanda delectatur. Hæ si-  
quidem delectationes non sunt secun-  
dum rationem, quæ omnibus commu-  
nis est, sed secundum corruptionem  
appetitus à ratione deficientis. Sicut  
palatum febricitantis certum iudicium  
ferre nequit de sapore, & condimento  
ciborum: ita nec sensus vitiosi homi-  
nis capax est delectationis, quæ ex vir-  
tute percipitur. Et quidem bonum sen-  
sibile naturæ instinctu cunctis placet,  
sed qua moderatione placere debeat, &  
quid in vsu illius seruandum sit, pauci  
dignoscunt. Ad maiora homo conditus  
est, quàm vt seruiat voluptatibus sen-  
suum. Contemplatio, & fructio summæ  
boni finis illius est: naturæ verò irra-  
tionalis finis est sensuum delectatio. Sed  
quia homo veritatem contemplari ne-  
quit, nisi per species, & phantasmata  
à sensibus accepta, nec potentia ratio-  
nales officio suo fungi possunt in cor-  
pore malè affecto: ideo pertinet ad na-  
turam hominis sui corporis curam ra-  
tionalem, & moderatam habere, vt  
potentia corporales aptiores fiant, & ala-  
ciores ad sua munera exercenda. Quod  
si quis finem cōstituat in his, quæ ad cor-  
pus spectant, vt si cibumumat propter  
I solam



solam delectationem: hic procul dubio peccat, naturæ ordinem peruertens, quæ gratum cibo saporem indidit, ut eo alliceret ad necessaria vitæ alimēta, nō ut in eo finem suum ponat, sicut bruta ratione carentia. Certum profectō est, non posse hominem in hac, vita omni delectatione carere, nam vel terrenis, vel celestibus delectatur; sed quò magis celestia appetit, eò maiori fastidio à terrenis abhorret. Vtrisque simul, & æqualiter delectari nemo potest. Multi quoque sunt, qui virtutis splendore, & pulchritudine magis quàm ipsa virtute delectantur. Ad amorem Dei aspirant, quia excelsus, & sublimis est: vitam ducunt duriores, quia vis quædam, & generositas animæ in ea elucet: pacem interiorē sectantur eius suauitate illecti: viam salutis scire cupiunt, ut sciant, omnesque libros de ea tractantes euoluunt, ut pabulum præbeant curiositati: iter perfectionis arripiunt tumore quodam spiritus, & occulto amore propriæ excellentiæ: rerum sublimium notitiam quarunt, & lumina, quibus imbuti se ipsis fruuntur, non Deo: volunt quæ sibi placent, non quæ vult Deus: & hæc ipsa, quæ Deus vult, idēdō volunt, quia delectant, non quia vult Deus. Sic cæco errore decepti dulcedinem possessionis magis amant, quàm rem possessam: & cum maximè  
cre-

credunt se Deo seruire, sibi obsequuntur, & nihil proficiunt, nihilque tandem inuenient in manibus suis, nisi amorem sui, & superbiam. Deus igitur quærendus est in spiritu veritatis, propter ipsum solum, non propter delectationem. *Hac vita laborum, pugna, & tenebrarum est: gaudium, quies, & tranquillitas futura vita reseruantur.*

## §. X.

### *Opinione viuimus.*

**C**onstans omnium sententia est, opinione nos viuere, sed quanta sit vis opinionis non omnes percipiunt. Hæc dominium in homines, seu potius tyrannidem exercet varijs, ac miris modis: hæc felices, & miseros: pauperes, & diuites: sanos, & infirmos pro suo arbitrio facit: nemo enim beatus, nemo diues, nemo incolumis est, nisi putet se esse. Hæc hominibus gaudium, hæc tristitiam tribuit pro vt ipsi opinantur: nam hi affectus in opinione magis consistunt, quàm in rei præsentis commodo, vel incommodo. Gaudere solent plerique, vel dolere ex præconcepta rei futuræ bonitate, vel malitia, quæ maior ex opinione semper est, quàm re ipsa foret in re præsentì. Ipsa enim experientia didicimus, adueniente bono quod sperabamus, vel malo quod



timebamus, huius molestiam, & illius  
iucunditatem vel minui vel prorsus  
evanescere. Opinio item non solum  
operatur, ut quod futurum est, præsens  
fiat, sed insuper in unum redigit  
quæ per partes, & diverso tempore  
eventura sunt, totamque vim suam in  
momento exercet: Quis honorem, lau-  
dem, æstimationem hominibus præbet,  
eorumque operibus, nisi sola opinio?  
Totius orbis diuitiæ, & dignitates uni  
collatæ non sufficiunt, ut his conten-  
tus sit nisi opinio consentiat. Aman pri-  
mus erat in regno Assueri, & opes im-  
mensas possidebat, & nihilominus opi-  
nionem suam infelicissimus se nihil habe-  
reputabat, quia homo quidam capti-  
vus ingredienti palatium ei non assur-  
gebat. Est & aliud maximum malum  
opinionis; nam præsens tempus in lon-  
gum extendit, & auget, ac si nun-  
quam morituri finis: æternitatis verò  
interminabilē durationem defectu con-  
siderationis ita contrahit ac minuit, ut  
de nihilo æternitatem, de æternitate  
nihilum faciat. Ipsa quoque vitia &  
peccata non ratione, sed opinione  
metimur: ex quo fit, ut plerique,  
dum vitium aliquod vitant, in contrari-  
um currant. Sic exhorrens avaritiam,  
fit prodigus: inquietus fit, cuius pigri-  
tia reprehenditur: ad timiditatem decli-  
nat, cuius audacia arguitur. Provenit

tandem ex opinione, quod de nobis ipsis non ex veritate, non ex sincero propriæ conscientiæ testimonio: sed ex falsa hominum existimatione iudicemus. *Tanta est vanitas, & amentia nostra, ut ea vita minimè contenti, quæ in nobis ipsis vivimus, aliam chymæricam, & inanem quæramus in idea, & opinione aliorum, qui nos scire, nec cognoscunt, nec diligunt, & quorum iudicia ipsimet aliquando contempsimus. Sic vera vita neglecta, illam ornare, & conservare nitimur, quæ ab altis pendet, adeò ut ipsum scire nostrum nihil esse reputetur, nisi nos scire cæteri sciant. Ab his autem erroribus, & illusionibus, nulla ratio liberare nos valet, nisi Divina gratia mentibus nostris verum lumen infundat. Vera enim vel falsa cuiusque opinio est, prout vero vel falso lumine imbuatur.*

## §. XI.

*Scientiam Salutis plerique  
contemnunt.*

**B**ona est omnis scientia, quæ veritati consentit, sed qui satagit salutem suam cum timore, & tremore operari, ea prius, & diligentius scire curat, quæ sunt vicina salutis, quia



tempus breue est. Nihil prodest homi-  
 ni multa scire, si sciendi ordinem, &  
 modum neglexerit. Sententia Iacobi  
 Apostoli est: *Scienti bonum facere, &  
 non facienti peccatum est illi* (Iac. 4. 17.)  
 Ac si diceret, sumentis cibum, & non  
 digerenti perniciosum est ei. Cibus  
 enim indigestus non nutrit, sed nocet:  
 ita, & multa scientia sine delectu ani-  
 mæ ingesta, nisi igne Charitatis con-  
 cocta fuerit, ac in mores transfusa, in  
 prauos, & noxios humores conuertitur,  
 & definit in damnationem. Duo sunt,  
 de quibus homo, dum in hoc mundo  
 peregrinatur, sollicitus esse debet, vt  
 vitam scilicet animæ, quæ in gratia Dei  
 consistit, & vitam corporis conseruat.  
 Sed vitam animæ plerique spernunt,  
 omnisque scientia, & intentio eorum,  
 atque omne studium ad vitam corporis  
 dirigitur, & in ea iucundè transigen-  
 da versatur. Idcirco tenebris, & cali-  
 gine multa obcæcati post concupiscen-  
 tias suas præcipiti cursu festinant, car-  
 nis quidem prudentia præditi, sed scien-  
 tia iustorum destituti. Quod si homini-  
 bus odibilis est, vt Sapiens ait, qui so-  
 phisticè loquitur (Eccl. 37. 23.) multò  
 magis isti Deo odibiles sunt, qui sophi-  
 sticè viuunt, non solum in verbis, sed  
 etiam in vita mendaces. Scientiam Dei,  
 quam non habent, ostentant, & scire  
 vias eius volunt, ac si iustitiam quære-  
 rent,

rent , à qua maximè alieni sunt , aliorum defectus vident , non suos : alios corrigunt , non se ipsos : aliena curant , non sua : cùmque vitijs pleni sint , virtutes , quibus carent , detestabili simulatione prædicant : mala verò , quibus abundant , sagaciter abscondunt . Sed Deum fallere nequeunt , cuius lumen sole lucidius intimos cordis recessus penetrat , & illuminans abscondita tenebrarum , quidquid in eo latet , in novissimo die manifestabit . Atque utinam in hac æterna , & splendidissima luce suas , quisque maculas , & imperfectiones perspiceret , facillimùm cuique esset illas eluere , & emendare , Cùm enim defectus nostros vel in se ipsis , siue in nostræ cognitionis caligine , vel in splendoribus Diuinarum perfectionum intueri possimus ; prima cognitio hibernæ diei frigidæ , & obscuræ similis est : altera diei æstivæ feruidæ , & lucidissimæ comparatur , quæ suo fulgore minimas , ac ferè imperceptibiles animæ sordes detegit , ignemque accendit , quo comburuntur . Hoc autem lumen videre non potest , & ad Deum ire qui à se non exit . *In solo Deo veritas est , & solida scientia : extra illum nihil est nisi ingens fabula , & mendacium , atque Aulteria ,*



## §. XII.

*Damna propria voluntatis.*

**Q**Uæcumque hic facimus propria voluntate Diuinæ contraria, ligna sunt igne inextinguibili in futuro sæculo comburenda. Etenim infernus nihil aliud est quàm propria voluntas, quæ si non esset, nec infernus, nec dæmones essent. Propterea omne malum, omnisque calamitas infelicium damnatorum propria voluntas est, quæ Diuinæ peruicaciter aduersatur. Ira etiam in hoc mundo, quò minus homo propriæ voluntati adhæret, eò magis ab inferno elongatur, æternæque felicitati appropinquat. Et si qui forent in hac vita propriæ voluntatis omnino expertes, hi sibi possunt regni cælestis possessionem certa spe polliceri. Quomodo autem propria voluntas deponi debeat, paucis verbis Christus docuit cùm dixit: *sequere me* (Matt. 8. 22. Marc. 2. 14.) Cùm enim testatus sit se in hunc mundum venisse, non ut suam, sed ut Patris voluntatem faceret: ad hoc nostra voluntas inclinanda est, ut exuta omni proprietate, Christi crucem amplectatur, naturæ amaram, spiritui dulcissimam. Hoc nimirum à nobis exigit Christiana professio, ut Christi exemplo in  
omni

omni opere, & euentu dicamus, *non mea, sed Dei voluntas fiat*. Hoc requirit Suprema, & æterna voluntas, quæ omnes voluntates creauit, & conseruat, vt ad solum eius obsequium, & beneplacitum omnia opera nostra, omnia verba, & cogitationes dirigantur. Vera potitur libertate, qui in omni euentu sic ex animo loqui potest: Ita Pater, quoniam sic fuit placitum ante te. Ego nihil volo nisi quod vult Deus. Ille sapienter disponit omnia, eiusque dispositioni tam in prosperis, quam in aduersis me libentissimè subdo, non meam sed eius gloriam quærens, eo statu rerum contentus, quem eius prouidentia ab æterno decreuit. Omnis turbatio hominum, & omnis anxietas ex eo nascitur, quod se subijcere Diuinæ voluntati, aut nesciunt, aut nolunt. *Magna autem pœna, & intolerabilis illis est, qui hoc esse nolunt quod sunt.*

### §. XIII.

#### *Utilitas solitudinis.*

**A**D exteriorem, & interiorem hominis compositionem inæstimabilis momenti est, corpore, & animo solitarium esse, & proprium fundum colere



colere in silentio. Ideo vir sapiens fugit hominum consortium, odit multiloquium, cumctis curiositatibus oculos, & aures claudit, non se negotijs immiscet, sapientissimi viri sententiam in mente habens: *Qui minoratur actu percipiet sapientiam* (Ecol. 38. 25.) Deus vnus, & solus est, nec ipsum reperire potest, qui solus non est. Quod si necessitas, Deique gloria cogant aliquando virum sapientem exterioribus occupari, spiritus tamen ad interiorem recessum, veluti ad suum centrum tendit, ita vt magis in eo sit quàm in opere exteriori, seruata inter negotiorum curas mentis tranquillitate. Licet illi quacumque hora voluerit in animum suum secedere, in quo summam quietem reperit, benè omnibus intus compositis. Qui verò occupatur in circumferentia, & extremitate creaturarum, ad centrum suum, quod est Deus, nunquam perueniet. Imperitis, & insipientibus poena grauissima est, paucis horis secum viuere, & sibi attendere. Ideo omnem curam, & industriam ad hoc applicant, vt sui obliuiscantur, & pretiosissimum tempus inutiliter prodigant. Eius maximam partem vsurpant sibi vitæ huius necessitates, quod verò reliquum est, tanta illos molestia vexat, vt sollicitè quærant, quomodo illius iacturam faciant. Timent nimirum, ne, cum soli  
sunt,

sunt , de se cogitare cogantur : nihil enim in se reperiunt quod sibi placeat , & à seria sui consideratione auertunt se , solatia quærentes in creaturis , quia in se nihil inueniunt , nisi molestiam , tadium , & perpetuam agitationem. Fugiunt itaque à seipsis , quia animam suam non vident qualem desiderant , sed nudam , deformem , plenam miserijs , onustam peccatis . Non igitur mirari oportet , quod pauci sint , qui ferre possint solitudinem , & ferè omnes turbas , negotia , & multitudinem obsidentem quærunt , & amant : & si hæc desint , se infelices arbitrantur : semperque rei ipsa infelicissimi erunt , donec discant secum viuere , & in seipsis , atque in Deo requiescere . Docuit nos Dominus paucos electos esse , cùm multi sint vocati , vt discamus declinare à multis , & cum paucis viuere , atque etiam inter paucos timere , quia nemo scit in quantam paucitatem electi redigantur .

#### §. XIV.

*Quantum noceant diuitia , & quomodo illarum amorem compescere oporteat .*

**Q**uam sit perniciosus amor diuitiarum , & quantum Christianis moribus ,



bus , ac æternæ salutis adversetur ;  
 discipulos suos Redemptor noster  
 edocuit , cùm præmissò iuramen-  
 to , ut in rebus gravissimis consue-  
 verat , ait : *Amen dico vobis , quia*  
*dives difficile intrabit in regnum ca-*  
*lorum* ( *Matth. 19. 23.* ) Et quò al-  
 tius hæc terribilis sententia audien-  
 tium cordibus infingeretur , rei dif-  
 ficultatem exaggerans adjecit : *Fa-*  
*cilius est camelum per foramen acus*  
*transire , quam divitem intrare in*  
*regnum coelorum* . Porta siquidem  
 celestis patriæ angusta est , nec re-  
 cipit diuitiarum sarcinis onustos .  
 Opes itaque , & pecuniam ità dilige-  
 re debemus , sicut ægrotus ama-  
 ram potionem , quam ut amaram  
 averfatur , amat ut necessariam ad  
 pristinam valetudinem recuperandam .  
 Et ipsa quidem valetudo , cùm finis  
 sit , propter se amatur , & sine men-  
 sura : pharmacum verò tantum dili-  
 gitur , quantum satis est ad valetudi-  
 nem , nec ullus æger reperitur , qui ma-  
 gnâ pharmacorum copiam appetat ,  
 sed vnicum , idque si fieri possit in mi-  
 nima quantitate , quam etiam prorsus  
 reiiceret , si posset absque medicamine  
 sanus fieri . Eodem animo erga di-  
 vitias esse debet omnis Christianus , ut  
 sint nostræ peregrinationis subsidia ,  
 non

non irritamenta cupiditatis; ut, quantum in ipso est, sine illis vivere cupiat; nam sicut ait Apostolus: *magnus questus est pietas cum sufficientia* ( 1. Tim. 6. 6. ) Sanctus quoque senex Tobias monita salutis tribuens filio suo: *Noli, inquit, timere fili mi, pauperem quidem vitam gerimus, sed multa bona habebimus, si timuerimus Deum, & recesserimus ab omni peccato* ( Tob. 4. 23. ) Verè dives ille est, qui est dives æternitati, qui non opum, sed virtutum fructus recondit. Studium congerendæ pecuniæ vix esse potest sine peccato, carnis siquidem & oculorum concupiscentia, atque superbia vitæ hominem vehementissimè afficiunt: & quia pecuniis, quibus omnia obediunt, facile consequimur quidquid appetimus, amor divitiarum hac æstimatione ardentissimus est, & ad omne scelus impellit, dummodò quocumque modo arcam nummis impleamus. Sicut pueri, cum testis ludu summa attentione ludo incumbunt, testas verò negligunt: ità nos debemus vitæ curam habere, ad quam opes necessariae sunt, ipsas verò negligete & ab his affectum avellere: nam si mens illis adhæreat, terræ affigitur, & depri-mitur, & in vilissimam servitutem redigitur. Sicut etiam pueri, cum nuces proiciuntur, eas avidè rapiunt, & pro  
ijs



timebamus, huius molestiam, & illius  
iucunditatem vel minui vel prorsus  
evanescere. Opinio item non solum  
operatur, ut quod futurum est, præsens  
fiat, sed insuper in vnun redigit  
quæ per partes, & diverso tempore  
eventura sunt, totamque vim suam in  
momento exercet: Quis honorem, lau-  
dem, æstimationem hominibus præbet,  
eorumque operibus, nisi sola opinio?  
Totius orbis diuitiæ, & dignitates vni  
collatæ non sufficiunt, ut his conten-  
tus sit nisi opinio consentiat. Aman pri-  
mus erat in regno Assueri, & opes im-  
mensas possidebat, & nihilominus opi-  
nionem suam infelicissimus se nihil habe-  
reputabat, quia homo quidam capti-  
vus ingredienti palatium ei non assur-  
gebat. Est & aliud maximum malum  
opinionis; nam præsens tempus in lon-  
gum extendit, & auget, ac si nun-  
quam morituri finis: æternitatis verò  
interminabilē durationem defectu con-  
siderationis ita contrahit ac minuit, ut  
de nihilo æternitatem, de æternitate  
nihilum faciat. Ipsa quoque vitia &  
peccata non ratione, sed opinione  
metimur: ex quo fit, ut plerique,  
dum vitium aliquod vitant, in contrari-  
um currant. Sic exhorrens avaritiam,  
fit prodigus: inquietus fit, cuius pigri-  
tia reprehenditur: ad timiditatem decli-  
nat, cuius audacia arguitur. Provenit

tandem ex opinione, quod de nobis ipsis non ex veritate, non ex sincero propriæ conscientiæ testimonio: sed ex falsa hominum existimatione iudicemus. *Tanta est vanitas, & amentia nostra, ut ea vita minimè contenti, quæ in nobis ipsis viuimus, aliam chymæricam, & inanem quæramus in ideæ, & opinione aliorum, qui nos sæpe, nec cognoscunt, nec diligunt, & quorum iudicia ipsimet aliquando contempsimus. Sic vera vita neglecta, illam ornare, & conseruare nitimur, quæ ab alijs pendet, adeò ut ipsum scire nostrum nihil esse reputetur, nisi nos scire ceteri sciant. Ab his autem erroribus, & illusionibus, nulla ratio liberare nos valet, nisi Diuina gratia mentibus nostris verum lumen infundat. Vera enim vel falsa cuiusque opinio est, prout vero vel falso lumine imbuatur.*

## §. XI.

*Scientiam Salutis plerique  
contemnunt.*

**B**ona est omnis scientia, quæ veritati consentit, sed qui satagit salutem suam cum timore, & tremore operari, ea prius, & diligentius scire curat, quæ sunt viciniore salutis, quia



tempus breue est. Nihil prodest homi-  
ni multa scire, si sciendi ordinem, &  
modum neglexerit. Sententia Iacobi  
Apostoli est: *Scienti bonum facere, &  
non facienti peccatum est illi* (Iac. 4. 17.)  
Ac si diceret, sumentis cibum, & non  
digerenti perniciosum est ei. Cibus  
enim indigestus non nutrit, sed nocet:  
ita, & multa scientia sine delectu ani-  
mæ ingesta, nisi igne Charitatis con-  
cocta fuerit, ac in mores transfusa, in  
prauos, & noxios humores conuertitur,  
& desinit in damnationem. Duo sunt,  
de quibus homo, dum in hoc mundo  
peregrinatur, sollicitus esse debet, vt  
vitam scilicet animæ, quæ in gratia Dei  
consistit, & vitam corporis conseruat.  
Sed vitam animæ plerique spernunt,  
omnisque scientia, & intentio eorum,  
atque omne studium ad vitam corporis  
dirigitur, & in ea incundè transigen-  
da versatur. Idcirco tenebris, & cali-  
gine multa obcæcati post concupiscen-  
tias suas præcipiti cursu festinant, car-  
nis quidem prudentia præditi, sed scien-  
tia iustorum destituti. Quod si homini-  
bus odibilis est, vt Sapiens ait, qui so-  
phisticè loquitur (Eccl. 37. 23.) multò  
magis isti Deo odibiles sunt, qui sophi-  
sticè viuunt, non solum in verbis, sed  
etiam in vita mendaces. Scientiam Dei,  
quam non habent, ostentant, & scire  
vias eius volunt, ac si iustitiam quære-  
rent,

rent , à qua maximè alieni sunt , aliorum defectus vident , non suos : alios corrigunt , non se ipsos : aliena curant , non sua : cùmque vitijs pleni sint , virtutes , quibus carent , detestabili simulatione prædicant : mala verò , quibus abundant , sagaciter abscondunt . Sed Deum fallere nequeunt , cuius lumen sole lucidius intimos cordis recessus penetrat , & illuminans abscondita tenebrarum , quidquid in eo latet , in novissimo die manifestabit . Atque utinam in hac æterna , & splendidissima luce suas , quisque maculas , & imperfectiones perspiceret , facillimùm cuique esset illas eluere , & emendare , Cùm enim defectus nostros vel in se ipsis , siue in nostræ cognitionis caligine , vel in splendoribus Diuinarum perfectionum intueri possimus ; prima cognitio hibernæ diei frigidæ , & obscuræ similis est : altera diei æstivæ feruidæ , & lucidissimæ comparatur , quæ suo fulgore minimas , ac ferè imperceptibiles animæ sordes detegit , ignemque accendit , quo comburuntur . Hoc autem lumen videre non potest , & ad Deum ire qui à se non exit . *In solo Deo veritas est , & solida scientia : extra illum nihil est nisi ingens fabula , & mendacium , atque stultitia ,*



## §. XII.

*Damna propria voluntatis.*

**Q**Uæcumque hic facimus propria voluntate Diuinæ contraria, ligna sunt igne inextinguibili in futuro sæculo comburenda. Et enim infernus nihil aliud est quàm propria voluntas, quæ si non esset, nec infernus, nec demones essent. Propterea omne malum, omnisque calamitas infelicitum damnatorum propria voluntas est, quæ Diuinæ peruicaciter aduersatur. Ira etiam in hoc mundo, quò minus homo propriæ voluntati adhæret, eò magis ab inferno elongatur, æternæque felicitati appropinquat. Et si qui forent in hac vita propriæ voluntatis omnino expertes, hi sibi possunt regni cælestis possessionem certa spe polliceri. Quomodo autem propria voluntas deponi debeat, paucis verbis Christus docuit cùm dixit: *sequere me* (Matt. 8. 22. Marc. 2. 14) Cùm enim testatus sit se in hunc mundum venisse, non ut suam, sed ut Patris voluntatem faceret: ad hoc nostra voluntas inclinanda est, ut exuta omni proprietate, Christi crucem amplectatur, naturæ amaram, spiritui dulcissimam. Hoc nimirum à nobis exigit Christiana professio, ut Christi exemplo in omni

omni opere, & euentu dicamus, *non mea, sed Dei voluntas fiat*. Hoc requirit Suprema, & æterna voluntas, quæ omnes voluntates creauit, & conseruat, vt ad solum eius obsequium, & beneplacitum omnia opera nostra, omnia verba, & cogitationes dirigantur. Vera potitur libertate, qui in omni euentu sic ex animo loqui potest: Ita Pater, quoniam sic fuit placitum ante te. Ego nihil volo nisi quod vult Deus. Ille sapienter disponit omnia, eiusque dispositioni tam in prosperis, quam in aduersis me libentissimè subdo, non meam sed eius gloriam quærens, eo statu rerum contentus, quem eius prouidentia ab æterno decreuit. Omnis turbatio hominum, & omnis anxietas ex eo nascitur, quod se subijcere Diuinæ voluntati, aut nesciunt, aut nolunt. *Magna autem pœna, & intolerabilis illis est, qui hoc esse nolunt quod sunt.*

### §. XIII.

*Utilitas solitudinis.*

**A**D exteriorem, & interiorem hominis compositionem inæstimabilis momenti est, corpore, & animo solitarium esse, & proprium fundum colere



colere in silentio. Ideò vir sapiens fugit hominum consortium, odit multiloquium, cumctis curiositatibus oculos, & aures claudit, non se negotijs immiscet, sapientissimi viri sententiam in mente habens: *Qui minoratur actu percipiet sapientiam* (Ecol. 38. 25.) Deus vnus, & solus est, nec ipsum reperire potest, qui solus non est. Quod si necessitas, Deique gloria cogant aliquando virum sapientem exterioribus occupari, spiritus tamen ad interiorem recessum, veluti ad suum centrum tendit, ita vt magis in eo sit quàm in opere exteriori, seruata inter negotiorum curas mentistranquillitate. Licet illi quàcumque hora voluerit in animum suum secedere, in quo summam quietem reperit, benè omnibus intus compositis. Qui verò occupatur in circumferentia, & extremitate creaturarum, ad centrum suum, quod est Deus, nunquam perueniet. Imperitis, & insipientibus poena grauissima est, paucis horis secum viuere, & sibi attendere. Ideò omnem curam, & industriam ad hoc applicant, vt sui obliuiscantur, & pretiosissimum tempus inutiliter prodigant. Eius maximam partem vsurpant sibi vitæ huius necessitates, quod verò reliquum est, tanta illos molestia vexat, vt sollicitè quærant, quomodo illius iacturam faciant. Timent nimirum, ne, cum soli  
sunt,

sunt , de se cogitare cogantur : nihil enim in se reperiunt quod sibi placeat , & à seria sui consideratione auertunt se , solatia quærentes in creaturis , quia in se nihil inveniunt , nisi molestiam , tadium , & perpetuam agitationem . Fugiunt itaque à seipsis , quia animam suam non vident qualem desiderant , sed nudam , deformem , plenam miserijs , onustam peccatis . Non igitur mirari oportet , quod pauci sint , qui ferre possint solitudinem , & ferè omnes turbas , negotia , & multitudinem obsidentem quærunt , & amant : & si hæc desint , se infelices arbitrantur : semperque rei ipsa infelicissimi erunt , donec discant secum viuere , & in seipsis , atque in Deo requiescere . Docuit nos Dominus paucos electos esse , cùm multi sint vocati , vt discamus declinare à multis , & cum paucis viuere , atque etiam inter paucos timere , quia nemo scit in quantam paucitatem electi redigantur .

#### §. XIV.

*Quantum noceant diuitiæ , & quomodo illarum amorem compescere oporteat .*

**Q**uam sit perniciosus amor diuitiarum , & quantum Christianis moribus ,



non irritamenta cupiditatis; ut, quantum in ipso est, sine illis vivere cupiat; nam sicut ait Apostolus: *magnus questus est pietas cum sufficientia* ( 1. Tim. 6. 6. ) Sanctus quoque senex Tobias monita salutis tribuens filio suo: *Noli, inquit, timere fili mi, pauperem quidem vitam gerimus, sed multa bona habebimus, si timuerimus Deum, & recesserimus ab omni peccato* ( Tob. 4. 23. ) Verè dives ille est, qui est dives æternitati, qui non opum, sed virtutum fructus recondit. Studium congerendæ pecuniæ vix esse potest sine peccato, carnis siquidem & oculorum concupiscentia, atque superbia vitæ hominem vehementissimè afficiunt: & quia pecuniis, quibus omnia obediunt, facilè consequimur quidquid appetimus, amor divitiarum hac æstimatione ardentissimus est, & ad omne scelus impellit, dummodò quocumque modo arcam nummis impleamus. Sicut pueri, cum testis ludæ summa attentione ludo incumbunt, testas verò negligunt: ita nos debemus vitæ curam habere, ad quam opes necessariae sunt, ipsas verò negligete & ab his affectum avellere: nam si mens illis adhæreat, terræ affigitur, & deprimatur, & in vilissimam servitutem redigitur. Sicut etiam pueri, cum nuces proiciuntur, eas avidè rapiunt, & pro  
ijs

ijs colligendis secum decertant ; viri autem eas spernunt : eodem modo vir iustus , & timens Deum , si aurum , argentum , dignitates distribuuntur , viderint inquit pueri , mihi hæc omnia nuces sunt . Si alio proficiente in sinum meum nux inciderit , forsitam accipiam , & fractam comedam : at nunquam me inclinabo , nec alium evertam , vt tollam , quia nux tanti non est . Nec tanti sunt omnia exteriora , quæ in bonis non esse habenda fides docet . Filius Dei factus homo diuitias habere noluit , vt à nobis contemnendas esse ostenderet . Ideò filij huius sæculi , qui spernere eas nolunt , Christum spernunt : filij autem Dei illic opes reponunt , *ubi neque arugo : neque tinea demolitur , & ubi fures non effodiunt , nec furantur .*

In hoc mundo satis est diues , qui pane non indiget .

## §. X V.

### *De vsu diuitiarum .*

**Q**uis sit proprius , & legitimus diuitiarum vsus , pauci considerant : subsidia enim sunt humanæ vitæ , quas vir probus sine alicuius iniuria congregat , sine affectu possidet , sine anxietate conseruat , sine molestia erogat , & in



in usus necessarios honestè expendit. Cuiusque autem necessitas ex proprii status conditione æstimanda est. Cum enim aliqui superiores sint, alij inferiores: quidam nobiles, alij ignobiles: hinc sanè fit, vt in gradu sublimiori constitutis plures opes sint necessariae, vt honorificent ministerium suum: alijs verò pauciores sufficiant. Omnes autem bonorum suorum administratores sunt, quibus intra meram Christianæ modestiæ tanquam fideles dispensatores pro se vti, & quæ supersunt egen-  
tibus largiri debent. Rerum nostrarum verus Dominus est Deus, nos oekonomi sumus, qua consideratione etiam in affluentia diuitiarum voluntariam paupertatem exemplo Sanctorum obseruare valemus, illud præstantes, quod scriptum est: *Diuitiæ si affluant, nolite cor apponere* ( *Psalm. 61. 11* ) Natura aurum abdidit in visceribus montium, & in profundis, atq; inaccessis fodinis: & ideo auari qui aurum quærunt, & diligunt, nusquam ad cælum oculos eleuant, sed ad terram proni sunt, in qua latet aurum, nec vnquam ab illa emergunt. Sapiens verò rerum omnium interitum breui futurum mente, & spiritu præueniens, à rebus infimis auulsum cor cœlestibus applicat, vbi veræ sunt, & in æternum duraturæ diuitiæ: illic honorari desiderans, vbi nemo indignus

Nono.

honoratur: ibi regnare optans, vbi adepto regno nihil timetur. Omnia, quæ in terris possidet, immolat Deo, paratus his carere, si Deus voluerit. Porro cor nostrum alienum esse à divitiis facile his indiciis cognoscemus: si firmiter credamus eas onus esse, earumque pondus sentiamus; si fastidio nobis sint, atque illis carere sine dolore possimus; si de illarum possessione non gloriemur: si persuasum nobis sit, pretiosam supellectilem, magnificas aedes, & reliqua eiusdem generis, propter quæ opes comparantur, nihil aliud esse quàm trophæa humanæ vanitatis, & salutis impedimenta. Nihil turbare nos poterit, si liberi fuerimus ab omni opum affectu. Securus est, qui nihil potest amittere. Quemadmodum præstabilius est in angusto cubili benè valere, quàm in amplo thalamo ægrotare: sic præstat in paupertate tranquillè vivere, quàm in multis opibus moestum esse. *Animus sua sorte contentus beatus est.*

## §. XVI.

*Qui sint pauperes spiritu.*

**R**egni cœlestis possessionem in paupertate spiritus constituit Christus cum dixit; *Beati pauperes spiritu quoniam*



*niam ipsorum est regnum cœlorum* (Matth. 5. 3. ) Verè autem pauper spiritu ille est, qui nec diuitias desiderat, nec in his pacem habet: in cuius possessionibus, & desideriis nihil est quòd demi possit: qui multò maiori anxietate metuit, ne dives fiat, quàm filii huius sæculi incidant in paupertatem: qui super omnia creata in sublime elatus è superiori parte spiritus sui sic loqui potest. Dives sum ego Dei gratia, & abundo, quia iam habeo quod concupisco, & hoc ipsum quod habeo sine adhesionem possideo, atque illo carere possum sine dolore, & detrimento. Veritas incommutabilis in me manens ineffabiles divitias suas ostendit mihi, quarum possessione beatus sum. In ea veritate omnia continentur, & ultra ipsam nihil requiro. Ibi clarissimè perspicio, quod ex me nihil habeo, nihil sum, nihil possum. Ibi clamat Veritas voce terribili, vt omnia inferiora quæ per se vera, & per se bona non sunt: & quæ non sunt vnum cum ipsa, nullo modo audeant ad me accedere, aut animæ facultatibus aliquam sui speciem ingerere. Ibi video & cognosco omnia nihil esse, nihilque mihi contingere posse, nisi ipsa sempiterna veritas permittat, ipsa nimirum æterni Patris æterna providentia, quæ me nudum in hunc mundum de utero matris

eduxit, & nudum inde extrahet in sinu terræ sepeliendum tempore præfinito. Hæc ex sublimi scientia Sanctorum è throno Altissimi infusa verè, & ex animo effantur veri pauperes spiritu, & ideò ipsorum regnum cœlorum esse Christus asseruit, quia nihil in eis, quod terram sapiat, reperitur. Atque utinam hanc veritatem omnes Christiani benè perciperent, nam perituras Mundi diuitias nemo quæreret, nemo diligeret: sed sicut pauci sunt electi, ita pauperes spiritu pauci sunt. Dicit Scriptura, beatum illum esse, qui post aurum non abiit, nec sperauit in pecunia, & thesauris: & quia paucorum hæc virtus est, subdit: *Quis est hic, & laudabimus eum? fecit enim mirabilia in vita sua (Eccl. 31. 8.)* Verè siquidem mirabile est hominem reperire, qui nihil eorum concupiscat, quæ mundus admiratur, cui paupertas diuitiæ sint, qui vitæ humanæ subsidijs ea moderatione utatur, quam Lex æterna præscribit, atque omnia exteriora ita possideat, ac si sua non essent. Ideò pauci omnino sunt, qui ad hanc perfectionem perueniant, quia vitam, eiusque commoda, quæ diuitijs parantur, pauci sunt qui negligant, pauci qui Christo credant præcipienti, ut primò quæramus regnum cœlorum, nam cætera adiicientur nobis (*Matt. 6.*)



6.) Idem sermō admonuit nos, ne de cibo & potu, aut de vestimento solliciti simus, Pater enim cœlestis scit, quia his omnibus indigemus. Cur igitur Deo non credimus? cur de Patris providentia diffidimus? obstant nimirum, ne credamus vincula cupiditatis, quibus irretiti aures claudimus veritati, atque humi defixi oculos in cœlum tollere non valemus. Angustus admodum trames est, per quem veritas ducit hominem in cœlum. Hunc tenere non potest, nisi qui fuerit expeditus, & nudus. Locupletes autem ingentibus farcinis onerati per viam mortis incedunt, quæ latissima est. Quid ergo prodest cunctis sæculi opibus affluere, si diuitijs caremus, quæ permanent in æternum? Exules sumus, & peregrini, qui ad patriam pergimus. Iter autem agenti per loca angusta, & difficilia, minuenda sunt, non augenda impedi-  
menta.

## §. XVII.

*Quæ, & qualis sit obligatio faciendi eleemosynam.*

**D**iuitiæ, quæ ad vitam corporalem, & ad decentiam status necessariæ non sunt, sine periculo æternæ salutis

retineri vix possunt, & in vanos, ac profanos vsus expendi, illæ præsertim, quæ ex redditibus ecclesiasticis congestæ sunt, sed pauperibus subveniendis, vel ad honorem Dei erogandæ sunt. Laus omnis, & bonitas pecuniarum in vsu consistit, vitiosæ & inutiles sunt, cum in arca servantur, cum nihil ex illis cœlestibus thesauris infertur: cum soli possidenti serviunt: cum nec pauper auxilium, nec peregrinus solatium, nec alii subsidium percipiunt. Opes, possessiones, thesauri, & alia eiusdem generis bona ab hominibus vocantur, non quòd aliquem bonum faciant, sed quia ex his bonum operari possumus: piis enim largitionibus augetur Iustitia, sicut scriptum est: *Dispersit, dedit pauperibus, iustitia eius manet in sæculum sæculi* (Pj. 111: 9.) Salamon quoque ait: *Redemptio animæ viri divitiæ suæ* (Prov. 13. 8.) Et alio loco: *Ignem ardentem extinguit aqua & eleemosyna resistit peccatis* (Eccl. 3: 33.) Quemadmodum Christianæ fidei, & pietati nihil magis congruit, quàm egenorum paupertati succurrere, & propriæ conditionis in aliorum necessitatibus meminisse: ita nihil crudelius, & magis noxium, quàm necessaria, non solum egentibus, sed proprio etiam corpori subtrahere, ut congregentur opes, & hæredibus seruentur, qui illas brevi tempore dissipabunt.



pabunt. Sed multo maior, & numquam  
 satis deploranda calamitas est animam  
 suam perdere, vt alii diteſcant. Quo-  
 modo verò & quando lethalem cul-  
 pam incurrant, qui ſuperflua non ero-  
 gant, hic non diſputo: nam hoc ſpe-  
 ciatim determinare non eſt humanæ  
 ſcientiæ, ſed Chriſtianæ prudentiæ,  
 quæ docet vnctione magiſtra, quid &  
 quantum quiſque debeat ſibi adimere,  
 vt indigentis, vel graui, vel extremæ ne-  
 ceſſitati ſubueniat. Rurſum quæ ſit  
 grauis, aut extrema neceſſitas, hic  
 non exquiro: ſed audio Dominum ſi-  
 ne diſtinctione precipientem: *Quod  
 ſuper eſt date eleemoſynam.* ( Luc. 11. 41.  
 Audio Ioannem Baptiſtam, qui præ-  
 dicans pœnitentiam, & requiſitus à  
 turbis, quid illis faciendum eſſet,  
 reſpondit: *Qui habet duas tunicas det  
 non habenti, & qui habet eſcas, ſimili-  
 ter faciat.* Luc. 3. 10. Audio prophe-  
 tam pſallentem: *Beatus qui intelligit  
 ſuper egenum, & pauperem, in die  
 mala liberabit eum Dominus.* ( Pſ.  
 40. ) Audio Eſaiam qui ait: *Frangere  
 eſurienti panem tuum, & egenos, va-  
 gosque induc in domum tuam:  
 cum videris nudum, operi eum, &  
 carnem tuam ne deſpexeris.* Eſa.  
 58. 7. Audio ſanctiſſimum ſenem  
 Tobiam his verbis filium inſtruen-  
 tem: *Ex ſubſtantia tua fac eleemoſy-*  
 nam,

nam, & noli auertere faciem tuam ab ullo paupere: ita enim fiet, ut nec à te auertatur facies Domini. Quomodo poteris, ita esto misericors. Si multum tibi fuerit, abundanter tribue: si exiguum tibi fuerit: etiam exiguum libenter impertiri stude. Præmium enim bonum tibi thesaurizas in die necessitatis, quoniam eleemosyna ab omni peccato, & à morte liberat, & non patietur animam ire in tenebras (Toa. 4. 7.). Quid amplius dici potest? nam etiam de exiguo dandam esse eleemosynam monet, ut à peccatis, & à morte perpetua anima nostra liberetur. Sed, & Apostolus audiendus est, quem diligebat IESVS, sic fidelibus scribens: Qui habuerit substantiam huius mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in eo? (Ioan. 3. 17.). Quod si charitas non est in illo, erit concupiscentia mala, & partem habebit in futuro sæculo cum illo diuite, qui induebatur purpura, & bysso, & epulabatur quotidie splendide, negata Lazaro mendico alimonia de micis ab eius mensa cadentibus (Luc. 16.). Clamat intus conscientia, & magnis vocibus auarum diuitem interpellat dicens: cur pauperem esurientem à te repellis? Si non paupisti, occidisti. Panis qui tuis vîbus superest, esurientis.



tis est : nudi sunt vestes , quæ apud te  
marcescunt : egentis est aurum , quod  
in arca custodis. Christus in extremo  
iudicio æternis ignibus damnabit im-  
pios , quia misericordiæ opera indigen-  
tibus denegarunt : nam dicet : *esuriui ,*  
*& non dedistis mihi manducare : sitiui ,*  
*& non dedistis mihi bibere : nudus eram ,*  
*& non operuistis me ,* ( *Matt. 25. 32.* )  
nec ullam gravissimam , siue extremam ne-  
cessitatis mentionem facit . Vix enim  
totius vitæ decursu aliquis occurrit ,  
tanta pressus egestate , ut sine alterius  
ope vivere nequeat , nec alius inuenia-  
tur , qui ei velit , & possit opem ferre ,  
idque nobis certum sit . Rarò hæ con-  
ditiones concurrunt , & si istæ atten-  
dendæ forent , nullus ferè locus ele-  
emosynis relinqueretur . Danda igitur  
eleemosyna est , ex eo præcisè quòd  
quis superfluum habet : nam misERICOR-  
dia plenitudo virtutum est , nec , ut  
multi faciunt , ad vitæ finem differen-  
dæ sunt piæ largitiones ; longè enim  
minoris pretij apud Deum sunt quæ te-  
stamento legantur , quàm qua vivens ,  
& recipere valens pia liberalitate lar-  
gitur .

## §. XVIII.

*Patientia necessitas.*

**I**Nter ceteras Christianæ disciplinæ partes, quæ ad vitam æternam consequendam necessariae sunt, nulla melior, nulla utilior patientia, per quam homo Dei longanimitatem imitatur, qui tot mortalium sceleribus prouocatus patientissimè tolerat, neminem à suis beneficijs excludit, solemque suum oriri facit super iustos, & iniustos. Patientia iram temperat, linguam frænât, mentem regit, pacem custodit, impetum frangit, simulates extinguit, fastum comprimit, mundum vincit, carnem coercet, facit humiles in prosperis, in aduersis fortes, mites in contumelijs, tentationes expugnat, persecutiones sustinet, vitam perficit, & coronat. Ut nihil malorum fiat, hæc sola efficit, qua si omnes præditi essent, nullum scelus, nulla fraus in rebus humanis foret. In hoc sapiens, ac bonus vir à malis, & insipientibus differt, quia habet inuictam patientiam, qua illi carent. Magna itaque virtus est tolerantia, omnibus vitijs, & affectibus opposita, propter quàm vir iustus varijs aduersitatibus à Deo probatur, ut mala,



la, quæ inferuntur aut accidunt, æquanimitè ferre, sibi què imperare, ac se regere discat. Nam quia naturæ repugnare non possumus, nec impedire ne animus laceffit iniuria commoveatur, hæc virtus necessaria est, quæ animum fluctuantem contineat, ne profiliat ad nocendum, atque hominem sibi reddat infensum. Ipsimet Philosophi maximis laudibus patientiam commendarunt, omnem sapientiæ suæ ostentationem ex ea proferentes: sed apud illos, sicut falsa sapientia, ita falsa patientia fuit: Deum enim ignorantes tantum à vera sapientia aberant, quantum ab eius auctore distabant. Nos autem Christo docente didicimus, oportere nos per multas tribulationes introire in regnum Dei, & hæc est vera sapientia scire Christum, & hunc crucifixum, eiusque crucem diligere, & alacriter ferre. Nam cum debeat Christiani vita Christi patientis redhibitio esse, qui crucem auersatur Christianus non est. Nemo speret se futurum sine flagello: flagellat enim Deus omnem filium quem recipit: nullus excipitur, etiam vnigenitus Filius, qui solus fuit sine peccato, non tamen fuit sine flagello: nam oportuit eum pati, & ita intrare in gloriam suam. Vnusquisque hominum pœnis, & malis huius vitæ, aut exercetur ad purgationem, aut admone-

tur

tur ad conuersionem. Quantumcunque  
verò quis patiatur, ad Christi tormen-  
ta, ad eius ignominiam, & crucem nun-  
quam perueniet.

## §. XIX.

*Aduersitates exercenda virtutis  
occafio sunt.*

**V**ita nostra via est, qua ad patriam  
pergimus. Nulla viæ conditio il-  
li deest. Itur aliquando per plana, ali-  
quando per aspera: sunt loca amœna,  
sunt senticosa, sunt prærupta, & inac-  
cessa. Aliquando turbæ comprimunt,  
mox solitudo est. Sunt à bestiis peri-  
cula, sunt à latronibus. Nunc pluit.  
nunc sudum est. Oppositiones, & ad-  
uersitates vbique sunt, atque etiam in  
ordine gratiæ locum habet cuiusdam  
Philosophi sententia: *omnia fieri secun-  
dum litem*. Virtus enim non acquiritur  
sine opposizione, nec potest homo  
agnoscere quantum fortitudinis habeat,  
si desint aduersitates, & tribulationes.  
Si quis stultorum vocibus, quorum im-  
mensa turba est, ad cœlum extolleretur,  
si nemo illi auderet contradicere,  
si mensa illi pretiosis dapibus affluens  
sterneretur, si res eius familiaris fide-  
liter administrata. magnis sumptibus  
idonea



idonea foret, si ædificiorum excelsæ  
 moles habitaculum illi præberent; si  
 omnes in illum honores, omnes digni-  
 tates, omnes delitiæ confluerent: quis  
 esset adeò facundus, & eloquens, ut  
 illi persuadere posset inania esse hæc  
 omnia, quæ vulgus bona vocat, mala  
 autem huius vitæ Dei beneficia esse,  
 quibus nos præparat ad æternam beati-  
 tudinem consequendam? Ideò electos  
 suos exeret Deus aduersitatibus, ut pro-  
 pria experientia discant, quàm fluxa, &  
 fragilia sint, quàm plena miserijs quæ-  
 cumque mortales bona esse arbitrantur:  
 & è contrario quàm bona sint, quæ ho-  
 mines mali, mala esse credunt, ac si  
 nihil pati, maximum sit hominis bo-  
 num. Sapientis igitur est inter omnia  
 contraria, & obstantia Diuinæ prou-  
 dentia læto animo obsequi, & cor suum  
 eo loco figere, vbi nulla perueniunt vitæ  
 huius incommoda. Sciant homines  
 mali aduersus bonos quantum voluerint  
 quantum permisi fuerint: irruant in  
 eos agmine facto cunctæ calamitates,  
*non contristabit iustum quidquid acciderit  
 ei (Prov. 12. 21.)* Talem virum nec fe-  
 licitas corrumpit, nec frangit aduersi-  
 tas; dicit enim in omni euentu: *Planè  
 hæc est infirmitas mea, & portabo illam  
 (Jerem. 10. 19.)* Sic debet fieri, sic volo  
 ut fiat. Omnis creatura velit nolit, vni  
 Deo subiecta est: sed alij obediunt ut  
 filij,

filij, & faciunt quod iustum est; alij patiuntur vt servi, & fit de illis quòd iustum est. *Nemo Dei leges euadit, aut facit homo quòd lex iubet, aut patitur quod lex decernit.*

## §. XX.

*Patienter ferenda quæ quotidie  
occurrunt.*

**M**ulti sunt, qui graues sibi cruces, & tribulationes euenturas fingunt, quas patientissimè ferre proponunt, & hac rerum, quæ nunquam erunt, inani specie delusi eximum patientiæ actum se exercuisse arbitrantur: cùm interim multo minores cruces, easq; præsentis totis viribus fugiant, & abominentur. Tollendus hic error est, & solerter aduertendum in magnis rarissimè, in minimis frequenter adesse patientiæ occasionem, quæ quotidie, ac omni ferè momento exerceri potest, aliena mala tolerando, propria corrigendo. Libentiùs autem ea crux amplectenda, quam Deus immittit, nam quæ propria voluntate assumitur, non semper à Deo est. Sicut gaudent infirmi, cùm in medicum peritum incidunt, qui lethalem corporis ægritudinem curare sciat, & velit: ita nos calumnijs  
iniu-



iniurijs, alijsq; molestijs laceffiti gaude-  
bimus, & exultabimus, quod aliquis  
reperitus sit, cujus opera, animæ nostræ  
vulnera sanentur, & summis apud  
Deum opibus locupletemur. Quidquid  
verò evenerit, libenter amplectemur,  
placet enim quod liber, & ea dumtaxat  
molesta sunt, quæ non libent. Qui vo-  
lens, & lubens patitur, & minus pa-  
titur, & meritum auget. Nec obest  
reluctantis naturæ repugnantia, dum-  
modò contrarii motus ad partem ratio-  
nalem, in qua meriti, & demeriti sedes  
est, non perveniant, imò hæc obnita-  
tur, Deique opem ferventi oratione  
deposcat. Quòd si murmuraverit, si  
conturbetur, si omiserit quæ proprii  
muneris sunt, signum erit voluntariæ  
rebellionis, quandoquidem ad ea im-  
pellit, quæ non nisi deliberato animo  
fieri possunt. Virtutes, quæ in actione  
consistunt, facile exercentur: at, quæ in  
tolerantia versantur, difficilimæ sunt,  
quia illarum usus extra nos est, istarum  
in nobis: illis natura consentit, istis re-  
pugnat. Cæterùm moderatè, & toleran-  
ter ferendi propter Deum quæcumque  
adversa singulis diebus contingunt, exē-  
plum præbent milites, quorum toleran-  
tia incredibilis est. Nam quæ itinera,  
quæ frigora, quos soles, quantas ne-  
cessitates, quæ vulnera, quæ pericula  
patiuntur, & hæc omnia hilari ani-  
mo,

mo, vt paucos dies senectutis quietos habeant, ad quos nesciunt vtrum peruenient? Nos verò pro æterna requie breuissimi temporis laborem non sustinebimus? *Tolerabilia, & leuissima fient quacumque patimur, si pramium consideremus, quod Deus promisit.*

## §. XXI.

### *Gaudendum in tribulationibus.*

**S**icut in ædificio plus operis, & sectionis vni saxo, quàm alteri adhibetur, iubente, & disponente architecto, qui vnum præ altero nobiliori loco destinauit. sic à Dei arbitrio petenda est ratio, cur vnus grauiora, alter minora patiatur aduersa: vnicuique enim propriam crucem tribuit Deus singulorum viribus æquam, & parem gloriæ, ac coronæ, quam singulis præparauit. Sicut igitur marmor, si compos rationis foret, sculptoris ictus patienter ferret, & gratias ageret: ita nos gaudere oportet, quod varijs tribulationibus, quasi quodam scalpello nos Deus expolire dignetur, vt sublimiori loco in domo eius collocemur. Castigat ille quos amat, ne mundi prosperitate corrupti, à via salutis aberrant. Ideò mali homines bonis sunt necessarii, vt  
per



per illos tanquam Dei ministros, exerceantur, & ad virtutem assiduis afflictionibus obdurentur. Quod cum verisimium sit, ille affectus erga aduersarios induendus est, quem erga Semei sibi maledicentem Sanctus rex David ostendit dicens: *Dominius praecepit ei, ut malediceret David, & quis est qui audeat dicere, quare sic fecerit?* ( 2. Reg. 16. 10. ) Nemo enim malum inferret, nisi Deo volente, & permittente: nec ille vellet, aut permetteret, nisi ad maiorem sui gloriam, & salutem nostram. Porro in malis, quibus vexamur, non à creaturis solatium petendum est, sed à solo Deo, qui prima causa omnium poenarum est. Nam vera consolatio non nisi in veritate reperitur, quæ Deus est. Hæc docet nos tribulationem necessariam esse, & cum gaudio suscipiendam veluti arrham, & pignus Diuinæ erga nos dilectionis. *Omne gaudium*, ait Iacobus Apostolus, *existimate fratres mei, cum in tentationes varias incideritis, scientes quod probatio fidei vestra patientiam oportatur, patientia autem opus perfectum habeat* Iac. 1. 2 Insidiæ, calumniæ, persecutiones, & alia mala huius vitæ, maximum bonum sunt, & maximè diligendum, quia in illis nihil est boni, nihil amabile præter Diuinum beneplacitum, ad quod tanquam ad primum principium cuncta reuorari de-

debent , quæ carni , & sanguini molestæ sunt . Iniquo iudici Pilato dixit Christus : *Non haberes potestatem aduersum me ullam , nisi tibi datum esset desuper . Ioan. 19. 11.* Hac agnita in omni euentu potestate , absque vlla difficultate mentis tranquillitas conseruatur . Quæcunque nos angunt , si extra Deum considerentur , mille phantasmata , & distractiones pariunt . Cùm enim extra centrum suum trahuntur , incipiunt grauiæ esse , multaque suggerunt phantasie præterita , præsentia , & futura , quæ nunquam fuerunt , nec sunt , nec erunt : atque hinc oriuntur angustie cordis , noctes insomnes , & curæ insanabiles . Quòd si quis asuescat omnia in Deo conspicerè , & ad ipsum referre , semper hilaris , & immotus dicet in omni euentu cùm *S. Iob : Sicut Domino placuit ita factum est , sit nomen Domini benedictum : Iob. 1. 21.* Deus qui me affligi permittit , mei curam gerit infinità charitate . Ipse me cruci affixit , in qua constanter permanebo , donec ipse me deponat ,



§. XXII.

*Toleranda detractiões.*

**S**I magis angimur propter ea, quæ de nobis perperam loquuntur homines, quàm propter peccata, quæ sola nos cruciare debent, manifestè conuincimur, quòd nos ipsos magis amamus, quàm Deum. Infinitæ, & horribiles sunt blasphemix à perditis mortalibus contra Deum prolatae, & ille hos tolerat, suorumque donorum participes facit: nos autem repleti vitijs, & sceleribus, si quis nobis mala, quæ fecimus, exprobrauerit, excandescimus, & à nemine contemni volumus. Illud potius metuendum, ne immeritis laudibus extollamur, ne nimia nos felicitas à crucis Christi consortio, & ab eius gloria excludat. Si appenderentur veluti in statera quidquid meremur pro peccatis nostris, quidquid Christus pro nobis pertulit: in altera verò lance omnia tormenta, omnes iniuriæ, omnia dedecora ponerentur, hæc certè præ illis, ac si nullius ponderis forent, leuissima apparerent. Considerandum quoque est, quælibet ab alijs illata mala non ab inferentis, sed à patiētis affectu grauiā, vel leuiā cōstitui.

L

Nam

Nam qui hæc spernit, qui non acci-  
pit, qui vulnere superior est, nihil  
patitur. Non manus quæ tela vibrat  
vulnus facit, sed corpus quod pati-  
tur; nam si quis corpus adamanti-  
num haberet, licet innumeris vindi-  
que telis percuteretur, nullo vulne-  
re affici posset: ita iniuriæ, oblocu-  
tiones, & alia mala non à petulan-  
tium, & improborum insania læ-  
dendi vim habent, sed à Patientis  
imbecillitate. Beatus est, qui vitam  
suam ita disposuit, ut de illo quid-  
piam sinistra ne fingi quidem possit, pu-  
gnante meriti magnitudine aduersus  
malignantium obtestationes. Quod  
si hoc assequi non valemus, hanc  
saltem diligentiam vitæ nostræ adhi-  
bere par est, ut nemo in nobis detra-  
hendi occasionem inveniat, alioquin  
frustra detractoribus irascimur, si  
nos illis detrahendi materiam suppe-  
ditamus. Si verò nobis cuncta solici-  
tè ad honestatem providentibus, illi  
nihilominus insaniunt, consolari nos  
debet Redemptoris nostri semper me-  
moranda sententia: *Beatis estis cum*  
*dixerint omne malum adversum vos*  
*mentientes* ( *Matth. 5. 11.* ) Sentiant  
de nobis homines, & dicant quid-  
quid libet, beati erimus si nostra nos  
conscientia apud Deum non accuset.  
Fallaces, & mutabiles sunt homi-  
næ.



nun opinioniones , vna iudicia , quæ  
nec profunt nobis , nec obsunt . Si  
hominibus placerem , inquit Apostolus:  
*Christi seruus non essem.* ( Gal. I. 10. )  
Sed nec fieri quidem potest , vt quis  
omnibus placeat : nam velle suum  
cuique est , trahitque omnes diuer-  
sa , & vnumquemque sua voluptas ,  
& qui ab vno laudatur , ab alijs deri-  
derur . Quidam Philosophus dicen-  
ti sibi , omnes te derident , respon-  
dit ; at ego non derideor . Illos siqui-  
dem irrideri non posse indicabat , qui  
de risu non perturbantur .

### §. XXIII.

*Tam propria , quam aliena mala  
æquanimiter ferenda.*

**O**ptimum remedium est , in om-  
ni afflictione , & aduersitate à  
præsenti angustia mentem auertere ,  
& ad Deum conuertere : nostra quip-  
pe natura angorem suum conspiciere  
nequit sine affectu miserationis erga se  
ipsam . Tum quia omnis cruciatus ,  
& agritudo animi ex eo provenit ,  
quod rem , quam amamus , amitte-  
re timeamus ; efficacissimum omnium  
malorum alexipharmacum est illud  
solummodò bonum amare , quod

nulli subest mutationi, nec ab vlla creatura potentia auferi potest, aut impediri. Ab aliquo autem verbo, vel facto laxi, linguam omnino continere debemus, ne in verba erumpat animi commotionem indicantia: sicut enim languentis stomachi est, non posse cibum duriores concoquere: ita animi pusilli est, aspera verba ferre non posse. Dicebat quidam vir sanctus, se nullam vnquam habuisse adeo grauem afflictionem, quam tacendo non vicerit: nam quidquid sit quod cruciat, spretum exolefcit: si verò irascimur accepta iniuria, ea nos dignos fuisse testamur. Dignus est contemni, qui de contemptu dolet. Non tamen sufficit dolorem intus premere, & tacere, sed intus etiam se arguere oportet, & omni abiectioe dignum aestimare. Etenim vir sapiens, qui se attentius circumspicit, non considerat quid patiatur, sed quàm multa dignus sit pati propter peccata, quibus Deum offendit. Alios autem non iudicat, ne seipsum damnet, memor Apostoli dicentis: *In quo iudicas alterum te ipsum condemnas, eadem enim agis, qua iudicas. Rom. 2. 1.* neque offenditur ob exiguum proximi debitum ipse debitor decem millium talentorum. Insanus est, qui suo grauiori morbo, impatientia scilicet, & su.



superbia, alienum curare nititur. *Tu quis es, inquit Apostolus, qui iudicas alienum servum? Domino suo stat, aut cadit. Rom. 14. 4. Aut quomodo potes dicere fratri tuo, vt in Euangelio legimus, sine eijciam festucam de oculo tuo, ipse in oculo tuo trabem non videns. (Luc. 6. 42.) Solius Dei est aliena delicta iudicare, cuius est ea iustè punire, aut misericorditer curare. Ad nos autem spectat, ea si non possumus corrigere, & impedire: alioquin patienter ferre: nam si vitium displicet, illud prius in nobis emendandum est, quàm in alijs. Qualis Deus erga nos est, patiens scilicet, & misericors, tales nos alijs exhibere debemus.*

## §. XXIV.

### *Remedia impatientia.*

**M**ulta sunt negotia, & officia, quæ aggredi, & quibus fungi oportet: multa hominum contortia, quibus cogimur interesse: vixque fieri potest, vt omnia ex animi nostri sententia eueniant, & omnes nobiscum consentiant. Idcirco summa cura aduertendum, ne animi excussa tranquillitate in impatientiam labamur. Id autem assequemur, preparato, & præmunito  
ani.

animo earum rerum consideratione ,  
quæ in singulis negotijs , officijs , &  
congressibus contingere solent , nec  
possunt à nobis immutari , aut impe-  
diri . Nam si dura quæque , iniuncun-  
da , & molesta , quæ res ferè singu-  
las concomitantur , antea prævisa  
fuerint , & ad illa æquo animo fe-  
renda parati simus , omnem facile  
commotionem , & mentis agritudi-  
nem evitabimus . Hoc præcipuum  
opusest , cui sedulò incumbere oport-  
et , vt rebus scilicet exterioribus ,  
prout exigit earum natura , vtamur.  
Illarum autem natura fert , vt nobis  
seruiant , non dominantur ; vt mul-  
tis casibus obnoxia , & extra nostram  
potestatem sint : & ideo virum sapien-  
tem , sui que propositi tenacem , de so-  
lido mentis statu nunquam deiciunt .  
Siquiseum abducat , si facultates eri-  
piat , si dignitate priuet , si tormento-  
rum , vel mortis metum incutiat , non  
vincitur , non cedit , non læditur , quia  
dudum cogitavit , & didicit hæc om-  
nia extra se esse . Opiniones pertur-  
bant hominem , non res . Nemo an-  
gitur , nemo luget , nemo tremit , ne-  
mo expauescit , nisi qui appetit , aut  
timet aliquid , quod penes ipsum non  
est . Martyres Christi diuersis tormen-  
torum generibus dilacerati inter sati-  
gatos carnifices invictam animi pa-  
tientiam



scientiam constantissimè tenuerunt :  
ipsis quoque pueris , ac mulieribus , nec  
flagella , nec succensæ fornaces gemitus  
exprimere potuerunt . Verberari poterant , & occidi , non vinci :  
nam quæ tyranni dare poterant , vel  
auferre , ipsi spernebant , utpotè extra  
se posita . Virtutem verò animi nemo  
illis eripere potuit , quia extra regum ,  
& tyrannorum potestatem est .

## §. XXV.

*Propria Christianorum virtus  
humilitas .*

**C**lamat verbum Dei , fons Sapientia ,  
clamat omnium virtutum  
magister , & auctor , & dicit : *discite à me* ( *March. 11. 29.* ) Magnum aliquid  
audituri sumus , quis est enim qui dicit :  
*discite à me* ? Ille est qui fecit cœlum ,  
& terram , qui omnia produxit è nihilo ,  
qui dixit de tenebris lucem splendescere .  
Numquid docebit nos hæc eadem facere ,  
& nouum mundum creare ? sed solus Deus hæc facit .  
Dicit ergo , vt ab illo discamus quod ipse  
propter nos factus est : qui cum in forma  
Dei esset , semetipsum exinanivit formam  
serui accipiens , in similitudinem hominum  
factus , & habitu inuentus

ut homo ( *Philipp. 2.* ) Discire , inquit , à me non mortuos suscitare , uon dæmones expellere , non leprosos mundare , non cœcis lumen , surdis auditum reddere , non sicco vestigio pelagi vndas calcare , sicut quidam fecerunt , quibus hanc gratiam donauit : sed *descite à me quia mitis sum , & humilis corde* . Noluit docere , quod ipse non esset , noluit iubere , quod ipse non faceret . Ad hoc redigit omnes thesauros scientiæ , & sapientiæ suæ , ut disceremus ab ipso humiles esse . Adeo res magna est , & difficilis humilem esse , ut omnino disci non posset , nisi ab illo qui maximus est . Non enim posset humana superbia tumore deposito humilis fieri , nisi ab illo sanaretur , qui , cum Deus esset , *humiliauit semetipsum factus obediens usque ad mortem , mortem autem crucis* ( *Philip. 2.8* ) Est igitur humilitas propria , & præcipua Christianorum virtus , superbis Philoiophis ignota , quam præ cæteris Christus docuit verbo , & exemplo , ut in nouitate vitæ ambulantes ad præmium supernæ vocationis post ipsum properemus , sedulo considerantes vnde peregrinemur , quò tendamus , quantum viæ egerimus , quibus præsidij ad iter peragendum muniti simus . Nisi enim humilitas omnia quæcunque facimus , & præcesserit , & comitebitur , & subsequatur ,



tur, nunquam ad optatam metam perueniemus. Nobis quippe de aliquo bono opere gaudentibus, quidquid egimus inficit superbia, quæ etiam in rectè factis timenda est, ne quod laudabiliter operamur, ipsius laudis cupiditate amittatur. Quod si aliquando cogitationes nostræ nos aliquid esse suggesserint, terra semper præsens est, quæ primæ nostræ originis nos admonet. Terra sumus, & mox in terram reuertemur. Super hoc fundamento reliquarum virtutum ædificium construendum est: nam si quis gratiam miraculorum habeat, ita ut montes transferat: si varijs linguis loquatur, si dono prophetiæ præditus sit, si omnes infideles ad Deum cenuerit, si omnes facultates suas egenis distribuerit, in maximo periculo labendi iugiter erit, extorquente illi superbia, quidquid laudabiliter fecit, nisi conscius infirmitatis suæ imminentem sibi ruinam semper timeat, & de se diffidens salutem suam cum timore, & tremore operetur. *Vera Christianorum sapientia hac est, ut discant humiles esse,*



## §. XXVI.

*Homo per superbiam à Deo recessit,  
& ad illum per humilitatem  
redire debet.*

**S**uperbiam vitium præ cæteris execrabile, & noxium ab Angelo tunc originem sumpsit, cum aduevsus Deum elatus ad seipsum eò deserto conversus est, bona sibi insolenter arrogans, quæ à creatore acceperat, ac si ipse sibi illorum fons, & auctor foret. Illius enim sunt apud Isaiam apostatica illa, & intolerabilem fastum indicantia verba. *In cælum conscendam, super astra Dei exaltabo solium meum, ascendam super altitudinem nubium, & similis ero Altissimo (Isai. 14. 13.)* Idem, & in homine contigit, qui serpentis dolo deceptus conditori suo æqualis esse concupiuit, tanquam hoc haberet simile Deo, vt non nisi de proprijs diues esset. Ideò scriptum est: *initium superbia hominis apostatate à Deo, quoniam ab eo, qui fecit illum, recessit cor eius. (Eccl. 10. 14.)* & in sublimitate constitutus horribiliter deiectus est. Initium igitur omnis peccati, vt eadem scriptura testatur, est superbia (ibid.) quàm veluti



luti hereditario iure à primo parente omnes accepimus, propriam excellentiam, veluti scopum in omni actu, & cogitatione spectantes, à Deo auersi, & ad nos ipsos conuersi; vt ergo ad illum reuertamur, à quo per superbiam recessimus, contraria via humilitatis incedendum est. Basis verò, seu fundamentum, super quod humilitas exstruitur, propriæ fragilitatis, & miseris cognitio est, vt nimirum quisque cognoscat, & fateatur se nihil posse, nihil esse, nihil sibi deberi. Deus enim primi hominis corpus è limo terræ formauit, cui animam infudit è nihilo creatam, sui capacem, & præclarissimis gratiæ donis decoratam, quibus superueniente peccato spoliata, macula infecta est naturæ viribus indelebili. Pristino autem decori per gratiam Christi redemptoris restituta, rursum propria voluntate à iustitia recedens, deformis facta est, & Deo odibilis. & sic vtique permaneret, nisi respiciens desuper Pater misericordiarum, illam iterum à seruitute peccati ereptam, in libertatem, & pulchritudinem filiorum Dei vindicaret. Surgere verò post lapsum nemo potest, nisi qui profiteretur Diuini muneris esse quod surgit. Quis enim de massa perditionis discernit hominem, vt eum faciat vas in honorem, nisi gratia Dei per Iesum Chri.

Christum? Quod si quis inaniter inflatus dicat, discernit me fides mea, discernit me oratio mea, discernit me iustitia mea: occurrit Apostolus hæc dicenti, & ait: *Quid enim habes quod non accepisti? si autem accepisti, quid gloriaris quasi non acceperis?* (1. Cor. 4. 7) Idem quoque dicit: *Non quod sufficientes simus cogitare aliquid à nobis quasi ex nobis, sed sufficientia nostra ex Deo est* 2. Cor. 3. 5. Denique Redemptor noster ait: *Sine me nihil potestis facere.* Ioan. 15. 5. ut non gloriatur omnis caro in conspectu eius, sed quemadmodum scriptum est: *Qui gloriatur, in Domino gloriatur.* Non enim gloriari possunt peccatores, qui non habent unde gloriantur: neque iusti, quia gloriam non habent, nisi in illo, cui concinunt: *Gloria mea, & exaltans caput meum* (Psal. 3. 4i) Sed numquid aliquis fortè gloriabitur, quod Dei beneficia non reiecerit? Hoc profectò extremæ dementiæ foret, ac si quis iactaret se, quòd, cum posset miser esse, & se in puteum precipitem dare, id tamen non fecit. At istud etiam diuinæ misericordiæ fuit, quæ si lucem, & opem suam subtraheret, nec eius dona agnoscere; nec iis uti possemus. Superanda igitur cupiditas gloriæ, dilectitione iustitiæ, adeò ut in his, quæ rectè facimus, amor humanæ laudis cedat



cedat amoris veritatis. In nullo enim gloriaudum, quandoquidem nostrum nihil est. Et hoc est fundamentum omnium virtutum, scire, & credere, quod ex nobis ipsis nihil possumus, nihil sumus, nihil habemus. *Deus enim est, qui operatur in nobis, & velle, & perficere: atque ideo timendum ne gratia Dei, qua datur humili, auferatur superbo.*

## §. XXVII.

### *Character superbi.*

**S**uperbia quædam elatio est, per quam homo ultra modulum suum extendit se, & sibi iactanter attribuit, quæ sua non sunt. Tum sui figuram, & ideam, quam ipse pulcherrimam, & altissimam concepit, in aliorum mentibus imprimere nititur, genus suum iactans, & dignitates, animique, ac corporis dotes, quibus se super cæteros extollit, ac si potentia, & magnitudine omnibus antecellat. Altiores autem assumit spiritus, & arrogantiam, si his accedat servorum multitudo, pretiosa supellex, vestium luxus, gemmarum fulgor, ædium magnificentia, & apparatus, pecunia in multos annos reposita, & alia eiusdem generis multa, quæ iactantiæ fomentum præbent,  
&

& insolentia pabulum subministrant .  
Ideò magnificos optat titulos , popu-  
lique plausum , & laudes , tamquam  
indiciū quod super alios emineat :  
& de his gloriatur , in his quiescit ve-  
luti in summo vitæ huius bono , de æter-  
na vita nihil sollicitus : Hinc oritur  
odium , quo quisque auersatur quid-  
quid ipsum deprimat , & reliquis infe-  
riorem ostendit . Hinc fastidium , &  
mœror , cū in aliqua re quis depre-  
headitur , quæ propriam excellentiam  
minuere videatur . Hinc timor conti-  
nuus , & omnium ferè hominum an-  
xietas timentium , ne opera quæ aggre-  
diuntur infelicem exitum sortiantur :  
omnes enim videri volunt , & laudari ;  
nec immunes ab hoc morbo sunt infi-  
mæ plebis homines sordidas , & despi-  
catissimas artes exercentes : nam , &  
proferunt se , & cupiunt ob artis suæ  
peritiam inter cæteros eiusdem sortis  
eminere . Ipsimet Philosophi , qui de  
contemnenda gloria multa præclare  
scripserunt , effugere superbiam non po-  
tuerunt , quam maximè detestati sunt ,  
gloriam re ipsa quærentes , quàm verbis  
damnarunt . Occultè siquidem serpit  
hoc virus , & auulsa pessimæ arboris ra-  
dice , adhuc remanent subtilissimæ quæ-  
dam fibræ , quæ vix à sanctissimis viris  
deprehendi queunt . Eius itaq; motus  
accuratissimè obseruare , ac Dei timore  
com.



comprimere oportet, & magis veritate, quàm falsis hominum laudibus delectari. Fumus è fornace erumpens in altum eleuatur, & ingenti globo intumescens. Splendidissimum solis iubar obnubilat: sed quia caret soliditate, statim in auram dilabitur, & euanescit. Ita superbi, qui se inaniter extollunt, nullo virtutum fundamento solidati, quantò ampliùs erigunt se, & in maiorem ambitum diffundi satagunt, tantò exiliores fiunt, ac citiùs deficiunt, & non apparent. *Vidi impium superexaltatum, & elevatum sicut cedros Libani, transiit, & ecce non erat. (Ps. 36. 35.)*

## §. XXVIII.

### *Incitamenta humilitatis.*

**D**E praua naturæ pondere vndique impellimur, & in lubrico positi, stabili gressu stare non possumus, nisi dextera Domini teneat nos. Si à grauioribus flagitijs abstinemus, hoc Dei ope fit, omnem peccandi occasionem misericorditer subrahentis, alioquin experiantia magistra iam didicimus, quales simus in proximo labendi periculo constituti. Si quid boni in nobis est, id valde exiguum, & imperfectum est: cumque bonum sit ex integra causa, absque

absque vlla mali admistione, quis certò asserere audebit, se aliquod opus aliquandò fecisse, quod ex integro bonum fuerit, & gratum Deo, & non potius innumeris imperfectionibus permistum? Quistam sollicitè salutem suam quærit, aut tanto ardore perfectioni incumbit, sicut filij huius sæculi opes quærunt, & dignitates? Certi quoque sumus, nos grauissima commisisse peccata, de quorum remissione incerti, nescimus, utrū amore digni simus vel odio: & si speramus veniam à Deo obtinuisse, de dono tamē perseuerantiæ securi non sumus, sed omnia in futurum reseruantur incerta. Quis verò hæc perpendens gloriari poterit, aut aliquid sibi tamquā proprium vsurpare, & in se fiduciam habere? imo quis non timebit? quis non palam, & ex corde profitebitur se nihil esse, & nihil posse? Sicut aer, recedente sole, obscurus fit, & tenebrosus: ita anima, Deo lucē, & opē subtrahēte, nihil videt, nihil potest. Hanc veritatē si quis plenē intellexerit, ab alijs item cognosci optabit: cūque verē, & ex animo se omni contemptu, & abominatione dignum æstimauerit, ab alijs quoque despici, & pro nihilo haberi desiderabit: nā si secus faceret, cognitæ veritati repugnaret. *Veritas humilitatis comes indiuidua est, & quò magis anima in veritatis cognitione proficit, eò clariùs videt se nihil esse, & nihil posse.*

Ni.



§. XXIX.

*Nihil boni esse in homine, qui caret  
Humilitate.*

**A** Quolibet lapsu facile quisque surget, si statim à medico remedium peteret. Sed plerique superbia adeò ob-  
cæcati sunt, ut morbum suum vel non cognoscant, vel proprijs viribus se curaturos putent. Hæc ratio est, ob quam qui ceciderunt non resurgunt, & in sordibus suis contabescunt, quia ad Deum non confugiunt, nec pendent ab eius gratia sicut oportet: sed sibi de se suarum ægitudinum remedium reiecto medico pollicentur: ex quo fit ut ipsa medicina morbus sit. Nullus autem mortalium eò infelicior, qui cum cæcus sit, putat se omnia clarè videre: nam cum alterius opem non quærat, nullum est præcipitium, in quod labi non possit. Vetus illa sententia, *Nosce te ipsum*, quæ de cœlo descendisse dicitur, admonet hominem, ut cognoscat se nihil ex se, in Deo autem omnia posse. Ideò multi despondent animum iacentes in languoribus suis, quia adiutorium Dei non implorant, nec in illo sperant, de quo dixit Apostolus: *Omnia*  
M *possum*

possum in eo qui me confortat. Philipp. 4.  
 13. de quo etiam Psalmista cecinit, in  
 Deo meo transgrediar murum ( Psal. 17.  
 30 ) Non est vera humilitas, quæ ma-  
 gnanima non est, & ad sublimia non  
 assurgit, illius ope freta, qui pro nobis  
 factus est homo, ut nos Diuinæ naturæ  
 consortes faceret. Sicut ferrum ignitum  
 non est ignis, sed ardet ex igne, qui in  
 ipso est: ita homo ardere dicitur non  
 ex se, sed ex amore sibi Diuinitus col-  
 lato, qui in ipso est: & lucere dicitur  
 non ex se, sed ex lumine sapientiæ, &  
 veritatis, quo à Patre luminum imbu-  
 tus est. Sicut etiam instrumentum non  
 propria virtute, sed per manum artificis  
 operatur: ita homo dicitur operari, Deo  
 per illum omnia operante, qui dat om-  
 nibus velle, & perficere, & omnia ope-  
 ra nostra operatur in nobis. Quod si  
 amor, sapientia, & lux ab homine re-  
 cesserint, illum protinus inuadent fri-  
 gus iners, profunda ignorantia, & ca-  
 ligo tenebrosa: eritque inutilis, & ad  
 ad omnem vsum ineptus, veluti instru-  
 mentum sine artifice. Cum igitur homo  
 ex se nihil sit: nihil valeat, nihil ha-  
 beat, in nihilo suo tanquam in centro  
 commorari debet; omnia enim in Deo  
 poterit, cum se nihil esse, nihil posse co-  
 gnouerit.



§. XXX.

*Qui verè est humilis sibi ipsi intentus,  
alios non iudicat.*

**H**umilitas est virtus, qua homo verissima sui agnitione sibi ipsi vilescit. Examen autem sui ipsius sibi hominem prodit: etenim aperitur conscientia liber, reuoluitur misera vitæ series, illuminatur ratio, & cogitur anima coram se constituta proprio tribunali assistere à semetipsa iudicanda. Quod si ita se iudicauerit non utique iudicabitur. Væ animæ, quæ in mirabilibus super se inaniter eleuata, & ad exteriora effusa damna sua interiora non sentit. Ideò prauaticatores hortatur Scriptura redire ad cor ( *Isai. 46. 8* ) vt, quidquid intus latet, curiosè explorent, & agnoscentes miseriam suam ab aliorum censura abstineat. Plerique tamen hoc negligunt, & quod miserabile, ac nunquam satis deplorandum est, cum miserrimi sint, ac densa caligine adeò circumfusi, vt propria vitia, & peccata perspicere nequeant: aliorum nihilominus vel exiguas imperfectiones subtilissimè inuestigant, & acutissimè deprehendunt. Hæc nimirum imperfectorum proprietas est, vt cum se ipsos nullo

M 2      modo

modo cognoscant, in arguendis aliorum vitijs continuò occupentur. At qui se intus cognoscere satagunt, quò magis in sui cognitione proficiunt, eò se imperfectiores fatentur, quoniam maiori luce perfusi clarius vident, quàm longè absint à vera sanctitate, & perfectione. Propterea ad alios non respiciunt, nisi eis ex officio incumbat, satis negotij habentes in suis imperfectionibus emendandis. Vera Sanctorum disciplina hæc est, zelum erga se ipsum exercere, & peccantes patienter ferre: indicium enim magnæ imperfectionis est imperfectos ferre non posse. Sicut Deus in ordine naturæ ex nihilo omnia creavit, ita etiam in ordine gratiæ omnem ornatum virtutum producit ex nihilo, ex anima scilicet, quæ se nihil esse intimè credat, & profiteatur. Solida virtus illa est, quæ derisionibus, contemptu, iniurijs, & continua humilitatis exercitatione probatur. Hac deficiente, quidquid virtutis in aliquo apparet, non virtus est, sed illusio, & hypocrisis, ac inane virtutis simulacrum. *In ventum pulverem portat, qui sine humilitate virtutes congregat,*



## §. XXXI.

*Veri humilis descriptio.*

**V**Erè humilis censerì debet, qui omni exaltatione superior est, & omni abiectiōe inferior: qui in excelso loco positus, delatis sibi honoribus, & laudibus non extollitur: & ad infima proiectus nunquam tanto contemptu, confusione, & ignomina affici potest, quin sibi persuadeat se multò deteriora mereri. Verè item humilis est, qui pro nihilo haberi cupit: qui non humilis, sed vilis in aliorum opinione esse desiderat, ita ut omnes credant patienter ab illo aduersa tolerari, non ex virtute, sed ex necessitate, quia nimirum ea euitare, vel impedire non potest. Si ipsum contingat in aliquo verbo, vel opere labi, veniam petere ab his, qui præsentes fuerunt, non erubescit, si præsertim aut mendacium protulerit, aut de aliquo perperam pro humana fragilitate locutus sit: qua in re speciem quandam martyrij esse vir magnus edocuit. Simili modo si aliquid dixerit vel fecerit, ex quo eius existimatio lædatur, de hoc quidem dolet quatenus offensa Dei est: gaudet autem de confusione, & contemptu sibi ex eo proueniente, cuius occasiones pac-

to animo amplectitur, nihil tamen scienter admittens, quo contemptibilis fiat. Si verba eius innocenter prolata in sensum peruersum trahantur: si illi, quos amat, in quibus confidit, in quos beneficia contulit, ipsum improbent, & persequantur, eiusque consortium fugiant: & si post multos labores non solum nullam mercedem recipiat, sed potius opprobrijs afficiatur, nullo modo conqueritur, quia opera sua nihil aestimat, sui que contemptum auidius complectitur, quam reliqui omnes honorem, & gloriam. Ab omnibus derelictus confugit ad Deum, in quo reperit omne gaudium, & omne bonum. Quaecunque ad se pertinent, silentio premit, ad omne dedecus, & ignominiam animo paratus, tamquam mortuus, & sepultus cuius non extat memoria. Non maioribus tantum, & aequalibus, sed etiam inferioribus se subiicit, quò ad actus interiores semper, quo ad exteriores attentis circumstantijs & salua dignitate. Firmiter credit, se omnium hominum nequissimum esse, quia mala sua aliorum bonis comparat: tum seipsum considerat secundum ea quæ ex se habet, alios verò ex donis Dei. Latere optat, omniumque fabula, & ludus esse: nec solum omni honore, & comodo: sed ipso etiam cibo, & potu, hominumque consortio, se indignum



dignum putat: & si fortè alijs præferatur, pauet, confunditur, contristatur, se ineptum reputans, ac cuiuscunque muneris incapax. Hæc est imago veri humilis, rudi penicillo expressa, ex qua poterit omnis Christianus perspicere, quàm procul absit ab hac virtute, quam sectatoribus suis Christus tantoperè commendauit, factus pro nobis opprobrium hominum, & abiectio plebis. In huius autem virtutis exercitatione nullum est periculum, si quis se minorem æstimet, quàm reuera sit. Grande verò malum, horrendumque discrimen est, si se plus iusto extollat, aut maiorem putet, quàm re ipsa sit. Sicut intrans per ostium, cuius superliminare demissum sit: si se nimis inclinauerit, nihil ei nocebit, sed si se vel transuersi digiti spatio, plus quàm ostij mensura patitur, crexerit, impinget, & quasi facto capite collidetur: ita animæ non nocet quantauis depressio: maximam autem perniciem illi afferet quæcunque vel minima exaltatio. Quare nemini non dico præponere, sed nec quidem componere debet, qui vult omne periculum superbiæ euitare. Sic Christum Dominum imitabimur, qui cum Filius Dei esset, formam serui accepit, ut formam nobis traderet humilitatis.

## §. XXXII.

*Oportere humanam voluntatem Diuinam subditam, & conformem esse.*

**N**ULLUM donum gratius Deo, nullum sublimius sacrificium, quam seipsum Diuinæ voluntati intergrè in omnibus subijcere, & conformare: nihil enim aliud excelsa illa Maiestas requirit ab homine, nisi vt se exhibeat hostiam viuentem, sanctam, acceptabilem, quam si quis ritè obtulerit, piè, & religiosè litauit. In hac siquidem conformitate, & submissione non bona exteriora, non rem aliquam singularem: sed propriam voluntatem, proprium iudicium, totumque hominem perfectò holocausto immolamus, nulla re excepta, nullis præscriptis limitibus. Quoties ergo aliquid nostri in nobis est, toties à nobis exire, & nos deserere debemus, donec solus Deus in nobis sit, & ad omnia quæ de nobis æterna sua prouidentia decreuerit, parati, & indifferentes inueniamur. Non enim perficiet in nobis Deus beneplacitum suum, quamdiù aliquid erit in nobis, quod illi repugnet, & contrarium sit. Integrum cor ille postulat, & qui se totum ei non dat, nihil dat. Con-  
cedi-



ceditur quidem humanæ fragilitati aliquid proprium velle, sed statim eleuari supra se debet, & illi adhærere qui super omnes dominatur. Ille creator est, nos creaturæ: ille Dominus, nos serui: ille omnipotens, nos infirmi. Nostram itaque voluntatem corrigere, & illius nos voluntati subdere debemus dicentes: *non sicut ego volo, sed sicut tu* ( *Matth. 26. 39.* ) Verba Christi Domini hæc sunt orantis ad Patrem, & transfigurantis nos in se, vt discamus ab illo nihil velle nisi quod Deus vult. Alioquin quid potuit Christus velle diuersum à voluntate Patris? Quorum vna est Diuinitas, dispar nequit esse voluntas. Quamobrem docuit nos orare. *Fiat voluntas tua sicut in cælo, & in terra* ( *Matth. 6. 10.* ) Sicut Angeli faciunt voluntatem tuam, faciamus, & nos obtemperantes præceptis tuis. Faciunt homines voluntatem suam, non Dei, quando faciunt quod volunt, non quod iubet Deus. Tollatur à nobis rixa illa, quam describit Apostolus dicens: *Caro concupiscit aduersus spiritum, spiritus autem aduersus carnem* ( *Gal. 5. 17.* ) Sic fiet voluntas Dei consentientibus simul carne, & mente; ita vt nulla remaneant desideria carnalia, cum quibus mens confliget: nihil sit in corpore quod spiritui resistat, omnisque concupiscentia in charitatem

ritatem commutata fuerit: hæc est enim voluntas Dei sanctificatio nostra. Unus est Deus, & qui adhæret illi, unus spiritus est, una voluntas.

## §. XXXIII.

*Omnia de manu Dei accipienda:*

**I**N hoc summa totius Perfectionis consistit, ut quidquid acciderit pacato animo de manu Dei accipiamus, omnem sollicitudinem proijcientes in eum, quoniam ipsi cura est de nobis (1. Petr. 5.) Omnia, quæ mundus mala vocat, peccato excepto, quod est solum & verum malum, à Deo esse Scriptura testatur dicens: Bona, & mala, vita, & mors, paupertas, & honestas à Deo sunt. (Eecl. 11. 14.) Et alio loco: Ego Dominus & non est alter, formans lucem, & creans tenebras, faciens pacem, & creans malum. Ego Dominus faciens omnia hæc (Isai. 45. 7.) Cum igitur Dei nutu, & secretissimi consilii sui immutabili dispositione apud ipsum fixa sint omnia, quæcunque fiunt in orbe terrarum: æquum est, ut universa quæ accidunt quantumvis dura, & acerba, veluti singularis erga nos benevolentia signa, de manu eius acceptemus, ipsius providentia inherentes non nostræ, quæ



quæ sempertimida , & incerta est , Dei  
que operationem in nobis destruit . Ca-  
lumnia , fraudes , furta , taptus , insi-  
dia , bella , cædes , morbi , ruina ,  
pestilentia , sterilitates , & alia quæli-  
bet calamitates , siue publicæ , siue pri-  
uatæ ad improborum emendanda , vel  
castiganda flagitia , & ad iustorum exer-  
citationem à Deo permittuntur , & im-  
mittuntur , & si quid horum nos vexat ,  
assumenda vox est patientissimi Prophe-  
tæ , qui omnium malorum genere cru-  
ciatus dicebat : *Dominus dedit , Dominus*  
*abstulit , sicut Domino placuit , ita fa-*  
*ctum est : sit nomen Domini benedictum.*  
*Iob. 1. 21.* Seruis fidelibus , quæcunque  
agenda sunt , ita committunt Domini ,  
ut eos tamen nescire velint , quis finis  
sit , quæ series , & ratio consiliorum  
suorum : sic nos subiecti erimus Diuinæ  
providentiæ tamquam inutiles , & ob-  
sequentes serui , nihil solliciti quid de  
nobis , quid de alijs fieri velit ; idque  
nobis à Domino dici putabimus , quod  
olim Petro dixit : *Quid ad te ? tu me*  
*sequere.* *Iean. 21.* Et si aliquando bona  
opera , quæ aggressi sumus , vel agri-  
tudine , vel qualibet aduersitate impe-  
diri contigerit , non contristabimur :  
scit enim Deus , quid nobis magis expe-  
diat . Sic perpetua pace , & imperturba-  
bili tranquillitate fruemur , clamante  
veritate cunctis perturbationibus , ne ad  
lo.

locum appropinquent , in quo Deus  
pacis commoratur .

## § XXXIV.


*Diuina prouidentia in omnibus acquie-  
scendum .*

**B**ONUM est optare à Deo affligi, & multa pro eo pati , sed multò meliùs est , ipsius dispositioni , & beneplacito in omnibus acquiescere , & orare , vt nos ducat quò ipse vult . Vita naturalis motu , & sensu se prodit , vita supernaturalis omnis motus , & sensus cessatione , & defectione . Qui enim se deserit , omnesque motus animi sui in Deum transfert , is vita gratiæ viuít , & à se ipso ita est expeditus , ac si de se nihil sciret , velut infans , cuius est vnus diei vita super terram . Quidquid sibi acciderit , non in se respicit , sed in Diuina voluntate , & prouidentia . Nihil ex hoc seculo sibi applicat , nisi quod vult Deus , in cuius manu tamquam instrumentum est , artificis arbitrio ad quodcumque opus applicandum . In diuinis consilijs perscrutandis curiosus non est , sed illa humiliter adorat , firmiter credens ea semper iusta esse , licet sæpè occulta sint . Idem vult quod Deus vult , eodemque modo , atque eandem

ob



ob causam , propter quam illa vult .  
Suam voluntatem Diuinæ conformat ,  
quoad omnia bona naturæ , gratiæ , &  
gloriæ : ita vt suis actibus , & sua liber-  
tate , quantum fieri potest , spoliet se ,  
vt sola Dei voluntas in ipso viuat , &  
operetur . Cùm enim voluntas cor-  
ruptæ naturæ vitio se plurimum amet ,  
& in sui actus veluti possessione dele-  
ctetur , tametsi vnicam Dei gloriam  
quæret , eam tamen actu proprio vult ,  
& in eo complacet sibi tamquam in  
proprio bono : ex quo fit , vt , si ipsum  
propriæ voluntatis actum , & gaudium  
quod ex eo prouenit , sibi prorsus adi-  
mat , tunc verè , & perfectè Diuino  
beneplacito aequiescere censenda sit ,  
suamque voluntatem in Diuinam pu-  
rissimè transfundere , cum omnimoda  
sui ipsius , & omnium creaturarum  
obliuione . *Voluntas Dei necesse est*  
*vt fiat , omnia enim quæcunque voluit*  
*Dominus fecit , & non est qui possit*  
*resistere voluntati eius : tunc autem opti-*  
*mè sit , cum in nobis , & à nobis fit .*



## §. XXXV.

*Solum Dei beneplacitum optan-  
dam est.*

**I**N voluntate Dei pax, & tranquillitas  
constituenda est. Si peccauimus, si  
alios ad peccandum induximus, si ex  
flagitijs nostris multa mala secuta sunt:  
dolendum sanè est, & fletibus eluenda  
sunt crimina, ac digna castigatione ple-  
ctenda: animi verò perturbatio, & in-  
quietudo euitanda, & cum pace emen-  
dationi incumbendum, implorata Dei  
misericordia, quæ nos labi permisit, vt  
discamus non altum sapere, sed timere:  
neque nostrum putemus esse quod Dei  
est. Ab ipso veniam, & indulgentiam  
in spiritu humilitatis, & in animo con-  
trito expectabimus, sicut seruus aduen-  
tum Domini sui patientissimè præstola-  
tur. Dominus enim est, veniet quando  
voluerit. Fidelis seruus, & prudens ni-  
hil quærit, nihil optat, nisi Domini  
beneplacitum, & in omni euentu ex  
intimo cordis affectu ait: *Ita Pater,*  
*quoniam sic fuit placitum ante te Matth.*  
*11. 26. Fiar voluntas tua (Ibid. 6. 10.)*  
Ad omnem nutum tuum paratus sum.  
Vis me incolumen esse, vis agrotare?  
Vis me dulcedine tua perfrui, vis in te-  
nebris,



nebris, & continua ariditate versari ?  
Vis me abundari, vis penuriam pati ?  
Id volo quod tu vis, fac de me quod tibi  
placet. Hæc animi præparatio omnino  
indifferentis ad quæcunque Deus vult,  
hominem facit ad omnia mala impau-  
dum, & inconcussum, omnique ad-  
uersitate superiorem, relicta sui, rerum-  
que omnium sollicitudine, & anxietate.

Nam si de cibo, & vestimento, alijsque  
rebus ad vitam necessarijs nos sollicitos  
esse Christus prohibuit, quantò magis  
superflua, & inutilis cæterorum cura  
abijcienda est ? Ipsa pax animi, si anxie  
quærat, amittitur : atque ideò subla-  
tis curis in sola Dei voluntate quiescen-  
dum. Curiositas, & inquisitio, qua  
sæpè inuestigamus, quid de nobis fu-  
turum sit, naturæ est seipsam amantis,  
& timentis aliquid pati. Optimè Deus  
ex alta prouidentia suæ specula cuncta  
respiciens, quid unicuique conueniat,  
agnoscit ; & suauiter, ac fortiter dispo-  
nens omnia curam hominis singulariter  
suscipit, cum illum videt omnem de se  
cogitationem in ipsum proiecisse.

## §. XXXVI.

*Spes salutis nostræ in Deo ponenda.*

**V**ir christiana sapientia imbutus, non solum supernæ dispositioni, quæcunque pertinent ad temporalis vitæ subsidia, committit, de crastino non cogitans, sicut præcepit Christus: sed spem quoque salutis suæ in eius voluntate reponit, qui nunquam deserit sperantes in se. In hac spe, & conformitate voluntatis suæ cum diuina singulariter constitutus, salutem suam cum timore, & tremore operatur, misericordiam, & iudicium Domino suo fideliter concinens, in cuius arcana irrumperere, & in abyssum profundissimam iudiciorum eius descendere nimis temerarium foret. Certum quidem est, neminem posse in hac vita absque speciali reuelatione æternæ salutis securitatem habere: sed absit ab homine Christiano hac insania, ut de illa desperet. Hoc illorum est, qui obstinatissima voluntate in facibus suis computrescere, & in malis perseverare decreuerunt. Qui verò meminit se Christi Sanguine redemptum, & Baptismatis Sacramento initiatum, de bonitate Dei non diffidit: eiusque auxilium indefessus implorat,  
tutum



tutum habens in eo refugium, qui veniam cum lacrymis postulanti, & peccata animo contrito detestanti nunquam negavit. Hæc sunt magna, & saluber-  
rima consilia Domini, exquisita in om-  
nes voluntates eius, atque adeò sapien-  
ter exquisita, ut electionem nostram  
occultam esse voluerit, ne securitas su-  
perbiam generet, & negligentiam:  
& qui se existimat stare, videat ne ca-  
dat. (1. Cor. 10. 12.) Quia verò electi  
pauci sunt, debet vir fidelis cum pau-  
cis sanctè vivere, ut certam faciat vo-  
cationem suam, & in fine cum paucis  
coronari mereatur. *Angusta porta, &  
arcta via est, quæ ducit ad vitam, &  
pauci sunt, qui inveniunt eam Matth.*  
7. 13. ut Christus Redemptor noster  
nos docet. Ideò per arctam viam  
incedendum est, semperque timen-  
dum, etiamsi benè currere videa-  
mur, quia de dono perseverantiæ  
nemo securus est. Non tamen ani-  
mum deponere oportet, sed spes  
in Deo ponenda, eiusque benepla-  
cito voluntas nostra subijcienda est in  
tempore, & in æternitate. At ali-  
quis fortè dicit, incerta est mihi de  
me ipso voluntas Dei. Quid ergo? An  
tua voluntas de te ipso certa est? sanè  
non est. Quod si utraque incerta est,  
cur Divinæ potiùs voluntati, quàm  
tuæ spem tuam non committis? Super-  
bis.

bissimus, & infelicissimus est, qui fiduciam habet in se, & non in Deo: ille autem beatus est, qui confidit in Domino, cuius firma promissio est, & in quo omnes qui sperauerunt non sunt confusi.

## §. XXXVII.

*Spiritum, & perfectionem Christianæ religionis in Charitate consistere.*

**Q**uamuis per Fidem, & per Baptismum Christiani nuncupemur, & simus, sola tamen Charitas est in qua spiritus, & anima nostræ religionis consistit, & per quam Christianè viuere possumus. Sicut enim Deus propter nimiam charitatem suam, qua dilexit nos, Filium suum misit in mundum, ut nos redimeret Sanguine suo: ita nos debemus ipsum diligere toto corde, totis viribus, & proximum sicut nos ipsos. In hoc est charitas, non quasi nos dilexerimus Deum, sed quoniam ipse prior dilexit nos, & misit Filium suum propitiationem pro peccatis nostris. Hoc autem est maximum, & primum mandatum, ex quo vniuersa lex pendet, & Prophetæ. Hoc Fidei nostræ fundamentum, scire, & cognoscere.



cognoscere charitatem Dei, quia cum inimici essemus, reconciliati sumus per Christum. Hic ignis est, quem ipse Redemptor noster venit mittere in terram, & nihil vult nisi vt accendatur ( *Luc. 12. 49.* ) Hic Spiritus primorum Christianorum fuit, quorum erat cor vnum, & anima vna: hæc veluti anima est, quæ corpus Ecclesiæ viuificat. Hanc tesseram, qua sectatores sui à reliquis discernentur, Christus Dominus reliquit nobis cum dixit: *In hoc cognoscent omnes quod mei estis discipuli, si dilectionem habueritis ad inuicem* ( *Ioan. 13. 35.* ) In hac Dei, & proximi dilectione Christianæ vitæ perfectio consistit, per quam anima Deo vnitur. Est autem perfectio opus diuinæ gratiæ, ac propterea viribus nostris niti, aut nostræ industriæ confidere non debemus, sed omnis fiducia nostra in Deo ponenda, eiusque auxilium iugiter implorandum, vt liberet nos à malo, ad quod propensi sumus, & vindicet ab hostium tentationibus, quorum fraudes, & insidiæ innumerabiles sunt. Quod si aliquando labimur, & post lapsam mente concidimus, signum euident est, quod spes nostra in nobis, non in Deo posita erat. Qui enim de se diffidit, agnoscit infirmitatem suam, Deumque feruentius orat, & pugnat

alacrius . Oportet autem desiderium perfectionis efficax esse , & quotidie crescere , itavt impellat ad opus , & nunquam minuatur . Non sufficit perfectionem laudare , & alijs commendare , sed manus operi admouenda est , ne ex illis simus , qui imperfectiones , & peccata , vt aliena detestantur , non vt sua . Tunc verò homo perfectus erit , cum animam suam Deo exhibuerit puram , nudam , simplicem , sine malitia , sine affectu ad creaturas , & auulsam ab omni terrena delectatione .

## §. XXXVIII.

### *De ordine Charitatis .*

**I**Lle iustè , & sanctè viuit , qui rerum integer aestimator , ordinem seruat in dilectione , sedulò aduertens , ne aliquid diligat quod non sit diligendum , aut non diligat quod diligendum est , aut amplius diligat quod minus diligendum est , aut æquè diligat quod vel minus , vel amplius diligendum est , aut minus vel amplius quod æquè diligere debet . Ideò virtutem nihil aliud esse , quàm ordinem amoris , peccatum verò inordinationem amoris viri sapientes definierunt . Sunt quidem , & alij affectus , sed omnes ex amore veluti ex fonte pro.



procedunt , & si est ordo in amore , omnes affectus ordinati sunt : si non est ordo in amore , in ipsis quoque nullus ordo , sed perversitas , & perturbatio est . Non est enim virtus in hac vita , nisi ordinatè diligere quod diligendum est . Id eligere prudentia est : nullis inde auerti molestijs , fortitudo est : nullis illecebris , temperantia est : nulla superbia , iustitia est . Talis est autem ordo amoris , qualis est ordo rerum : ita vt ante omnia , & super omnia diligendus sit Deus , quo nihil melius , nihil sublimius , nec inueniri , nec cogitari potest . Ipsum amando mores nostros corrigimus , vt puri puro adherere valeamus . Mores nostri , ex eo quod diligimus , diiudicantur : non enim faciunt bonos , vel malos mores , nisi boni vel mali amores . Tenet autem anima , & seruat ordinem amoris , si totis viribus diligat quod supra se est , id est Deum : socias verò animas tamquam seipsam . Hæc est lex dilectionis , vt homo diligat Deum , & proximum , & seipsum . Nullum verò præceptum datum est illi de diligendo seipsum , quia nemo seipsum seruato ordine rectè amat , nisi Deum diligendo , à quo vis , & modus amandi desumi debent . Sicut homines amare debemus , vel quia iusti sunt , vel vt iusti sint : ita , & semetipsum amare quisque debet , aut

N 3

quia

quia iustus est, aut ut iustus sit. Qui se aliter diligit, iniuste se diligit, quoniam se diligit ut sit iniustus; qui autem diligit iniquitatem, odit animam suam. Nemo igitur se diligere debet propter se, sed propter illum, qui rerum omnium finis ultimus est, & summum bonum, cui toto affectu inhaerere debemus. Nam si se diligit propter se, non se refert ad Deum, & auersus ab incommutabili bono, seipso fruitur, transgrediens regulam dilectionis diuinitus constitutam. Mandatum quippe accepimus amandi Deum toto corde, tota anima, tota mente, ut omnem vitam, & intellectum, totumque affectum Diuinæ dilectioni impendamus, & si quid diligendum in mentem venerit, illuc referatur, quò totus amoris impetus currit. Proximum verò diligere quisque debet sicut seipsum, totam sui, & illius dilectionem in Deum referens, ut etiam proximus Deum diligat toto corde, tota anima, tota mente. Cum ergo præcurrat dilectio Dei, ita ut cætera, quæ diligenda sunt, in ipsum confluant, ille præ omnibus, & super omnia diligendus: reliqua verò in ipso, & propter ipsum, ut amor noster ordinatus sit.



**§. XXXIX.**

*De dilectione Proximi.*

**N**Ec Deus sine proximo, nec proximus sine Deo diligere potest: *mandatum enim habemus à Deo, ut, qui diligit Deum, diligat, & fratrem suum. Si quis dixerit, quoniam diligo Deum, & fratrem suum oderit, mendax est. Qui enim non diligit fratrem suum quem videt, Deum quem non videt, quomodo potest diligere? (1. Ioan. 4. 20. ( Qui vero præcipit ut proximum diligamus, nullum hominem excipit, non vitiosum, non pauperem, non extraneum, non inimicum. Omnes sincerè amandi, cuiuscumque conditionis sint, de corde puro, & fide non ficta, non verbo, & lingua, sed opere, & veritate, (1. Tim. 1. 5. 1. Ioan. 3. 18.) quia probatio dilectionis exhibitio est operis. Sicut Christus dilexit nos, & tradidit semetipsum pro nobis, non quia aliquid in nobis dignum amore repererit, sed ob amorem, quo diligebat Deum; ita nos in Deo, & propter Deum omnes diligere debemus, eapunitate, qua nos invicem diligemus in cœlo, nulla habita ratione bonorum, quæ in ipsis elucent, nisi quatenus à Deo procedunt, & ad ip-*

sum referuntur. Viri iusti tanta inter se charitate coniuncti sunt, vt quod quisque in se non habet, hoc in alio se habere lætetur: & si quid amplius præ cæteris habeat, id in alios libentissimè effundat. Sicut per amorem, quo Deum diligimus, omnes ei adharemus, & vnuscum eo spiritus efficimur: ita per amorem proximi omnes ad inuicem vnum sumus, vt bonum singulorum omnibus commune sit, & quod quisque in se non habet, in altero possideat. Sic omnia mandata seruantur, sic impletur omnis iustitia. Charitas enim verissima, plenissima, & perfectissima iustitia est. Charitas Inchoata, iustitia inchoata est: Charitas prouecta, prouecta iustitia; perfecta Charitas, perfecta iustitia, quæ tunc maxima est in hac vita, quando pro ipsa contemnitur.

## §. XL.

*Qui sit modus fraterna dilectionis.*

**M**odus amandi proximum duobus præceptis continetur: Alteri feceris, quæ tibi vis fieri: Alteri ne feceris, quæ tibi fieri non vis. Serio igitur in conspectu Dei debet vnusquisque examinare, quidnam sit quod ab alijs sibi fieri, vel non fieri velit: &  
 si



¶ ipse à nemine sperni, si ceteros sibi compati, suosque defectus patienter ferre, & benè de se loqui optat: hæceadem officia illis præstabit. Cordis perversi indicium est, cum alijs ea facimus. quæ pati ab illis nolumus. Verus Christi discipulus mores aliorum non disquirat, sed eorum discussionem illi committit, cui Pater dedit omnem iudicium. Propria mala cognoscere satagit, & his extirpandis incumbit. Se solum districtè iudicat, quem omnium pessimum credit. Semper animo tranquillo est, quidquid viderit, vel audierit: nam si bonum illud fuerit, Deum collaudat: si malum, vertit illud in bonum, mentem ab eo auertens, & ad Deum eleuans, idque pacificè absque vlla anxietate, & commotione. In corrigendis aliorum vitijs, si ipsi ex officio incumbat, vel fraternæ correctionis præceptum urgeat, zelum habet suauem, benignum, & alienæ infirmitati compatiens: contraria enim charitati est omnis acerbitas, & perturbatio. Excusat, si potest, quæ minus rectè ab alijs fiunt, & abstinere à censura: scit enim res humanas huius conditionis esse, ut nihil adeò sanctum sit, quod aliqua ex parte damnari non possit, si velit homo censuræ suæ laxare habenas, & quidquid occurrit, in deteriorem partem interpretari. Vitia

tia sunt ubi sunt homines, à quibus summam exigere perfectionem nihil aliud est, quam sub specie zeli propriæ impatientiæ blandiri, quæ nihil inordinatum, aut molestum potest in alijs tolerare. *Nunquam proficiet, qui in vita aliorum indicanda occupatur.*

## §. XLI.

*Qua sit vera amicitia.*

**C**onsistit amicitia in bonorum communicatione, ex quo sequitur, ut talis futura sit, qualia sunt bona quæ sibi mutuò amici communicant. Vera autem bona nulla sunt, nisi æterna, & supernaturalia, in quorum communicatione vera, & stabilis amicitia fundatur. Carnalis amicitia facillimè dissolvitur, quia spiritus sensu alligari non potest: spiritualis verò non rumpitur, quamvis enim inter amicos aliqua interdum contingat irritatio: charitas Dei omnem contentionis asperitatem sua dulcedine vincit, & absorbit. Noxia porro est, & fugienda illa amicitia, quæ personæ dilectæ mentem affigit; cuius primi motus omnino extinguendū ne dulci quodam veneno mentem inficiant. Hæc facillè deprehenditur, cum omnes cogitationes, & affectus in eo  
qui



qui diligitur iugiter occupantur: cum in ipso tanquam in centro quiescit cor, atque illi veluti idolo omnes actiones nostras immolamus. Neque obest, quod huiusmodi amicitia innoxia, & pura videatur, nam paulatim emollit cor, ac tandem in carnem definit. Viri probi semper maturi, graues, & compositi sunt, omnibus benigni, nemini blandi, paucis familiares. In eorum conuersatione elucet modestia, prudentia, seueritas, & iustitiæ rectitudo. Ipsorum vita interior est, neque foras se proferunt verbis, aut exercitijs. Quia verò necessarium est, aliquando cum hominibus versari, visa, & audita statim ab animo excludunt, Deoque soli adhærent. Cum illis prudenter agunt, qui diuersâ ambulant via, finemque diuersum habent, ac diuersa principia: quia dispares professione, dispares quoque affectu sunt: nec simul conuenire queunt homo terrenus, & cœlestis, neuter siquidem alterius loquelam intelligit. Sicut peste infecti sibi approquinquant solo afflatu inficiunt, ita in carnalibus hominibus contagio quædam latet, quæ statim adstantes contaminat, nisi procul ab eis recedant. Nemo æger curatur eo, quod sano appropinquet; sani autem si pestilentia affectis adhæreant, eadem labe inficiuntur.

## §. XLII.

*Quæ officia amicitiam concilient.*

**O**Mnes homines naturali quodam instinctu alijs placere, & ab illis amari concupiscunt, omnemque industriam adhibent, ut diuersorum sibi amicitiam concilient. Sed hæc stabilis, & sincera nunquam erit, nisi Diuinus amor eorum animos simul connectat. Amicitia, quæ humanis dumtaxat officijs comparatur, mercaturæ quædam species est, tam diu permanens, quàm diu hinc inde aliquid utilitatis percipitur, aut expectatur. Comitatus, & urbanitas, quam summo rigore ab amicis exigimus, ludus verborum est, & vanitas, ac mera deceptio. Etenim qui profusius, & elegantius huiusmodi officia præstare solent, multa quidem spondent; sed cum aliquid ab illis petitur, tunc demum appareret, quàm inanis fuerit ille verborum apparatus. Nihil in his verum, nihil solidum, nihil sincerum. Quod si homines Deum ex toto corde diligerent, proximum quoque amore non ficto prosequerentur. Summa esset inter illos pax, nullæ lites, nulla diuisio, nulla discordia. Nemo propriæ voluntati adhereret, sed  
foli



solī diuinæ: cuius amor, ubi est, ita mentes vnit, & afficit, vt vnusquisque velit, quod alter vult, & omnes simul quod vult Deus. Nam cū omnia desideria nostra ad id, quod à nobis præceteris diligitur, veluti ad centrum tendant: si in omnibus Dei amor dominaretur, vna quoque in omnibus esset voluntas, vnus amor, vnio perfectā. Sed quia singuli se ipsos amant, & propria commoda, (diuersi sunt autem singulorum fines, & affectus) inde fit, vt nemo proximi bonum, & excellentiam æstimet, si nulla ex eo utilitas ad se deriuetur. Sit aliquis subtilissimus Philosophus, insignis Mathematicus, omni eruditione, & virtute refertus: pauci eum diligunt: at si diuitijs affluat, si prodiga manu eas effundat, omnes post eum currunt, quia nimirum scientiam, & virtutem pauci diligunt, omnes pecuniam. Hinc autem bella, dissensiones, & inimiciæ oriuntur, quia vnusquisque alterius bona odio habet, cū proprijs commodis aduersantur. Nemo se ipsum amat, quatenus est homo, communem habens cū cæteris humanitatem, sed solū se respicit, seque ab alijs segregat, nec cum cæteris hominibus, sed secum solū modò conuenit: & quia amorem suum vltra se non extendit, eius participes alij non sunt, nisi quatenus ad ipsum referuntur, & illi

Hi deseruiunt . Hæc considerans vir sapiens , quamuis scienter nihil committat , per quod iustè in odium aliorum mereatur incurrere : à vanis tamen mundanorum hominum amicitijs abhorret : gratissima est illi solitudo , suave silentium , dulcissima cum Deo colloquia , in quo solo omne gaudium reperit , omnem iucunditatem , omnem consolationem .

## §. XLIII.

*Occasiones exercendæ erga proximum  
charitatis.*

**E**Xercendæ erga proximum charitatis nunquam desunt occasiones . Tot enim sunt hominum miseriæ , aut corporales , aut spirituales , vt vix possimus vel gressum mouere , vel oculos vertere , quin multi occurrant ope nostra indigentes . Et primò quidem auxilio , & orationibus nostris indigent viri iusti , vt Deo largiente , in iustitia perseuerent ; cùm plura magnorum virorum habeamus exempla , qui leuissima tentatione seducti , à gratia Dei , & à spe vitæ æternæ miserabili ruina exciderunt . Tanta est naturæ lapsæ fragilitas , tanta rabies dæmonis ,  
tanta



tanta carnis rebellio, tanta vis pravorum habituum, tanta mundi corruptela, ut nemo securus esse queat. Egent deinde opera, & subsidio nostro, qui peccati nexibus sunt irretiti, pro quibus orandum, ne computrescant in facibus suis: neque enim excitari, & surgere suis viribus possunt, nisi respiciens de excelsis cœlorum habitaculo omnipotens Deus manum porrigat adiutricem. Eodem malo premuntur omnes infideles, quorum innumerabilis turba quotidie ad inferna descendit. Miseriæ verò corporales infinitæ sunt. Multi fame, siti, nuditate, ære alieno, litibus, infirmitatibus vexantur. Alii inimicitijs, persecutionibus, calumnijs, amissione bonorum, carcere, captiuitate, alijsque calamitatibus torquentur. Nec minor illorum miseria est, qui inter spem, & metum cum morte luctantur, in formidabili momento positi, à quo pendet æternitas. In maxima denique necessitate versantur animæ defunctorum, quæ acerbissimis poenis cruciantur, quorum tota spes in viuientium suffragijs sita est. Ad hos omnes charitatis nostræ, & misericordiæ actus, quantum Deus dederit, extendendi sunt, eleemosynis, consilio, orationibus, alijsque remedijs, & officijs salutaribus. *Christus sibi accepta refert quæ illis impendimus beneficia, & de his in nouissimo die cedat.*

*copiosam vobis mercedem reddet.*


## §. XLIV.

*Amandos esse inimicos.*

**H**eroica virtus, & Evangelicæ legis perfectio est dilectio inimicorum, quam Christus promulgavit dicens: *Ego autem dico vobis, diligite inimicos vestros, benefacite his qui oderunt vos: orate pro persequentibus, & calumniantibus vos, ut sitis filij Patris vestri, qui in cælis est, qui solem suum oriri facit super bonos, & malos, & pluit super iustos, & iniustos Matth. 5. 44.* Durum hoc edictum carni, & sanguini, ac propterea legislator mentes erigit ad cœlestia, ut sitis, inquit, filij Patris vestri, qui in cælis est: ut nimirum carnali natiuitate posthabita, secundum illam viuamus, quam in Christo regenerati sumus. Exigit autem non solum ut diligamus inimicos, sed ut illis insuper beneficia impendamus, benè semper de illis, & sentiamus, & loquamur, & pro ipsis oremus, alioquin nec Pater noster dimittet nobis peccata nostra, ut idem Dominus comminatus est: (*Matth. 6. 15.*) Apostolus quoque ait: *Si esurierit inimicus tuus, ciba illum: si sitit, potum da illi.* Tum sequitur,  
*noli*



*noli vinci à malo , sed vince in bono malum ( Rom. 12: 20. ) Ne vincamur ab hominibus , non est in nostra potestate : sed ne vincamur à malo ; id in nobis positum est . A malo autem vincitur , qui mala sibi inferentes odio habet : vincit in bono malum , qui eos sincerè , & ex corde , tamquam insignes benefactores diligit : & si in mala incidant , eis compatitur , eorumque necessitatibus gaudenter , & liberaliter succurrit . Hanc veritatem charitas faciliùs persuadet , quàm omnia sapientum argumenta . Non igitur timenda sunt mala ; quæ verbis , vel factis inferre nobis homines possunt : sed illa potius timenda , quæ ipſi nobis irrogamus odio erga illos , impatientia , & appetitu vindictæ . Sola charitas nos invincibiles , & omni malo superiores facit . *Aqua multa aduersitatum , & persecutionum non poterunt extinguere charitatem , nec flumina obruent illam ( Cant. 8. 7. ) Magnum autem incendium oportet esse , quod inundationibus aquarum resistit .**



## §. XLV.

*Verum bonum amandum:*

**D**Eus nobis summum bonum est , quem iubemur diligere toto corde , tota mente , totis viribus : & huc omnino tendendum est , nec aliud ultra quarendum : huc omnia consilia nostra referenda sunt . Amor enim summi boni omnem in se seruitutem complectitur . Temperantia liquidem amor est , hominem in Deo integrum , & incorruptum seruans . Fortitudo est amor constanter omnia perferens propter Deum . Iustitia est amor Deo soli seruiens , & cæteris , quæ sub Deo sunt , bene imperans . Prudentia denique amor est , ea bene discernens , quibus adiunatur , ut ad Deum pergat , ab ijs quæ illum impedire possunt . Ipsum verò summum bonum non intuitu mercedis , aut proprii commodi : sed propter se amari debet , propter suam bonitatem , qua nihil melius esse potest , cum sit infinita , & finis omnium . Ideò perfectus Dei amor esse censetur , cum omnia bona propter ipsum amantur , à quo , & per quem sunt bona : cum amatur sine modo , ita  
ut



ut voluntas , licet non adæquet , saltem attingat , quantum fieri potest , summam eius , & immensam bonitatem , nullum modum , vel terminum ponens in eius dilectione : cum denique amatur super omnia , quia omne aliud bonum diuinæ bonitati comparatum , quasi nihilum reputatur . Summopere autem cauendum est , ne sensibilibus bonorum usu , & consuetudine voluntatis , vigor , & energia in Dei amore sensim dissoluatur . Etenim ad æterna , & intelligibilia , quia à sensibus remota sunt , tardiores sunt affectus : ad sensibilia autem incitatiores , tametsi illa pluris æstimantur . Deinde natura seipsam quaerit , & cum vaferrima sit , tot fraudes , ut nos decipiat , totque recessus in quibus lateat , comminiscitur : ut vix possimus laqueos eius euitare . Sicut vas plenum accipere nequit quod non habet , nisi prius effundat , quod habet : sic malus mundi amor à nobis excludi debet , ut bono Dei amore repleamur . *Nolite diligere mundum* , inquit Apostolus , quem diligebat IESVS , *neque ea , quæ in mundo sunt* ( 1. Io. 2. 15. ) quibus verbis prohibemur non ita diligere ista , quæ fecit Deus , ut Creatoris obliuiscamur . Pulchra videntur ista , sed quantò pulchrior est , qui fecit

O 2      illa?

illa ? Ista nobis tradidit Deus, ut iis propter ipsum utamur, ipso autem fruamur. Qui extra Deum bonum suum quarit, nunquam inveniet. Qui vero Deum super omnia diligit, ab ipso quoque diligitur : & si ipse nos diligit, quid boni poterit nobis deesse ? Porro ipse semper nos diligit, si ab eius amore nunquam cessamus.

## §. XLVI.

*Amor Dei in quo consistat.*

**I**N hoc præcipuè Dei amor elucet, cum multa pro illo gaudenti animo patimur. Amare enim, est pati, & magis amat, qui magis patitur. Apostoli ibant gaudentes à conspectu concilii, quoniam digni habiti sunt pro nomine IESV contumeliam pati. Affectus teneri erga Deum, atque inde profilientes lacrymæ naturæ effectus sunt, quæ ad affectus præclivior est. Veræ virtutes, & solida gaudia ab amore practico, & obdientiali oriuntur. Qui enim amat, propenso animo, & summa iucunditate, illi, quem amat, in omnibus obsequitur, non timore pœnæ, sed amore iustitiæ, & si quid grave, vel  
durum



durum sensibus illi præcipitur; hoc amor levissimum, & gatissimum reddit. Nec aliam ob causam Scriptura testatur (1. Ioan. 5. 3.). præcepta Domini gravia non esse, nisi ut anima, cui gravia videntur, intelligat se nondum perfecte amare, & à Deo gratiam petat, qua levia & suavia fiant. Laborant in custodiendis Dei præceptis, qui solo timore quæ iusta sint operantur: *sed perfecta charitas foras mittit timorem* (1 Ioan 18.). & levem facit sarcinam legis non solum non prementem, sed iustar pennarum in excelsa sublevantem. Servus, qui diligit Dominum suum, eius præceptis libentissime obtemperat, & quo gravius est, ac difficilius, quod jubetur, eò libentius illud exequitur, etiamsi durissimi labores sustinendi sint; quia nimirum nihil grave, nihil durum amanti videtur. At servus nequam, qui dominum non amat, sed timet, ipsius mandata parvi pendit, variisque coloribus, & integumentis à præstandis domino obsequiis se subtrahere satagit, & eius iussiones eludere. Sic verò Dei amore carere convincitur, qui humanis ratiocinationibus à legis obligatione eximere se studet, laxiores quærens opiniones, & magistros prurientes auribus, qui, ut noxiæ libertati faveant, mandata Dei & Ecclesiæ tot limitationibus convellunt, ut vix

remaneat præcepto locus . Viuunt itaque homines non sicut oportet , sed sicut volunt : quia tot iam sunt de humanis actibus opiniones , vt ferè liceat quidquid lubet . Ante horrendum Tribunal Christi non ex placitis hominum , sed ex lege Dei , & ex veritate iudicabimur . Ibi nulla opinio erit , sed nuda veritas . Scio quidem , non omnem probabilitatem damnandam esse : sed vereor , ne , quod multis probabile videtur , falsum omninò in extremo iudicio inueniatur : vereor , ne nimia opinandi libertas multos ducat in perditionem . Hæc autem non intelligit , nisi qui Deum diligit feruenti amore , semperque parato ad obediendum ei : anima enim per charitatem se totam transfundit in Deum quem amat , fitque ex ipso , & anima vnus spiritus , vna voluntas , sicut dicit Scriptura : *Deus charitas est , & qui manet in charitate in Deo manet . & Deus in eo* ( 1. Ioan. 4. 16. ) Ab hac vnione verum gaudium procedit , quo anima ineffabili iucunditate perfruitur , bonum illud possidens quod amat : atque illi , eiusque mandatis , ac nutibus firmiter adhæret : quia ab ipso , per ipsum , & in ipso omnia sunt quæ possunt desiderari . Hoc autem indicio cognoscet homo se Deo adhærere , & vnitum



tum esse , cùm omne ipsius studium ,  
omne desiderium ; omnis conatus ,  
quidquid sperat , quidquid videt ,  
quidquid loquitur , quidquid intelli-  
git, Deus est .


## §. XLVII.

*Quis sit modus perfecti amoris.*

**I**Nnatum est omnibus hominibus  
sciendi desiderium , & quo plura  
quisque cognoscit , eò amplius scien-  
tiæ appetitus crescit : cùmque ad il-  
lud fastigium peruenerit , vt se om-  
nia scire, atque altissima de Deo se per-  
cepisse arbitretur : summa lætitia, &  
voluptate perfunditur , & scientiam  
amat, tamquam rem optimam , quæ  
tantæ lætitiæ causa est : atque inde  
fit , vt ipsam cognitionem magis amet,  
quàm illud , quod cognoscit . Sic  
Philosophi , cùm cognouissent Deum,  
non sicut Deum glorificauerunt , sed  
euangerunt in cogitationibus suis ,  
seipsos, suamque scientiam amantes ,  
non Deum . Simili modo inter Chri-  
stianos multi sunt , qui scientiam de  
Deo , eiusque amorem pluris æsti-  
mant, & magis amant , quàm ipsum  
Deum , & eius beneplacitum . Diffi-  
cile quidem est speculum affabrè fa-

Etumintueri, quin homo seipsum in eo videat: sed cum Deum quasi speculum lucidissimum contemplamur, licet fieri nequeat, quin & nos ipsos in illo, qui videt omnia, videamus: in amore tamen diuinæ pulchritudinis & bonitatis persistendum est, nulla habita ratione ipsius visionis, & delectationis, quæ ex ea emanat. Alioquin nos ipsos amamus, cum maximè credimus Deum amare. Deus spiritus est, & actus purissimus, ipsumque oportet in spiritu, & veritate adorare, & diligere. quod tunc rectè & purè fit, cum ipsum singulariter diligimus propter se, suamque summam bonitatem, nullo modo ad nos ipsos, nostraque comoda & delectationem respicient-

tot





§. XLVIII.

*Scientiam practicam, & experimen-  
talem magis conferre ad amorem,  
quàm, specula-  
tivam.*

**S**icut rusticus omnis doctrinæ & lite-  
rarum expertus, qui solem quotidie  
cernit, eiusque luce & calore fruitur,  
lumen intensius diligit, quàm cæcus  
multa scientia præditus, qui de luce,  
eiusque causis & effectibus plura didicerit  
ex placitis Philosophorum: ita Deum  
magis diligit simplex, & pius homo ex  
cognitione practica fidei, quàm sub-  
tilissimus Theologus ex sola spe-  
culatione. Sicut etiam vir doctus &  
eruditus in regione septemtrionali,  
in qua nullæ sunt vites, & nemo vi-  
num bibit, de vineæ cultura, deque  
vini potu, eiusque effectibus & pro-  
prietatibus copiosè poterit, & acutè  
differere: sed quia vinum nunquam  
gustavit, practicè nesciet quid sit  
vinum, quomodò lætificet cor hominis,  
quomodò inebriet: nec eam vini noti-  
tiam aliquando assequetur, quam rusti-  
canus vinitor habet, qui vinum quoti-  
diè bibit: ita planè contingit, ut aliquis de  
ple-

plebe, qui nec legere quidem nouerit, alius de Deo, rebusque diuinis scientia experimentalis loquatur, quàm vir magni nominis, qui totum vitæ suæ tempus in studijs Theologicis consumpserit. Experientia siquidem speculationem, amor scientiam excedit: multoque facilius pervenitur ad Deum affectu, quàm cognitione. Omnes igitur animæ vires, affectui potius, & orationi, quàm doctrinæ applicare oportet, si ardentissimum Dei amorem citius consequi desideramus. Amore potius quàm scientia sublimiorem Dei notitiam comparamus, quia amor ipse notitia est, & amando vehementius in contemplatione defigimur, per quam clarius, atque splendidius eum inuenimur. Ipsum amando minùs laboramus, illi magis obsequimur: nam cognitio, quam de illo consequi possumus, in hoc exilio certis, & angustis limitibus conclusa est: amare autem possumus quantum volumus, quantum scilicet ipse dederit, qui sine modo amari desiderat: nec ullus amoris terminus præfixus est. Plerique tamen, stulto errore decepti, malunt semper quarendo, numquam Deum inuenire, quàm amanda possidere.

*Veram*



## §. XLIX.

*Veram Sanctitatem in amore  
Dei consistere.*

**M**andatum habemus à Deo ut simus sancti: ait enim: *sancti eritis, quoniam ego sanctus sum* (Levit. 11. 45.) Est autem sanctitas ab omni labe libera, & omninò perfecta, & omni ex parte immaculata puritas. Sic enim res omnes ex mixtione peioris, & inferioris sordes contrahunt, & polluantur: ut argentum ex mixtione plumbi: vestis aspersione lut; ita anima impura fit, & immunda, cum rebus infimis adhæret, nec prorsus pura, ac sancta esse potest, nisi à cunctis rebus creatis auulsa sit. Consistit igitur sanctitas in omnimoda puritate, & in immobili cum Deo unione, quæ arctissimo amoris nexu perficitur: cum expurgata anima ab omni rubigine terrenorum affectuum, cunctisque rebus celsior, eam iustitiæ perfectionem adeptæ est, ut verè, & secure audeat dicere cum Apostolo: *Quis me separabit à charitate Christi? tribulatio? an angustia? an fames? an nuditas? an periculum? an persecutio? an gladius? Certus sum enim, quia neque mors,*

## §. XLV.

*Verum bonum amandum:*

**D**EUS nobis summum bonum est , quem iubemur diligere toto corde , tota mente , totis viribus : & huc omnino tendendum est , nec aliud ultra quarendum : huc omnia consilia nostra referenda sunt . Amor enim summi boni omnem in se servitutem complectitur . Temperantia quidem amor est , hominem in Deo integrum , & incorruptum servans . Fortitudo est amor constanter omnia perferens propter Deum . Iustitia est amor Deo soli serviens , & cæteris , quæ sub Deo sunt , bene imperans . Prudentia denique amor est , ea bene discernens , quibus adiuuatur , ut ad Deum pergat , ab ijs quæ illum impedire possunt . Ipsum verò summum bonum non intuitu mercedis , aut proprii commodi : sed propter se amari debet , propter suam bonitatem , qua nihil melius esse potest , cum sit infinita , & finis omnium . Ideò perfectus Dei amor esse censetur , cum omnia bona propter ipsum amantur , à quo , & per quem sunt bona : cum amatur sine modo , ita



ut voluntas , licet non adæquet , saltem attingat , quantum fieri potest , summam eius , & immensam bonitatem , nullum modum , vel terminum ponens in eius dilectione : cum denique amatur super omnia , quia omne aliud bonum diuinæ bonitati comparatum , quasi nihilum reputatur . Summopere autem cauendum est , ne sensibilibus bonorum usu , & consuetudine voluntatis , vigor , & energia in Dei amore sensim dissoluatur . Etenim ad æterna , & intelligibilia , quia à sensibus remota sunt , tardiores sunt affectus : ad sensibilia autem incitatiores , tametsi illa pluris æstimentur . Deinde natura seipsam quaerit , & cum vaferrima sit , tot fraudes , ut nos decipiat , totque recessus in quibus lateat , comminiscitur : ut vix possimus laqueos eius euitare . Sicut vas plenum accipere nequit quod non habet , nisi prius effundat , quod habet : sic malus mundi amor à nobis excludi debet , ut bono Dei amore repleamur . *Nolite diligere mundum* , inquit Apostolus , quem diligebat IESVS , *neque ea , quæ in mundo sunt* ( 1. Io. 2. 15. ) quibus verbis prohibemur non ita diligere ista , quæ fecit Deus , ut Creatoris obliuiscamur . Pulchra videntur ista , sed quantò pulchrior est , qui fecit

illa ? Ista nobis tradidit Deus, ut iis propter ipsum utamur, ipso autem fruamur. Qui extra Deum bonum suum quærit, nunquam inveniet. Qui verò Deum super omnia diligit, ab ipso quoque diligitur : & si ipse nos diligit, quid boni poterit nobis deesse ? Porro ipse semper nos diliget, si ab eius amore nunquam cessemus.

## §. XLVI.

*Amor Dei in quo consistat.*

**I**N hoc præcipuè Dei amor elucet, cum multa pro illo gaudenti animo patimur. Amare enim, est pati, & magis amat, qui magis patitur. Apostoli ibant gaudentes à conspectu concilii, quoniam digni habiti sunt pro nomine IESU contumeliam pati. Affectus teneri erga Deum, atque inde profilientes lacrymæ naturæ effectus sunt, quæ ad affectus præclivior est. Veræ virtutes, & solida gaudia ab amore practico, & obdientiali oriuntur. Qui enim amat, propenso animo, & summa iucunditate, illi, quem amat, in omnibus obsequitur, non timore pœnæ, sed amore iustitiæ, & si quid grave, vel  
durum



durum sensibus illi præcipitur ; hoc amor levissimum , & gratissimum reddit . Nec aliam ob causam Scriptura testatur ( 1. Ioan. 5. 3. ). præcepta Domini gravia non esse, nisi ut anima, cui gravia videntur, intelligat se nondum perfecte amare, & à Deo gratiam petat, qua levia & suavia fiant. Laborant in custodiendis Dei præceptis, qui solo timore quæ iusta sint operantur: *sed perfecta charitas foras mittit timorem* ( 1 Ioan 18. ). & levem facit sarcinam legis non solum non prementem, sed iustar pennarum in excelsa sublevantem. Servus, qui diligit Dominum suum, eius præceptis libentissime obtemperat, & quo gravius est, ac difficilius, quod jubetur, eò libentius illud exequitur, etiamsi durissimi labores sustinendi sint ; quia nimirum nihil grave, nihil durum amanti videtur . At servus nequam, qui dominum non amat, sed timet, ipsius mandata parvi pendit, variisque coloribus, & integumentis à præstandis domino obsequiis se subtrahere satagit, & eius iussiones eludere. Sic verò Dei amore carere convincitur, qui humanis ratiocinationibus à legis obligatione eximere se studet, laxiores quærens opiniones, & magistros prurientes auribus, qui, ut noxiæ libertati faveant, mandata Dei & Ecclesiæ tot limitationibus convellunt, ut vix

remaneat præcepto locus . Viuunt itaque homines non sicut oportet , sed sicut volunt : quia tot iam sunt de humanis actibus opiniones , vt ferè liceat quidquid lubet . Ante horrendum Tribunal Christi non ex placitis hominum , sed ex lege Dei , & ex veritate iudicabimur . Ibi nulla opinio erit , sed nuda veritas . Scio quidem , non omnem probabilitatem damnandam esse : sed vereor , ne , quod multis probabile videtur , falsum omninò in extremo iudicio inueniatur : vereor , ne nimia opinandi libertas multos ducat in perditionem . Hæc autem non intelligit , nisi qui Deum diligit feruenti amore , semperque parato ad obediendum ei : anima enim per charitatem se totam transfundit in Deum quem amat , fitque ex ipso , & anima vnus spiritus , vna voluntas , sicut dicit Scriptura : *Deus charitas est , & qui manet in charitate in Deo manet . & Deus in eo* ( 1. Ioan. 4. 16. ) Ab hac vnione verum gaudium procedit , quo anima ineffabili iucunditate perfruitur , bonum illud possidens quod amat : atque illi , eiusque mandatis , ac nutibus firmiter adheret : quia ab ipso , per ipsum , & in ipso omnia sunt quæ possunt desiderari . Hoc autem indicio cognoscet homo se Deo adherere , & vnitum



tum esse , cùm omne ipsius studium ,  
omne desiderium , omnis conatus ,  
quidquid sperat , quidquid videt ,  
quidquid loquitur , quidquid intelli-  
git, Deus est .


## §. XLVII.

*Quis sit modus perfecti amoris.*

**I**Nnatum est omnibus hominibus  
sciendi desiderium , & quo plura  
quisque cognoscit , eò amplius scien-  
tiæ appetitus crescit : cùmque ad il-  
lud fastigium peruenerit , vt se om-  
nia scire, atque altissima de Deo se per-  
cepisse arbitretur : summa lætitia, &  
voluptate perfunditur , & scientiam  
amat, tamquam rem optimam , quæ  
tantæ lætitiæ causa est : atque inde  
fit , vt ipsam cognitionem magis amet,  
quàm illud , quod cognoscit . Sic  
Philosophi , cùm cognouissent Deum,  
non sicut Deum glorificauerunt , sed  
euanuerunt in cogitationibus suis ,  
seipsos, suamque scientiam amantes ,  
non Deum . Simili modo inter Chri-  
stianos multi sunt , qui scientiam de  
Deo , eiusque amorem pluris æsti-  
mant, & magis amant , quàm ipsum  
Deum , & eius beneplacitum . Diffi-  
cile quidem est speculum affabrè fa-  
ctum

Etumintueri, quin homo seipsum in eo videat: sed cum Deum quasi speculum lucidissimum contemplamur, licet fieri nequeat, quin & nos ipsos in illo, qui videt omnia, videamus: in amore tamen diuinæ pulchritudinis & bonitatis persisterendum est, nulla habita ratione ipsius visionis, & delectationis, quæ ex ea emanat. Alioquin nos ipsos amamus, cum maximè credimus Deum amare. Deus spiritus est, & actus purissimus, ipsumque oportet in spiritu, & veritate adorare, & diligere. quod tunc rectè & purè fit, cum ipsum singulariter diligimus propter se, suamque summam bonitatem, nullo modo ad nos ipsos, nostraque comoda & delectationem respicient-

100





§. XLVIII.

*Scientiam practicam, & experimen-  
talem magis conferre ad amorem,  
quàm, specula-  
tivam.*

**S**icut rusticus omnis doctrinæ & lite-  
rarum expertus, qui solem quotidie  
cernit, eiusque luce & calore fruitur,  
lumen intensius diligit, quàm cæcus  
multa scientia præditus, qui de luce,  
eiusque causis & effectibus plura didicerit  
explacitis Philosophorum: ita Deum  
magis diligit simplex, & pius homo ex  
cognitione practica fidei, quàm sub-  
tilissimus Theologus ex sola spe-  
culatione. Sicut etiam vir doctus &  
eruditus in regione septentrionali,  
in qua nullæ sunt vites, & nemo vi-  
num bibit, de vineæ cultura, deque  
vini potu, eiusque effectibus & pro-  
prietatibus copiosè poterit, & acutè  
differere: sed quia vinum nunquam  
gustavit, practicè nesciet quid sit  
vinum, quomodo lætificet cor hominis,  
quomodo inebriet: nec eam vini noti-  
tiam aliquando assequetur, quam rusti-  
canus vinitor habet, qui vinum quoti-  
diè bibit: ita planè contingit, ut aliquis de  
ple-

plebe, qui nec legere quidem nouerit, aliùs de Deo, rebusque diuinis scientia experimentalì loquatur, quàm vir magni nominis, qui totum vitæ suæ tempus in studijs Theologicis consumpserit. Experientia siquidem speculationem, amor scientiam excedit: multoque faciliùs pervenitur ad Deum affectu, quàm cognitione. Omnes igitur animæ vires, affectui potius, & orationi, quàm doctrinæ applicare oportet, si ardentissimum Dei amorem citius consequi desideramus. Amore potius quàm scientia sublimiorem Dei notitiam comparamus, quia amor ipse notitia est, & amando vehementiùs in contemplatione defigimur, per quam clariùs, atque splendidiùs eum inuenimur. Ipsum amando minùs laboramus, illi magis obsequimur: nam cognitio, quam de illo consequi possumus, in hoc exilio certis, & angustis limitibus conclusa est: amare autem possumus quantum volumus, quantum scilicet ipse dederit, qui sine modo amari desiderat: nec ullus amori terminus præfixus est. *Plerique tamen, stulto errore decepti, malunt semper quarendo, numquam Deum inuenire, quàm amanda possidere.*

*Veram*



## §. XLIX.

*Veram Sanctitatem in amore  
Dei consistere.*

**M**andatum habemus à Deo ut simus sancti: ait enim: *sancti eritis, quoniam ego sanctus sum* (Leuit. 11. 45.) Est autem sanctitas ab omni labe libera, & omninò perfecta, & omni ex parte immaculata puritas. Sic enim res omnes ex mixtione peioris, & inferioris sordes contrahunt, & polluantur: ut argentum ex mixtione plumbi: vestis aspersione lutæ; ita anima impura fit, & immunda, cum rebus infimis adhæret, nec prorsus pura, ac sancta esse potest, nisi à cunctis rebus creatis auulsa sit. Consistit igitur sanctitas in omnimoda puritate, & in immobili cum Deo vnione, quæ arctissimo amoris nexu perficitur: cum expurgata anima ab omni rubigine terrenorum affectuum, cunctisque rebus celsior, eam iustitiæ perfectionem adeptæ est, ut verè, & secure audeat dicere cum Apostolo: *Quis me separabit à charitate Christi? tribulatio? an angustia? an fames? an nuditas? an periculum? an persecutio? an gladius?* Certus sum enim, quia neque  
mors,

est illud vnum , quod solum est necessarium , & solum sufficit , vt sancti simus . Hoc maximum , & præcipuum mandatum cæteris suauius , & facilius : quid enim iucundius , quàm amare ? & quis est , qui audeat dicere , non possum amare ? Qui verò Deum amat , qui vnus est , is omnia amat in vno , & vnum in omnibus : & si aliquid aliter amat , quàm in vno , & propter vnum , is Deum non amat , quia aliquid amat , quod Deus non est . Deo nihil superius est , nihil æquale : ideò mens ab illo auerti nequit , nisi ad inferiora , & sensibilia conuertatur , à quibus eleuari numquam poterit , nisi à terrenis emergens , quæ pondus animæ sunt , iterum reuertatur ad illum , à quo infeliciter recesserat . Vt igitur sancti simus , necessarium est à nobis ipsis recedere , & ab omnibus , quæ extra Deum sunt , & ad illud principium regredi , à quo profluximus , totaque virtute illi adherere : nam ibi vnum cùm vno erimus , vna vita , vnus spiritus , vna felicitas.



## §. L.

*Multi sunt vocati , pauci electi .*

**N**ULLUS acrior stimulus pravis moribus corrigendis , vitæque nostræ ad normam Evangelij instituentæ , quàm illa horribilis , & tremenda sententia : *Multi sunt vocati , pauci vero electi* ( *Mattb. 20. 16.* ) si tamen eius sensum intimè penetremus . Nemo enim scit , an illa vocatione sit vocatus , qua secundùm propositum illi vocati sunt , de quibus scriptum est : *Quos vocavit illos , & iustificavit : quos autem iustificavit illos , & glorificavit* ( *Rom. 8. 30.* ) Nemo scit , utrum amore , an odio dignus sit , sed omnia in futurum servantur incerta ( *Eccl. 9. 1.* ) Nemo scit , an ita vocatus fuerit , ut in vocatione sua usque ad finem perseveret . Ad quod profundum secretum cùm pervenisset Apostolus , quasi quodam ipsius altitudinis horrore perculsus , exclamavit : *O altitudo divinitiarum sapientiæ , & scientiæ Dei : quàm incomprehensibilia sunt iudicia eius , & inuestigabiles viæ eius* ( *Rom. 11. 33.* ) In tanto igitur salutis discrimine , in tanta perseverantiæ incertitudine , continuo horrore concuti debet omnis

omnis Christianus, satagens cum timore, & tremore certam facere vocationem suam, ut in fide viuens, quæ per dilectionem operatur, bonis operibus ostendat se ad illorum exiguum, & beatissimum numerum pertinere, quos misericorditer elegit Deus ante mundi constitutionem. Exiguum verò esse numerum electorum, & multò minorem quàm sit numerus reproborum, etiam si solis orthodoxæ fidei cultoribus, exclusis paruulis, qui ante usum rationis obeunt, sermo sit: infallibili scripturarum testimonio multaque indicijs, & rationibus, atque ipsa experientia euincitur. Nam idcò discipulos suos admonuit Christus, multi laboris esse, & extremæ difficultatis viam salutis ingredi, ad quam non nisi per angustam portam patet accessus. *Intrate*, inquit, *per angustam portam*: quia lata porta, & sparsiosa via est, quæ ducit ad perditionem, & multi sunt, qui intrant per eam. Tum quasi admirans subdit: *Quàm angusta porta, & arcta via est, quæ ducet ad vitam: & pauci sunt, qui inveniunt eam!* ( *Matth. 7. 13.* ) Interrogatus etiam apud Lucam, si pauci sunt, qui saluantur: respondit: *Contendite intrare per angustam portam, quia multi, dico vobis, querent intrare, & non poterunt* ( *Luc. 13. 23.* ) Rex David cum



cùm quæssisset à Domino, *Quis habitabit in tabernaculo tuo?* ( *Psam. 14.* ) Spiritu sancto responsum suggerente ait : *Qui ingreditur sine macula, & operatur iustitiam* : Item in alio Psalmo : *Quis ascendet in montem Domini? Innocens manibus, & mundo corde.* ( *Psal. 23.* ) Quis autem potest dicere, mundum est cor meum, purus sum à peccato? ( *Prov. 20. 9.* ) Aut quis audebit asseuerare se innocentem esse, & omni macula carere? Dicit Christus : *Qui non accipit crucem suam, & sequitur, me, non est me dignus.* ( *Matt 10. 38.* ) At Christi crucem quàm pauci amplectuntur? Audiamus Apostolum : *Omnes quarunt quæ sua sunt, non quæ IESV CHRISTI* ( *Philip. 2. 21.* ) Qui autem Christum non quarunt, reprobi sunt. Rursùm ait Redemptor noster : *Amen dico vobis, nisi conuerſi fueritis, & efficiamini sicut paruuli, non intrabitis in regnum cælorum* ( *Matt. 28. 3.* ) Hoc verò si expenderit humana superbia, inueniet absque dubio paucissimos esse, qui per humilitatem, & simplicitatem in naturam puerorum reuerſi studeant. Testatur Apostolus, eos, qui secundùm propositum vocati sunt Sancti, prædestinatos à Deo fuisse, ut conformes fierent imagini Filij sui ( *Rom. 8. 29.* ) At quis est qui possit gloriari, vitam suam vitæ Christi con-

conformem esse ? Quis est qui cum ipso patiatur , vt simul possit glorificari ? Omnibus dictum est : si vitæ ad vitam ingredi , serua mandata ( *Matth. 19. 17.* ) Omnes autem declinauerunt , simul inutiles facti sunt , non est qui faciat bonum , non est vsque ad unum ( *Psal. 13. 3.* Regnum cœlorum vim pati , & violentos illud rapere cœlorum rex testatus est. *Matth. 11. 12.* violentum verò cum sit contra naturam , in paucis contingit , vnde fit , vt pauci omninò sint , qui vim sibi inferre velint , & illud regnum futurum à sensibus abstractum , & solo fidei lumine obscurè cognitum bono sensibus , & præsentī præferre . Quod si stellæ non sunt mundæ in conspectu Dei , quales erunt homines terræ affixi , & in densa sæculi nocte viuentes ? Si omnes iustitiæ nostræ sordidissimæ sunt , vt ait Propheta , quales erunt iniustitiæ , & iniquitates ? ( *Isai. 64. 6.* ) Si iustus vix saluabitur , impius , & peccator ubi parebunt ? ( *1. Petr. 4. 18. 1* ) In arca Noe pauci idest octo animæ salvæ factæ sunt , reliqua omnium hominum innumerabilis multitudo aquis diluuij interiit . Ex incendio infamium ciuitatum Loth solus cum vxore , & duabus



actibus antea actæ vitæ consuetudinem  
in tantis ægritudinibus , temporis , &  
tentationum angustiis ? Experientia  
didicimus , vix aliquem reperiri , qui  
cessante periculo , in proposito perman-  
ferit . Redeunt omnes ad assueta , &  
eorum , quæ metu mortis , vel ami-  
corum exhortationibus , aut huma-  
na prudentia agere decreuerunt , sta-  
tim obliuiscuntur : cùm præsertim  
nemo ferè sit , qui etiam in extremis  
constitutus spem vitæ omninò abij-  
ciat , quæ fraude multos decipit , &  
perdit dæmon . Accedunt languor ani-  
mæ exire de corpore trepidantis , &  
omnium facultatum deperditæ vi-  
res , quæ vix hominem sui compo-  
tem esse sinunt , adeò vt adstantium  
verba actus virtutum suggerentium ,  
aut nullo modo audiat , aut sonum  
dumtaxat vocis , sine sensu percipiat .  
Benè quidem de illorum salute spe-  
rare licet , qui sub exitu vitæ signa  
dederant poenitentia : sed in his nul-  
la securitas est , cuius rei luculentum  
exemplum Rex Antiochus præbuit .  
( 2 . Mach . 9 . ) Cùm enim ad extrema  
deuenisset , sub potenti manu Dei  
humiliauit se orans , & promittens  
illata Iudæis damna refarcire , tem-  
plum exornare : spondens insuper  
se de suis redditibus pertinentes ad sa-

crificia sumptus præstiturum , & ab-  
negato ethnicismo se Iudæum futu-  
rum , omnemque terram perambula-  
turum , & prædicaturum Dei potesta-  
tem . Quis poterat à peccatore plura ,  
& certiora poenitentiae signa exigere ?  
Et hic tamen veniam non meruit , si-  
cut dicit Scriptura : *Orabat scelestus*  
*Deum , à quo non esset misericordiam*  
*consecuturus* , quia nimirum eius poe-  
nitentia, ex metu mortis procedens, sin-  
cera non fuit . Quis hæc considerans  
non contremiscit ? Quis inter tot dif-  
ficultates , & discrimina certam sibi  
salutem audebit polliceri ? Quis non  
trepidabit nesciens, an amore , vel  
odio dignus sit ? Quia igitur pauci  
sunt electi , & fortassis multò paucio-  
res quàm putamus , à multitudine  
recedendum est , & cùm paucis san-  
ctis , electis , & innocentibus viven-  
dum , ut quisque possit, vita peracta ,  
testimonium sibi perhibente conscien-  
tia , iusto iudici Deo dicere : redde  
mihi mercedem , quam promissi-  
sti, quia feci quod iussisti.





# I N D E X

## PARTIS PRIMAE.

*de vita Christiana, eius-  
que fine, & officia.*

- ¶ 1. **D**E tribus generibus Chri-  
stianorum: Pag 6.
- ¶ 2. Tertium genus Christianorum  
describitur. 9
- ¶ 3. Peccatum originale causam  
esse omnium malorum. 12
- ¶ 4. Occasio, & scopus huius Libelli.  
14
- ¶ 5. Cur vita Christiana documenta  
multi discunt, pauci exequuntur.  
16
- ¶ 6. Regulas Evangelicæ perfe-  
ctionis non solis Religiosis, sed om-  
nibus Christianis traditas esse. 18
- ¶ 7. Huius Libelli vtilitas, & ex-  
hortatio ad perfectionem. 20
- ¶ 8. Quam necessaria sit Christiano  
P 3 vltio.

- ultimi finis consideratio. 22
9. Cum omnes velint esse beati ,  
cur non omnes beati sint . 24
10. Omnia ad Deum referenda  
esse pura intentione . 26
11. Unde proueniat , quod plerique  
à fine aberrant . 28
12. Decipimur specie recti. 30
13. Humana vita cursus , & per-  
uersitas . 32
14. Via recta ad finem est , ut  
quisque suam ferat crucem . 34
15. Conditiones ultimi finis , & cur  
ab illo plerique aberrant. 36
16. Alia assignatur causa , ob  
quam multi ultimum finem non  
assequuntur. 39
17. Filij Dei sumus , & eius spiri-  
tu viuendum nobis est. 41
18. Iustus ex fide uiuit . 44
19. Fundamentum vite Christia-  
ne abnegatio sui , rerumque om-  
nium abdicatio. 46
20. Insania hominum qui sponte  
damnari volunt. 48
21. Character veri Christiani. 50



- ¶ 22. Quomodo debeat Christianus opera sua perficere. 53
- ¶ 23. Debent bona opera propria vocationi conuenire. 55
- ¶ 24. Quomodo Christianis viuendum sit. 56
- ¶ 25. Opera exteriora sp̄ritu interiori animanda. 58
- ¶ 26. Operum perfectio vnde oriatur. 59
- ¶ 27. Præsentia Dei utilitas. 61
- ¶ 28. Cur difficilis videatur sanctorum imitatio. 63
- ¶ 29. Omnia ad gloriam Dei referenda. 64
- ¶ 30. Radix omnium malorum est amor sui. 67
- ¶ 31. Amor sui Babilonem edificauit. 69
- ¶ 32. Omnes seipsos quærunt etiam in rebus sanctis. 71
- ¶ 33. Quæ scire debeat omnis Christianus. 73
- ¶ 34. Interioris, & exterioris hominis differentia. 75
- ¶ 35. Quam perniciosum sit falsas

rerum ideās mentē concipere :

76

¶ 36. Tria Christiano necessaria ,  
ut sibi attendat , ut tempus bene  
expendat , ut rectè utatur Sacra-  
mentis.

79

¶ 37. Pœnitentiam omnibus Chri-  
stianis necessariam esse.

81

¶ 38. Signa , & fructus veræ pœni-  
tentia.

83

¶ 39. Peccata leviora , & vitia quo-  
modo corrigi , & extirpari debeant.

85

¶ 40. Viros Ecclesiasticos , & Reli-  
giosos strictius teneri ad perfectio-  
nem.

87

¶ 41. Religiosi suæ vocationis imme-  
mores describuntur.

90

¶ 42. Oportere religiosum à mundo  
alienum esse.

92

¶ 43. Arguuntur qui regimen ani-  
marum ambiunt.

93

¶ 44. Omnibus Christianis necessa-  
riam esse orationem.

95

¶ 45. Quæ dispositio ad orandum  
requiratur.

97

Cur.



- ¶ 46. Cur multi ex oratione nihil  
proficiant. 99
- ¶ 47. Nunquam studium orationis  
omittendum. 100
- ¶ 48. Conditiones bonæ orationis.  
102
- ¶ 49. Gratia, & modus orationis  
duplex. 104
- ¶ 50. Fons omnium bonorum est  
oratio. 106

leu

126

- ¶ 9. Debona, & mala delectatione, & de illorum infelicitate, qui prapostero fine virtutem colunt. 128
- ¶ 10. Opinione viuimus. 131
- ¶ 11. Scientiam salutis plerique contemnuunt. 133
- ¶ 12. Dnmna propriae voluntatis. 136
- ¶ 13. Vitilicas solitudinis. 137
- ¶ 14. Quantum noceant diuitiae, & quomodo illarum amorem compescere oporteat. 139
- ¶ 15. De vsu diuitiarum. 142
- ¶ 16. Qui sint pauperes spiritus. 144
- ¶ 17. Quae, & qualis sit obligatio faciendi eleemosynam. 147
- ¶ 18. Patientiae necessitas. 153
- ¶ 19. Aduersitates exercendae virtutis occasio sunt. 154
- ¶ 20. Patienter ferenda quae quotidie occurrunt. 156
- ¶ 21. Gaudendum in tribulationibus. 158
- ¶ 22. Tolerandae detractiones. 161

Tam



- ¶ 23. Tàm propria quàm aliena  
mala equanimiter ferenda. 163
- ¶ 24. Remedia impatiencia. 165
- ¶ 25. Propria Christianorum virtus  
humilitas. 167
- ¶ 26. Homo per superbiam à Deo  
recessit, & ad illum per humilita-  
tem redire debet. 170
- ¶ 27. Character superbi. 173
- ¶ 28. Incitamenta humilitatis. 175
- ¶ 29. Nihil boni esse in homine, qui  
caret humilitate. 177
- ¶ 30. Qui verè est humilis sibi ipsi  
intentus, alios non iudicat. 179
- ¶ 31. Veri humilis descriptio. 181
- ¶ 32. Oportere humanam volunta-  
tem Divinae subditam, & confor-  
mem esse. 184
- ¶ 33. Omnia de manu Dei accipien-  
da. 186
- ¶ 34. Divinae providentia in omni-  
bus acquiescendum. 188
- ¶ 35. Solum Dei beneplacitum optan-  
dum est. 190
- ¶ 36. Spes salutis nostrae in Deo po-  
nenda. 192

- ¶ 37. Spiritum, & perfectionem Christianæ religionis in charitate consistere. 194
- ¶ 38. De ordine charitatis. 196
- ¶ 39. De dilectione proximi. 199
- ¶ 40. Quis sit modus fraternæ dilectionis. 200
- ¶ 41. Quæ sit vera amicitia. 202
- ¶ 42. Quæ officia amicitiam conciliant. 204
- ¶ 43. Occasiones exercendæ erga proximum charitatis. 206
- ¶ 44. Amandos esse inimicos. 208
- ¶ 45; Verum bonum amandum. 210
- ¶ 46. Amor Dei in quo consistat. 212
- ¶ 47. Quis sit modus perfecti amoris, 215
- ¶ 48. Scientiam practicam, & experimentalem magis conferre ad amorem, quàm speculativam. 217
- ¶ 49. Veram sanctitatem in amore Dei consistere. 219
- ¶ 50. Multi sunt vocati, pauci electi. 222





